

林登州集

卷一至卷三

原序

吾鄉文苑興於近代然而國初已有林元凱先生不知先生者或謂方當草昧海隅崛起漢孰我大耳其知先生者則曰懸隔中原砥行立名非附青雲安施後世子觀元凱蓋兩舍是當公之時括蒼王太史與公同使謂閩有公如毛之有麟甲之有龜國初壇坫博大涵雅金華獨冠一代其序公集許可良至景廉伯仲屈指烏傷公集有喜子充見名之作子充集亦有贈公詩



子克者烏傷也閩海之士草昧之際崛起文苑
金華知之烏傷知之括蒼知之若夫奉使安南
所卻千金萬里之遠冥冥中夜竟能使高皇帝
知之後坐小法乃以其大者信之特書休問二
字自我砥立安在有所附而後施於世哉括蒼
論公所爲詩文皆雄偉軼宕清峻之語曼出塵
表有味乎其言之也凡詩若文清則易弱非有
一種邁往不屑之氣行乎其中安在其能雄偉
軼宕蓋公之峻生於清其雄偉軼宕生於峻清

而弱郊寒島瘦清而能壯則清之一字迺千古
詞人之脉之骨非獨蘇州襄陽一流至於十九
首亦云澄至清發至要焉爾古今之變每每自
清而趨麗枚叔蘇李清於建安晉尙清言而潘
陸已侈於曹劉三謝又侈於太康至唐而忽清
於齊梁所以爲初盛迺知骨脉之貴非不用故
實不用典要語之爲清也雖二陸三謝以逮齊
梁絢爛之極亦必有輕盈澄秀行乎其間但有
至有不至耳文心所至其志潔其行芳不屑一

切故能出之文字播之咏歌濯泥淖而蛻塵埃
以此論公其爲千古一家何疑今梅雪齋使南
登州諸集具在雖與季廸幼文爭鳴夏聲於正
始寧問誰漢誰我耶近者吾社曹能始採閩中
先正風雅以附於十二代詩選昔友張紹和力
搜先生詩偶遺所輯本意甚恨之今其弟煙叔
廼得之散帙中相與纂定予從姑子林渙卿見
之曰我家藏本諸集外尙有續集是登州以後
作無有失墜遂相與再纂而付殺青斯文也顯

於當世晦於百年之後忽遺忽獲若有神物呵
護之者斯已奇已蓋公平生有必不可晦者在
奉使郤金一事文士之行文士之遇莫此較著
青雲氣色固從砥行中生士莫難於知己尤莫
難使人主知己有明文士輩出若公之遇高皇
與北地之遇孝宗至於坐小法不問伏青蒲下
獄立出予每讀先生集談先生此事未嘗不流
涕也

崇禎辛巳一之日郡人王志道序

奉封將金一事文士之管文士之默莫此鍾著
藟之皆祺日帝日蓋公平坐育心不下無苦其
然當世觀於百卒之好惡豈意藟昔有麻醉回



原引

往家聘君選漳詩凡前縑片楮無不探而索之
林登州集則余小子索之其裔者也公著作克
棟世遠言湮遂有散軼余廼從其家藏寫本搜
而緝之以集狐當窺豹心綦苦矣先是黃幼玄
太史謀表章之而聘君覓其原本已亾去每每
恨焉引爲風流罪過聘君旣沒余檢所藏書忽
於亂籍中獲此喜不自禁適王而弘中丞來具
以告之中丞欣然以剗劄爲任而命余爲役第

斷管殘墨都無倫次且字句訛脫余廼稍稍編
次就班又與中丞商畧訛者改之脫者補之始
勒成一家言焉因思文章之合有神而傳有數
閩中文獻落落廼壇坫相望代不乏人若唐有
常觀察而歐陽四門佐之宋有朱紫陽而陳安
卿佐之一主一翼若鼓宮商八明而益彬彬矣
自王忠文開漳來而有登州同時同調衿契之
雅不減唐宋諸公忠文清漳詩云風流今孰繼
林子亦其徒而登州集中亦有喜子克赴名之

什唱余和汝洵一時勝事也客歲魏中嚴給諫
刻忠文集遂令紙貴又一歲而登州集繼出豐
城寶劍一時偕來所謂神也忠文集或傳或不
傳登州集幾傳矣而復失之今得兩先生表章
而二百年剩璣殘璧始成觸目琳瑯則所謂數
也兩先生固自有功前彥而余小子獲以編摩
之役交修二妙間余則幸矣惜不得起家聘君
見之釋其風流罪過之恨耳語曰不恨我不見
古人所恨古人不見我三復斯編不勝墓劍牀

琴之感也

崇禎庚辰蜡月張紹科煙叔書於覓蠹軒



林登州集目錄

卷之一

四言詩

北山堂詩

有序

元帥觀公平寇詩

五言古

題陽山蒼檜圖

次韻顧孟仁遊雲洞之作

贈張子明奉使歸維揚

野翁吟

喜王于克赴召翰相

題採蘭詩

虞姬怨

旅感三章

送周伯章令宜陽

安慶府

白沙山

歐陽文忠公修

文信國公天祥

和熙陽太史廬陵道中作

端谿

廣西舟中

嘉魚亭次韵

峒中婦 有序

播村隘

厥里隘

獠處隘

龍州溪亭小集有作

又得舍字

贈張坦扶祖櫬歸閩

重登飛來寺得來字

韶州謁虞帝廟

采蘭山之椒為達道

監邑賦

畦樂軒

權氏春暉堂

璜溪漁隱為姜用 作晦

聽竹軒

愛日堂

陟岵軒

賦得采石送子昭歸

金溪

題愛慤軒卷

五言古

題范文綱青雲別墅

題望雲卷

送王子俊都司經歷

蘭雪軒

送沈部掾歸里

發安南

舸齋詩

牧魚軒

青水洋

黑水洋

送葉子實之南安藁

送都潤士歸鄱陽

題松江釣者圖

上僉憲代林伯永

贈主簿

宿明極上人房分韻

得客字

代上人賦當字

上美叔知司

贈李一初

五月上日奉陪梅所知司子實大尹泊

諸友會於黃氏讀書亭分得日字

贈陳仲福蘭盆會首

書呂誠夫進士金環詩後為薩達道同

年贈

奉次韓景昭縣尹移文封贈感夢二作親

七言古

題吳希貴爲徐將軍畫海青圖

題錢氏鐵券卷

題李伯時二馬圖

題黃誠甫鐵樹開花圖

題彥璋劉簿秋山讀書圖

慈溪孫氏瑞萱

贈初山居長老

卷之三

七言古

大勝驛阻風

席中次熙陽編修韵

姑山行

辰之作

次韵王編脩九日趙守禦買酒長句

望成山

贈商橘所

題溪聲月色圖

林

卷

三

贈碧溪道士

壽上人

贈美叔掾郎

贈洪氏設齋供

壽員外長老

贈靜山太醫李君

贈溫縣尹二首

君仁掾郎榮膺府檄

政贊邑琴敬頌俚謠少伸賀悃

仙人謠次達道鑒錄韵

古心上人顏其禪軒曰愛松林梅隱氏

爲作圖索子賦詩因走筆題之

十四禽祠奉答顧孟仁

徐梅所知司席上以榴花命題得萬字

齊雲亭奇石歌 次徐梅所座主韵

次柏軒先生韵爲梅所徵君壽

和南圃老人龍巖書事

雙柏軒歌爲黃君復院長賦

卷之四

五言律

次韵楊秉中縣尹春日病中述懷 十首

題王佐山人畫 題王廷珪畫

十八灘

三首

英德舟中

江西送郭中敏還廣東

除夕

人日

彭澤重登潮音閣追和陶叅政韵

平南縣

題林德仁永思堂卷

羅時用之浦江令

題小林居圖

竹居

梅屋

望雲圖

題孫積中哀劬賦後

題方廣圖

芝峰精舍次韵

和胡梅所除夕述懷之作

題雪齋夜讀圖贈別呂宗周

至正戊戌春季道莆過方遂初縣丞是

日 至興化邑訪邑長實達道醉中

偶作

七言律

答胡梅所菊節有懷

問胡梅雪病併想山居之樂

二首

予友李君彌卜居東郭翛然自樂錢君

孟道爲作圖題曰東郭獨隱索予賦
詩便爲書此

贈冲和道人
三衢程君璋氏訪友

臨漳將歸賦此以贈

題張櫟里畫
送伯千之北上

送友歸永嘉
題南樓

偕洪元質遊南巖

別章仲明用前韵

題漳浦白鶴嶼

有序

過盤陀嶺

芝峰月夕次韵性初

上人足成茶溪公口占之作

次徐梅所座主訪龍江書院有感之作

再用韵二首
丁酉元旦二首

和韓南勝二首
閏九月重陽前一日

奉陪梅所知司遊員山謁康仙祠卽

席次韵二首
再次韵一首

次王子實縣尹韻

謝姚省吾博士招飲次韵

再用韵呈姚博士

賦得人日不陰
深青道中

姚省吾教授
賦得水田白鷺

送許輔之歸隱
次倪孟明集藥名之

作呈徐梅所座主二首

題老牛舐犢圖
次堂郎司天韻二首

題櫟里畫
相士潘碧山久游江

湘間今以武功爲石白司警濱行索

詩漫賦以贈

壽徐梅所生朝不遇

卷之五

七言律

用章貢甫尚書韻別吳君濟掾史

海漕使京停舟雞嶼呈朱伯厚明府克

明邑尉

桃花洋
秦皇廟

送吳允思之南海令

題張將軍百勝圖

傅子敬之浙西憲副

武夷萬年宮

送林煉師歸武夷

送宋仲衡歸金華

寄題安慶譙樓

答倪子京

題陳王墓

輓陳和卿三山別駕

中秋翫月二首

輓夏待制

小覺初上人歸永嘉江心寺

送郭廣文

竹隱為富州丞題

竹山隱居為豐城黃尚英題

西村隱居為遶城羅時用題

送豐城張叔同之隴西縣丞

送盧仲膚之會寧主簿

白雲孤飛圖為鄔烈翁主簿題

贈少林寺松亭長老

洪武三年四月望日同牛典簿王編修

奉使安南陛辭

發京

舟過彭澤

望匡廬

滕王閣

徐孺宅

豐城呈王熙陽太史

臨江

廬陵逢端午

用韵贈高允令巡簡

南康縣

次張志道學士與龔

景端詩韵

次王太史韵呈廣東

幕僚

次王編脩韵呈涪州

劉大守

答劉蒼雪通守

答倪子毅省郎

伏波廟

壽佛寺用太史韵

再用觀子毅省郎韵

南寧府三首
左江七夕得牛字

河字

西字

伏波臺

至安南次王編修韵

答牛士良典簿

發安南次牛典簿王

編脩韵

再用牛典簿韵

贈黃林隱

牛君士良使還日南晝行左江之涪偶

於清灘得一小石頂跡五寸許其色

不列少集
目錄
深綠媚秀潤麗宛若峰巒之聳立熙
陽王君見而愛之牛君不靳因特贈
焉王君賦詩以謝君復答之併次其
韻用助二君清話二首

答安南使黎元譜二首

清江小隱圖爲趙希員題

曲江逢至日 用韻贈濮彥章

贛州嘉濟廟用王編修韻

次滕仲弘叅政見贈韻

題鄭生雲谷卷

卷之六

七言律

贈謝元初秋山高隱圖

題嚴州陳氏會慶堂

贈公恒歸天台

梅溪詩爲蔡宗玄賦

陳子高之永新丞

安溪劉令復任 道聶克敬歸省

木石州集 目錄
題方壺王維詩意圖

題鄧氏澗亭 李教授之臨江

胡氏讀書樓 橋市樓

次張敬修雪中趨朝

灌氏寓思樓 送侯同知之漳州有引

送鄭景賢邑教歸金華葬母

倚李伯康使君韵

海上 呈克明縣尉

次韵王克明三首

予遊武夷道經三山買舟西禪浦值晚

雨投宿山中寺僧杞巖義剛曲相款

接因書此詩以訂後會

贈明之入京 次達子升清明感懷韵

次馬編脩奉別韵

題方漳浦自述詩後

會越僧津斷橋 次韵徐梅所知司謁

龍江精舍之作 山萬里圖

用韵述懷 次林茶溪經歷韵

再次林茶溪韵奉姚省吾博士

贈新溪金如山 題江山萬里圖

題張櫟里為曹景温畫雲山圖

送酒一壺與張櫟里

金陵贈友人 鐵柱

贛州 南安道原書院

庾嶺 清遠峽飛來寺

贈通事官阮勳 次蕭文煥教授韵

答莫季龍 鄭節婦

廣州江亭次熙陽太史韵

謁張文獻公祠 謁余襄公祠

和韓南勝四首之二

南雄太守葉景龍政成入 觀

雲石軒為葉彥實賦

菊圃 洪武十年再奉使安

南還道經豐城留館驛父老乞留題

急筆賦此

辛亥正旦呈牛典簿王編脩

卷之七

五言排律

贈別甯義甫率掾二十韵

贈王同野閩史福建三十韵

江洞書事五十韵

贈添迭都判府二十韵

縣尹相公平寇策勲賦詩為頌

別胡景昭

五言絕句

題菘菜

題樹萱堂

題白雲堆

七言絕句

波江八景

蕉寺晨鍾

呂橋夜月

黃村晚照

阮浦春潮

球浦烟帆

浪灣雪網

棠堤春雨

橘塢秋霜

河船口占八首

題寒花鶴鶉圖

題江山卧遊圖

題子昂人馬圖

題雜畫九首

猫

犬

馬

鼠

龍

鴛鴦

鸚鵡

雙雀

喚起

珥江驛口占八首

龍州十首

韶石

荻港舟中

題壽萱圖

海山秋思圖為樂清鄔知縣賦

題鳳山圖

題朱孟辨臨墨竹

題王章紅梅

題危中書所藏林和

靖墨蹟

有引

題林間清逸圖

題梅雀圖

師夔令尹竹樹石圖

以寄其友黃君復紀別時之景也閱

而有賦二絕

題山窓秋色圖

書羅彥周畫扇

馮性之以顧定之墨

竹寄其友方時舉題曰清風來故人

索賦一絕

為袁能伯憲使題墨竹

題方壺子墨竹 夜夢亡友林伯永有

風憲之除覺而賦此

題熊自成雙鶴圖

題柯敬仲墨竹

杏林圖為楊從善題

題黃尚英墨竹

為張叔同題江城送

別圖

題熊自成紅梅

藤州

題黎省之唐馬

題聽雨軒圖

操

石泉操

辭

望雲亭辭

風樹亭辭

梁谿辭 有序

詩餘

贈別陳都事萬年歡

送孔子遠少府歸東甌木蘭花幔

戊戌中秋日南城溪樓小集卽席分韻

得微字敬賦木蘭花爲允元學錄壽

卷之八

送序

送邵武司李馮公之官序

送憲府從事鄭君懋夫序

送實達道之官興化序

送呂伯原應辟閩憲序

送張以仁言事閩省序

送葉掾歸閩省序

送孔叔元長泉山書院序

送孔善夫序
送林明之入京師序

送長泰尹王夢臣序

送高善父歸閩序

送李一誠教授寧德序

卷之九

送序

送李仲高歸省序

送葉教諭歸建序

送彥文使旋序 太守陳侯使歸序

聶檢按北上序 馬翰林易之使歸序

呂志文歸閩序 唐大年歸姑熟序

送實菴師使歸序

送同安丞劉君赴閩省序

送李本仁得告歸覲序

送伯啓之官夔州序

卷之十

送序

送張玄略之夷陵校官序

送袁時習之沔陽學正序

祝季清歸省序 送蔡孔昭再令上饒

送序 送吳起潛歸省序

送董文昭教浦城序

送蘇郡倅王君復職序

送翁毅弘歸省序

送陳一原復職聊城序

送林純夫職教龍溪序

送程士貴歸省序

送韓君子煜之官海門序

送史子玄之忻城丞序

卷之十一

送序

送羅宗禮之官陝西序

送韓繼學之官瑞州序

送蔡郡萬僉憲引年歸里序

送國子朱士文歸省序

送王德常守韶州序

送王德章之官保寧序

送安陞學正劉謙亨序

送國子聶莊歸省序

送蘇用賓歸里序

送贈傅希說序 送李宗仁秋滿序

送指揮龐侯之燕山序

卷之十二

贈序

柴德善秩滿序

唐君大年綜政龍溪序

代唐大年贈王伯疇序

贈黃伯仁吏滿陞府史序

龍溪尹鄧君朝陽政成序

汪彥通辟掾序 黃君德明攝教序

長泰令鄧侯新政序

龍巖簿劉君新政序

贈林子方序 贈陳執中序

卷之十三

集序

陽山蒼檜圖詩序

柳江送別圖詩序

梁山樵唱集序 華川王先生詩序

秋山高隱圖序 喜雨詩序

塊漚集序 梅隱詩序

夏指揮遊赤松觀詩序

夏指揮春日倡和詩序

白雲孤飛圖序 熊太古詩集序

琴隱軒序 望雲軒詩序

卷之十四

集序

壺山圖詩序

報德庵詩序

浣花漁者詩序

夢彩堂詩序

玉雪齋詩序

會川樓詩序

南雲詩序

雲山惜別圖序

題胡敏中哀吟詩序

竹山黃氏族譜序

航溪朱氏族譜序

方氏族譜序

張氏墓祭卷序

古雪軒詩序

卷之十五

記

隆壽法濟新寺記

漳州新建府治記

豐城縣改建東嶽廟記

好古樓記

似無軒記

歸樂軒記

卷之十六

記

南園記

懶雲居記

嘉慶堂記

九疊山房記

壽萱堂記

卷之十七

記

燕坑朱氏瀟峰祠記

聽雪蓬記

雲溪堂記

退思齋記

野航亭記

質軒記

卷之十八

詔

賜占城國王詔

誥

贈梅遵祖誥

封梅殷母丘氏誥

表

梅思祖謝恩表

箋

梅思祖謝恩箋

頌

大祀禮成頌

漳州新城頌

贊

墨仙贊

廣成子贊

達泉贊

了野贊

篔簹翁小像贊

易道初小像贊

涂府史玉山卷贊

牛典簿像贊

坦然贊

傳夢賢小像贊 廬隱贊

箴

周伯章寓齋箴 張士進知愚齋箴

銘

淡省齋銘 知止齋銘

思貽齋銘 拙菴銘

適安齋銘 正心齋銘

習靜軒銘 湯氏舊笏銘 有引

三友軒銘 崇志齋銘

卷之十九

誌銘

東宮常氏壙誌 杞國定襄陳公壙誌

鎮國大將軍林公壙誌

指揮使胡公墓誌

鎮國將軍丘公壙誌

蘭軒潘君墓誌銘

貢元周先生墓誌銘

故直翁孫公墓誌銘

林母楊氏墓誌銘

福建帥府都事蘇公墓誌銘

清菴居士墓誌銘

卷之二十

誌銘

故巡檢墓誌銘 益齋王先生墓誌銘

梓堂隱君墓誌銘

逸士林君墓誌銘

竹泉胡君墓誌銘

岐山張君墓誌銘

良翁楊先生墓誌銘

逸士蔡君墓誌銘

林生壙誌

馬婦王氏壙誌

卷之二十一

墓表

暉堂劉先生墓表

神道碑

開國輔運推誠宣力武臣榮祿大夫柱

國東平侯加封鄆國公謚義安韓公

神道碑

傳

元亞中大夫漳州路達魯花赤迭侯傳

方簡夫義節傳

漫客傳

朱隱老傳

蕭昶傳

稼軒高士傳

文烈婦翁氏傳

誄

櫟山張先生誄

些

蓉峰宋先生些辭

祭文

祭元嗣君文

祭公使人陳明文

祭周先生文

卷之二十二

說

宗澤字德濬字說

積中字說

友聞字說

常平道人說

天淵說

一齋說

解

寓軒解

文

東崗洲定光堂上梁文

疏

法濟寺報恩塔疏

上元天官疏意

卷之二十三

題跋

書驪塘危先生墓銘後

書虎溪待渡圖後

書徐永愚所得趙虞二公翰墨後

書西臺慟哭記後

書狄梁公進諫圖

書丘孝子傳後

書張起鳴松楸圖後

書王氏所錄遺文後

書棣萼軒記後 書敬齋卷

書倪仲遠山水卷

書平林烟雨圖 書張欽一小景圖

書黃誠甫言志賦後

書趙子昂馬圖 書馬拜後說

題蔡端明手蹟後

跋童中州和陶詩後

跋豐城曲江孫長仁族譜後

書張師夔枯木圖

書靖上人隨任吟藁後

書陳所翁畫龍 書周君玉安患軒後

書莊少師示兒語後

書張師夔所藏康里子山書捕蛇說後

書馬翰林易之楓亭女篇後

書王無息小傳後

書高仲暉進齋卷後

書何執中所藏趙松雪帖

書柏齡字說後

書豐城周仲聞所藏周石鼓秦琅琊二

碑法帖後

跋歐陽公與蔡君謨手帖後

題豐城劉孝子仲安卷

題豐城徐以觀卷後

跋豐城航溪朱光孚詩集後

題周伯溫書圭齋所作揭曼碩貞文書

院記後

題八雁圖

題趙文敏與袁禮部

書簡

題東坡畫

題姜德之墓銘後

題羅稚川畫

題王文壽族譜後

書黃閔中詩卷後

書道伏龍虎圖

馮錫華撰畫

馮王文壽題詩

馮美善之墓誌銘

馮東武畫

馮人鳳圖

馮文煥與袁慇詩

劉時銘

馮用書主德以不...

知豐斌筆采光平精其翁

馮豐斌翁以購卷

林登州遺集卷之一

閩漳林唐臣元凱著



同郡王志道而弘定 裔孫興楨侯重梓

後學張紹科煙叔纂

四言詩

北山堂詩

有序

汪君世良居開化之北山常構堂以奉二親
既入為天官不得承顏朝夕因命畫者作北
山堂圖并記其別時之景蓋思之切故以是



而寓其情度幾一目之頃少抒倦倦云爾序
而詩之者既詳且切予讀之有感于中因推
詩人之緒而爲之言
瞻彼北山其下有堂堂有甘旨吾親是將胡爲
乎來于鍾之阜鍾有北山匪我之舊我思北山
思之永嘆庭有長椿堂有藜萱椿之茂矣萱之
秀矣悠悠我思曷云觀止有圖有詩莫慰我思
北山之歸我心則夷自古在昔以忠爲孝勗爾
世良是則是效

元帥觀公平寇詩

元受天命率土悉臣三陲晏帖孰謂凶人闕徼
之絕橫生矛橐大肆羣疑將吮民血蝟鋒螳斧
推威過隅蟻聚烏合至于我郭錦股紅首蹠跟
呶吼謂此孤墉可以計誘桓桓觀公實維分藩
奮臂一呼貌虎髯掀公曰勿暴以駭我師猛兕
在柙半就梟夷逆酋匪茹悉衆來赴脩我戈矛
我備以豫盜未至郊士已越關載戰載捷如飛
如翰爭先逐北狼獾驚踣戎府大開以受訊馘

盜之方熾我民無所盜之既平我民安堵如枯
而蘓如潤而濡孰生我人公仁之敷公日噫嘻
匪予之勲皇仁遠屆帝德好生民食而祝我公
之粟民居而思我公之屋願公壽康登庸廣堂
匪澤一郡式福多方狂斐小子幸際燕喜爰述
誦言遂歌泮水

五言古

題陽山蒼檜圖

瞻彼陽山岡蔚有蒼檜樹密葉含清暉繁枝滋
零露秋蘭隔芳洲春草迷長路游子兮歸來山
空歲云暮

次韻顧孟仁遊雲洞之作

端居感流序躍馬城東道卉木競華滋山水政
清好於焉息塵營聊復事冥討細泉響巖竇幽
禽囀林堡憑高一長嘯坐覺天地小登臨二三

友况復富詞藻側塞林中花丰茸原上草物情
方向榮樂事當及早古來賢達士閱世猶昏曉
豈無大藥資弱流隔蓬島所以日飲酒愁腸頓
如掃憶昔雪齋翁故山早投老風磴遊日多雲
龕容膝少人歸山寂寂空宇塵渺渺念此重躑
躅淒然亂懷抱人生若山水繁沃倏枯槁淡谷
尚爲陵大陸乃成沼塵跡當焉如而不終雜擾
浩歌振林壑大白浮顛顛毋令磊魄曾徒自嬰
苦惱滄波復東注白日忽西倒帝鄉邈難期征
帆送飛鳥安得凌風翰蕭蕭升蒼昊

贈張子明奉使歸維揚

幕府張佳士乃是張公孫華裾照秋水彩筆輝
朝暎不作山澤癯弓劍思高騫東風紫駟馬白
日薇花垣草檄氈雪合擊楫江水渾旣殪豺與
虎復潛蛟與龍魯連貨無取介子功不言長揖
謝上官振袂歸故園揚子夜月權竹西春雨尊
於焉得真樂暫爾忘塵喧南山霧隱豹北海風
搏鷗時哉奮高舉萬里賓帝闈

野翁吟

野翁本儒士頗有山水緣葛巾石壁挂藜杖春
雲穿文章不自銜質實全其天淡嗟流俗人二
氏習已堅親歿不土葬焚尸骨已捐野翁泣爲
言五避禮所先焚棄固足罪拘忌亦可憐流俗
聞此語涕泗皆潛漣純孝能錫類人心本同然
彼哉濁世人心跡與書懸高價售名譽捷徑媒
寵權諄諄教孝義野翁真世賢

喜王子充赴召翰林

聖皇啟明運日月麗中天幽微靡不燭草野無
遺賢夫君樂嘉遯邈在金華川一室坐虛白十
載窮太玄翳翳舍西桑涓涓屋頭泉君子思括
囊志士催着鞭鶴書白日下束帛何弋弋光華
喜云近獻納知所先江右暫借潤漳南重安邊
三月已報政千里如解懸當宁淡眷注求舊資
周旋金閨昔通籍石室今紬編絲綸王言布黼
黻人文宣真儒幸徵庸疲民思惠鮮而我惜遠
別中心抱悃悃士生貴大施外職徒縈牽及茲

飾鴻業百世當無前玉堂有餘暇早寄新詩篇
題周伯虎採蘭詩

光風汎崇蘭流芬散中林草木被餘薰山水發
清音蕭艾一何繁霜露日已淡伊誰愛芳質於
馬間冲襟獨有君子人皦皦同貞心采之未盈
掬價重雙南金逝將紉華佩遠鄙瓊與琛重將
鼓遺操邈繼南風琴淳風未云喪振古猶斯今
虞姬怨

君王萬人敵賤妾萬人憐昔有絲蘿托願言金
石堅云胡竟失勢恩情不終全騅馬驕不逝楚
歌聲四喧君心爲妾苦妾身爲君捐嗟君氣如
虹創業未八埏恨妾命如葉事主無百年遊魂
遂驚塵怨血濺流泉妾死亦已矣君行當勉旃
江東地雖小星火亦可燃願身化孤燕隨渡鳥
江船

旅感三章

洪武丁巳春同吳太史伯宗再奉使安南得
疾道中有作十月歸次劍江疾稍愈稿呈劉

伯序

今晨秋節至涼風動庭柯美人白團扇臨風發
清歌歌聲出雲表哀響亦何多落花不上枝逝
水無回波妾顏亦易改君恩當柰何

其二

驅車秣吾馬萬里涉遠道遠道多險艱行李何
草草晨征夕未息川陸漫浩浩行役豺虎區此
身不自保明當脫塵羈優游以終老

其三

長風吹明月流光入高樓起坐彈鳴琴清聲滿
樓頭一曲操將歸四座增離憂吾身匪金石衰
謝宜歸休爲郎已白首馮唐更何求

送周伯章之宜陽令

有序

曩余令豐城知伯章周君之賢欲薦之而伯
章以親老辭今年春以太守王侯舉來京師
上御華蓋殿親賜問焉已而授宜陽令嗟乎
士患無所立不患有司之不明聖世之或遺
也伯章抒其素蘊見於設施譬猶刃發于硯

木石小集 卷一 七
矢出于服隨刃而解應弦而中吾知其無所
滯也故於其行賦此以贈

峩峩嵩高山泱泱洛川水山有栢與松水有魴
與鯉之人蘊奇抱一出宰百里騎馬嵩洛間仰
高玩清泚宜陽古赤縣瘡痍猶未起子行職承
宣况乃明政理弩力奮聖朝卓魯豈專美

安慶府

連山亘城西長江走城東岡阜紛起伏濤爭

怒雄汎覽古舒國永懷青陽公

余闕字廷一旅
心元忠臣

餘救卒千載當兵衝狂瀾日以潰砥柱嗟獨崇
弱矢繼蒿剡悉檄通蠟筒謀身貴食肉殉國思
匪躬慷慨望西拜烈日明丹衷封墓昭聖德建
祠勵臣忠百年等一歿千古留清風疇能識公
心願起文山翁

白沙山

放舟匡廬陰遙望揚瀾曲湖寬衆水鍾江窄雙
峽束剛風吹白沙草木失青綠初疑雲滿山又
似雪連谷深壑尚爲陵滄波或成陸矧茲沙力

微日與風相逐我聞大磧西風沙常起伏溪者
壕塹鑿高者岡阜築此事奚足疑泚筆書所矚

歐陽文忠公修

文忠俊邁才身值熙盛世侃侃樹忠節堂堂決
大義文章擅家法浮靡振時弊四賢稱慶曆重
輕實公繫補袞成天功荷橐禪國是平章五代
史炳若春秋義天方昌斯文公獲申厥志臺閣
詐爲寵郡縣豈云棄所思在稷契君臣堯舜似
六一謾自名醉翁聊自記汝南終老心西江敦

本意風流與文采至今光後裔我來鄭公鄉懷
賢增仰企崇祀屬多故揭虔慨無地低頭拜東
出千仞鬱蒼翠

文信國公天祥

信國英特才身值叔季時士類旣推首相業良
在茲鞠躬盡勞瘁天必濟艱危是時北風競腹
脊離四肢青蓋已洛陽黃豔猶海湄大厦梁棟
傾孰云一木支江閩戰屢屛星火勤王師妻子
豈暇顧國家苦憂思一死不得遂兩縛焉足辭

皇天暗白日大地崩四維益州運告終回谿超
空垂義節臣所仗成功天實爲文山高峩巍文
水清漣漪忠魂識故路古屋遺荒基哀哉吟嘯
集千載有餘悲

和熙陽太史廬陵道中作

我本山林人偶作江海客及茲指南征頗苦炎
暑劇溽雨暗江浦潦水日已積飛流出高樹栖
苴在絕壁舟小畏湍駛石亂驚峽窄仰觀冰雪
屋俯瞰鼉鼉宅涉險豁壯心弔古悲陳跡江干

彼何神縹緲畱廟脊歲時走巫祝牲酒紛狼藉
我行不暇禱風至卽挂席但令飲量寬何卹吟
骨瘠蒼莽江雲秋霏微山日夕候吏致慙懃慰
我遠行役吾生當有營匡時可無策天王今聖
明萬里如咫尺外服廣懷柔內治浹綜覈幸復
際雍熙焉能守迂僻山豹隱霧文溟鷗振風翮
納納乾坤大皦皦日月白願成越裳書庶以禪
丘索

端谿

域風氣各有限朔南殊俗習川陸異物產江險
不可堙山高不可挽土風固云惡善調亦已罕
飲食當慎節起居在和衍心清體則夷氣正神
自散修短有命存達人常坦坦山果紅堪羞江
魚白堪饌閒來惟酒杯醉後卽茗椀臨風歌此
詩聞者當一莞

嘉魚亭次韻

危亭敞華構飛闌俯層城羣峰多古色雙溪有
餘清憑高恣遐眺竹樹如將迎蒼梧一何遠縹
緲孤雲橫願言徃從之塵土在襟纓嘉魚躍潛
鱗幽鳥鳴新聲茲土雖信美我行亦有程詩招
何水曹酒乞阮步兵朗吟叫仙翁拂劍同南征
回首望遠島萬里弱流平

峒中婦

使有自南還者艤舟龍州江干見二婦焉一
婦喜色見顏面一婦哭甚悲詢之則皆以被
掠入峒一得贖歸其一未贖者也使憐其陷
於獠也以白金三兩贖之將以給歸其親婦

竊念家久無問不知親存亾否且於獠夫未
忍忘情夜遂遁去使不復問噫使亦義人哉
作峒中婦爲述其事

種樹莫種柳花飛不近枝生子莫生女骨肉終
棄遺嗟嗟峒中婦失身隨獠夷父母與兄弟八
年不相知東家有鄰女今朝得贖歸一歸一未
返慟哭淚滿衣官船誰家郎問之爲歔歔婦泣
且再拜蠻音致哀辭郎呼獠來前我贖免孤悲
白金入獠懷健婦留江湄中宵竊心計故家或

衰微親在猶足賴親歿將何依獠夫固匪良枕
席久無違揆然夜奔去恐爾背恩私捐金寔郎
心重報寧汝期人情易反覆婦性輕別離古來
丈夫士尚甘志節虧君看蘇李泣遺恨河梁詩

播村隘

溪洞有餘險播村扼南夷逕小石齒交樹古藤
脚垂亂竹無人伐槁折何離披林杪天一竅雲
密不得窺舉步卽脅息間關風磴危日夕未出
隘我僕皆告疲嗟爾戍守人創殘百戰遺餘生

亦何幸際此明盛時

厥里隘

疎雨度密樹秋暑未能清入林足雲氣隔竹多
水聲十步一涉澗苔石紛縱橫僕夫失脚屢况
乃流潦盈陰木總自斃恠禽時一鳴遠客在畏
道落日豺虎驚前村喜近驛曉曉烟火明解鞍
不暇食佇立嗟吾生

獠處隘

山行已厭倦况復多阨塞日南僻遠地實藉此
爲國暑雨溪谷盈溪樹崖崦窄斷虹收晚照百
里帶暝色獠人瞻使輅方舟齊衆力爲言前朝
初此地交兵革至今空山中鬼哭陰雨夕所願
職貢修吾儂其服役

龍州溪亭小集有作

旅懷感留滯朋情增鬱陶及茲晤語際少慰道
路勞危亭入窈窕秋色何蕭騷野菊披山逕幽
蘭蒲江臯俯視霜露繁仰觀天宇高
清歌發華席凝眸送輕舸山川悲九辯塵土嘆二毛何以

不飲酒徒用心忉忉流光亦易失行樂隨所遭
君看龍江水東流日滔滔

又得含字

季秋氣始肅風日猶清醜林亭愜幽賞復此停
征驂涼柯商素發夕景嵐翠含興適恣沈飲喧
遠諧極談安得凌風翼遐舉南天南

贈張坦扶祖櫬歸閩

靡靡歲年邁肅肅鴻鴈飛霜露淒以下遊子悵
懷歸江水東南流浮雲西北馳念子方在疚星
辰中路違屏營把征袂涕泗紛交頤子行勿夷
猶努力及壯時表表樹先德榮名以爲期

重登飛來寺得來字

招提翳蒼峽棟宇何雄哉飛樓壓雲起危亭俯
江開樹古閱變化徑側緣崔嵬晴峰儼如人爲
我度水來清心入幽迴曠視遺紛埃飄蕭風外
竹的皜霜際梅孤嘯發靈籟微吟盡淡盃豈無
出塵想柰此征鞍催仰觀崕石刻其人骨已苔
悠悠山水暉行行重徘徊

韶州謁虞帝廟

快雪過青澗初霞隱丹岡登臺望韶石乃在江
之陽薄言薦蘋藻再拜瞻宮墻當宁儼遺像巍
巍垂袞裳二女肅觀內四臣森侍傍緬邈懷明
德伊昔勤省方薰弦播淳音遐服被餘光儀鳳
已高逝神虬尚深藏濯纓虞泉清振衣越山蒼
千載過化地詠歸矢無忘

采蘭山之椒爲達道監邑賦

采蘭山之椒山溪路透迤澗石嚙我足松露沾
我衣愛此芳菲質步澗遂忘疲有美絕代人宛
在水之湄貌服蕭修靚皎若幽蘭姿舉衽效瓊
贈庶以永所思從茲結芳佩歲晏無相違

畦樂軒

種蔬東湖上雨過青甲長乾坤動生意萬物生
輝光凌晨荷鋤斲毋使蔬根傷採之供朝饌庶
飽藜藿腸豈無食肉者珍羞滿前行吾生安所
分此樂詎能忘

權氏春暉堂

皦皦三春暉萬彙均煦育深恩類母慈拊畜還
顧復所以純孝人名堂表裏曲堂前樹芳萱堂
後種慈竹顧惟寸草心効報將安足春酒泛朝
霞彩衣炫晴旭百年慶日誠葵藿信同欲太史
行采詩凱風篇再續

璜溪漁隱爲姜用晦作

湯湯礪溪水邈在渭之陽淺有鰈與鮒深有鱖
與魴伊人事直釣乃獲玉中璜姬與呂爲輔青
齊國以昌寥寥千載後有孫育于姜璜溪學漁
隱牧野慕鷹揚君子慎所履用舍隨行藏願持
丹書篇獻之明聖皇

聽竹軒

屢居邇闌闌入耳皆市囂偶坐竹軒中便覺塵
慮消好風自南來萬竿戛青霄秋聲落庭宇天
籟鏘瓊瑤灑灑雨初入霏霏雪紛飄蛟龍舞黃
咸鳳鳥儀虞韶

慶日堂

親年僅滿百子有千萬期蒼蒼東隅日忽忽薄

崦嵫所以孝子心
睠焉惜餘暉
長繩願終繫
長戈願常揮
庶俾桑榆景
永照斑斕衣

陟屺軒

朱君純孝人
宦遊古豐水
有母在高堂
鶴髮垂兩耳
海雲天一
方家山地
千里水湄
開小軒日
夕歌陟屺
啞啞夜啼
烏返哺故
林裏睠惟
寸草心效
報將曷已
顯揚實大
孝溫清乃
常理願言
鸞誥榮千
載光信史

賦得采石送子昭歸金溪

江干艤蘭櫂
言登采石山
上有蛾眉亭
下有千丈灣
偏懷謫仙人
昔游水雲間
玉堂不可留
翩然御風還
君今勇辭歸
於焉越河關
呼酒一醉之
陳迹重躋攀
雲林鬱嵯峨
金川澹潏潏
去去甘棄置
逍遙樂餘閒

題夢慈軒卷

淒風動亭樹
驚鳥啼故林
之子在遠道
永懷寸草心
音容若著存
悲愴孰能任
仰觀昊天高
俯視滄海深
曷以報罔極
涕淚在衣襟

林登州遺集卷之二
巖崎風戩吾令畏
鞬鞬伏焉燧瓦關
判獸一酒
交營辭對蘭山人
昔款水雲間
王堂不
可留臨
玉干
難蘭
對言
登采
石山
土
有
烟
骨
亭
干
百
干

林登州遺集卷之二

閩漳林唐臣元凱著

同郡王志道而弘定 裔孫興楨侯重梓

後學張紹科煙叔纂

五言古

題范文綱青雲別墅

靈峯出闌闌
濯濯青芙蓉
喬雲豁朝暉
竹樹森
扶疎中有隱
君子憑高結
茅廬
植蘭被長坂
引泉注清渠
喧然市塵中
有若林野居
客來觴我

酒客去讀我書人生貴適意圭組將焉如

題望雲卷

英英天際雲有若遊子衣孤雲常在望遊子行
未歸親舍渺何許心與雲俱飛願爲故山樹孤
雲日相依

送王子俊都司經歷

昔我少壯日躍馬青齊墟濟南我先里於焉从
踟躕歷下亭已古趵突泉尤疏酌泉洗心目翹
首天海隅送君憶壯遊念欲與子俱君行贊戎

府兵政資謀謨四海方救寧邊鄙如庭除籌帷
多暇日翻傳無急符持此三寸管制彼丈二笏
男兒志功業惜別何區區君看東隅日忽忽薄
桑榆努力及盛年終始慎勿渝

蘭雪軒

崇蘭被堂下積雪滿墻陰以彼潔白姿契此貞
固心芳馨曾不改凜冽信能任君子尚貞白軒
居幽以深因之發清嘯起坐彈鳴琴一彈猗蘭
曲再鼓白雪吟蕭艾紛盈室塵土遮滿襟願子

留深意千載返淳音

送沈部掾歸里

衡門樂棲遲考槃其寤宿達士遺圭組幽人在
林谷湯湯南湖水上有讀書屋胡爲嬰世網言
歸返初服游魚出芳藻鳴鳥集灌木於焉得真
趣遽爾忘寵辱明當脫朝簪分子湖一曲

燄安南

奉使豈無狀遠國方被兵貢物已上道陪臣反
留行爲言林邑人急攻安南城舉國出避難勅

敵難爭衡此輩舊卵翼前朝荷生成方物奉職
貢附庸通姓名爰自歸版圖邊圉恒相驚安南
古內地儒書守章程哀衣與博帶矛稍非所營
疆場時彼此蠻觸何輸贏聖皇先有旨柔遠務
息爭峩峩漢銅柱千載表南征天威倘一臨海
山鏟可平所願邊塵息永被皇風清

舸齋詩

人生穹壤間有若虛舟浮所貴宦海中濟人闡
深謀乘風破巨浪擊楫橫中流丈夫足壯懷志

士多隱憂夫君抱長材
峩峩萬斛舟眼空江海
天胸蟠雲夢秋齋居以舸
名紀我萬里游開窓
山歷歷推戶風颼颼
流水遶門前嘉樹森屋頭
依稀剡溪曲髣髴湘水洲
携杖動蘭漿哦詩間
權謳時來奔走憇庶以清
心眸人生有用舍行
舟有去留野渡橫豈久
巨川濟須舟雞鳴獨起
舞雲海何悠悠

牧魚軒

西山曉來雨方池忽已盈
芳草漾微波中有羣
魚行晴軒一俯視感我齊物情
嗟爾遠靈沼何以樂其生
投食俱失時插棘虞禍嬰
幸免涸轍枯恒恐校人烹
江湖非不大網罟紛縱橫
逝將縱巨壑待爾鱗鬣成

青水洋

吳江東入海水與天色竝
波濤堆琉璃一碧三
萬頃曉黛浮空濛春藍漲
溟滓南泛浩無涯北
接安有境莽莽合蒼靄
翳翳沒白景鯨鯢聚窟
宅天地設陷阱我行監漕
貢瞻言赴京省舟楫

多艱虞行役增戒警望洋意茫茫戀闕心耿耿
緬思承平日皇風被溪嶺迢遞一介使萬里無
寸梗云胡鞠荆杞周道莫驅騁戎馬方紛披廟
謨賴維罄庶得近依光絕勝遙引領詎復憚勤
勞乃遂忘忠鯁南風蓬底聲西日帆外影蕭蕭
征衣裳薄暮有餘冷浩歌叫馮夷慷慨心目醒

黑水洋

吾聞黑水洋乃在梁雍域胡爲東注海萬里尚
流黑豈伊水潏黝遠近一墨色舟師爲我言北

來此其厄風微舟如膠風急舟若射每驚黑風
起坐見黑雲塞天地爲黥慘不辯咫與尺過者
必齋禱恐爲蛟龍得古來奇丈夫夷險無所擇
宗慤破長風思効報國力張騫窮天河克任開
邊責王事當賢勞人生少安適惟願天戈揮九
州剗荆棘履道達康莊傳命達郵驛譬之四體
安元氣貫血脉海若歛風濤受職永無慝悠悠
江湖心天南在天北

送葉子實之南安幕

離離原上草密密庭前柳游子一寸心故人幾
回首春暉盪繁綠朝雨清宿垢駕言理征旆去
去事升斗此行詎足念棄梓舊墟藪種竹應成
林植蘭已盈畝蕭蕭奉板輿怡怡酌春酒人生
重榮養所志敦素守奇寶奚足稱脩名諒無朽
河海渺川瀆泰華空培塿願言高遠期珍重經
綸手

送都潤士歸鄱陽

白雲在江東或在南山阿美人惜遠行看雲愁
柰何驅車適故道千里遙關河鳴鳥出幽谷奔
鹿馴陽坡壯游豈不好流景驚易過君子樂臺
萊游子悲蓼莪明發不能寐去意寧逶迤湯湯
彭蠡澤浩浩揚瀾波征颿挂長風蘭芷春香多
酌子以卮酒侑以驪駒歌離憂勿擾縈壯心期
靡他南山有喬松千尺長枝柯珍重凌雲姿清
陰遍蓬莎

題松江釣者圖

輕舟何處叟坐釣松江湄松根繫我纜松風吹

我絲青山生遠樹白日明清漪但得酒可醉何
愁魚上遲磻溪獵車至嚴瀨鶴書移出處孰得
失問翁翁不知

上僉憲代林伯永作

熙朝右文德風紀資儒臣治效良在茲慎選惟
其人君侯西州彥風起南海垠壯圖邈雲漢素
學存經綸白日勤繼晷青雲思致身三獻蓬萊
賦一躍龍門鱗遊鯤待風舉螯夔須雷伸名登
金榜曉宴錫璫林春榮祿一以厚所思在澤民

黃堂重判筆剖摛如有神薇垣蜚舉早楓闕承
恩新擁節謝西楚驅車入南閩陽和藹寒谷明
月當秋旻旣攬范滂轡復埋張綱輪遂令駑駘
質獲望駢驥塵菲菲衡與杜采采漳水濱芳菲
未盈尺聊以抒微恂高臺有寒栢廣庭有長椿
持此一寸草千載報君親

贈王薄

兵塵起淮甸烽烟到閩陬郡邑多失守田里誰
爲謀不有英俊人孰憂我民憂明公濟時士義

氣橫清秋鄉閭歸堡障民瘼賴以瘳履畝得公道團兵有良籌枌榆青樾繁桑麻綠陰稠遂令東鄉民耕鑿樂休休鸞鳳肅儀羽枳棘難久留行將奮鵬翮萬里雲路脩捲海洗炎暑沛澤均南州

宿明極上人房分韻得客字

仲冬氣已肅幽懷耿寒夕走訪山中人聊共慰岑寂山人眼如月好文復好客揖客開竹房燈光四窓射爲言時多虞車馬徒役役崇蘭汎餘芳踈梅粲新色鳴琴合清歌香饌間重席薄醅情更好清坐心自適逝將謝囂紛於焉脫羈勒豈無一樽酒爲子塵慮滌秋衣裁白雲夕餐煮白石玄鶴兮歸來山空霜霰積

代上人賦當字

塵居苦喧囂禪房愛清曠及茲淹信宿俗慮俱滌蕩是時仲冬秋南天寒未壯微雲忽已收薄霜猶可望從席羅嘉蔬開樽出清釀惟應効真率安用學排當形忘飲頗狂耳熱歌自放詩成

一絕倒琴罷倍惆悵淳音風雅前古調羲軒上
哇淫雜棄濮雉雉牛鳴益願言復心聲千載起
淪喪

上美叔知司

我峩紫芝山湯湯柳江水嶷嶷陳知司長材抱
奇偉華裾粲雲霞芳佩襲蘭芷種薇山之椒栽
蓮水之涖蓮香秋益清薇花晚逾紫草檄疾何
痊出奇敵自靡艱難政需賢通濟况如子行當
振家轂庶以光世美高步登雲霄奮身脫泥滓
勿着從仕衫願聽尚書履

贈李一初

魚人

巖巖岱宗山道遠不可卽悠悠黃河水源深杳
莫測至人抱玄道高浚與之則我欲往從之瞻
忽徒役役安得縱壑鱗願插凌風翼沿流載窮
源登峰一造極夫君抱幽尚生此聖哲鄉清暉
方被物旭日升扶桑豈不念遠道努力及青陽
况復際清時肅肅宜高翔龍馬出滎水鳳鳥鳴
周岡千載文明瑞願言揚耿光

五月上日奉陪梅所知司子實大尹洎諸
友會于黃氏讀書亭分韻得日字

積雨豁新霽清和美風日幽草萋以繁嘉樹蕩
初密危亭肅清敞盛集任真率豪飲徂徠六能
文建安七蘭香襲佩纒竹色映書帙於焉憇塵
勞聊以慰煩疾俛僴曳長裾慷慨投巨筆役役
着街馬沾沾處禪蝨但願尊有酒此生醉中畢
君看彭澤翁有田惟種秫

代贈陳仲福蘭盆會首

人生在穹壤百行孝最先墨氏知所本尤見心
同然葬親厚夷之救母哀目連陳君有媯裔至
孝紹前傳首倡報親會心誠供佛筵金盤浮赭
果玉盆吐青蓮遂令蚩蚩氓罔極思旻天結草
念春暉薦菊悲寒泉頽人善錫類曾子幸歸全
矧茲履霜露疇能效埃消感君純篤心涕泗皆
潛然名教力以植鄉閭化斯宣瀾瀾漳江水峩
峩霞山巔仁者必有後努力希世賢

書呂誠夫進士金環詩後爲薩達道同年

贈

皇帝二十載盜起東南隅蘖芽旣不剪滋蔓遂
難圖荆吳虎兇逸閩粵狐鼠呼薩君濟時彥昂
昂千里駒誓爲國討賊愧死偷全軀投彼三寸
管執此丈二爰轅門上籌策幙府叅謀謨孤軍
懸深入殺氣塞盜區外無虵蟻援勢失事已殊
攢膚交逆刃十死復九蘓從容就縛縛談咲視
刀砭酷刑曾未施晼晚日已晡夜深忽作夢玄
甲神丈夫示以金環玳驚寤悲喜俱神驥忽解

繫文雉初脫罩山空霜月寒凜焉駭狂奴迷途
若或指獨行若或徒始知忠義士實藉神明扶
生還偶得遂壯節終不渝反側賴安奠強梗隨
誅鋤呂侯好奇者作歌爲揚揄願持獻
天子載剖旌功符

奉次韓景昭縣尹移文封贈感夢二親做
大鈞播羣品亭毒一元氣人得秀而靈中立配
天地睠惟異禽獸寔由識倫紀篤孝盡子職立
愛自親始罔極終身慕不忘永心矢韓侯聖賢

學魏公忠孝裔粵自英妙年已與流輩異顯揚
企前修繼述念先世家嚴振有期書澤流未已
一官豈祿澤十年爲親仕甘旨幸父存髫鬢悲
母逝得母諒已難事父當不易過庭習詩禮淑
鄉敦德義善行遵聖經嘉言徵信史東隅光莫
駐西山景何恃空輿木風哀不逮菽水味古來
忠孝門多出忠義士惟理所可爲雖身不暇計
擊楫祖逖誓攬轡范滂志赤心但守一素節詎
移二驛騎方南歸鷺車亦東指香紅汎蓮幕新

綠近榆里人欽喬神君職優習鑿齒宰邑應時
需親庭思日侍我殽既有嘉我酒亦云旨莫能
養親生曷以慰親死邑令得疏封天朝有常制
紆朱秩亦卑焚黃情愈至吾親苟與榮此官殆
將棄白日書贈文孤雲凝遠睇菜堂痛椿萱鄉
林慚杞梓子心一何悲親魂端可致清夢繞庭
闈薄宦忘邊鄙恍若稱壽觴惚如奉盥器怡愉
接父顏慈柔見母氏應效嬰兒啼猶作斑斕戲
覺來憂思集凄然霜露履精神信交孚感召乃

若此作詩載紀哀臨風幾揮涕我生在膝下亦
有顯親意未能潘輿奉僅得毛檄喜秋雨西泉
扃母魄已深閉春風藹家塾父訓幸聞禮詩篇
誦一再心目頓清泚朝盤欲忘飡夜枕悄無寐
脩名曾未立世味空復嗜振後以光前在此不
在彼旣無致身術曷盡爲子理遺經絕編韋淡
墨虛榜紙青雲孰嚙手清泉思洗耳羨公孝有
初生得奉滌滄羨公孝有終死得三鼎祭錫類
美穎人全歸善曾子忠孝豈兩途君親如一事
大綱久淪斲頽風政披靡願言力扶植庶以起
衰替千秋萬歲名無愧賢與智

七言古

題吳希貴爲徐將軍畫海青圖

黑風吹海海水立 銀山萬丈高 截岌天吳歛浪
天爲濕蛟龍 掀舞出復入 羲和着鞭六龍急 扶
桑曙色光燁熠 金鳥飛上百怪蟄 一碧萬頃秋
可挹海東之鷲怒 翔集片雪飄蕭雙翅戢 浪花
滾滾石濺濺 攬身向日思遠及 錦鞞金鏃不可
繫 憶我挂席東海東 海雲海水浮空濛 神鷲時
來休雪羽 玉立蒼石吹剛風 吳君此畫將無同

奇氣矯矯橫秋空將軍屏帳寧久容便當飛入
天九重駕鸞奮擊層雲中四野狐兔無留蹤

題錢氏鐵券卷

唐錢瑒武肅王強弩射潮
事洪武二年奉旨徵至謹

身殿
觀之

剛風吹地九土裂仙李根拔孫枝折白馬不飲
濁河血羅平妖鳥啼未歇斗牛萬丈騰紫光炯
炯餘彩輝太陽鏡湖泚筆寫露布石室剖券分
天章金爲臣心鐵臣節臣身吳越心魏闕其悲
羣盜竊神器猶喜諸孫存故物黃金樓閣高倚

天寶氣白日浮雲煙電光忽開天爲笑摩挲銅
狄千百年君看錢塘鐵作箭潮頭東去江如練
箭鐵未銷券未磨帶礪山河當復見

題洪元質墨竹

今代畫竹稱妙絕李公息齋趙松雪天風吹墨
落人間一幅千金香未滅今君筆勢清且揚直
與二公相頡頏千林露滴翠葆濕萬竿風拂琅
玕長山齋晝閒快一覩錯落篆籀猶遺古鳳凰
飛去蒼梧雲鷓鴣啼破黃陵雨人言無敵勝有

巖畫思何如詩思清馮君爲我寫梅雪歲寒結
此泉石盟畫開外一
贈寄雲道人
寄雲先生寄雲居與雲卜隣相依於白雲無心
酷我似我亦浪跡真雲如閑來倚松看雲起紫
煙衣上涼如水清霄沆瀣落水壺滿挹瓊漿和
玉髓飲罷身輕隨鶴飛乘雲一去渾忘歸吾身
與雲皆寄耳白衣蒼狗誰是非

題李伯時畫二馬圖

龍眠二馬人共誇連錢青驄白鼻騮雙韁短絲
繫枯柳八蹄寒玉攢輕沙我疑鄭公抗疏日天
廐雙龍賜遺直又疑拳毛獅子花蘭筋權奇皆
俊骨四郊無壘三邊平汗血謾作千里行君不
見賤工棄置在一蹶得似身閑飽蕩秣

題黃誠甫鐵樹開花圖

刺桐城西仙母家百年種德如種花春風吹暖
滿庭院坐見鐵樹開瓊花瓊花的的簇丹穗仙
母見之一驚異人名此樹狀元紅偶爾開花必

爲瑞阿兒讀書五車多解來瑞應期無他寫圖
寄之喜欲舞題品直上金鑿坡玉堂多士誇珍
奇何異漢室生金芝赤花光照永春縣黃家瑞
應無終期

題彥璋劉簿秋山讀書圖

龍川簿領山東劉家住營丘山之幽讀書山中
松桂秋自言嘉遯勝宦游寒光落日低草樹綠
野平蕪接蹊路書樓遠在山深處下視人寰莽
回互有時清誦落澗谷山風蕭蕭壑雲暮山風

忽吹牙籤落壑雲不掩紅光露世間清樂在山
居人生真樂惟擁書山中擁書樂其樂求如君
者能幾歟梅邊隱君得隱趣執筆寫景成畫圖
披圖浩歎非故吾箠楚未脫勾稽拘何當拂袖
歸林廬携書我欲君與俱秋山猿鶴驚相呼

慈溪孫氏瑞萱

慈溪邑中慈孝門云是孝感孫鍾孫朔風飛雪
滿慈竹北堂愛日開瑞萱宜男喜見二雛好母
也忘憂以終老庭下時紅棠棣花堦前不綠王

孫草歌罷凱風三嘆歎青天萬里滄溟深

阮信道家牡丹

市西亭館花若林牡丹一朶千黃金麗華朝倚
望僊閣天下美人皆陸沉東風枝頭滴紅露春
意不如花意深主人剝勸竹葉酒飛作彩雲何
處尋

贈初山居長老

豐城小巷口香社寺僧

劔江東望山如龍水勢曲與山相從山盤

屋音氣所鍾山曲日盤山居山人居其中碧眼

白首顏如童長日跣趺坐高春懸河大口談空
空寶花散落隨天風萬年香社人所宗千章喬
木陰重重崢嶸華構交青紅我來作邑豐水東
思懷瓣香加敬恭我本有髮老僧翁誤落塵網
徒匆匆淵明結社意亦濃但恐酒狂不相容作
詩先此詢遠公

送李廣文歸鄱陽

王羅廟前江水流鯉魚風起蘋花秋美人錦帶
珊瑚鈎釣竿歸去明月舟腰間寶劔三尺雪蒼

龍夜鳴紫光掣酒酣起舞心耳熱一曲滄浪水
雲裂
我
思
木
空
自
首
齋
叟
童
灵
日
岷
起
坐
高
春
懸
西
大
口
精
空

林登州遺集卷之三

閩漳林唐臣元凱著

同郡王志道而弘定 裔孫興楨侯重梓

後學張紹科煙叔纂

七言古

大勝驛阻風

龍江驛前連日雨風帆暝投勝河浦風高急雨
浪如山舟子魂飛客心苦客心莫苦行路難百
年身世誰獨安君不見玄真子釣游之樂樂未

已扁舟猶在風波裏

過采石

謫仙昔醉采石時酒翻宮錦春淋漓眼空四海
無餘子江風江月吾心知江風吹酒酒不醒舉
杯邀月還對影願將江水變春醅一醉千年長
醉酹雲臥八極凌倒景人間萬事何足省夜郎
歸來逾五嶺逸才壯志嗟不騁丈夫胸次存耿
耿有酒不飲真不幸我來酌酒江之濱春草幾
綠三尺墳當年有孫爲收骨捉月之說誰爾云

騷魂已遠招不得千年相對空相憶浩歌一曲
清淚滴江水滔滔風瑟瑟

舟中次熙陽編修韻

大通驛前大江滿星槎有路通交州川雲映水
白可染浦樹過雨青欲流奉詔漢臣愧陸賈能
詩越客如湯休同舟况有同心侶買魚酤酒吾
何憂

姑山行

小姑水中立大姑水中眠獨立不僵眠不醒俯

仰一萬二千年江前大彭郎山上五老仙阿姑
與爾相盤旋蓬萊弱水幾清淺王母眉黛秋霜
鮮阿姑顏色猶依然我疑銅仙人手揭金莖墮
江邊又疑達磨師足遺隻履歸西天人間百歲
春夢短長眠長立嗟無緣小姑大姑真可憐江
花江月恣留連巨鰲戴其趾玄鶴巢其巔江流
如箭石不轉千古萬古無崩騫安得羽翰凌八
挺時來遊戲姑山前與姑同壽一萬餘三千

和王太史潯州遇生辰之作

攝提貞秦祭星七奎文流輝炯如日括蒼之山
氣鬱鬱山在處州鍾清毓粹餘四表先生生世良不
惡讀書靜觀世得失丘園賁帛徵遺才石室細
編膺峻秩今年奉旨使日南山川涉歷難一一
旅途忽屆初度期中夜喜得新夢吉覺來淡念
劬勞恩憶昔常在父母膝祇今二親弗可見每
至茲辰愁復結江城酒美君莫傷山驛詩成我
能筆親恩廣大當效報王事馳驅敢求逸木綿
八月開瘴花西風滿帆應到家古來忠臣卽孝

子王遵叱馭張乘槎

粵西山水之窟宅山妖水恠鍾奇石巨靈戲擘
真宰惜野火不斷波不泐千仞壁立萬鐵積往
徃猶帶太古色嵌空幽窈誰削刻望中常在雲
雨黑龍鼉出沒鱗介浮虎豹踞蹲牙又礫古苔
暗蝕春雨痕細草晴薰曉雲膩翠屏巖巖靜宜
對青空點點光可摘我生亦有米芾癖幾欲再
拜向蒼壁但恨移置不可得山齋花嶼成岑寂

平原人去空荔薜良嶽魂歸失松栢鬻賣曾無
再世畱運致何勞萬人力天生物性貴自然玩
物喪志真無益江干林麓時一見未必不如臺
榭側此言試問石丈人定應點頭答行客

次韻王編脩九日趙守禦置酒長句

左江溪洞龍陽底外與安南接疆鄙安南方物
貢王廷路入中華自茲始一從臣表至南京使
者徃來相踵趾趙侯守郡當孔道迎送不憂每
加喜我行持節夏秋交風雨瀟瀟滿江水慙慙

郊迂更遠出踈踏晨叅常早起感君屢開北海
尊愧我久留東郭履歸途忽遇重九節蠻菊未
看三兩蕊殺核駢羅眩醉眸管絃幽咽清塵耳
盈盈秋水映芙蓉淅淅天風吹桂子華筵賓客
皆芝蘭故園山川有橋梓登高作賦驚一時世
職安邊傳百祀莫言使節如貫珠湏信天威不
違咫尺四海混一三陟清願同擊壤康衢裏
再望成山回萬八天土

東南海水浮天地千頃萬頃波無際舟行旬月
不見山忽見青山欲流涕青衣赤髮黃帽郎吳
中竄能稱竄強見山起舞索酒飲衆工喜怵皆
若狂云是成山東海陽鐵山一髮遙相望樓船
直駕山中央依稀可見齊魯疆潞河沽水已不
遠願豁喜目寬愁腸憶我昔日觀國光東登岱
嶽臨太行龜蒙鳧繹在眼睚海雲海水相蒼茫
十年壯遊三萬里觀嶽無山海無水祖龍石刻
空莓苔小白堂封幾荆杞安得海水化甘露淨
洗寰宇清氛稜相如早與論封禪金泥玉檢昭

來今

和理夢中作

神山三島高嵒嵒弱水萬里流淙淙紫貝爲闕
珠爲宮仙人環侍金玉童我侯好生德彌隆帝
令下與民阜豐漳南廟祀優褒崇一壺靈藥康
濟功千秋香火神感通應物無心霜鏗鐘及人
有澤雲從龍幽贊造化冥漠中先後送子大小
馮功叅司命渺莫窮我來對越加敬恭翛然塵
慮空心胸授我吉夢煩神聰有燁二簡詞藻雄

覺來清明氣在躬山青月淡烟空濛恍惚仙佩
聲璫瓏春風一笑出王公採芹泮水波溶溶安
得插翮追長松

題秋浦捕魚圖

秋風吹溪溪水寒長楓落盡枝頭丹漁郎舉罾
得雙鯉烹魚煖酒歡婦子江亭有客秋望遙青
烟漠漠山迢迢沙頭落日呼渡悉舟子無言倚
篷立誰其畫此老稚川使我一見心茫然依稀
艤權涔陽浦髣髴開樽采石渡安得坐我茅亭

中葛巾相對三老翁買魚沽酒燒野荻拚與渠
儂醉終日

贈商橘所

吾聞四老商山隅采芝茹草歌唐虞一朝片言
翼漢室九鼎垂覆隻手扶又聞橘中有二叟其
樂不在商山後乾坤不改日月長局棋相對何
勝負商君元是商山英種橘作所名以稱雲根
三秀青草暗州外千頭紅照明拂衣石竹巖前
月躍馬黃金臺上雪九重樓閣虎關深萬里風

雲鵬路濶玉堂仙侶知己多揭來天上聽鳴珂
白袍簪筆立溫室金匱細簡登鑿坡新豐斗酒
歌一曲御溝十見柳條綠燕霜已敝季子裘洛
水誰推賈生轂高堂歸去鶴髮新袖有薇檄堪
娛親人生出處貴適志官秩崇卑何足論三華
洞口山如戟日倚長松看秋色杏邊瑟罷石壇
香藻畔墨餘池水黑我生江海氣不除十年書
劍遊清都明時謾學采芝隱壯來擬遂攀桂圖
作詩贈君意疇昔汗漫相期須努力明朝携手

釣龍臺雲繞三神天咫尺

題溪聲月色圖

人間無價雙白璧月色溪聲共寒碧暮雲卷翳
天茫茫秋水生波風瑟瑟道人興與庾公高扁
舟載月凌雪濤洞簫赤壁漫嗚咽琵琶潯水空
啾嘈何如二美足觀聽鏘鏘鳴璆掛明鏡潯溪
可洗巢父心嬋娟解照潘郎鬢一機石動鷗鷺
閒瀆景却向圖中看晴窓爲君一披拂耳根眼
睫生秋寒我生江海歸未得山月溪風總相識

明當重賦招隱翁從子藍橋訪仙跡

次韻贈竺芳上人

竺芳上人張旭徒酒酣喜作聯綿書千軍筆陣
氣不除百尺霜蔓神不枯鐘磬石鼓迹可摹跟
肘詰曲相盤紆上人馳騁分隸餘腕指所至心
意俱大書雄健虎負嶠小字清麗川藏珠旣不
太縱亦不拘此道奚用分墨儒人言我書閩南
無每對筆研增噫嗟千年篆籀變須臾競逐姿
媚何區區俗耳厭聽于薦于淳音遐想太古初

吾師高步先哲衢懷素智永相奔趨一笑嗜好
醜酸殊會令紙價高東壺淋漓醉墨烟雲如榴
皮謾寫東老之酒壚

贈碧溪道士

金華洞中牧牛仙叱石飛去三千年却騎白鶴
下人世溪雲山月相留連青蛇三尺滑秋水白
日風雷生袖裏綠章扣額箋天公鐵檄役兵驅
早鬼南州三月土烟生坐見春野無餘青都將
精意斡元氣要使憔悴回欣榮我聞神仙足官

府蒼生蘇息無辛苦願師擲劍碧空中大滄江
淮洗兵雨

壽上人

豪山高處看南極壽星煌煌明佛國山中佳氣
曉鬱葱十丈喬松拂秋色山人似是廣成仙麻
衣如雪巾如烟朝飡霞光禮紅日夜披雪意看
青天紅日表爾千金相青天弘爾千頃泐佛燈
祖印妙心傳力與明門作龍象旃檀一瓣爲南
豐祥烟願遍八閩中後三千歲從赤松上祝聖

壽天與同

贈美叔掾郎

黃堂紫府多神仙
畫戟森衛香凝烟
美人風格野鶴似
高步迴出雞羣先
日長粉署綠陰滿
玉立東風珥銀管
綵衣香染垣薇春
翠幕清臨水花晚
青梯紫閣日躋攀
仙翁一笑開春顏
壺中自有飛騰藥
何勞薪水燒九還
丈夫三日當刮目
安能混迹在塵俗
君不見華山老隱君
時來召對黃金屋

代贈洪氏設齋供

羣山東驚如飛龍
文山孤峙高凌空
綠水環遶青芙蓉
中有貝闕蓬萊宮
華光五帝遊法窟
四月八日叅前佛
一天花雨散曼陀
滿地香雲靄祥靄
山前車馬襍還來
綺羅十里紅紫堆
多君傾橐具清供
春風士女歡顏回
須知作善神所福
果報兒孫今可卜
要將事業繼三洪
豈但芳名在鄉曲

壽員外長老

羣峰天竇西飛來茂林幽壑相縈迴福山中峙
太古色紺樓璿殿凌雲開雲間一珠光萬丈圓
外瑩中明月相森森寒彩凜夔夔炯炯神毫肅
龍象始知此寶天下珍山輝川媚草木春瓊花
一孕開曇鉢紫芝三秀生法輪福山高與壽山
列蒼松不凋椿不拔山中酒熟桂花發年年來
醉中秋月

長歌爲靜山太醫李君贈

靜山仙人李耳孫濟世善學李少君神樓一教

妙天下千載道檢流清芬世間桐君與竹祖誰
與巖崖蘓疾苦我時分節向南來相逢一笑漳
江許萬金良藥雙玉壺刀圭取效瘡痂除生平
心鏡澹如水照人熱惱埃塵無我欲贈翁無長
物撫劍長歌對明月東風珍重杏林春吹作漳
南漳鄉雪

贈溫縣尹

雙溪水遶新縣綠溪上桑麻春雨足雞犬不驚
牛犢閑野人笑語喧溪屋縣有賢尹溫如玉知

我民情諳土俗陽春布澤百里均不問溪山與
窮谷木犀無瘴烽無烟公館瀟灑如神仙松邊
拄笏看山色竹外援琴聽澗泉黃童白叟思借
賢鼓舞春風又三年會稽未羨晝錦旋玉麟金
虎看腰懸

其二

南邑如斗事如毛况有連歲兵旅勞溫侯胸有
文武韜撫民練兵無繹騷三年去思民願借共
分得請薇垣下政綱綜治無紊煩民瘼補苴罔

漏罅棠梨滿路花重開喜見竹馬兒童來三尺
神光射星斗一扇仁風清瘴癘驥足豈能淹百
里暫布陽春到桑梓明當五邑蘇巔崖恩波浩
蕩雙溪水

君仁椽郎榮膺府檄政贊邑琴敬頌俚謠
少伸賀悃

雙溪溪水清見沙溪梅燦燦冰玉華美人元是
西湖家嚼梅飲水溪之涯霜毫不寫香影句揮
霍春風滿棠樹溪堂玉立聽鳴琴人比梅花更

清素東風有意相溫存南枝北枝花正繁願借
桃李朝露恩松臺薇省先移根

仙人謠次達道鑒錄韻爲一笑之戲

仙風吹雲散瓊香玉輪軋露融素光霓裳飛動
金玲瓏一聲驚起鸞鳳雙芙蓉池上西風早青
鳥無音天窅窅翠光濃入秋水寒黛痕淺與春
山老千年蟠桃幾開落三偷柰此小兒惡絲絲
未斷塵俗緣黃金空鑄相思錯君不見有虞帝
子來瀟湘洞庭水綠梧山蒼淚痕有盡愁思長
向來斑竹多秋霜

古心上人顏其禪軒曰愛松林梅隱氏爲
作圖索余賦詩因走筆題之

山人愛松苦成癖繞屋盡是蒼龍鱗長哦其間
日不足更尋梅隱爲寫真摩娑素壁光於雪錯
落金刀交屈鐵玄豹毛生霧雨寒老蛟爪擘山
石裂瀟疎似是寒濤驚恍惚已覺涼風生徂徠
山下雲黯黯大華峰頂秋泠泠古心山人貌亦
古矯矯蒼松宛相似何當結取雲邊巢從師叅

透西來意

四禽詞奉畬顧孟仁

孔雀

有鳥有鳥生海南昂頭短喙修尾穆東風吹動
羽毛暖一團蜀錦空中展誰知美色能誤身失
機却墮羅網塵雕籠綵架閉白日綠窓繡戶淡
青春雄雌強作交頸舞天地樊籠隨所遇空閨
猶有獨宿人門掩梨花淚如雨

玄後

黑衣公子居林丘黃頭王孫非阿儔空山月落
松露下時與玄鶴鳴清秋山人不歸今幾載夜
帳空兮怨蘭蕙一聲啼斷巫山雲竹枝歌裏愁
如海巫山之高高摩天雖有長臂難扳緣前林
霜果已垂赤好從爾羣高摘實

野鶴

野鶴野鶴儂骨削縞衣不受緇塵着朝刷滄溟
桃浪淡夜警空山松雪落忘機每與鷗鷺親高
標豈是雞鶩羣千年獨歸人已換九臯一聲天

亦聞雲林斲爾寄栖止風翮終當翔萬里可憐
青鳥俗未除白日傳音下瑤水

鴻鴈

磬磬鴻鴈肅肅飛秋風南征春北歸分行已淡
兄弟念哀鳴復重民生悲吳江水淡楚雲斷美
人銀箏動清怨忍將尺素寄遠遊萬里遙天寸
心亂西風冷入蘆花秋稻梁晚歲難爲謀瀟湘
祇今多旅客有聲莫度岳陽樓

徐梅所知司席上以榴花命題分得萬字

藥巴飲酒空中暎屏翳疾驅回祿遁火鳥無數
西南飛化作榴花赤光噴南風五月庭院涼滿
地雲陰覆烟蔓眼明見此珊瑚枝猶信羣芳未
荒頓猩紅綃巾曉初感血色羅裙春未褪芙蓉
開遲不復怨海棠香減寧無恨謾憐地僻車馬
稀空嘆春歸蜂蝶困人生有花且對酒一舉金
觴須百勸移根當得乘槎騫作詩喜有梅花遜
君看上苑芳菲時紅紫東風自千萬

齊雲亭竒石歌

何年星芒化山骨古色蒼顏勢嶮嶮中別有
混沌天萬象森羅了毫髮府公移置齊雲亭一
府來看零陽屏蓬萊清淺隔弱水君山晻靄浮
洞庭我疑太陰照大地山河倒影搖丹桂又疑
明河瀉九天斗牛騰光通劍氣公餘對此獨躊
躕咫尺萬里論江湖幽篁古木在眼底何用人
間俗畫圖

丁酉九日次徐梅所知司座主韻

四時清景惟秋九斗酒何妨詩百首蒼蒼白露

滿蒹葭浙浙涼風動榆柳一年佳景惟重九晉
代風流誰踵後野萸垂紫映華簪籬菊開黃出
豐蔀歸田未許游宦人登山喜得論文友季鷹
江上足尊羹陶令山中有松酒人生自古貴適
意塵世于今幾開口勸君西風一百觴祝君南
山千萬壽丈夫氣岸在雲霄爲我胸懷洗堆阜
奉次栢軒先生韻爲梅所徵君壽

憶我昔日遊吳東陳迹曾訪孤山翁梅花千樹
湖水曲茅堂半畝梅花中別來歲月幾流易一

見梅花興無極東山東畔西湖西千載清風只
如一不須此地感今昨且向南枝觀復剝野橋
石出水未生江路雲凝雪初閣主人自是神仙
者藜杖葛巾花樹下寒英疎映霜菊明老幹斜
依風竹亞天生嘉植真環竒古來幽士多愛之
今人已追古人躅後人行復今人追梅花於人
元耐久百年對花當對酒願傾北斗爲君觴更
指東山祝君壽

和南圃老人龍巖書事

蒼巖百疊樹交綠石棧九折車失軸山腰忽斷
峽山來小溪新水流寒玉溪上茅茨兩三屋野
人足音喜空谷開門迎客敬三蕭壺有香醪盤
有菽自云今年雨雪足山稜夏收稻秋熟稻可
酒今稜可粥生來城府無軌躅德公畊畊鹿門
麓子真桑麻谷口曲但令食飽與衣煖不慕輕
裘嗜醲郁我聞此語淚盈掬澤國干戈嗟滿目
商山采芝忘寵辱武陵種桃謝塵俗溪居便向
野人卜馬蹄安用浮世逐採山釣水畊且讀不

管人間忙禍福

雙栢軒歌爲黃君復院長賦

黃君開軒紫山曲手植雙栢如雲綠南風吹雨
生夏寒兩蓋清陰覆書屋摩娑老眼四十年龍
枝鳳葉俱蒼然春陽庭堦已競秀歲寒冰雪應
同堅君家况有徐卿子風骨嶄嶄雙栢侶聳壑
昂霄看異時長材大用從茲始我來徑造軒之
中開樽愛此陰重重昔聞彭澤醉五柳今見藍
田哦二松皇天不惜栽培力移根好向烏臺植

西齋酒醒月在天爲君起舞歌雙栢

林登州遺集卷之四

閩漳林唐臣元凱著

同郡王志道而弘定 裔孫興楨侯重梓

後學張紹科煙叔纂

五言律

次韻楊秉中縣尹春日病中述懷 十首

謾道春來好愁多日更長看蝸知勝負聽燕識
興亾風雨五更夢雲山千里望濁醪吾爾愛能
滌九迴腸

其二

竹牖春風外柴門暮雨餘
尊無陶令酒架有鄴侯
書舊業俱荒落閑愁莫
掃除白頭依狗監慚愧
馬相如

其三

海宇開新造山林起久
踰夔龍時接武巢許分
投閑燕乳草生巷鶯啼
花滿山臨風時一笑鬢
爲賦詩斑

其四

彭澤先歸去湘江後卜
居紉蘭誰復佩種秫自
能鋤老醜慵看鏡窮愁
獨著書且須相覓醉燒
筍鱸魚

其五

山雲白蒼莽江樹綠參
差弟妹幾時見家園十
載離沈腰常減帶潘鬢
易成絲苦聽竹枝曲教
人坐石遲

其六

窓竹晴逾靜庭花煖自
開客閒時共對鄰熟許

移栽司馬元多病襄陽豈不才石田與茅屋歸
去未荒苔

其七

白頭逢喪亂愁絕浣花翁不道兵塵苦猶存詩
句工淡春憂肺病遠道愧囊空待得草堂就歸
來老墻東

其八

南國江山舊東風紅紫新醉來忘避地老近怕
逢春曾是菊松主還如草莽臣無窮懷古意清

淚滿衣巾

其九

自笑塵中逐能存亂後身春如人漸老時與物
俱新每有乘槎意長懷擊壤民牀頭書劍在吾
道未全貧

其十

我本耕耘者春疇憶種秧岸低新水上泥濶細
苔香呼酒柳邊店畱詩竹外房年來清樂少枯
坐學顏忘

題王佐山人畫

山光雜空翠雲影澹晴暉古渡舟誰繫虛齋人
未歸石苔秋雨積野樹晚風微便欲拋塵事垂
綸柳外磯

題王廷珪畫

秋色晴山迴烟光野水連空林輞川外古樹草
堂前天地留詩卷江湖老釣船美人隔雲漢對
此思悠然

十八灘

三首

谿竹亦多景詩句每無難雲淨山爭出湍驚石
自安旅懷拚酒盞生事愧漁竿猶覺壯心在孤
舟十八灘

其二

萬壑荆閩接雙溪章貢來風聲隨雨散水勢與
山迴石蘚痕痕合巖花點點開客心渾似砥灘
怒謾如雷

其三

十八灘頭路三千里外身如何滿船月常照異

鄉人神劍占新氣仙槎問舊津小臣重王事陟
險敢辭頻

英德舟中

舟行瀆峽裏景似左江中峰峭千層石谿回一
隊風瘴雲寒漸白野燒晚猶紅已喜詩囊富何
愁客路窮

江西送郭中敏還廣東

使節江關外歸舟風雪前同來憐遠道別去惜
離筵草綠曾遊地苔荒舊種田越臺回首日春

滿五雲天

除夕

今夕復除夕難爲守歲謀江山非故國風雪尚
孤舟楫柁紅生面梅花白上頭窮年未歸去莫
恠杜陵愁

人日

皇天調光霽野宇遍清明風岸初舒柳楊林欲
轉鶯昇平應有象邊報永無驚野老憂心釋詩
成酒滿傾

彭澤重登潮音閣追和陶叅政韻

神姑近可卽天女邈難攀飛閣虛空裏疎鐘杳
靄間潮迎歸越海雲渡隔淮山擬學禪棲樂何
時身乞還

平南縣

舟泊平南縣江干得暫閒水添今日雨雲失舊
時山舜野連三楚秦封入百蠻清時無畏道容
易越河關

題林德仁永思堂卷

吾宗昔旌孝雙闕儼猶存甘露降林木白鳥棲
墓門永言思阿父今復見諸孫幸得慈帷下均
酬罔極恩

羅時用之浦江縣令

小邑邊西北兵餘貴撫摩但令息愁嘆漸可化
絃歌隴樹春猶在秦雲夏更多懸知官事簡日
對二松哦

題小林居圖

幽居學林隱宴坐息塵營蘿月開窓色松風款

枕聲山花多結子野草不知名寄謝朝簪客能
同丘壑情

竹居

昔與宋中使時來竹外居秋聲滿窓戶晴影落
堦除煮筍常兼肉裁竿或得魚愛君幽趣處直
欲世情踈

梅屋

我屋梅花下君家梅樹傍小池橫瘦影幽戶
寒香歲晚竹松節春寒桃李場知君有所擇

隱得相將

望雲圖

子役勞親念親遙渴子思望雲千里目陟岵一
篇詩碧嶂清江路初寒暑雨時看圖思努力他
日顯揚期

題孫積中哀劬賦後

我甫居祥日君初失恃年長哀同念母不弔獨
號天山北雲迷舍溪南月浸船慈顏渺何許悲
涕共潛然

題方廣圖

未識天台路欣披方廣圖山靈時聽法野衲日
跏趺貝葉松風亂蒲團石榻孤烟霞有餘樂還
念世塵無

芝峰僧舍次謝君定韻

偶借僧房宿都忘驛騎塵松聲半窻雨草色一
庭春傾倒逢今日棲遲愧此身清朝需董賈莫
作采芝人

和胡梅所除夕述懷之作

今夕又除夕更闌未愜眠江湖猶故我廊廟正
需賢暖散嵩華雪寒銷楫楸烟屠蘓明日飲鶴
髮喜添年

題雪齋夜讀圖贈別呂宗周

空山半弓室長夜一編書嚴風吹北牖飛雪被
前除幽燈素光射清誦寒聲俱游心百世上努
力十年餘

至正戊戌春季道莆過方遂初縣丞翌日
至興化邑訪邑長寶達道醉中偶作

夜宿縣丞家朝過邑長衙故人頻勸酒醉客急
呼茶雲薄見春樹山深留晚花董園猶在望新
雨足桑麻

七言律

答胡梅所菊節有懷

秋懷耿耿鴈能知節物匆匆菊較遲袖裏空存
三禮賦尊前莫詠四愁詩及時聊復成歡笑感
事多應入夢思爲問空湖山下叟把萸此日共
伊誰

其二

菊花要結歲寒知爲愛梅花開故遲彭澤歸來
空嗜酒杜陵老去強題詩雞鳴風雨五更夢鴈

落江湖萬里思三十潘郎蒼鬢改故人相見問
阿誰

問胡梅雪病併想山居之樂

閒居賦就鶴書徵結屋蒼岑第幾層松酒山中
何日熟竹樓雨後共誰登忘形定有漁樵侶淡
况應如雲水僧屋角梅花無恙否客來想已送
迎能

其二

似與林泉有夙期興來雲月總心知菊花黃後

客携酒蕉葉綠時僧寄詩醉臥不妨風滿袖苦
吟未覺雪侵髭石田茅屋如相借來傍寒梅采
玉芝

予友李君彌卜居東郭條然自樂錢君孟
道爲作圖題曰東郭獨隱索余賦詩便
爲書此

東郭先生愛幽獨茅堂門對碧山春溪旁展席
尋鷗伴松外開窓與鶴隣淺水稻田環綠遶輕
風花館落紅新勞生擾擾知何用汀樹川雲入

夢頻

贈冲和道人

三神海上九仙山分得松房第幾間
龍劍驅雲行雨去鶴簫吹月御風還
偶因耽酒春過市應爲傳書晚度關
紫府丹臺名可注壺中從子及身閒

三衢程君璋氏訪友臨漳將歸賦此以贈
三秀峰前采玉芝高懷遙與白雲期
江山滿目荆州賦風雨連床杜曲詩
萬里滄波鷗浩蕩一

庭芳草燕差池歸來城郭人民換
任爛長柯且看棋

題張櫟里畫

屋前春水綠如醅屋後春山翠作堆
有客抱琴門外立何人騎馬樹中來
西齋酒盡猶畱月東郭詩成欲放梅
三絕廣文誰想識爲君海上望蓬萊

送伯千之北上

元戎邊畫屬誰籌公子烏臺舊俊游
阮掾久聞

三語譽冠君重借一年留馬蘭花發迎官道駝
柳條青落御溝尊酒懷人何夜月五雲深處竄
高樓

送友歸永嘉

平遠樓前遠望勻美人遙憶鴈山春女桑絲遍
蠶將熟稗麥青齊雉正馴齋閣堆床畱魏笏賓
筵漉酒有陶巾西風無限南來翼好寄新詩莫
厭頻

題南樓

樓對員山亦壯哉時憑高處望蓬萊滄江雲起
九龍舞華表月明孤鶴來林下茅茨新聚落水
邊楊柳小樓臺太平不用籌邊策獨倚層欄賦
雪梅

借洪元質遊南巖

紫雲邀旆出城南風物依依真誥巖山石滑人
行躑躅野禽怪客語咕喃秋江遠水生葭葦落
日涼風舞檜杉晚對屏前吟未穩不知空翠濕
青衫

別章仲明用前韻

此日清遊雲洞南明朝遠別鶴山巖汀洲水落
鴈初下海國秋淡燕尚喃驛路風烟連細柳酒
家籬落隔青杉薇垣好展神仙步莫遣緇塵上
客衫

題漳浦白鶴嶺 有引

昔余過漳浦白鶴嶺頗愛山水之清廓而惜
其亭宇之蕪廢今年秋重道此見其蕪者治
廢者起金碧相射華竹交映壁間題曰石竇

寒泉響玉徽閒雲出岫繞松扉一從白鶴高
飛去栖碧亭空鎖翠微乃邑簿陳致中新構
此而紀其勝也俛仰陳迹竊於末句有感焉
因爲起語以寓興懷

栖碧亭空鎖翠微詩成人世已俱非墨池水暖
鷺誰換華表雲閒鶴自歸樓倚仲宣休作賦碑
思叔子故沾衣古來陳迹知多少立馬西風又
落暉

過盤陀嶺

盤陀嶺上幾盤陀
茅竹蕭蕭雨乍過
水暖游魚奔絕澗
草香馴鹿食陽坡
恠山當面疑迷路
啼鳥迎人却和歌
總謂世途多險惡
太行蜀道復如何

芝峰月夕次韻性元上人足成茶溪公口

占之作

風滿空林月滿山
無詩堪笑老方干
洞雲晚散龍眠穩
松露秋高鶴夢寒
賀老鑑湖先賜勅
陶公彭澤早辭官
他年分我半間屋
待向芝峰絕

頂安

次徐梅所座主訪龍江書院有感之作

訪古歸來山月孤
紫芝峰影落平湖
千秋統緒存方策
萬國提封入版圖
遼海鶴歸空露柱
滄州月落蒲霜蕪
何時突兀千間厦
風雨如山大庇儒

再用韻二首

試問龍江讀書地
何如鹿洞與鷺湖
梵宮已作新輪奐
郡志空存舊譜圖
碧玉峰前移老檜
還

珠門外剪寒蕪記文自可徵千載太史虞公國
鉅儒

紙帳更長月影孤梅花清夢繞西湖左思才擅
三都賦諸葛名成八陣圖漢殿丹青俱寂寞吳
宮花草易荒蕪白頭杜老謀生拙却道儒冠解
誤儒

丁酉元旦

海氣蒼茫曙色低扶桑枝上聽天雞光搖旗旆
龍蛇動班簇衣冠鷓鴣齊重譯來庭通桂海中
興有頌勒浯溪老翁喜見豐年兆自典春衣酒
滿携

其二

斗杓入夜指東寅雨脚凌晨灑瘴塵北闕天高
先見日南州地煖早知春獨憐丹嶼思歸客曾
是瓊林錫宴人江海此身強健在何妨魚鳥日
相親

和韓南勝二首

白鶴山前舊草堂重來吟鬢已添霜花城衙放

雨初歇竹寺詩成日正長木簟作羹流筋滑溪
魚釀鮓透苞香野人喜見昇平象桑柘連陰古
戰場

其二

躍馬燕臺憶壯遊東風一笑紫雲樓杏園設宴
慚魚尾葱嶺封侯羨虎頭燈火十年心獨苦干
戈蒲地鬢先秋從今西賊應寒膽韓范安邊有
密籌

閏九月重陽前一日奉陪梅所知司遊員

山謁康仙祠卽席次韻二首

清遊曾記十年前員嶠山中訪老仙竹寺題詩
風滿帽梅溪載酒月明船神遊弱水三千里日
極齊州九點烟何日重來問真訣白雲深處種
芝田

其二

莫聽月笛怨山陽且捧霞觴望帝鄉瑤草先秋
猶着綠菊花雨候更畱香風前紗帽孟嘉醉湖
上觥船賀監狂一曲倚蘭千古意知音幸有漢

中郎

圓山康仙祠詩奉次徐梅所知司韻

浪遊曾記山城西十二圓山紫翠迷一陣閒雲
初過雨半篙新漲已平溪笙歌彩鳳空中下劍
化羣龍匣底嘶何日神丹成九轉從公來聽枕
中雞

再次王子實縣尹韻

春山杖策覓仙翁花信于今第幾風千樹碧桃
流水外一聲白鶴亂雲中風舟無路尋蓬島霞

佩何年謁葢宮塵世總成盧枕夢且須沈醉學
此公

謝姚省吾博士招飲次韻

風雨西齋酒一瓢白駒有客此逍遙清詩漢殿
盤承露雄辨吳江弩射潮花下晚衙曾未散芹
邊春酌若爲招醉中忽作故園夢落日聞歌谷
口樵

再用韻呈姚博士

清漳博士姚先輩媯水神明世胄遙縣嶺題詩

風滿竹韶溪放棹月明潮愁來白石歌休唱老
去青山隱可招世事都如棋一局坐觀謾學爛
柯樵

賦得人日不陰

雨雪常年苦晦冥乾坤此日喜晴明官梅落後
餘寒盡野菜香時新煖生方朔占書應有驗杜
陵詩句謾多情從今部戶安生遂重捧椒觴頌
太平

深青道中

瀟瀟瘦馬淡青道杜宇聲殘日又昏風裏林花
香作陣雨餘池水綠添痕採桑野婦輕衣袂賣
酒山家小巷門無限原頭芳草色教人千里憶
王孫

姚省吾教授

漆園老子志逍遙箕水幽人分掛瓢江上月明
纏鶴夢樹頭風惡厭聞蜩菊松晚色留三逕芹
藻春香藹泮橋無限鯉生懷古意韶溪還許聽
虞韶

賦得水田白鷺

漠漠平疇宿雨晴
瀟瀟素羽晚風輕
蒲川綠漲一雙下
隔岸青秧數點明
霄漢無班陪鵠立
烟波有社結鷗盟
朝川若值王維畫
添我青簑黃犢畊

送許輔之歸隱

吳門匹練隔風烟
禹穴扁舟度海天
入社陶潛須縱酒
買山于頔未分錢
松邊放鶴雲連屋
沙際看鷗雨滿川
塵世也知歸去好
難謀二頃郭

南田

次倪孟明集藥名之作呈徐梅所座主

結屋常山東復東
雪梅霜菊洞天中
黃連稻隴雨聲歇
白斂松窻雲氣通
幙種蓮花泛秋水
盃浮竹葉醉春風
丹砂欲問飛騰術
勾漏何年訪葛翁

其二

藥籠蕪收芝朮無
空淹遠志在江湖
樊籠防已憐鸚鵡
岐路畱行厭鷓鴣
仙去好尋靈枸杞
客

來謾笑慢葫蘆早休知有遺安念洲上當歸種
木奴

題老牛舐犢圖

夕陽芳草滿林臯舐犢烏犍聳骨毛乳哺願令
兒長大力耕要似母勤勞南山夜半猶叩角渤
海春淡總賣刀誰識當年懷慶意慈烏背上晚
風高

次堂郎司天韻

十里壺山春事幽清狂裘馬記曾遊木蘭陂上

船如屋黃石橋前酒滿樓客路遠隨南鴈至歲
華真似水東流日長候館題詩罷靜對梅花進
茗甌

其二

瀟洒梅華驛裏人素衣楚楚謝緇塵鳳凰臺上
家聲舊虎豹關中天語新老栢千年冰雪操仙
槎萬里水雲身雞林詩價從今重好寄歸鴻及
暮春

題標里畫

雲中樓觀疑廬阜水外亭臺似剡溪寒瀑落崖
珠點亂晴嵐隔樹翠光迷舊遊空向真圖見清
景應須好句題安得同携琴鶴去青林白石寄
幽棲

相士潘碧山久游江湘間今以武功爲石
曰司警濱行索詩漫賦以贈

乍捧除書作宦遊猶談相術動時流新豐曾困
鷲肩客定遠今多燕頤侯官舍喜居山水窟故
園空憶菊松秋一瓢春酒何當共九曲溪頭明

月舟

壽徐梅所生朝不遇

東山來訪玉梅枝不遇山翁祇自持流水小橋
携酒處白雲紅樹杖藜時林逋漫訪西湖鶴何
遜先成東閣詩珍重竹松泉石意重來莫負歲
寒期

林登州遺集卷之五

閩漳林唐臣元凱著

同郡王志道而弘定

裔孫興楨侯重梓

後學張紹科煙叔纂

七言律詩

用貢泰甫尚書韻別吳君濟掾史

東風蒲柳滿江濱
盃酒離亭暫別君
春事又隨紅紫老
人生每似燕鴻分
榕亭雨過聞鶯語
桑海天青見鶴羣
東府仙人應握手
三神高處望

紅雲

海漕使京停舟雞嶼呈朱伯厚明府王克

東風吹明邑尉

遙山盡處是滄溟眼底雲濤一色青
野鳥隨波明遠白毒龍挾雨散餘腥
水濱女佩春留月上仙槎夜泛星
賴有同舟賢李郭柁樓尊酒火
熒熒

桃花洋

溪上桃花秦隱居桃花海上意何如
放舟定有

迷津客躍浪應無點額魚紫鰕春肥風暖處紅
潮晚漲雨晴初詠詩無限蒼茫興十丈雲帆切
太虛

秦皇廟

往事悠悠逐海波荒祠寂寂寄巖阿
三神山下仙舟遠萬里城邊戰骨多
東魯尚存周禮樂西秦空壯漢山河
早知二世能移祚崖石書功不用磨

送吳允思之南海令

曾收圖籍入燕初還擁瘡痍下粵餘應有雄文
韓子繼也知清操隱之如棠陰琴靜風生席花
外詩成雨滿車天上故人青眼在暫煩百里試
才譖

題張將軍百勝圖

知兵昔學萬人敵開國今收百戰功列戟枝寒
瓊帳雪圍袍花暖錦旗風鳳臺玉帛華夷會麟
閣丹青褒鄂同賴有畫圖詩卷在風流不盡大
江東

傅子敬之澗西憲副

聖朝司憲重才華况復三吳近帝家右掖清風
生桂樹西湖新雪到梅花府中此日逢聯璧天
上何年共泛槎具慶高堂多喜氣綉衣綵服照
晴霞

武夷萬年宮

十年三過武夷山翠壁丹崖歎莫攀藥竈烟消
天地老權歌聲斷水雲閒虹橋未許秦皇識鶴
馭空隨漢使還曾是隱屏峰下客謾教啼鳥笑

詩慳

送林鍊師歸武夷

三山樓觀倚雲開
九曲溪山入夢來
半夜丹光分洞壑
常時劍氣動風雷
幔亭峰頂霞杯進
石鼓灘前月棹迴
吹徹玉簫空想憶
故人正在鳳凰臺

送宋仲衡歸金華

景濂學士之子中書舍人

江花飛雪送殘年
客思隨雲度遠天
朱雀橋邊車若水
金華洞裏酒如泉
明經已踵韋賢後
對

策應推賈誼
先無限故山松與竹
平安好報玉堂仙

寄題安慶譙樓

我愛舒州趙使君
危樓高架出囂紛
水通桐栢環千古
天近蓬萊擁五雲
晴日壺觴花底集
寒更鼓角月中聞
欲題詩句慚崔顥
况是賓僚總好文

會倪子京

笑我生涯似轉蓬
多君意氣慕長風
十年荆杞

迷周道萬里江山繞晉宮奉母曾聞三釜樂論
文還喜一尊同明廷有詔徵才俊好與夔龍敘
九功

題陳王墓

王父母歿自陶磚以結塚或云其地有王氣

將軍山下陳王墓落日西風秋草繁斷甃千年
餘手澤豐碑十丈蒲苔痕山河不改英雄老天
地難窮忠孝存酹罷椒漿成佇立一聲去鶴月
黃昏

輓陳和卿三山別駕

候騎迎晨趣倅車星芒入夜實城墟三神山遠
夢魂斷百尺樓空豪氣除人去鐵衣悲汗馬客
來珠履嘆無魚條侯能復家聲舊細柳于今有
簡書

中秋翫月二首

見月令人寫百憂况逢良夜半三秋星河有路
通瞻闕雲海無波湧蜃樓老桂一枝容手折仙
槎萬里謾神遊清光莫照干戈地憂國詩人易
白頭

其二

風雨良宵大半妨，清秋此日對團光。
百年幾度見明月，千里相思在異鄉。
按曲雙鸞回素羽，掠舟孤鶴振玄裳。
乾坤光霽今還兆，好獻瑤池萬壽觴。

輓夏待制

字尚之，居袁州奉旨往廣採庚申野史死於彼。

別業西江未得歸，遊魂南海竟誰依。
丹旌題字官猶在，青史成編事已非。
尚之修元史林侯代之入廣有子能栽新墓樹，何人共採故山薇。
百年文獻晨星似，搔首斜陽淚滿衣。

覺初上人歸永嘉江心寺

江心古寺金焦如，滄波湧出青芙蓉。
千歲鶴歸作人語，九淵龍起聽梵書。
山屐時尋謝康樂，丹砂試問陶隱居。
自是初心得真覺，閒身去去伴樵漁。

送郭廣文

武安邑小武城如，三載人賢郭校書。
有酒齋郎能放鶴，得錢溪女或留魚。
沙場落日鴉飛急，海

國秋風鴈過疎南士祗今多嚮用君行努力莫
躊躇

竹隱爲富州丞兀顏士威題

洪武二年改富州爲豐城

君家萬箇碧琅玕長日開軒自在看清興每添
詩句好綠陰未放酒盃乾誰裁紫鳳雙龍管我
乞滄浪一釣竿何似當年彭澤令歸來三逕日
盤桓

竹山隱居爲豐城黃英尚題

竹山山下黃隱君買山種竹謝塵氛涼陰匝地

日難掃清籟滿天時復聞蟄龍未奮葛陂水鳴
鳳空隔蒼梧雲竄喜林霏春雨歇班班稚子總
成文

西村隱居爲遶城羅時用題

西村竹樹淨朝暉萬事閒來總息機一夜小溪
春雨過半篙新水白鷗飛草堂作就資誰寄彭
澤歸來願未違竄憶衡門凝望處平疇十里豆
花肥

送豐城張叔同之隴西縣丞

楊柳青青春水生東風迢遞送離情一時牛斗
龍光動萬里關山馬足輕朝雨軟塵連隴道暖
雲芳草入秦城公餘剩有哦松趣好詠新詩續
紀行

送盧仲睿之會寧主簿

隴樹青青河水黃獨騎官馬入秦疆七千里外

思親舍五色雲中望帝鄉沙草枯時收黑黍

黑黍

卽蘆粟地蕉香處煮黃羊黃羊野生山中訟庭

可作酒

黃毛味如家羊

黃毛味如家羊

訟庭

事簡邊塵息竹屋看書對日長

白雲孤飛圖爲豐城鄔烈翁主簿題

登高望遠思依依目斷孤雲送落暉白鳥明邊
親舍近青天盡處客心違輕姿映水浮空濶片
影隨風度翠微何似故山歸去好晴霞五彩照
菜衣

贈少林寺松亭長老

少林禪伯舊松亭聞說巢雲箇箇青一榻秋聲
風度嶺半空涼影月臨扃雨花飛處蒼龍蟄貝
葉翻時白鶴驚何日從師遊勝境共餐玉粒駐

長齡

洪武三年四月望日同牛典簿王編修奉

使安南陛辭

曙色熹微漏箭催暖風開扇舜瞳迴雲扶紫鳳
臺端下山擁蒼龍殿角來玉笋聯班隨曉仗金
莖分液賜春杯小臣職忝馳驅使擬和皇華愧
不才

發京

金陵自古帝王都海宇于今混一區虎豹九關

通北極鴟鵬萬里入南圖長干柳暗馬如織白
下花明酒可酤使節歸來應未晚扁舟秋水滿
江湖

舟過彭澤

彭澤縣前楊柳新客舟暫繫大江濱寶花滿地
來天女石筍中流護水神城郭千年非故物菊
松三逕幾歸人此身何似醉鄉樂願乞先生鹿

酒巾

巖畔圓通閣嘗雨天花
江心小孤山有水神祠

望佳廬

大姑山下曙光催五老峰頭秀色開萬壑松杉
收雨去一天紫翠入江來酒狂誰結淵明社詩
好難追太白才便欲作巢泉石上江靈肯借白
雲堆

滕王閣

落日孤舟一笛風愁看江閣化虛空滕王歌舞
漁樵外唐代文章草樹中山接匡廬爭秀爽水
通彭蠡其朝宗三王芳躅無人迹詠罷新詩思
不窮

徐孺宅

南州表表徐高士零落猶存宅半區足跡何勞
趨北寺躬耕只合老東湖禮賢太守能懸榻弔
古諸生擬束芻誰識保身明哲意當時惟有郭
申屠

豐城呈王熙陽太史

昔年曾說張雷劍此日同來李郭舟訪古已知
神物合暫時且爲故人留雲收日脚千山暮風
送江聲五月秋回首舊遊如夢寐延平十里故

津頭

臨江

柳外樓臺入翠微
水邊簫鼓蕩晴暉
樟江雨漲魚新上
皂閣雲生鶴共飛
諸老尚留詩卷在
此身未逐釣船歸
蓬窓吟罷還成醉
蜜酒初香玉笋肥

廬陵逢端午

極日滄波白雨飛
綵旗風惡畫船歸
故人此日供蒲酒
聖主先時賜葛衣
客裏又看佳節過
吟

邊未覺壯心違
離騷讀罷成惆悵
落日芳洲杜若稀

用韻贈高允令巡簡

谿山淡處寡絃紛
况復清修少似君
竹寺酒醒聞鳥哢
水軒琴動見魚羣
青衣邏卒時懸弩
白髮隣翁夜索文
剩有長材供著作
賈生名久漢廷聞

南康縣

小縣淡依山水清
時聽舊事話遺氓
萬株松古

張公種九齡獨秀峰高蘇子名子瞻谿到南安流自
淺嶺過大庾地還平西風翹首江頭路此去猶
餘兩月程

次張志道學士與龔景瑞詩韻

先生家住翠屏峰鄉夢常時送曉鐘十載故人
青眼舊千山歸路白雲重天涯作賦憐王粲江
上題詩愛薛逢歲晚相從應有約爲尋桃竹截
雙筇

次王太史韻呈廣東幕僚

丹鳳樓前持詔出五羊城下放舟來雨苔已蝕
銷兵柱劉鋹所鑄春草都荒望漢臺杖採仙蒲青玉
節酒分香桂碧螺杯不妨日對南風醉綠水紅
蕖翠幕開

用王編修韻呈梧州劉太守

萬里南風送驛舟蒼梧江上景逾幽一雙白鳥
常隨棹無數青山總入樓鳴鳳不來芳樹暝嘉
魚初上碧波秋故人解送桂香酒洗盞臨流破
客愁

答劉蒼雪通守

扁舟南汎雙江曲，傾蓋相逢一笑中。
沈李筵開鷗鳥渚，采菱歌起鯉魚風。
生涯安得千頭橘，流落空餘兩鬢蓬。
曾是湖壩垂釣客，擬從山下祝雞翁。

會觀子毅省郎

十行紫詔百蠻來，一道炎雲萬里開。
桂嶺已通新道路，梧江猶有舊亭臺。
劇談風起魚龍窟，麗句春生錦綉堆。
惱我懶看腰下劍，對君且覆掌

中杯

伏波廟

南征昔日此登臨，遺廟空山尚至今。
萬里風雲常慘澹，千章松桂自蕭森。
麒麟安用丹青像，薏苡難誣清白心。
愁聽烏蠻江上笛，夕陽一曲武溪深。

壽佛院用太史韻

橫槎江與絳河通，偶共吟仙謁大雄。
花燭滿庭蟬榻靜，雲山當戶瘴塵空。
百筒清引香厨水，兩

掖涼生茗椀風試問參寥老開士衲裙肯贈雪
堂翁

再用觀子毅省郎韻

海天極目路茫茫少憇珠林興頗長太守花邊
携酒至老僧竹外煮茶香小樓吹笛關山遠落
日放船風雨涼不有好懷相慰藉客途空復嘆
流光

南寧府三日

萬里關山入塞云高城縱目送斜曛九真海到

東南接六詔江來左右分出洞蠻丁高髻角趨
墟野婦短衣裙漢廷已下興賢詔從此遐荒德
化聞

其二

謾說天南第一關邊城依舊好江山豐年簫鼓
賽田祖近日衣冠化洞蠻孟獲革心諸葛縱智
高授首狄青還三公亭上舒長嘯落日涼風起
碧灣

其三

千疊層城十丈壕藕花無數繞周遭輕舟時獲
魚盈尺新雨纔添水半篙拂地烟梢毛竹暗倚
江風樹木綿高天涯無限登臨意納納乾坤一
布袍

左江七夕得牛字

笑倚仙槎望女牛清江倒影絳河流龍泉紫氣
秋猶射雲錦紅光夜不收烏鵲橋前波似練鳳
凰臺上月如鈎玉人此夕應相憶一笛西風起
小樓

河字

南來萬里越關河節物西涼客裏過清賞每愁
酤酒少好懷未厭賦詩多丹江月棹秋無際銀
漢星橋夜不波欲問支機舊時石天孫應笑鬢
先皤

西字

天際初分大火西雙星飛映月華低絲樓瓜果
絲初綴金井梧桐葉可題舊事荒唐何處問神
光颯沓音踏幾人迷可憐柳子文成巧却把愚名

汚冉谿

伏波臺

驛外秋山翠一堆將軍玉帳此曾開大江如月
迴雲陣古塔凌空護石臺萬里戈船餘蕙苾千
年銅柱委莓苔多情惟有營前柳歲歲春風入
樹來

至安南次王編修韻

安南遠至極南荒炎海無垠野望長馬援臺前
秋草碧高駢城下暮烟黃百年圖籍歸中國三
郡山河保故疆萬里天威如咫尺西風回首白
雲鄉

答牛士良典簿

海國秋風客鬢華遠來共駕指南車越裳方物
供周室趙尉提封入漢家裘馬清狂成舊夢斗
牛空濶接仙槎扁舟準擬同歸去明月洲前蘆
荻花

發安南呈牛典簿王編修

日南畱滯隔年期猶許仙槎到未遲小閣西風

烏帽在清江落日綵舟移蒹葭倚玉慚三益蕙
苾明珠有四知宣室應煩前席問願因民俗一
陳詩

再用牛典簿韻

萬里同歸望虎關三秋清賞愛龍山白雲黃葉
西風外翠壁丹崖夕照間逸少述文誇盛集醉
翁作記嘆蒼顏尊中有酒且須盡身後畱名總
是閒

贈黃林隱

我識龍川處士家白沙翠竹帶烟霞水邊門巷
千章樹雨後園籬百本花對客看雲晨倚杖呼
兒掃葉夜燒茶玉堂金馬成何事輸與山中老
歲華

牛君士良使還日南晝行左江之濬偶於

清灘得一小石頂跡五寸許其色淡綠
娟秀潤麗宛若峰巒之聳立熙陽王君
見而愛之牛君不靳因持贈焉王君賦
詩以謝君復答之併次其韻用助二君

清話二首

錦石青紅似畫中，每因幽玩一開篷。
三生依舊精魂在，二妙于今嗜好同。
玉杖未栽秋帶雨，畫船暫住夜騰虹。
向來良嶽成田久，莫抹鬼竒入汴宮。

其二

江干竒石潤如玉，卓立天然一碧峰。
幽竇直疑清澗落，秀巒先見翠雲重。
女媧自煉功猶淺，米老相看興頗濃。
再拜不妨呼小丈，日長几案得從容。

從容

答安南使黎元譜二首

十月南寧江水清，官船渾似釣船輕。
滿篷霜露天如洗，一笛關山月正明。
修貢遠來勞使節，觀光歸去擅詩名。
官袍驛馬華林路，未羨當年畫錦榮。

其二

傳宣賜罷碧淋腴，萬里驅車指故途。
遼海東來鶴自語，楚天南去鴈相呼。
清吟時與梅花對，老

態猶嗔竹杖扶來奉龍墀親策士携書還解一行無

清江小隱圖爲趙希貢題

愛汝清江小隱居波光雲影蒲庭除風帘野店
客呼酒雨櫂輕舟人打魚無數青山秋樹外一
行白鴈暮霞初看圖便擬投簪去借取閒窓讀
舊書

曲江逢至日

去歲茲辰鍾阜北今年此日曲江東驚心節物

如飛箭回首生涯尚轉蓬韶石雪消知地暖越
臺雲淨兆年豐故人茗盞未歸去孤負梅花酒
一觴

用韻贈濮彥章

曾題詩句碧琅玕畱與仙翁伴歲寒君有蓬萊
三禮賦我無龍虎九還丹可憐韶石山前景渾
似錢塘江上看驛路梅花應笑客酒腸暫爲主
人寬

贛州嘉濟廟用王編修韻

水落雙江見底清官船東下石灘平五龍山遠
環遺廟千雉雲高接石城人去睢陽空有像

元守

臣全子仁海青臣皆成節廟有像

將歸嶺表尚畱名

漢灌嬰伐佗神示以

克捷之兆舊碑有紀

沙頭候吏休相促吟傍梅花句未成

次滕仲弘叅政見贈韻

孺子湖前秋水多滕王閣下夜聞歌十行手詔

天南去萬里仙槎海上過桂嶺畏途連楚越薇

垣佳句似陰何歸朝有日陪冠蓋兩袖香風響

佩珂

題鄭生雲谷卷

谷口子真多白雲半開竹屋共雲分青山當戶

雨初霽綠樹覆簷風欲薰偶向鄰翁劬藥本時

邀詩客籠鶩羣梨花夢裏偏多趣蒼狗白衣任

糾紛

林登州遺集卷之六

閩漳林唐臣元凱著

同郡王志道而弘定

裔孫興楨侯重梓

後學張紹科煙叔纂

七言律

贈謝元初秋山高隱圖

漫遊晚歲厭紅塵歸去秋山看白雲
煮石呼童供鶴料寫經留客換鵝羣
鑿收林藥西風老火養爐丹靜夜分
二十四橋多月色玉簫還許世

人聞

題嚴州陳氏會慶堂

堂名會慶意何如四世公孫此共居
松桂蒼顏凌雪霰芝蘭玉樹秀堦除
彩衣稱壽盈尊酒細帙懸籤滿架書
千載君家遺澤在一江春水遶桐廬

贈公恒歸天台

紫薇省外姓名香白鷺洲前別意長
祖餞謾勞冠蓋集賦歸莫待菊松荒
携尊與客行花逕采藥逢仙坐石床
軒冕浮榮成底事從君分種水雲莊

梅溪詩爲蔡宗玄賦

溪上寒梅雪作花溪前流水玉無瑕
意行東郭先生履來訪西湖處士家
煖入孤根春映帶清涵瘦影月橫斜
何時携取芝山酒共載賓朋泛釣槎

陳子高之永新丞

浙右才名陳子高幾年給事滯銓曹
五花誥上

墨猶濕百尺樓頭詩更豪
縣郭春晴山入座
江湍夜漲水盈篙
知君自有剽繁術
訟牒何愁事若毛

安溪劉令復任

楊柳條青漸長芽
刺桐葉綠已先花
河橋送客春將半
山縣休衙日未斜
政蹟行書循吏傳
歡聲重動野人家
多情石筍江頭月
載酒何時共釣槎

送聶克敬歸省

待宦三年客帝鄉
違顏千里念親堂
朱樓翠閣天光近
碧嶂清光野望長
汀館春深官柳暗
橋門雨過稗芹香
懸知調膳多餘暇
松下看書坐石床

題方壺王維詩意圖

能詩羽客方壺子
解寫高人王右丞
幽興不隨流水盡
閑心長伴白雲層
空林積雨迷苔逕
細浪生風失石稜
坐對畫圖懷別業
南山千仞碧嶸嶒

題鄧氏澗亭

澗濱亭子有餘清
盡日泉流遶舍鳴
雨檻維舟投釣餌
風窻拂几汎琴聲
沙頭白鳥尋常見
石角蒼苔取次生
最憶考槃真樂趣
浩歌一曲濯塵纓

李教授之臨江

鄰邑豐城曾製錦
清江碧嶂慣維舟
送君千里敷文教
老我三年憶舊遊
酒釀黃精雲外洞
詩題清竹水邊樓
前修范杜遺風在
從此西邦化

魯鄒

胡氏讀書樓

胡氏書樓建水濱
讀書樓上念先人
牙籤萬卷痕誰觸
手澤百年跡尚新
風前闌檻芸香滿
雨後庭階草帶勻
三復蓼莪應灑淚
孤雲漠漠水粼粼

橋市樓

八年兩度使炎方
萬里關河兩鬢霜
遠賜璽書隨趙尉
重題詩句笑劉郎
伏波臺上風烟古
如

月江前草樹荒屈指西風明日到官船歸去又
新涼

次張敬脩雪中趨朝

春雪漫空竹樹低紫騮愁濕錦幃泥光騰玉殿
迷銀燭凍合金橋失絳霓已擬典衣沽臘酒何
如擁被聽晨雞東風先到溝前柳無數寒條拂
水齊

權氏寓思樓

先壠星源已草萊高樓極目楚天開無窮山色
連雲起不盡江聲送月來遺愛百年存舊樹豐
碑十丈滿荒苔聞孫還肯興堂構落日登臨不
用哀

送侯同知之漳州

有引

洪武十一年春有旨凡在有司率舉賢良一
人予友日新氏丞鄜之鹿川知侯君其之賢
貢子天官遂擢漳郡同守夫國家任官惟賢
是用有司承命惟賢是舉蔣君之舉有得人
之名同守之任有稱職之賢吾邦得守爲疲

民之幸弼也有三喜焉故爲序而詩之

郡丞新命下金鑾雨化隨車衆所歡邊戶近開
鹽課少上胥應放役程寬雲生柳渚風聲動霜
入梅花月色寒十載未歸頭已白爲君中夜一
彈冠

送鄭景賢邑教歸金華葬母

故人別我金華去歲晏天寒江水冰二弟已膺
烏府薦一官喜自鱣堂升洞門繫馬花如海山
館開尊酒若澠自愧麥舟無遠惠佳城爲想碧

陵嶒

倚李伯康使君韻

鐵甕城南飛羽檄錢塘江上趣琴裝梅花有句
畱山驛蕙苾無珠出海鄉飯白鄰僧供火米蠟
肥溪友薦霜房歸來細說閭閻事月滿薇垣夜
正長

海上

水天空濶浩無津物外神遊夢裏身晚望每嫌
山色遠夜聽已厭浪聲頻仙槎路熟星河使戎

馬憂浚嶺海臣思獻江都二三策漢庭垂意驗
天人

呈克明縣尉

長帆破浪出南溟天際成山一髮青上國重來
觀壯麗東州近喜洗羶腥儒冠未際風雲會神
劍常衝牛斗星尊酒宜春樓上月也勝細雨夜
然燈

次韻王克明三首

經國于今賴海漕况供玉食敢辭勞九重天闕
連三島萬斛風舟等一毫楚客多愁飛石燕秦
皇無計叱金鰲何如太白清狂態醉臥江中宮
錦袍

其二

江嶺孤臣抱寸忠風雷何日起潛蹤海連遼碣
八千里山隔燕雲百萬重近喜金灘湧鷓鴣舊
聞綠水泛芙蓉自慚點額桃花浪每羨神魚作
應龍

其三

共泛滄溟不共船風檣浪楫若追攀蓬窻相憶
又今雨柁屋同看非故山身世已如遊物外氛
塵只合出人間維梢活水知何日買酒燒魚一
破顏

予遊武夷道經三山買舟西禪浦值晚雨
投宿山寺中寺僧祀巖義剛曲相款接
因書此詩以證後會

江雨蕭疎山日陰蹇驢有客入禪林老僧能敘
三生話遊子空悲千里心野鳥啼來山竹裂洞

龍飛去水雲深多情九曲溪頭月何夜相從抱
玉琴

贈杜明之入京

阿父清名聖主聞佳兒氣岸復超羣玉堂久索
歸山橐畫省重稽涉海文馬飲盧溝秋水滿帆
開碣石暮雲分故人天上能青眼謾說邊籌可
策勲

次達子升清明感懷韻

暫停不停風撼樹欲收未收雨閣花一百五日

寒食節二千餘里遊子家朱雀橋邊少語燕黃
鶴樓下多鳴鴉人生有酒莫滴土無錢且向西
鄰賒

次馬編脩奉別韻

送客東城春又半暖雲收雨散輕陰一江流水
傷南浦千樹啼鶯憶上林錦里烟塵詩句好鑑
湖風月酒盃淡玉堂歸去多清興好對鰲峰整
舊琴

題方漳浦自述詩後

弓劍間關虎穴危雲霄浩蕩鶚書飛禁門幾聽
晨鐘入鄉邑爭看晝錦歸春草青邊鹿茸長秋
橙黃後蟹螯肥男兒老大功須立晚歲漁樵願
未違

畚越僧津斷橋

禮遍名山未肯迴乘蘆又度柳江來烟霞直欲
窮幽趣梁棟從教棄散材詩骨寒林千歲鶴道
心流水一枝梅憑師問訊維摩病飛錫行應上
五臺

奉次徐梅所知司謁龍江精舍之作

臨漳自昔號淳厖天遣明公蒞此邦幸有清尊
開北海豈無涸轍待西江紅依幙府才應屈白
戰詩壇氣未降珍重龍門振遺響洪鐘從此莫
微撞

用韻述懷

有客丹心一寸孤都忘身世在江湖十年澤國
多戎壘萬里雲霄渺壯圖夜雪蕭齋紅楮秋
風楚畹綠蕪蕪杜陵老大長憂國謾嘆乾坤一

腐儒

次林茶溪經歷韻

員嶠層層聳翠峰碧雲片片擁丹宮客來欲問
飛騰術仙去應叅造化功天上風雷雙劍底人
間日月一壺中共看靈雨農郊足已卜今年歲
事豐

再次林茶溪經歷韻奉姚省吾博士

笑解腰間老太阿半生事業總虛過歸來元亭
存三逕安樂堯夫有一窩濁酒盈缸春可漉清

詩滿袖夜猶哦東風似勸山翁醉吹落花前白
鷺策

贈新溪金如山

劍江西畔老耆英眉壽將逢八袞齡車裏蒲輪
當有名琴彈花縣每能聽志崇天爵頭如雪世
問滄田眼似星毫末不藏心地直時煩矍鑠到
公庭

題江山萬里圖

我愛錢塘輒醉翁江山萬里在胸中應憐遠道
頭先白却寫新圖思不窮鸚鵡洲前春草暗鳳
凰臺上暮雲空登樓莫遣悲王粲天外鄉關咫
尺同

題張櫟里爲曹景溫畫雲山圖

十年蹤跡在塵埃每見雲山笑口開萬壑晴陰
連竹樹一天秋色入樓臺畫圖此日勤持贈茅
屋何時隱去來惆悵無因尋舊侶桃花流水似
天台

送酒一壺與張櫟里

臘醅新熟泛霞紅持慰山中輒醉翁須信微醺
真樂在也知少飲衆歡同梅花紙帳春生夢楫
枳齋爐雪滿蓬無限衡門携幼意菊松三逕老
秋風

金陵贈友人

玉帛徵賢出草萊孝廉船向北風開縱然車馬
爭馳逐何似田園歸去來菽水堂前衣戲綵雞
豚社裏酒盈杯白頭誰念思鄉客強寫新詩對
鳳臺

鐵柱

仙翁騎鶴上天去一柱千年屹未傾鐵色不隨

大江平蜃樓縹緲烟沈浦龍

劍淒涼月滿城九鼎鑄金魑魅遁後來誰繼禹
功成

贛州

贛州驛下艤輕舠芳杜幽蘭滿近臯水合雙溪
飛駕濶城依列嶂畫樓高百年中土歸圖籍萬
里南天振羽毛吟眺未闌還解纜涼風細浪晚

颺颺

南安道原書院

道原洙泗接濂溪一脈曾分橫浦西俎豆百年
存舊典圖書數卷破羣迷池蓮晚色紅衣淨庭
草春香翠帶齊我亦沿流伊洛者幾回極目楚
天低

庾嶺

石稜左右山將合澗響東西水自分通道人思
唐宰相提兵誰識漢將軍滿林梅熟黃垂雨夾
道松高翠拂雲嶺徼祗今畿甸似遠人敢憚往
來勤

清遠峽飛來寺

清遠峽前暫維楫飛來寺裏已張燈兩崖雲起
晴如雨一水風生夏欲冰文犀鬣鬣失金鎖鐵
鳳翱翔低玉繩帝子軒轅不可問聊題詩句記
吾曾

贈通事官阮勳

落魄安南老象胥曾隨京使覲皇居青衫小職

羣公後白髮高堂九袞餘
其旨每愁官俸薄奔趨
漸覺世情疎興賢有詔來
南服燈火新涼課子書

次蕭文煥教授韻

聖主龍興大有爲乾坤此日總清夷
南郊多士聽新詔東魯諸生習舊儀
海角亭前休對酒岳陽樓上好題詩
西風一葉梧江櫂千里懷人入夢思

答莫季龍

羨子乘槎南海上遠從牛女問天津
殊方入貢梯航舊上國歸來冠蓋新
雜粵文風興此日雞林詩價重行人懸知江路頻
維楫處處疎梅破小春

鄭節婦

仙舟不返淚河枯誓死持家爲報夫
牀下問姑晨饌具機傍課子夜燈孤
門依慈竹金書揭庭列崇蘭綵服趨
太史行編貞節傳清風千載滿三衢

廣州江亭次熙陽太史韻

不斫蟠桃駕大杠
謾移蘭橈泛蒼江
山光入野連桑海
水影浮雲上竹窻
幻枕何人尋舊夢
洞簫有客換新腔
蒼茫詠罷成長嘯
天外飛來白鳥雙

謁張文獻公祠

開元賢士張文獻
落落長才際盛時
滄海明珠知價重
秋風白羽歎恩衰
羯胡已破生前膽
烏道何勞死後思
半畝鄉祠金像在
薦芳請誦八

哀詩

謁余襄公祠

慶曆名臣余諫議
堂堂正論出清班
一封霜簡晨趨闕
萬點風旗夜度關
遺廟丹青近韶石
故家文獻盛閩山
錦袍紫橐光相射
猶似當年上國還

和韓南勝四首之二

高堂晝日坐鳴琴
滿地棠梨散綠陰
白雪陽春空下指
青天明月是知心
陶公避俗從沈醉
杜

老憂時更苦吟無限扁舟江上意洞簫嫋嫋有
餘音

其二

落地男兒總弟兄一時傾蓋若平生宦游老去
應無意訪舊重來更有情野寺携琴惟伴鶴溪
堂丸藥忽聞鸞樂栽松桂林中讀安得從公一
結盟

南雄太守葉景龍政成入覲

相逢江上繫蘭橈歲晏天寒雪正飄駐日帝鄉
紅日近關心親舍白雲遙梅花嶺外詩千首竹
葉山中酒一瓢握手都門應有約清溪水滿綠
楊橋

雲石軒爲葉彥實賦

山骨峻嶒聳碧岑靜看古色氣蕭森竹邊雨過
含微潤花底烟浮散細陰畫枕可人開醉眼睛
軒畱客伴清吟襄陽米老真癡絕一日書船駐
水滸

菊圃

西風搖落送秋光野菊猶存老圃香瘦藥清分
蘭畹露寒枝低護檜籬霜忌憂且汎杯中物益
壽應傳肘後方三逕歸來定何日芳鄰準擬卜
柴桑

洪武十年再奉使安南還道經豐城留館

驛父老乞留題急筆賦此

酡顏綠鬢映烏紗奉使安南去路賒金闕九天
承紫誥銀河八月泛仙槎行裝祇有梅花檐載
道寧無惹苴車揮翰玉堂知有待五雲淡處聽

宣麻 州遺集卷之

辛亥正旦呈牛典簿王編修

洪武四年是
年春除豐城

客中兩度逢正旦江上相看感歲華仙杖遙瞻
丹鳳闕官船進泊白鷗沙雪消星石添春水日
射香爐散曉霞却憶故園兄弟樂屠蘇酒對小
梅花

丹鳳闕官城並白
容中兩裏發五且
承紫辛亥五且呈
宣和無意故車揮
翰玉堂知有待五
雲淡處聽

平春叙豐
其海四平

林登州遺集卷之七

閩漳林唐臣元凱著

同郡王志道而弘定

後學張紹科煙叔纂

五言排律

贈別甯義甫率掾二十韻

甯子真人傑英年
拔郡曹簿書閒吏
事弓劍策戎勞佛
塔題雲鳳神山看
海濤短衣寧扣角
巨釣擬連鰲阮掾
稱三語潘郎嘆二
毛薇邊騰鸚

剡柳外試龍韜，單騎晨傳檄。重關夜屬橐，陣雲橫雜遝。郊壘破周遭，風驥難垂櫜。秋鷹待解條，分籓嚴節鉞。弭筆逐旌旄，西崦烟收瘴。南溪雨漲膏，芝蘭從草伍。稂莠爲苗薈，緩帶羊公適。胡床庾亮豪，劇談方洒洒。別意苦恹恹，烽火悲橫玉。篝燈夢大刀，霜橙分紺實。江蟹斫紅螯，把酒歌三疊。維舟水半篙，宦情磨鐵硯。交誼戀綈袍，青眼群公在。丹心寸地操，爲君懷遠舉。天表粵山高。

贈王同野閩史歸建三十韻

聖理濟夷夏，邊陲重鎮綏。藩臣分節出，佐政辟文帷。君拔千人傑，民瞻一郡師。汾河遺澤在，滕閣逸才推。子佩鏘經席，王章肅奠儀。堂鱣嘉瑞兆，閩鷓薦書馳。簡量稱三語，清名慕四知。濟時行賈策，論事邁蕭規。烽燧猶南國，風雲渺北墀。登樓粲空賦，入幕超能詩。退食欣多暇，忘機慰所思。涼薰榕下榻，長日竹間碁。細藻流清泮，香蕖汎綠池。應勞書牘尾，未許撤臯比。江左陳琳

檄淮西韓愈碑文章長敘論贊畫足匡裨已喜
才堪試何慚位尚卑驕駟霄漢步松栢棟樑姿
天地心如鐵風塵鬢未絲彈冠差可慶結襪詎
云癡雲樹連同野家山近武夷蕉書頻日報蘭
權及秋移椿綠霜中榦槐青雨後枝韋編課兒
誦綵袖奉親嬉至樂皆人願微名祇自縻朋簪
資麗澤客袂忍分岐荔熟丹砂顆醪香碧玉卮
離憂從馬上言贈且江潛瑞世鳳麟覩清班鶴
鷺期行哉須努力千古志臯夔

江洞書事五十韻

西徼百蠻底南荒三楚邊苗頑風未殄盤瓠種
猶傳江自牂柯發山從越雋連封疆秦日畫威
德漢朝宣馬援軍曾駐狄青師載旋羈縻諸洞
在棄置左官遷夷獠分生熟懷柔異後先鳥言
難白別椎髻費紅纏篁桂深林薄茅茨小棟椽
巢居牛畜共鄰處虎狼聯獵野撚花箭涉川剗
木船蝮蛇勤執贄雞骨慣占年畬種原頭火村
炊樹杪烟兵塵竹子後瘴雨桂花前逕路微微

入藤蘿密密延小橋過畧行輕篙送鞦韆象郡
通蕃甸珠崖到海墻驛牛無脫轡洞馬不加鞭
飲澗猿懸臂吹潭蛟長涎危峰常欲墮恠石久
皆穿忍聽歸歸鳥愁看跼跼鳶沙薑長豎指泥
蕨細鈎拳寘毒讎家快挑生左道便行厨避民
舍停筓問賓筵近臘縫山罽迎秋拾木綿夔犢
爲伴侶麋鹿當牲牷蠻鬼歌堂賽伎童舞袖翩
溪翁醉皆倒野婦喜如顛負弩常從犬板罾或
得鯿孰云殊土俗自是一山川白髮知何叟青

衣立竦肩送瓜強畱客供酒不論錢請說兩江
事含悽雙瀟漣前朝失政體酋長竊兵權角面

桃弧勁魚鱗竹甲堅

寇音奪

攘時彼此剽掠轉寅

緣聖主開弘業遐方囿化甄居然列郡縣忍爾
黷戈鋌豈料潢池地從觀埴井天羣兇多不逞
同惡復相牽春廢桑麻壠秋荒蔗芋田官軍掃
氛翳鼠輩委腥膻汚染猶蒙宥強梁詎足憐智
高今顯戮孟獲已淡跽殘命嗟如綫新官幸似
弦慶民有元結奉使遇張騫苦語怕終聽同仁

賴曲全乾坤新再造日月大無偏嶺徼雖稱遠
巖廊正任賢觀風小臣在歸擬奏詩篇

贈添迭都判府二十韻

賢倅北方傑篤生勲德門世皇良將裔林國上
公孫淮海新開府開山舊鎮藩彝勲揚日出劍
氣射星垣喬木蒼烟古甘棠綠蔭蕃東南聳冠
蓋甲乙擁旗旛帝軫邊方苦公承天語溫貳車
方筮仕別駕重疏恩虞坂馳良驥滄溟起大鯤
松邊臥歸轍柳外迂征轅良策裨軍旅長材任

蔚繁列槐家澤遠細柳祖風存春雨桑麻隴秋
風禾黍原鱣應識韓愈虎亦避劉琨東郭看山
榻南樓對月樽調羹需鼎鼐紉佩蘘蘭蓀昭代
多麟鳳清班遙鷺鶴鋒車行趣召萬里覲天闈
縣尹相公平冠策勲賦詩爲頌

國步艱難際邊陲俊傑生將門餘舊澤相閥藹
新聲騏驥駑駘屈鷗鵬羽翼成將軍年尚少令
尹職先榮溪北甘棠樹江東細柳營循行及野
邑團練合農兵南徼驚塵起西林殺氣橫霜袍

當自表雲陣每孤征士畏條侯令民知司馬名
指揮秋色動談笑瘴氛清落日喧笳鼓西風捲
旆旌歸舟無惹苾吟檐有黃精保障安黎庶勲
庸答聖明願言崇令德佳讖叶胡平

別胡景昭

景昭文學疇昔相好非淺近交寇盜流離偶
會漳水之上歡洽未久歸思浩然不可援止
風漫成十六韻寓惜別意

昔予方弱冠與子每同襟躍馬春風早聞雞夜
漏淡青雲懷遠志白雪操淳音霄漢何寥邈江
湖易陸沉卞生勞獻玉直子誤持金典教才終
屈爲郎力不任艱難愁白髮慷慨見丹心落景
山陽笛寒宵楚戶砧杜陵憐久客梁父動悲吟
日月鴻遵渚風塵鶴在林策言疎董賈詩價重
何陰小子多茅胙先生寡芥鍼麒麟圖自古鸚
鵡賦還今且對盈樽酒休鳴別調琴枕榔晨霧
塞薜荔曉霜侵畏道那分袂離情倍不禁

五言絕句

題菘菜

野老藜藿腸飽知晚菘味惟應肉食人少玩圖

畫意

題樹萱堂

叢萱樹北堂宜男吐幽芳春暉益如酒庶俾百

憂忘

題白雲堆

空山白雲堆中有隱者居悠然兩無心塵世將

焉如

七言絕句

凌江八景

蕉寺晨鐘

招提隱隱傍林巒
月落鐘鳴漏未殘
一夜芭蕉風不靜
秋聲相和下雲端

呂橋夜月

長橋十丈俯江流
月色遙連水色秋
雲外何人吹鐵笛
渾如黃鶴斷磯頭

黃村晚照

黃家村外夕陽明
雞犬遲歸愛晚晴
花落閒庭茅屋靜
小溪風起看潮生

阮浦春潮

別浦春潮帶雨來
帆歸天際晚風開
江干竹樹深如許
二阮清遊應未回

球浦烟帆

珠渚烟晴晚照紅
布帆八尺飽西風
今宵繫纜知何處
兩岸蘆花月色同

浪灣雪網

浪花飛雪滿前灣舉網輕舟夜不還無限黃州
蘇子興洞簫聲在水雲間

棠堤春雨

雨過春堤塵未乾海棠千樹畫中看
凌江江上東風軟輕撲羅衣散曉寒

橘塢秋霜

水邊林外野人家橘柚秋紅照晚霞
何日寄來三百顆先春報汝玉川茶

河船口占八首

浩河水接潞河渾處處新營失舊村
聞說東西兩漁甸年來也隸達家屯

其二

七月旣望月更圓蘆花吹雪秋滿船
無人共過黃泥坂此客元非赤壁仙

其三

昨夜江頭秋雨急曉看新水已平堤
堤邊紅蓼開無數樹樹相依穗穗齊

其四

原田黍稌秋垂熟婦子巡防闌達宵但得西成
來鼠雀也勝螟螣盡青苗

其五

憶昔扁舟過潞河垂楊兩岸綠陰多而今野飲
維梢處爛熳牽牛引碧蘿

其六

點點蘆蓬踈雨聲酒魂詩夢有餘清覺來却笑
玄真子猶向江湖著姓名

其七

連朝雨急臥不起清曉蓬窓試一開水面雙雙
輕燕去沙頭箇箇白鷗來

其八

河中風物無多子鯉鱸蒲羹頓頓供何似蓴鱸
鄉味好扁舟歸去及秋風

題寒花鷓鴣圖

落日秋林竹樹稀枝頭寒雀靜相依爭如草畔
鷓鴣樂自啄霜蟲不肯飛

題江山臥遊圖

投老歸來已倦遊，崎嶇窈窕舊林丘。
畫圖多謝滄浪客，臥看瀟湘一幅秋。

題子昂人馬圖

南風古柳生夏涼，神駿萬里思驕驤。
圉人空爾奉芻秣，曷不爲解青絲韉。

題雜畫九首

貓

內相家中蒙貴兒，華堂客至每先知。
今朝洗面

還過耳故寫新圖，開閣詩

犬

乳犬垂頭傍竹門，低回似戀主人公。
恩中宵莫學籬邊吠，風滿山花月滿村。

馬

玉策金鞍絲轡輕，長秋陰裏一長鳴。
爭如此馬無拘束，細草香沙自在行。

鼠

熟睡狸奴脚未伸，燈前黠鼠竊蓮頻。
兒曹恐有

張廷尉莫太狼貪不畏人

龍

長樂陳翁畫龍手今君法得古人多
嶄嶄頭角欲飛去風雨三江秋水波

鴛鴦

白石青蒲春水生夕陽錦羽照沙明
戲拈畫筆知何處柳外池塘艇子輕

鸚鵡

隴頭春樹拂雲紅學語聲嬌弄晚風
上國祗今

辭遠貢莫愁彩羽閉雕籠

雙雀

珥江驛裏可張羅得食階除任意過
應是屢成相賀競啣環底用感恩多

喚起

林間百舌謾多言此鳥嬌音不浪傳
喚起一聲窗外白東風庭院落花天

珥江驛口占八首

士女填街撥不開共看天使日邊來
白羅衫稱

鳥紗帽坐聽齊聲說冷腮冷腮方言甚美也

其二

清江十里畫船過落日涼風水不波花袴水軍齊舉棹歌聲唱作馬前呵

其三

小卒橫挑丈二爻褒衣長帽似臞儒當街一喝人爭避如此威獰更有無

其四

蠻官短髮皂衣練江驛時來學步趨歸去休騎

割鬃馬底鴉穩臥勝籃輿底鴉繩結肩輿也

其五

八月傘圓山下路顛風捲地雨冥冥勸君莫汲珥江水鬪蛟魚龍氣正腥俗傳古有熊王女子江山二神爭娶為山

神所先至今猶鬪云

其六

機家舟上女如雲日日機中織縷勤忽見江頭

秋月色唱歌聲到夜淡聞南人謂綃為縷

其七

齒牙如漆足如霜紅縷衣裙紫袴襠見客不羞
嬌作笑誰家昆艾賣檳榔

昆艾女子也

其八

鸚鵡窓前返照明檳榔樹下晚涼生女郎浴罷
清江去不斷秋砧搗素聲

龍州十首

龍州長夏多風雨山路無時一尺泥今日開門
喜新霽洞雲片片度前溪

其二

山蕉木柰野葡萄佛指香圓人面桃更有波羅
甜似蜜冰盤初薦尺餘高

其三

草閣柴扉傍竹開洞官留客意徘徊盤遮蕉葉
携殽至甕貯筠籠送酒來

其四

峒丁峒婦皆高髻白紵裁衫青布裙客至柴門
共淡揖一時男女竟誰分

其五

千山萬山皆戴石十日九日常出雲木鼠夜啼
人不見峽猿暮嘯客偏聞

其六昔高巒白雲綠水青林靜客至柴門
近水刺桐知驛舍倚山毛竹卽人家趨墟野婦
酤甜酒候館溪童進辣茶

其七
架巖鑿壁作巢居隱約晴雲碧樹疎水視枝杪
橫檻似禾困箇箇小亭如

其八
白沙青石小溪清魚入疎罾艇子輕謾說南荒
風景異此時真似剡中行

其九
林塘幽窈隔桑村風磴崎嶇接石門雨過茅茨
忘赤日雲淡篁桂易黃昏

其十
龍州溪洞極南邊雞犬桑麻自一天流水桃花
今有路何須更覓武陵仙

韶石

一曲南薰石欲開，餘今猶繞九成臺。青山空灑
懷人淚，雲暗蒼梧鳳不來。

荻港舟中
風日清酣麥正秋，無邊蘭杜滿芳洲。船窓夢覺
多幽思，處處飛來雙白鷗。

題壽萱圖
東風煖入北堂深，吹綻萱花兩朶金。應憶綵衣
稱壽酒，春暉寸草此時心。

海山秋思圖爲樂清鄔知縣賦

寫得新圖記舊遊，無窮詩思海天秋。白雲黃葉
渾相似，鴈蕩山前思遠樓。

題鳳山圖

青沙白石草離離，萬仞蒼崖瞰碧漪。鳳鳥祗今
鳴嶰谷，朝陽未老碧梧枝。

題朱孟辨臨文與可墨竹

胸中千畝老陵州，用寫西風一樹秋。咄咄逼人
青瑣客，時來泚筆鳳池頭。

題王章紅梅

妖嬈暫借杏莢色鐵石終存冰雪心額粉風飄
粧鏡盡臉霞春酒入杯淡

題危中書所藏和靖墨蹟

有引

和靖先生遯居湖山間意其與方外之遊從
爲多今觀中書危公所藏手墨謝簡一贈詩
一皆與方外者筆力語意清峭雅澹猶可想
其爲人披玩之餘敬成三絕

舊書遳遳謝相遇何日重來共晤歌籠鶴不飛
茅屋靜西湖十里月明多

其二

湖上題詩衲袂分梅花千樹雪紛紛明朝飛錫
知何處鴈蕩山中一片雲

其三

翡翠湖邊迹已荒鳳凰池上墨猶香爐熏清晝
開詩卷宛見孤山舊草堂

題竹間清逸圖

流水柴門萬竹秋玉人還侶晉風流瑤琴一曲
瀟湘雨隔浦漁翁正倚舟

題梅雀圖

一樹寒梅花的的兩三凍雀羽離離上林鳩鵲
春如海誰爲東風借一枝

師夔令尹作樹石圖以寄其友黃君復紀

別時之景也閱而有賦二絕

楊柳江頭送客歸暮潮初落見漁磯畫圖無限
懷人意雲樹依依又夕暉

其二

畫圖詩句兩清新遠向郵筒寄故人惆悵宿雲

雙墨檜碧紗零落蒲埃塵

題山窻秋色圖

青山點點雨初過黃葉瀟瀟霜已多惆悵美人
秋水外晴牕掩卷奈愁何

書羅彥周畫翁

流水高山獨抱琴拏舟有客識彈心小樓一曲
倚蘭操黃葉西風秋蒲林

馮性之以願定之墨竹寄其友方時舉題
日清風來故人索賦一絕

故人別去每相思
修竹清風若見之
鳳鳥不來春又暮
湘雲吹斷玉參差

爲袁能伯憲使題墨竹

亭亭玉節拂雲霄
坐覺清風瘴霧消
擬奏鈞天簫十二
虞廷此日聽鳴韶

題方壺子墨竹

方壺仙子御風還
雲外珊珊響佩環
吹徹鳳笙山月冷
參差玉管落人間

夜夢亡友林伯永有風憲之除覺而賦此

青袍白面舊參軍
風憲新除死後聞
清夢覺來清淚集
屋梁落月白紛紛

題熊自成雙鶴圖

海上歸來歲月遲
懶隨青鳥度瑤池
一雙清唳秋霄月
莫遣雲中仙子知

題柯敬仲墨竹

宣文博士老丹丘
戲寫瀟湘一段秋
留向竹山隱居處
虹光夜與劍光浮

杏林圖爲豐城楊從善題

昔年曾說董仙翁種杏成林爛熳紅多少活人
陰德在枝枝葉葉總春風

宣文題黃尚英墨竹
竹山萬箇碧琅玕喜向仙家畫裏看午夜鳳臺
吹玉管不知風露逼人寒

爲張叔同題江城送別圖
雙劍江頭春水生浦雲村樹總關情觀圖忽憶
曾遊處倚棹漁村聽笛聲

青蘇題熊自成紅梅
飄殘額粉見朱唇杏豔豔嬌謾妬人解得花神
留戀意枝南枝北一般春

藤州

江月樓前江水淡玉人曾醉古藤陰雪堂歸去
無消息半畝荒亭千載心

題黎省之唐馬

嗅地低回欲袞塵玄雲散彩五花新蹴冰不識
交河道芻豆相從愧圉人

題聽雨軒圖

山隱酒醒夢魂清竹外松邊點點鳴蒲澗寺前
千尺瀑都隨黃葉作秋聲

契此為回俗交與玄雲靖淨正并滌瀝水不瀦
山眼寒宵之書過向他家書更有字夜
云且對前山水對玉人曾細古蘇劍雲堂誰去
蕭瑟意對南楚北一蹴春
聽絃醉似良米尋香體衣徹對破人嶺野并師

操

石泉操

白石鑿鑿兮清泉泠泠可洗吾耳兮可濯吾纓
援吾琴兮發希聲玉琳瑯兮金琮瑋泉有魚兮
龍出聽嗟若人兮耳厭秦箏石泉曲兮邈千古
情

嫋嫋兮秋風樹撼撼兮聲未終風之聲兮在耳
子之思兮曷窮松楸淒兮霜露下親不見兮愁
予三釜貴兮誰爲榮抱茲痛兮終古彭之坡兮
何長彭之亭兮樹荒荒播茲風兮千載庶錫類
兮不忘

梁谿辭

有序

昔者君子道與時違則退而隱處以自潔不以
寵榮利祿羈膠其心故進退之際綽乎裕如夫
豈汲汲營營以圖遇合若鄙夫曲士之爲哉毗

陵鄒天民氏少知覺長推擇爲吏旣升銓曹不
屑升斗曰是豈足行吾志耶遂引去卽所居自
號曰梁谿生人咸高之予聞梁谿南直五湖退
隱之士多居焉天民殆將爲扁舟之游與煙霞
釣徒江湖散人而爲侶耶爲作梁谿辭一章天
民釣遊之暇鼓枻而歌之庶幾浦雲汀月之濱
或有賞音者也辭曰

梁谿之水兮其流溶溶淺有蒲荷兮深有魚龍
泛予舟兮溪之風侶雲月兮其長終鳴夷遊兮

猶遺踪玄真脫兮或可逢微斯人兮吾將曷從

[Faint bleed-through text from the reverse side of the page, including characters like 猶遺踪玄真脫兮 or 或可逢微斯人]

詩餘

萬年歡贈別陳都事

問訊東君又何事一歲一番歸去杜宇聲中撩
亂落花飛絮漫向江頭凝竚想無計可能留住
江亭上况有離人不禁千種愁緒還思澤國
風塵更誰能草檄名重藩府舊業都荒茅屋稻
田瓜圃說與風流謝傅且休把雲山自許應迴
首人在丹霞滿庭榕葉鶯語

木蘭花慢送孔子遠少府歸東甌

羨千年泗水流聖澤尚淙淙遠西引河源東連
岱岳南下颺江如君一門簪綬更風流文彩世
無雙柳外藏書樓閣竹間放鶴軒窓 弓刀暫
爾擁旌幢清譽藹南邦喜烟淨妖狼灘飛瑞鵝
月靜驚雁歸去吳鉤錦帶想高堂春酒正盈缸
菽水清歡未極風雲壯志休降

木蘭花爲允元學錄壽時戊戌中秋南城
溪樓卽席分得微字

秋江水上花外洋柳邊磯喜滿眼睛光溪雲搖
曳山日熹微無限庾樓清興一瓢春酒今夜莫
相違幸對月明風細况逢萼美鱸肥 寸心此
際念庭闈稱壽舞斑衣笑薄宦孤蹤塞鴻海燕
北去南歸萬頃澄江如練詠新詩却憶謝玄暉
但願諸公長健共看千里清輝

林登州遺集卷之八



閩漳林唐臣元凱著

同郡王志道而弘定 裔孫興楨侯重梓

後學張紹科煙叔纂



送序

送邵武司李馮公之官序

南勝巖邑也朝廷選吏吏之務戢民也至正十三年春省臺大臣承命銓選福建常調官若曰南勝控諸畬民善驚喜鬪弗靖選令惟賢興化

架閣馮某勤慎練事嘗從平李寇有勞其進之
秩使尹是邑公至則完堡以固民興學以導俗
去苛弊簡牒訟強抑而弱扶之民曰是神明也
惡可或干桀驚者惡其妨已每聚羣不逞訛言
訐亂公屹不爲動曰尹不民擾民敢尹擾殺一
尹則一尹至尹不畏死也未幾有賊數百人夜
入邑邑民皆走公開門偵變賊突至刃傷公脅
公坐罵曰死賊奴尹承天子命以父母汝者也
汝欲殺汝父母耶賊駭愕散去公絕復蘓治瘡

志卽出視事其方寸硃然有絕人者政成五年
陞卻武郡推官旌其庸也檄旣下治行事漳人
士咸歌詩以道之來徵予言予謂公歷省閩積
年勞贊郡府選邑令明習政典人稱吏師以南
勝之反側卻武之簡靜令之勞劇推理之暇裕
較而觀之其設施難易爲何如也抑明刑之要
在於知法外意公專是學而專是職他日平反
之德所積者必厚矣又奚待於予言哉

送憲府從事鄭君懋夫序

天朝所以經制國用者莫重於楮幣所以綜理
吏治者莫肅於憲紀憲紀不肅則吏治不張楮
幣不流則國用不裕夫天下猶人之身也憲紀
耳目也不撫其身則股肱弛矣楮幣氣血也不
周於身則疾疢生矣然則楮幣之流壅國用之
裕乏吏治之張否憲紀皆不能不加之意也自
江淮盜起兵荒連年物重貨輕楮幣之行僅當
昔之十一二至有家累千百緡而道孳者有司

莫能禁憲府患之廼議所以變而通之之法以爲兵荒之屢楮幣之壅莫甚於閩而閩又莫甚於漳選從事以爲有司之監非得通練廉恪之士不可僉謂鄭君懋夫宜君至則權法以祛弊審勢以度宜不棘以濫刑不徐以廢事唯以方寸之印識幣背民貿易無所滯又以穀價騰則幣力詘乃樽節境外商船不得多糴湧價行之旬月民皆言便歌之曰喁喁涸魚疇或濡之予才疲民疇或紆之糴遏於境幣通於市從事之

賢伊我民之利邦人士采民風爲詩以華君歸來請序嗟夫楮幣國家之大信也信無不孚猶水無不流彼習故常者見其或壅也則曰水不善流豈理也哉楮幣之壅久矣鄭君疏而流之亦以國家之信而示之耳不然幣之爲法滯矣何方寸之印能使蚩蚩者氓斷斷而不疑哉惟我朝祖宗立二十二道憲司以綱紀天下凡國政之得失民生之利病皆得舉悉而興除之况楮幣之行實足國裕民之攸繫歟使者變通之

有術從事銜命之不辱是可序也已鄭君儒術
飾吏嘗從林公清源遊其學以達政蓋有本云

送實達道之官興化序

至正戊子春予試藝京師寔與西原馬君原德
同上春官原德嘗與予言實君達道之賢是年
原德成進士予下第南歸適達道來監漳叅司
相見卽定文字交知其僑京口與原德居同里
而學同門也又與余志同道而習同業也繇是
交益久好益殷而相規敬益至今年夏達道辟
行省掾未行朝廷銓閩浙郡縣官選君監邑興
化檄下分闈復畱贊軍務君以監邑朝命也不

可後卽治行來言別曰吾聞贈人以言仁者之心也走辱與吾子遊有日矣今別去子能無言乎噫予之所欲言固君之所已行者矣言不言不足爲君損益也漳郡左民悍寇警無寧歲監叅司者城池寄焉寇盜職焉當山海之寇迭發達道外將兵給餉內結民嚴守出則賊刃入則城堅所寄則舉所職則治非忠乎事母夫人色養備至退食怡怡待傍問燠寒飽饑具道一日所決訟以聽慈訓惴惴焉惟恐負民負君以負其親非孝乎陽亢宗曰凡學所以爲忠與孝也予固因達道之所施而覘其所以爲學矣興化爲莆外縣非叅司福郡之比山溪民淳號爲易治又非漳郡多警之似異日課令之寔書上上考而璽書褒異者予於君焉卜之矣

送呂伯原應辟閩憲序

今朝廷選材惟於臺憲爲尤慎官臺憲者辟從事書佐將以廣聰遠明贊禪不逮尤不容不慎焉然敏辯者或深忌不知體簡厚者或疎緩不立事必也治體之明吏事之練而無偏於所謂深忌疎緩者是憲臺之所以辟書佐之所以稱也呂君伯原學足以知體材足以立事官世澤也而純綺之無襲職近民也而謗讟之不聞郡侯器而薦之部使賢而辟之吾知伯原必能推

其學展其材以無負於臺憲慎選之意也已抑
余聞君伯兄憲使公嘗辟佐閩憲乃今敷歷中
外爲時聞人伯原繼踵以升一門棣鄂輝耀先
後他日史氏載清白世家將以呂氏爲稱晉矣
故予於君之行也喜而序之不辭

送張以仁言事閩省序

張君以仁金浦傑士也業儒而飾吏識時達政
慷慨有大志當李寇亂漳朝廷命大臣提兵討
之部使者督師海上久無功君時避寇溫陵畫
平寇之策以干部使者左公世臣公採而施行
之動中事機無失公曰張寔吾左軍也凡軍事
悉諮之旣而師壓境寇遁穴君亦還家海上公
版授以官君辭曰寇至則避寇退則反妻耘子
耕山採水釣所樂者在是也官賞非敢異也邇

年潮寇屢警瀕海鄉落苦之君募鄉人掩擊獻
俘大府終不言功每念國政之弊民生之瘼未
嘗不嘆息流涕以爲弊之深瘼之重者莫若鹽
法因條陳利病纖悉不遺不許以激不迂以疎
大率以鹽爲天地自然之利上之人惟當樽節
愛養於民而已必欲上有以裕國用下有以紓
民力莫如於產鹽之地募民自煎自鬻而貢其
課則提鹽之官不必設私徙之禁不必嚴工本
之費不必給舟楫轉運倉場出納皆不必勞將

見亭竈日增課額日羨國家殷富民物阜康在
一轉移間耳聞其言者婦子嘻老者泣壯者拜
而手加額官若吏嘖嘖感嘆以爲關於民生國
政之大里中生林某壯其言飲之酒而告之曰
士生斯世凡甲兵錢穀邊豆有司皆吾分內事
苟可裨國政者雖進草茅之言不爲僭也昔馬
周以一布衣因常何上言致擢御史今制陳軍
國利病者旌官子之行豈無知子者哉矧行省
肇立得以便宜制方面子能爲倒懸之民一號

於薇階之下吾意忠國仁民者將爲子而感泣
矣若然則子雖欲名之逃而名將子隨矣且子
獨不聞我東溪高光先生以胄子抗疏乞除六
賊至今讀其書疏英風義氣令人骨凜毛豎君
能以古人自期待則言雖不行猶傑士也於是
漳人士咸爲詩歌以道之請書予言爲序予樂
張君之爲人輕官賞而重忠義也書之不辭

送葉掾歸閩省序

葉君仲安始以吏事進有能稱繼以戎勞上司
勲擢漳郡架閣今福建行省平章政事普公器
其才陞郤武貳幙尋辟爲掾普公方承制行事
鋤奸植善威德南被以漳守羅公有靖邊功便
宜授行省叅知政事分鎮漳泉君寔銜是命以
來旣還有讒君於平章公者曰葉掾以將命故
受馬數匹白金若干斤公曰羅侯嚴果明察豈
一介之使所能欺哉葉某以九品官吾起辟爲

掾葉德吾浚矣詎恐汚負於我耶又有讒君於
叅政公者曰葉君之來吾燕以勞之猶辭焉金
之不受不問可知矣旣而讒言愈紛或謂君曰
禍將不測子其始哉君曰夫明而遠者不行浸
潤之言寧謂二相之賢而行之哉且譖始之不
溺則雖蠅營之罔極終亦不能惑我二相之聽
矣於是平章公遣信厚者與君面質於叅政公
曰無是也備詢於舉者皆曰無是也前讒遂白
普公信君之誠羅公益厚遇而重薦之君子謂

普公視之遠羅公察之明不以讒之惑而加人
之罪可謂有大臣之度矣向使讒生之初二公
不加之審遽以罪君君不理於口直受自誣於
二公之盛德豈不重有累也耶傳曰川澤納汚
山藪藏疾易曰包荒用馮河不遐遺夫人有汚
疾上之人猶當廣包荒之量含垢以容之况於
疑似之言未必有汚疾之可議者乎予樂二公
德量之有容而嘉葉君誠心之不欺也故於其
歸序此以釋疑于人云

送孔叔原長泉山書院序

以聖人之喬學聖人之學而敷聖人之教于人
其知本者歟斯君子所與吾鄙之所榮也余友
孔君叔原寔先聖五十七世孫秀穎善學材範
夙成弱冠列較官教漳之南勝巖邑也民獷而
俗悍君掖以禮義民俗克變滿秩郡庠賢之延
以奉夫子廟今年春承省檄長泉山書院行有
日來告別曰願聞子一言夫泉在閩號繁庶郡
民多逐末利喬夷雜糅惟浮屠是崇逐末利則

學不力崇浮屠則學以惑矧兵興以來詩書之
教未易勝金革之習仁義之言未易弭戕賊之
禍人將視聖教爲迂緩然大賢朱晦庵真西山
氏寔過化是邦雖夷習兵禍之淪斲而道源文
脈有不能終絕者孔子曰雖蠻貊之邦行泉山
未易教於南勝之難則相萬矣吾叔原不難於
彼豈不易於此哉亦惟以所學爲教而盡心焉
則感慕興起於下人皆有是心也於教職庶無
愧乎

送孔善夫序

聖人之道與天地同大故其世澤亦與天地相
爲悠久文獻之盛代有可徵而崇德象賢靡間
北南歷世以來未有若我朝之盛者也衍聖襲
封上公曲阜裔孫布衣得授郡教一考卽入流
品江南諸裔加歷省註陞教于郡恩數優異著
在令甲吁亦盛矣孔君善夫衍出也於裔爲南
於世爲五十有五至正庚子以察廉奉省檄貳
教于漳予方攝教席見其俊爽以外揚貞介以

內確知爲方來之彥也間見其詩若文皆清雅
有古法釋奠肅奉祀事月季嚴程諸生士習爲
之一變信乎聖人之澤如水行地逾遠而愈衍
猶於善夫焉見之也旣滿秩將沿檄赴京來別
余曰某藉先聖餘澤得列學官今當典教一郡
恒恐弗稱以負聖祖之教先生幸有言庶可規
於鄙吝也嗟夫羣聖之道莫盛於夫子歷世之
崇其道莫盛於我朝吾子以聖裔入官固當學
聖人之學心聖朝之心以自振厲將俾聖人之
道復明於天下非特在一郡而已庶乎世澤可
綿國恩可報其萬一也予之所以告子孰有過
於此者哉善夫作而曰是可規已請爲書之

此亦姑善夫并而曰其可賦曰請為書之
餘因思其辭其萬一也予之視以君子也亦豈
敢與即然天下非特此一得而日視乎其樂何

送杜明之入京師序

武夷山水秀絕天下游者去猶不能忘矧居而
得其趣之深者乎蓋其幽勝萬狀竒怪百出使
人應接不暇至於煙囪雲壑窮深索隱隨所寓
而可樂必也居之久而復有以盡其勝譬之讀
書千帙萬卷浩浩汗汗雖雜著曲說亦可禪吾
之聰明旁搜博討積力浚久則得於心者莫非
可樂矣清碧杜先生隱居武夷山中朝命再徵
竟不起蓋讀書之樂有得於游山之樂者也今

子明之君蚤有譽縉紳間爲詩若文清婉有古法所謂蘭茁其芽鳳鷲其雛者歟今年夏以王事涉海赴京舟阻不得去明年候風便當再上友與其厚者咸賦詩爲贈明之請以武夷諸奇命題分賦且謂予曰吾生山中自童而冠今將壯矣泉石之與儔猿鶴之相求某水某丘之釣游居之旣樂則違之必憂也今而詩之以詠而玩焉則茲山之勝瞭然心目孰爲桑梓之所在孰爲松檟之所留雖萬里猶跬步也予曰噫是非得山水之趣之深乎子之心可謂忠念而不忘孝思者矣吾聞遊覽四方有益於學蓋目力之濶遠則心胸之恢廓而凡近之習不足言也今茲破長風駕巨浪觀大海之深岱嶽之高吾知明之有以充其偉邁之氣成其正大之學也必矣忠孝事業寔本於此若乃丘壑之趣當不爲明之芥蒂也

非得山水之趣之深乎子之心可謂忠念而不
忘孝思者矣吾聞遊覽四方有益於學蓋目力
之濶遠則心胸之恢廓而凡近之習不足言也
今茲破長風駕巨浪觀大海之深岱嶽之高吾
知明之有以充其偉邁之氣成其正大之學也
必矣忠孝事業寔本於此若乃丘壑之趣當不
爲明之芥蒂也

送長泰尹王夢臣序

魯建國自周盛際姬公禮樂之風孔子詩書之
化漸摩淪浹終古不泯代生多賢天下莫及蓋
其河嶽之氣鍾精孕靈以萃夫人故渾涵淵深
以爲之量秀爽峭拔以爲之容詩書禮樂以爲
之學吾於王君夢臣爲有徵焉君魯人也優學
躋仕歷掾閩省選令漳邑余始見其容之端於
外也旣又知其量之弘於中也則曰是詩書之
化禮樂之風乎將河嶽清淑是孕是鍾乎抑魯

之多賢而君能取之以成德於躬乎夫魯爲吾
孔聖之所生而闔爲吾朱子之所出一聖一賢
世遠而道同焉君生孔聖之里而游朱子之鄉
能以聞於近者而質於遠則禮樂詩書之教雖
海濱亦洙泗將不徒在於魯矣推是以爲教庶
幾聖賢之道行之有其兆乎君報政歸故以是
爲君諡若夫簿書期會之爲能刀筆筐篋之爲
賢非君之所志亦非予之所望於君也是爲序

送高君善父歸閩序

送高君善父歸閩序

今天下之士繇儒而進者有三途焉遺逸科目
文學是已士學其學志其志將有待於事其事
非故爲是立異以干有司之舉有司舉之亦非
有優劣於是也夫亦視其力之所及而公其心
焉耳是故遺逸非隱也科目非競也文學非卑
也顧遇知於有司何如也不以遺逸舉則以科
目進不繇科目進則繇文學辟士惟用是待有
司惟知是舉果何容心於彼此哉晉安高君善

父學懋以博文華以正闔士先之清原林先生
素重許可每器君曰是鳴於方來者凡數舉於
鄉皆不售部使者有知君薦爲龍溪文學謂余
曰遺逸皆天民之先覺吾無實以稱是科目又
不利也學官位卑祿薄吾恥與草木同腐固不
敢辭知己之薦庶幾古人爲貧而仕也旣上眎
其廟與學則凜乎將壓矣乃告于尹于守議所
以新之願捐俸佐其費旣又曰吾貧而旅食于
此尹必不安是而以俸食我則無以遂我圖報

先聖之心吾亦惟歸焉之爲安耳士大夫聞而
義之余曰古人所以自屑於官卑祿薄者惟求
其職之易稱而已故辭尊富而居貧賤雖抱關
擊柝委吏乘田不恥爲之學官固卑矣祿亦薄
矣而其職則未易稱也君不受常祿倡新廟學
思以稱學官之職蓋憂道之心有重於憂貧也
君子之辭受取予一斷於義使廟學不修教職
不稱而但知食祿豈吾善父之心哉遺逸科目
之舉視學官其秩爲崇然君子所以思其職者

則不以崇庠而有間也君志慮未衰名譽方起
當有薦而崇之者光明俊偉自見於世予於學
官覘其兆矣故序其所以歸

送李一誠教授寧德序

南山之松長未及尋尺其聳壑昂霄之氣已挺
乎不可遏小而爲榱桷大而爲楹棟其材之適
用不待要於後而可卜於今於人亦然幼焉而
嶷長焉而植壯焉必光明而赫奕小試而不負
所試大用而必稱其用亦於始焉卜之而已矣
友生一誠爲李氏佳子弟質粹而學力髻齒如
老成人材範夙蒞士林器之去年用部使者薦
寧德教予知其氣之方銳材之克大用之未

艾當不徒見於學官而有待也雖然學官固卑
寔師道是繫未可以易視之也寧德稱多士石
堂中村二先生之所講學固有傳而存者一誠
思所以稱其職亦勉於學而已夫學積也南山
之松非積久不能成榱桷楹棟之用君子之學
非積久不能成光明赫奕之業一誠勉乎哉學
以資仕吾所望於一誠者非此而已一誠行有
日友與厚者咸賦詩以贈

林登州遺集卷之九

人閩漳林唐臣元凱著

同郡王志道而弘定裔孫興楨侯重梓

後學張紹科煙叔纂

送序

李仲高歸省序

曩余與晉安林伯永同舉進士伯永來爲漳叅
軍余因識其外弟李君仲高年富而學懋穎悟
俊發若矢之括而羽鏃而礪將犀革之深入也

又十餘年仲高復來漳學積而文著閎衍超卓
若車之得良御駕良駟而康莊之迅馳也余固
知其林之適用宜爲有司之薦矣旣而郡庠禮
延以訓諸生部使者廉舉以列教職余又喜有
司之公明而無負於仲高之材矣夫學莫重乎
德文莫重於行予聞仲高伯氏僑死於漳仲高
匍匐以來道梗棗不能歸買舟泛海間關得達
人服其義今茲捧檄歸省喜動顏色非爲仕屈
乃爲親屈也其孝益並稱矣陽亢宗曰學爲忠
與孝黃魯直曰文以忠信孝友爲本豈不以德
行寔有重於學與文歟仲高孝友施於家者若
此使得守官而達政則移於忠者將有本於益
大矣仲高勗諸

送葉教諭歸建序

古之所謂君子者不厚己以競名不薄人以計利蓋其在內者重而在外者輕也內者重故難進外者輕故易退禮義之道在是矣建安葉君克明兩以春秋試有司不售樗菴鄭公廉問建邵興堂選得士薦十人克明與焉獲註長泰邑教且上曰是雞肋耳何競也至則代者先矣曰是錐刀耳吾所學者禮義而已禮義以爲進退得不得命也聖人之教豈欺我哉浩然東歸無

介辭色嗟夫世日下矣風日漓矣寧復有斯人哉小夫賤人簞食豆羹沾沾自吝不讓也不知已之可厚不知人之可薄而惟知禮義之可尚寧復有斯人哉故余於君之歸書此以爲願學君子論

送吳彥文使旋序

古者鄰國有交聘之禮所以講信修睦同獎王室雖大邦之於小國亦一往一復不廢其常矧方伯連帥之相與者乎聘使以一介行李將其辭命往來乎疆場之間應對之善否彼此之與貳繇焉非習禮能言之士鮮有不辱其命而墮其職者也維揚吳君彥文以今浙省平章政事朱公之命來聘閩省右轄羅公於位爲方伯連帥於禮爲講信修睦於義爲同獎王室則其聘

非徒爲越境私交而已余始見其貌恭而氣和
言從而禮度意其本於學也久在寓館恒接論
吐知其舊學於景忠陳先生信乎專對之無愧
繇於窮經以致用也今年夏聞大兵渡江南征
西淞方助糧餉中夜起舞思效尺寸卽命舟涉
海東歸以有爲之才而知急於當爲之義彥文
亦可謂傑士矣中興有日尚努力以樹勲庸余
將拭目君之燄燄也彥文戒行縉紳咸贈以言
來徵予序故書此于首簡

送太守陳侯使歸序

士君子欲自見於世者夫亦眎其所際而攄吾
所蘊焉耳是故時之泰也則詩書禮樂周旋唯
諾而文事以修時之否也則甲兵師旅折衝禦
侮而武備以飭孔子曰有文事必有武備武備
必有文事士之用也舍是二者將無以爲具矣
若漳守陳侯希良其殆無嫌於此者乎侯以世
功襲職泉翼千夫長當承平盛際文恬武嬉兵
寢不用侯日與一二縉紳論文賦詩講道議政

凡國制治體民情吏習靡不熟考而周悉會所
在盜起侯屢策靖亂功陞漳州新軍萬戶行省
臣以侯明於政理檄攝漳守薦於朝乞改文職
制授廣東宣尉副使未上復畱守漳郡府副分
垣黠民或怙勢凌其上侯曰此不可長每抑治
無貸事有當言委曲白上官叅伍情法不以威
讐利怵鄰郡寇橫侯承分垣命率師討之請曰
橫者一二耳餘皆善良願無多殺以禍非辜濱
危馭無懼色屢凱捷無驕容既再臨郡民信念

篤吏服愈誠雖或科徵調發急應非常民侯焉
是賴得免病苦既去百姓遮道齎咨涕洟若慕
父母迺兵亂攻漳城既敗而逸省臣謂侯素信
漳民遣諭其黨於海上降之民無餘禍夫政之
所施在承平則易於著效常法之守也在艱屯
則難於立功權變之務也侯以講學之素閱歷
之練文足以處常武足以制變故任民社則紀
綱舉之御軍旅則紀律明之以賢將帥而爲賢
師帥傳稱良將有曰悅禮樂敦詩書者矣史稱

循良有曰化刀劍買牛犢者矣文武並用以彼較此亦何讓乎漳大夫士述民去思之情以爲詩以某常忝郡幕知侯爲詳屬序焉

聶簡較北上序

人情易於履夷而難於涉險知險之不可涉而履涉不避必欲遂吾忠義之願而後已非其志確乎不可奪其氣充乎不可撓鮮不於事變之一再而挫衄矣况於屢而愈勵哉紅賊陷江西豐城失守聶氏義起鄉兵復其地賊仇之併力攻聶氏闔門死焉子浩初君偶免於難十八年起兵再復豐城二十年以經略使者之檄單騎入賊諭其渠帥使降賊怒而義之不忍加害拘

縻數月不遣江東軍攻江西敗之遂得間行歸
二十二年復入賊境宣布詔旨二十三年又至
誘賊別黨降之夫虎之能啣水之能溺雖愚駮
童稚猶知之浩初君非不知虎穴之不可探淵
水之不可馮也顧忠義激於心不暇於身謀也
浩初以功再轉爲西省簡較官今年承省檄白
事中書萬里涉海無難色嗟夫白刃可蹈懦者
或撓膚於芒刺九折可馳怯者或踏足於堂簾
浩初以忠義爲心故能以夷視險雖白刃之利
九折之峻無足畏者芒刺堂簾云乎哉予嘉浩
初忠義之士故於其行序此以壯之

馬翰林易之使歸序

國朝敬禮明神凡岳鎮海瀆之祀必選清望文
臣以代行重其事也蓋牲牢祝幣禮秩有嚴非
文臣不能知不知則不肅不肅則無以假神之
靈集民之福而副德意之美雖祀猶不祀也矧
事神凡以爲民則夫使者之出神與民當交致
其力也下焉閭閻疾苦之當知上焉吾君聰明
之當神其於廣詢博訪蓋汲汲焉惟恐一有不
至以負使之職也非文臣之賢又烏足以稱是

哉馬君易之自弱冠知名胄監中爲詩有法善以長篇述時事誠所謂詩史者中歲隱四明山朝廷以翰林編脩官起之至正甲辰天子以天下多故懼獄鎮海瀆之祀久曠厥典遣使函香四出代致其敬君寔銜命祀南鎮南嶽南海南鎮禮旣成遂道甌閩以達海嶽比至漳聞廣南多警未進適分省右丞羅公新建南嶽廟成有司請諏日具牲幣旣新廟望祀旣而海寇亦破捷書至論者謂明神之靈默有奇契疆境之復

當在此日矣夫三祀禮亦重矣朝廷不它使遣而以命君者豈不以公久寓江南習其土俗民瘼吏弊可以一歷而周知之今易之君不惟采民謠以觀風又能述民風以爲詩蓋將以備清問之對國史之錄如楓亭女等篇使人痛哭流涕者也宣室前席之問予知不徒在於鬼神君幸以是詩再拜奉大對南民蘇息當自茲始故於其使歸書此以爲序

幸以長荷并乘大博南與德息當自茲缺對
開之博國也之融也
兄請以購風又指樹只風以
奕奕養世以一烈而風吹之令息之孫不壯采
謂以命豈豈不以公入寓武南晉其土俗
當亦此日矣夫三流顛亦重矣時茲不守也費

送呂志文歸闔序

士有志而能不以流俗易其素斯君子之所與也孟軻氏曰士尚志在仁義蓋已之所尚者有定向則雖窮達豐約交於前利害休戚戰于中其于去就取舍之際一以仁義爲本故能不受變於流俗以成其志若呂志文氏亦庶幾能學而守乎此者也曩予以章句爲童子師志文年十四五嘗從余游玉潔蘭秀動遵禮度與論事理輒解余固知其所之之正矣爾與十年餘仕

者多以武功進拔行伍爾登廟堂列郡縣者肩
相摩踵相接也有力援者雖身不汗馬附名功
籍亦得美官志文則曰獲真盜而得官未爲害
獲而非真是殺無罪非仁也詭功罔上取非其
有非義也退然在諸生中不僥倖於力援部使
者有知志文者以茂才薦來貳漳學他日謂余
曰某辱先生之教不能自勉以成進修之功惟
知持初志而不敢渝耳非不知武功之速成文
學之難自拔也愧蹈流俗之弊習以負聖賢之
明訓故寧守冷官而不知自恤也夫士志道德
功名富貴不知累焉志文知以仁義爲尚宜其
取舍之明去就之潔也志文教成東歸來求予
言故述君子之所以與志文者以爲序

代贈唐大年歸姑孰序

洪武戊申夏予被旨錫印開衛漳南唐君大年
適令龍溪縣附郭事劇大年剗理有術暇裕而
無擾予固知其達政之要矣旣而代者至大年
欣然曰某願遂矣予怪而問之則曰某家姑孰
父母年皆及耄而不肖與弟永年猥以微名留
滯閩中髮種種矣思一見父母而道路隔絕邈
不可卽白雲之望鱸膾之思惕然於秋風中亦
旣屢矣今茲江闈率附道路無梗使不肖昆弟

得拜鶴髮於堂下斯實惟新朝之賜也因泣下
霑襟有司知君之賢留攝邑乏不可則薦於朝
得乘傳以行來告別且請予言夫君子樂三而
父母俱存兄弟無故寔願之豈不以其係於天
而不可必得歟當雲雷遘屯兵戈滿地人得遂
其生聚而父母兄弟之無恙者十不一二見也
而唐君八袞二親兄弟五人相隔於數千里外
凡歷數十寒暑一旦得以復遂其孝友之樂其
視俱存無故之常者抑又相萬不侔矣得非唐
氏積之厚而造物者之於善人其報施爲特異
歟漢制舉賢先孝廉書曰孝友克施有政君之
所施蓋有徵矣余聞君令龍溪寇發圍郡城君
出奇破強請廩贍乏而城以全軍興供億無匱
而民不知勞蓋爲政之要設施之熟雖古賢令
不能過也有司之舉於是爲得人矣故於其歸
序此以贈

送實菴師使歸序

上臨御之元年制若曰自昔有國家者莫不參
用宗乘翊贊皇慶蓋其以善導世實於政化爲
有助也乃錫號開吉曇公爲大禪師賜印章視
三品俾總僧之政仍名其所治曰善世院云以
閩南八郡新入職方寺刹衆而金穀之數猥多
擇其可使使行八郡遴其有才行可主教席者
以其名聞而金穀之入亦藉之焉於是實菴師
奉檄以來周歷博訪必核其實不苟不疎叢林

肅然宗風爲之一振星輅指漳過余梅雪齋中
神清而氣完語圓而意足蓋有得於色相心境
之外者間出莆泉諸僧贈詩示予請序首簡昔
者詩人之言爲歌謠之風爲頌美之詞贈詩固
主於頌美然而叢林詠歌之言亦可見釋氏風
化一淳一漓之故矣師能兼採民風之謠而攷
夫善惡之實歸朝伊邇或奉大對而以是陳之
斯爲無愧於使而所以善斯世者將彼此之交
盡矣幸母以出位而自諉也

送同安丞劉君赴閩省序

洪武二年夏制命中書叅知政事蔡公哲行省
福建以殿南服掾屬得自選辟於是置屬司之
所宜有者擇諸邑貳佐之賢攝其官檄下泉郡
以同安丞劉君士楨應其選邑之父老聞之羣
詣府控以請曰吾丞賢丞也吾儕小人實賴以
生省屬雖惡輪賢百里之寄獨王事而忍不爲
民社乎皆叩頭泣下守撫遣之民固請弗去然
業以選君不可中改君遂行博陵林弼走送於

萬安江上酌之酒而言曰丈夫生世所貴有立君惠民而下信善職而上聞立於此而孚於彼人心之公不容僞爲也省屬雖卑事繁八郡君雖百里借將爲八郡賀矣幸終始心乎民異日踐華要職愈大而惠愈廣矣俾夫倒懸之民均慰其心是又余之深望也士楨作曰敢不蚤夜以思以毋忘子之誨言士楨大族世宦其丞同安屬新附初遁兵亂君喻以福禍盜不忍害旣殲盜白大將母延非辜凡有徵會能因人心從土俗事率先集故民慕而愛之上官器而薦之皆其情云

送李本仁特告歸觀序

今上臨御之年疆宇旣一夷髦悉庭乃銳意求
賢布列中外以謂文經武緯皆古之規也文治
之興賢寔其具明詔屢下禮羅益張於是裸將
之庸敏巖穴之棲遁咸迪簡明以任官守稽禮
象樂治化翕然矣四明李君本仁始以議禮徵
至京師復被選纂修元史會今中書右丞楊公
行省山西君用薦爲照磨官山西兵燹餘畏道
萬里而母年逾八袞矣人或難之君則曰王事

也我其敢辭焉而得命未必吾母之樂聞也到
官數月以使事來卽以歸養請宰臣方議擢君
清要而重違其情予告暫歸君則曰得一慰倚
門之望亦上之人之賜也大夫士走送都門外
各賦詩以華其歸而勉其來博陵林彌作而曰
士之所重惟忠與孝故王事靡盬不遑將母詩
人必察而述之君不以一命爲庠而惟知王事
之當勞太行九折之險弗憚於一荐歷王遵叱
馭之心也今茲持上賜金帛以奉其親以侈其

君之恩綵服登堂歡悅怡愉考叔舍肉之意也
夫求忠臣必孝子之門有若君者固足副宵旰
之思矣揚聲振節克大厥施以鳴國家之盛尚
拭目以俟也羣公請書予言爲詩之序遂不敢
遜

基而民殘末者過懦而事廢其能稱厥職者
自非冠已登仕設其於軍旅錢穀禮樂刑政則
不用是而歷歷二遠入聖朝隱約田里間若無

蘇
林日以進此輩公詰書于言無精之卓幾不領
之思矣尉輩雖稍京大烟蘇以與因案之盜尚
夫未忠臣必幸于六門首昔吾昔固虽隔宵報
吾之恩料罪登堂燿劍命命幸對舍肉之意也

送羅伯啓之官夔州序

今之仕者多起自草野雖文藝間有可稱然類
非涉歷練達之士故其蒞政也昧於設施之術
緩急之宜一或擠以重難則色喪而氣沮剛者
過暴而民殘柔者過懦而事廢其能稱厥職者
蓋千百之什一也若豐城羅君伯啓則不然君
自弱冠已登仕版其於軍旅錢穀禮樂刑政罔
不周慮而歷踐之逮入聖朝隱約田里間若無
意於世者弼秦令其邑知其通而有守欲薦之

於朝已而江西都指揮使宋公辟爲司印及考授忻州判官尋丁內艱旣終制有司起之復判夔州來言別曰願有以教也噫以君之知學達政尚奚待於予言哉夫夔爲川蜀要衝民自被兵以來困弊日甚政之所孚貴在綏撫伯啓涉歷之熟練達之明其於設施之術緩急之宜固有成算矣雖重而難者不足爲君慮也公餘訪子雲故宅履八陣舊跡浩歌子美書懷之詩吾知其感慨於前修者益有以黽勉於事功也政聲上聞獲書最考予於伯啓望焉故於其行書此以爲贈

林登州遺集卷之十

閩漳林唐臣元凱著

同郡王志道而弘定齋孫興楨侯重梓

後學張紹科煙叔纂

送序

送張玄畧之夷陵較官序

元世吾閩以儒業顯者固不乏人然延平張氏
寔啓而先之張公升以童子入胄監遂敷歷申
外官至儒學提舉子玄畧習家學益演迤而宏

廓之治舉子業值元季不復求售有司隱約山
野間晉寧魏先生文憲文學偉士也知玄畧之
賢遂妻以女玄略以提舉公死節江西僑居者
久之余令豐城與玄略數相見旣而玄畧奉櫬
歸葬別去且十年思欲一聚首而不可得今年
秋玄畧以有司之薦來京師予忝職儀曹獲道
舊故甚驩上方注意學較造成人材銓曹以玄
畧明經學遂以爲夷陵學正玄畧來別曰願有
言以告我也噫予何言哉君學積於已而淑於

人舉而措之固無難者予何言哉昔陽城以忠
孝教諸生後世稱其知本玄畧傳家忠孝固所
謂身教者矣諸生之取則孰有大於此者哉夷
陵歐陽文忠公嘗爲令以過化之學之行而勵
後進則它日文風之盛將稱夷陵矣予與魏公
篤忘年之交而提舉公素所景慕者故於玄畧
之行喜而序之庶幾朋友規益之誼也

送袁時習之沔陽學正序

學正教職也師道之立人材之成繫焉蓋職教
得其人則師道立矣師道立則人材之成易矣
非其人則反是古之教人者有小學焉六藝之
文洒掃應對進退之節是已有大學焉窮理正
心修己治人是已小學學其事大學學其理而
措於事今之爲教蓋兼之矣有經學焉有射學
律學焉有書學算學焉日書而月課之季呈而
歲攷之稍成則登于成均一或有需則拔而甲

之用之急則成之必速也成之速則造就之必勤也職教者可不加之意乎然則教職雖易而實難四明袁君時習宋正獻公燮之諸孫也父石隱先生璉嘗立義塾以教其族及里之子弟篤學實踐鄉人化之時習於家學沂源而衍委者也今年秋以明經舉授沔陽學正見予於禮部恂恂然禮甚虔也氣甚和也予竊言曰是可稱教職而立師道矣人材之成其無負於朝廷之所注意者乎噫室必成於梓匠車必成於輪輿以其藝之精而業之專在是也時習尚精爾藝專爾業以舉爾職庶乎學之克施而後進之知所勵也時習作日諸大夫士方以道之所經分題賦詩以爲蒙也贈請書先生之言以爲序

送祝季清歸省序

三衢祝季清爲國子之二年以歸省告循故事也國學爲白禮部予泰幕職見其來牘則嘆曰昔在有唐之世成均之教亦云舉矣然諸生歸省之無其制必待陽城爲司業然後行之城旣行之猶有三年不歸而被斥者于以見聖天子孝治之盛軼乎有唐之君而今日人心士習有非唐世之所能及也且古者三物之教六德爲首六行次之六藝又次之先德行者本也後文

藝者末也矧夫彜寔德行之本也歟今苟不以
尚行爲本而惟文藝是趨則失其爲學之要矣
故二載之上許令歸省著爲定制使夫知盡爲
人子則知盡爲人臣也季清思定省溫清之曠
節其旨滌灑之闕養卽告以歸蓋不待司業諄
諄之誨而後能也綵衣趨堂春酒介壽親朋閭
里之畢集其爲樂蓋可想矣天子需賢若渴而
於國子尤注意焉季清調膳之暇其速歸館以
待寵擢柯山之游慎勿久畱於觀奕也

送蔡孔昭再令上饒序

國家以九等考庶官之績考上中者皆俾復職
蓋用漢守令久任法也夫任久則民信民信則
政治政治則職舉矣於考績其庶幾乎吾友蔡
孔昭曩以有司之薦爲儀封丞陞上饒令上饒
爲廣信附郭縣當往來孔道徵需之繁力役之
頻牒訴送迎之勞視它邑爲最劇孔昭以退然
一儒生處之不大聲色不事苛刻而令亦行事
亦集郡上其考中今年冬入覲旣考復職上饒

故事復職官賜宴於禮部孔昭來言曰某昔辱先生之教今宰百里愧無善政叨沐恩寵亦云厚矣願先生賜一言庶以爲規夫政貴有恒始勤而終怠則事廢矣先寬而後猛則民怨矣子之再令亦惟以昔之所施者施之不矯情求異惟循其常而加慎焉則民安子之政如一日也余歷職郡縣所自勉者不過若是故爲子言之未知然與否也

送吳起潛歸養序

吳起潛氏泉出也洪武八年秋有旨徵郡縣學弟子員能通一經者進胄監起潛中選來京師在館逾年以親老無它昆弟乞歸養胄監允其請給事中林君廷綱謂予曰起潛亦能子矣今之言歸先生幸有言以贈之庶幾鄉里之誼也肆惟聖明龍興禮羅賢俊列于庶職草野不遺而於胄監尤加之意蓋以茂才之在是也故凡國子多不次陞擢或任方面或司風紀或位朝

著咸自奮勵思有以設施於時補報於上在館之士朝夕待用猶望鴻鵠而援弓繳其心已躍如矣而起潛泊然無進取意惟念親之不寘蓋以親重於仕而學莫先於此也故惓惓焉以歸侍告雖拖朱曳紫戲綵之歡不易也累茵列鼎調膳之樂不移也嗟夫若起潛者可不謂之孝子哉予忝寸祿而親去我矣起潛之歸而親逮養雖未得祿猶足樂也筍江之魚泉山之酒吾知足爲甘旨之奉矣它日求忠臣於孝子之門舍起潛將奚適哉予嘉起潛厚於事親而薄於祿仕也故於其歸序以送之

送董文昭教浦城序

自洛學旣南徽國朱文公集諸儒之大成道學之明炳如日星矣真文忠公雖後出而能發明朱子之學若讀書記大學衍義諸書至今爲學者所宗爲有國所崇方之孟氏明夫子之道蓋世雖異而事畧同焉建之浦城實文忠之故里也文忠公之學家傳人誦非一日矣故論道南之淵源則始於劔而盛於建而浦城又建之一理窟也皇上重於育才於學宮必慎擇焉吏部

既試其才必覆試于禮部以觀其學然後授以
教職蓋以師道之在是而模範之必正也予友
董文昭種學積文亦既有年今年冬以有司之
薦來京師禮部試其文吏部上之遂以爲浦城
教諭予忝禮曹因其來別告之曰文公先生昔
守吾漳壯溪陳先生安卿實得其傳文公晚歲
四方弟子益進公倦於講說惟使質於安卿公
但首肯而已文昭生北溪先生之里而游文公
之鄉教文忠公之邑益當思所爲教以無愧於
前修以無負於皇上至意庶乎人材可成而教
職可稱也勗之哉

蘇郡倅王君復職序

今天下劇郡姑蘇寔稱最焉官於是者非明敏
練達之士則事廢而職曠職曠則身危矣故官
難其人而爲其官者恒病其職之難稱也王君
文質倅其郡閱一考矣故事當入覲文質至京
師吏部書其考上旣而賜宴禮部遂復職焉余
嘗考殿最之法唐世已詳然郡縣之廣劇不能
移於簡難不能移於易自今論之錢穀之徵造
作之需牒訟之造南北之簡劇相倍蓰焉而南

郡之簡劇亦有相什伯焉官之材有優劣處於
簡劇也有難易而惟以稱不稱第其高下則北
之稱者必不稱於南而南之不稱皆北之稱者
也殿最者果於是而可定乎矧夫蘇郡又南職
之寔難稱者乎王君不以職之難而克稱之繇
一考而至三考皆舉此而措之夫何難能乎哉
倅以佐守者也爲佐能是守獨不能是耶文質
循茲以徃吾知無難爲之官無難處之事故於
其歸書此以送之

送翁毅弘歸省序

成均爲首善之地而儲材以待用焉斯天子之
所重而天下之所觀法者也郡縣學弟子員能
通一經達一藝者卽貢成均未數歲吏部試其
學卽官之上以其速成未足爲達士也於是選
有學能文者四十三人命博士專教之期以學
博才宏而成其器之大今年春有旨俾各歸省
人賜衣二襲楮幣若干緡又賜其父母人二緡
奉以來者月有給焉於是諸生成咸相激厲以爲

天子之恩賜侈矣作養之意深矣吾徒可不知所以自力以真儒自期以補報爲念哉清源翁毅弘入爲國子將二年矣在倫輩中嶄然見頭角首預茲選至是得告來言別日某辱與先生同爲闡人今焉歸省吾親先生幸賜一言庶爲鄉里之光也噫士之爲學必志真儒國家以是望子而子亦以是而自勉矣予復何言哉傳曰夫學則殖不學將落子年富力強能殖其學它日躋仕中外文足以潤色於鴻業政足以裨益於盛治則有以副聖天子之至望而顯於親者不徒今日之榮爲已足也勗之哉

送陳一原復職聊城序

余昔過聊城愛其民俗之厚官事之簡則歎曰
太公之風孟子之化猶有存者歟鄒衍淳于髡
說辯之習亦既息矣乎魯仲連之重義不取猶
有勵於後世也歟它日余友陳一原簿其邑秩
滿入覲詢其民俗則視昔澆矣詢其官事則視
昔劇矣蓋重兵駐其地則供需爲難邑負郭而
當孔道則應接爲煩民貧而事不時集則大府
之譴呵日至簿之職亦不易稱矣公務旁午一

原一以平易剖決之若層冰春釋渙然而無壅
若大斧斫木盤根錯節應刃而解繇是大府書
以上考沿檄至吏部允之錫宴南宮復職北還
予忝儀曹因其來別而言曰昔者聖人委吏乘
田猶屑爲之惟思其職之稱云爾子之職稱矣
今復其職毋易爾心改爾政民安子於前豈不
安子於後乎敬以持之誠以孚之則雖久而民
愈信而事愈集矣君晉安人宋侍御史某之後
領洪武五年鄉薦同年皆職近侍臺憲一原以
親老辭八年復起爲今職云

餘年親友多零落老者皆爲土中人
少者壯矣雖一二來見曰子老醜矣
然後一笑人生聚散不常歲月易流
以與離羣索居之歎也今年春友生
來京師見予於儀曹年已壯修容
和則爲之喜曰是殆無凡流
已部試以經學

夫部允之錫宴南宮復職此
來別而言曰昔者聖人委吏
思其職之稱云爾予之職稱
可易爾心改爾政民安予於前
敬以持之誠以孚之則雖久而
事愈集矣君晉安人宋侍御史
集之後

送林純夫職教龍溪序

予去家十餘年親友多零落老者皆為土中人
壯者老而少者壯矣雖一二來見目予老醜率
瞪視移時然後一笑人生聚散不常歲月易邁
此古人所以興離羣索居之歎也今年春友生
林純夫用薦來京師見予於儀曹年已壯修容
而豐髯禮度而氣和則為之喜曰是殆無凡近
之習而可進於高明矣既而吏部試以經學俾
職教龍溪龍溪純夫之鄉邑也較官諸生之望

法也一言一行不循乎理則長者有議而後進
必厭於心蓋道立則教立範正則器正漳雖介
海濱然晦庵朱文公實過化焉北溪陳先生安
卿東湖王先生子合皆其高第弟子道學之傳
一脈不墜其教人之法具有成訓子能興而行
之則諸生之成材也可卜矣國家選材先實行
而後文辭子知所重則教職之稱何難焉予老
矣倘遂乞身歸里之願尚能與子尚論聖賢道
德以續夫二先生之緒毋謂今人不可齊古人
也誰謂華高企其齊而純夫其勗諸

上臨御之十年有旨國子嘗被差遣者申書試
其業官之令各歸省然後之官臨漳程仕貴方
分教宿州以無它兄弟乞歸養有司謂在令甲
父母年七十許一子侍老而仕貴親年未及弗

一脈不墜其教人之法具有成訓子能興而行
之則諸生之成材也可十矣國家選材先實行
而後文辭子知所重則教職之稱何難焉子老
矣倘遂乞身歸里之願尚能與子尚論聖賢道
此精醇華高企其齊而歸夫其鼎鼐可齊古人

送程仕貴歸省序

上臨御之十年有旨國子嘗被差遣者中書試
其業官之令各歸省然後之官臨漳程仕貴方
分教宿州以無它兄弟乞歸養有司謂在令甲
父母年七十許一子侍老而仕貴親年未及弗
允仕貴再以歸省請允之仕貴喜動顏色以爲
雖未得請而暫得歸覲一承親顏亦上人之賜
也其友洪朝宗氏來言於余曰仕貴里生也嘗
受學於尊公三谿先生今茲有行盍亦有言以

華其歸乎於戲天經地義民行則之孝實百行之本也孝行於家則忠移於國仁推於民愛及於物誠獲於上信孚於下皆是道也仕貴學古以入官方將見於設施報國必思所以忠撫民必思所以仁也澤民必思所以愛也上有所統也必思所以獲其心下有所臨也必思所以孚其情是豈有待於他求哉亦舉斯心加諸彼而已今日不遺其親卽它日之不後其君者也蒞政臨民旣行其學親及期頤然後歸侍吾知仕

貴請雖未允於前而終允於後矣忠孝之胥盡德業之交修余於仕貴望之予非無仕貴之思也而風木之感無窮之痛有不忍言者視仕貴歸省之樂其歎慕當何如耶仕貴第爲我問故山梅竹還無恙否倘沐聖恩獲賜骸骨尚得盤桓於三逕也

對公三聖也見於設施報國必思所以忠撫民
山嶽竹叢無恙否尚米聖恩藝顯續骨尚賢繼
龍首之樂其燠慕當何啻耶其貴策為近聞姑
步而風木之凋無賴之獻亦不恣言皆歸其貴
爵業之交新余然其貴望之午非無其貴之風
貴請雖未允然前而絲文然新矣忠義之賢

送韓君子煜之官海門序

洪武丁巳春弼再奉旨與禮部員外郎吳伯宗
順慶府照磨韓君子煜同使安南越四月至其
國其王熾郊迎璽書至官北面拜跪受上賜如
禮遣貢方物奉表陳謝濱行煒遣陪臣持黃金
若干兩為贈弼與二君峻辭卻之子煜曰熾疑
必慎亟取紙筆俾臣具狀領回復語其執政以
卻之之故要在上不失聖朝之體下不失遠人
之心萬里瘴鄉山川險惡而吾三人同心一力

以事王事行則方舟聯轡寢則共室對床相聚
之殷而相與之厚未嘗一事之或違一言之或
戾也旣復命當路以韓君爲能超遷海門令予
與吳君送之龍江之滸酌之酒而告之曰郡縣
選材慎重至矣有地百里有民萬室利病得興
而除之強弱得抑而扶之亦足以行其志矣君
自弱冠登仕版已籍有聲稱今茲作邑譬猶駕
輜車就熟路不待王良造父之御一日之間迅
馳千里有不足言矣海濱之民雖習

頑獷可以義化又地居畿輔政聲之達易於上
聞吾知子煜入爲朝著之羽儀也必矣諸大夫
士贈詩凡若干首遂書余言以爲序

送史子玄之忻城丞序

餘杭史君子玄僑吾閩二十餘年矣其所與游者皆清介茂拔之士弼雖樸鈍亦忝定交焉知其博學多藝能樂恬淡而厭紛華也洪武己酉弼被旨徵至京師叨職銓曹補外任與子玄則別且十載四方之士或被徵薦雖巖穴草野不遺也有若子玄之賢而有司不之舉予竊惑焉今年春或有言子玄于朝者有司懼獲蔽賢之譴卽遣計吏借以來吏部試其文上御華蓋殿

親賜問焉已而授慶遠之忻城丞來告別曰願
有言也予謂士拔草萊卽擢郡縣亦云重矣子
玄優學達政以所蘊之素見於設施必能無愧
於其職矣忻城邑小而地僻民襍獠政貴撫
循子玄苟不鄙夷其民道之以禮樂之教將見
化頑獷爲良善轉呻吟爲謳歌百里之內翕然
安集則下之有以行其學上之有以副聖天子
之德意矣彌聞朋友之義貴相規益故於君之
行序此言以爲贈

林登州遺集卷之十一

閩漳林唐臣元凱著

同郡王志道而弘定裔孫興楨侯重梓

以學張紹科煙叔纂

送序

送羅宗禮之官陝西序

十之適世用者曰儒術吏事然必相須也吏本
於儒則事以理斷而無濇忌之失儒飾乎吏則
事以律裁而無迂僻之患禹皋稷契伊傅周召

都俞吁咈朝堂之上謨謀輔翼於君之左右其所學所施謂之儒可也謂之吏亦可也奚有差殊乎哉後世岐儒吏爲二途故於儒則以章句固滯誚之於吏則以刀筆筐篋鄙之吏者曰彼儒者也不知吏事於剽繁治劇無補也儒者曰彼吏者也不知儒術於政之大體無識也嗚呼儒吏之相軋也久矣求其適於用者亦難其人矣抑亦先儒而後吏體儒而用吏庶爲通濟之士無適而不可也尙固不可以爲罍豆固不可

以爲俎盤杆几杖不可以爲鼎釜刀劍用各有宜也通濟之士則不然事之當以律裁者則守其律不可以律裁者則以理斷若權之稱物低昂屢變也若鑑之照物妍媸隨應也夫是之謂適用者也夫是之謂相須者也予於衆得數人焉若羅君宗禮其一也宗禮世以儒業鳴其祖若父若諸父咸以詩文名於_選代君少習父祖之訓於學知所用力元世仕之途非儒卽吏君於是從_選而折擇焉爲吏若干年從軍者大半

洎入本朝爲指揮吏爲行省掾事積于案君從容一言剖之律合而理不違上官器之旣而以他事黜而能聲益聞於是以兵部都吏爲中書掾尋進大掾今年冬出爲陝西都事或曰何卑也君曰幕官知職可矣何崇卑之計也嗟夫材者天之賦人之習也不習者天不賦者也君今所賦之美而知所習之勤蓋無往而不適於用也君年方富而儒術吏事兼有之其業之所成者固未敢以涯涘窺也於其行姑序此以送之

送韓繼學之官瑞州序

韓君繼學爲中書禮曹掾某忝職禮部與君實同事焉每遇事必面白丞相裁允而後施行君小心畏慎日條錄而枚識之事如期集未嘗或怠廢也其承上也無諂容其接下也無傲色今年冬出爲瑞州經歷來言別余嘗宦游大江之西知其俗好鬻訟而造作徵需無虛日府配諸縣或不集則咎歸府而幕官首任其責也而經歷又總任其咎者也故職之難者莫如幕職而

幕職之難者又莫若經歷蓋幕職之貳者尤可
以它事諉而幕長不容諉也雖然江西爲府十
有三而瑞府屬縣三視他郡則民寡而事簡以
繼學之廉勤慎事不立異於內不徼名於外吾
知其事易集而政易成也文牘期會之常固繼
學之所習而上相有以試之矣才以施之於人
行以守之於己君蓋優於是也諺曰任輕於所
重者其功倍吾於繼學亦云

送蔡郡萬僉憲引年歸里序
蔡郡萬公克明仕元世已踐清顯逮入聖朝以
才諳聞于上卽迪簡來京師臺憲方慎擇人僉
謂公明法練事克稱是職遂授山西提刑按察
僉事再轉陝西後復轉江西廉車所至不以察
爲明以苛爲能以鋤擊爲名而一揚一抑一臧
一否舉得其當無所遁其情焉某倅饒日公再
至郡嘗從容謂某日子歷有司必明刑達政郡
府之事賴子以集尚其勉諸又曰學較育才上

所注意子儒者毋以非職而課程諸生心弗力也未幾某以他事去官而公亦議失當謫居江浦去年冬有旨徵還吏部別授某亦在列公見當路卽自陳疾憊弗任引年乞休致主者以聞上可之公遂歸謝嗚呼世之志富貴者汲汲焉以趨競爲心得一資半級則揚揚焉爲榮惟恐失之公年未老力未衰一旦毅然謝退人固惜其才之不究於用也夫孰知公之心寵榮聲利泊然無營一進一退惟義所在乎公歸蔡某水

某丘尋釣游之舊有美可茹有鮮可食進不慕鳴鶩之績退不興牽犬之歎優游以終餘年其樂者未渠央也某老矣倘脫塵網將青鞋布襪從公於松泉竹石之濱公許之否乎

送國子朱士文歸省序

吳郡朱士文繇縣學弟子員入成均爲國子上
方尚文治國子多不次擢用或一再遷卽任方
面司風紀六館之士朝夕待用學多不力士文
自念學業未成而大父母父母皆在堂仕則廢
學而棄親遠畱館以卒業庶得時歸者以慰親
心也今年秋請告于國學國學白於部禮允其
請士文卽治行告別于師若友給事中丘君功
近來言於某曰士文行有日贈之詩者已積卷

軸敢求先生一言以序其首噫士文之學其知本也歟夫安於小成者必不能勝重任而爲遠器何者其所就者淺故其所用者狹也彼夫躁進而不知其非取高爵而不知其才之弗任揚揚大言曰我能爲是我能爲是吾將成事功於國也吾將大顯揚於親也曾幾何時或以罷慙黜或以貪墨刑負國而辱親者比比焉斯固士文之所見也吾知其視以爲戒而無慕羨之心矣士文其尚益勉忠孝之學以爲設施之地以成光明俊偉之業以無負於國克顯於親吾將於子焉卜之也

送德常守韶州序

國朝慎選郡守凡京官有材幹者輒不次擢居是職蓋用漢制也夫有宣化而爲民之師帥固一郡之賴以安者也強焉而有之弱焉而植之戚焉而休之曲焉而直之有社稷山川之祀焉必思致其誠也有錢穀刑名之出內輕重有造作徵需之紛糾雜糅焉必思致其公與勤也令分其職於下而守總其任於上苟非其人則庶事弗集矣洪武十一年春有旨命中書守令

不拘資格選材而任之王君德常爲禮部員外郎以材幹稱於是出爲韶州守韶雖居嶺表寔昔賢張文獻公余襄公之故里而濂溪周先生過化之邦也流風餘澤猶有存者其民淳其俗簡政化之施者易入以德常治之吾知不待數月其報政之譽已聞於上矣聖天子嚴慶讓之典方伯郡守之來朝功者有以榮之過者有以愧之治效之成正在今日德常化行於韶明年入覲其將承寵光也必矣故於其行敘此以爲

贈

送王德章之官保寧序

工部員外郎顏君某謂弼曰王德章氏少與余同筆研秀爽而練達佳士也今年秋以有司之薦登名銓曹授保寧司庾人咸卑之德章竊自喜曰吾上世居蜀先壻在焉吾祖宦游江南遂占籍吳中吾不幸少孤藉先人之澤粗能樹立出游齊魯之墟僑居荏苒又數十載雖欲歸吾里不可得於蜀則又以險遠故欲一至而無其因松楸之思戚戚於懷今茲保寧之行道經遂

得瞻拜先壠實大幸也職之崇卑奚擇焉聞者
賢其孝各賦詩以華之幸先生爲之序嗚呼世
之宦游者昔彼而今此或定居成桑梓焉則安
於是而遂忘其故鄉矣眉山蘇氏惟老泉先生
歸葬於蜀東坡穎濱二先生皆葬於汝子孫屈
江南者雖汝猶未一至矧蜀乎宜夫德章以獲
道故里爲幸也過家上塚烹肥擊鮮與一二族
人追敘宗盟談舊故百年之思一日之見其爲
樂當何如耶德章行矣司庾職在會計聖人固
嘗不卑而居之吾知德章必不容心於是也

嘗不卑而尋之晉賦齋章必不容心於世也

送安陸學正劉謙亨序

洪武己酉夏某被徵赴京道溫陵獲識劉君謙亨於友中言簡而禮度氣和而神朗余固知爲儁偉之士也別來且十年聞謙亨分教邑庠於弟子員多所成予又喜於其職也今年秋用有司之薦來京師銓曹試以經學以謂較官以立師道必重其選於是謙亨得爲安陸學正予觀君之儀矩足以爲諸生之觀法君之文行足以爲諸生之楷模其講授也必以周程張朱之學

倡而明之吾知師道於是乎立矣昔者君子之
教人也以身心師道之立者有其本也後世之
教人也以口耳師道之不立者事其末也謙亨
之教能以本爲務則夫人材之造就風俗之不
變當自茲始安陸楚之故都昔稱夷俗然江漢
之德化屈平宋玉之文風必有未泯者雖兵革
廢墜之餘謙亨能作興而變化之則今昔殆不
殊也勉之哉

送國子聶莊歸省序

贛之寧都余友莊君仲慈嘗令其邑能以禮樂
爲教予聞而喜之洎余來京師獲見國子聶莊
氏乃其邑生而爲畏友黃君致吉之弟子員也
言從而貌恭神冲而氣充知其善叩其學而無
凡近之習也他日國子多就試禮部而吏部輒
官之予每與較其文聶明春秋學而未嘗一試
焉夫有學而不求售於有司則不以小成爲安
而能立矣有入仕之途而不苟於進取則無競

名之心而能廉矣立而知所以勉廉而知所以
擇君子之道孰先焉聶之所以能如是者必其
教之有自而學之有素矣吾觀今之仕者道未
能信學未及優而汲汲焉寵榮聲利之是競雖
獲一資半級而以貪躁取敗者衆矣聶真可與
言哉聶在館二年思父母定省之久闕也以歸
覲告國允之予於是又知生之學知所重也故
爲序以道之庶俾學者有所勵焉

聶

送蘇用賓歸里序

孟子嘗言君子之樂三一日父母俱存兄弟無
故係於天也二日仰不愧於天俯不忤於人係
於已也三日得天下英才而教育之係於人也
余每讀此未嘗不掩卷而歎曰嗟夫俱存無故
樂於家不愧不忤樂於身教育英才樂於天下
是皆人所深願而不可必得者苟皆有以得之
其願足矣其爲樂當何如信乎王天下之事有
不足與存於此也吾於友生蘇用賓氏固有以

幸之又有以勉之矣漳之山水惟東南虎溪爲最勝而士族蘇氏最嚴整用賓大父瑤溪公以詩禮爲家訓三子皆雅飭質諒知學好禮至用賓兄弟及諸從昆弟襲芳趾美益以敦確清俊聞鄉閭化之郡府有知用賓者延于學俾訓郡庠子弟員用賓慨然曰某藉世積之休天錫之慶父母壽康兄弟具翁某幸知讀書竊有聞先儒之緒論惟思克已以免愧怍而未能也爲教於人將何以哉吾惟歸侍吾親以奉菽水斯至

樂也廩食數月浩然以歸來言別日敢求一言昔陽城爲國子司業告館下諸生日凡學所以爲忠孝也諸生有久不省親者乎蓋以忠孝爲學則必以忠孝爲教用賓分教郡庠雖於國子小大有殊然其心每在親則其所以行於已者是卽所以教於人者也夫三樂一不易得而用賓殆兼有焉宜其爲人之歆艷慕望而不容已也抑余聞三樂以無愧怍爲本使吾胸中多所愧怍則雖處父母兄弟之間固亦不得樂其樂

雖得英才亦將何以爲教而有此樂哉用賓其
益敏於克己之功以至於心廣體胖則近而順
乎親而有以樂一家之樂遠而及乎人而有以
樂天下之樂矣用賓歸有日諸友咸賦詩以贈
因書此以弁其端

送贈傅希說序

苟可以周已而施人者雖小道曲藝君子猶可
與也藝莫貴乎周已昧於周已則失已矣道莫
貴乎施人昧於施人則失人矣小道曲藝尚然
况理之大者乎廣信傅生希說弱冠知讀書其
燭理也明長遊四方其閱事也察嘗從方仲鈞
先生游得六壬占法以十二時所值錯綜榦枝
生尅推人禍福言輒奇中人神其術一日謂余
曰窮達夭壽天之所命非今可移吉凶悔吝聖

人所以示人使不迷其途以順受其正者也後世占卜之法雖不必盡出於易舉不外乎陰陽變化之理而已昔東方曼倩諸葛武侯皆用是占以決出處之疑吾非能窺其微者庶幾行已之際知所修省以寡過耳古人之言亦非敢舍是以為說也余曰是非理之當然者與子之周已施人者固非局於小道曲藝也周已而不失已施人而不失人君子之所與者在是已子之游其有遇哉希說將為武林之行來求余言因

書此以為贈仁秩滿序

晉安李君宗仁以茂才入官長漳龍江書院教成東歸博陵林唐臣走送東湖之上酌之酒而

曾之

已施人者固非局於小道曲藝也周已而不失
已施人而不失人君子之所與者在是已子之
書此以爲韻 希說將爲武林之行來求余言因

送李宗仁秩滿序

晉安李君宗仁以茂才入官長漳龍江書院教
成東歸博陵林唐臣走送東湖之上酌之酒而
贈之言曰士之學也貴乎知道而仕也貴乎知
職吾子讀朱子之書游朱子過化之地而典其
祠事惓惓焉惟先哲之是景是慕規言規行恒
恐有負其教殆庶幾於道矣廟堂之弊也起其
頽而完其缺廩入繁寡能樽節他費而奉祭養
士之用恒有贏焉於職蓋無愧矣夫必學而後

仕未有不知道而能知職者也然道非一端愈
進則愈高職非一事盡乎此必能盡乎彼而後
可吾子年富力強道之所造職之所任非止是
而已精粗本末理無一之不窮則崇庠小大任
無一之不稱是故善學者觀其用力之初善仕
者觀其施政之初今子有其初矣推是以往而
能加勉以不替于厥終則聖賢之道可企雖廟
堂之職亦舉此措之耳余困於學而拙於仕故
敢以所難者爲君勗也於是相送之友若干人
咸請書之以華君歸遂不敢辭

國家於武臣必使其子孫世襲祖職勿替重報
功也蓋開國之始實賴諸將臣折衝禦侮之力
以成開拓疆土之功懋懋賞固其宜也凡世
其職者念前人之勞思國家之報其自勉於已

無一之不稱是故善學者有之矣夫初善仕者觀其施政之初今子有其初矣推是以往而能加勉以不替于厥終則聖賢之道可企雖廟堂之職亦舉此措之耳余困於學而拙於仕故夙請善文以華吾講茲不煩藉送之友若干人

林登送指揮龐侯之燕山序

國家於武臣必使其子孫世襲祖職勿替重報功也蓋開國之始實賴諸將臣折衝禦侮之力以成開拓疆土之功功懋懋賞固其宜也凡世其職者念前人之勞思國家之報其自勉於已者宜何如耶易曰王臣蹇蹇匪躬之故詩曰夙夜匪懈以事一人如此竭力供職庶乎不墜於前而克裕於後也廬江龐君士正襲伯父職爲中山衛僉事改武昌護衛左右楚王旣復調燕

山中護衛夫護衛之職上不輕以卑人也必素所親信然後授之君以世功襲爵爲公侯腹心旣親信矣故一秩三遷于以見皇上恩眷特厚非尋常帶礪比也念前人之勞思國家之報正在今日勉之哉君年方富報於上者遠繼於前者大其鞠躬盡瘁以自顯庸於今爲可卜矣故於其行書此以爲贈

園家飲泣引必對其千孫世襲厥類以替重辟

以商蓋許軼飄君之燕山京

林登州遺集卷之十二

閩漳林唐臣元凱著

同郡王志道而弘定裔孫興楨侯重梓

後學張紹科煙叔纂

贈序

柴德善秩滿序

典史典一縣之史縣官若吏喉舌而領袖之民持牒訴於縣縣官必令吏卽其幕議吏抱牘詣縣官署官目牘尾有典史署卽署無他其或官

異可否吏私出入典史推事情證據律調甲信
乙誦可否出入者不敢執意而必勝焉官庠而
職要事專而務劇非得明練敏辯之士其能持
法以惠下集事以獲上者蓋鮮矣故世稱難官
必曰典史而居是官者亦每病其責之難塞也
三衢柴君德善以郡府吏及考典幕興化邑陋
而民譁君曰邑雖陋吾獲上也以勤民雖譁吾
惠下也以信吾無容心於陋且譁也行之一年
上無譴訶下無謗讟再更漳浦號劇邑郡府誅
求百出加以寇警兵興供億雜擾而君一以所
施興化者施之故譴訶未嘗至而謗讟亦不聞
焉夫居難爲之官任難塞之責而能持法以舉
其要集事以專其劇非學有得者不能然也德
善儒學飾吏知夫所以獲上惠下之本則推而
行之天下皆將易而無難矣一邑云乎哉傳曰
獲上本於誠易曰有孚惠我德德善其有能得
於此者乎余固因柴君之達政而知儒者適用
之學不可以厚誣也

唐君大年綜政龍溪序

予嘗論爲政者通而不偏難乎其入蓋柔巽之士或任重之無力剛嚴之士或惠下之寡恩敏辯集事者患在持守之不固寬厚少文者慮乎施設之不周斯全材之難得誠古今之交病也若唐君大年於所謂不偏者其殆庶乎君以行省理問知事從軍南來會漳郡甫復今平章政事陳公以龍溪邑附郭地若民眎他邑大以衆加之兵餘事劇非得賢官以蒞之則將愈壅而

不理遂檄君綜邑事而兼攝尹職予忝貳郡幕
每得以公事相從見其寬以惠下而鋤奸之必
嚴也毅以任重而植善之能異也灼事明而守
益固吏不敢欺以私用法簡而施克周民莫敢
違其令信乎其爲通士而非一偏之寄者也今
年春迓兵構亂海墉螳斧蝟鋒侮我墉壑郡兵
少不足殲賊逆焰愈熾君晝夜行城陴完樓櫓
嚴巡邏察兵民之苦樂向背城西北偏舊有門
曰小關地勢夙偏外山賊憑高內瞰往來者可

人人數君白泐郡張侯士誠爲連樓三層以與
山敵而矢石雨下不得樹君令以厚版爲堵完
則竝舉賊愕然不敢逼圍久不解守者稍怠君
深慮生釁爲籍符遊官吏洎凡有役者更番直
巡絡繹交屬黠僧若干人謀內應不得發兵民
乏食具白總郡計口均給盡而復繼凡三發廩
焉君度賊無他技卽贊謀出戰夜作小關扉成
撤塞出賊不意賊稍卻君亟開西門許重購士
卒奮先斬級無算焚其巢壘蕩空旣而分省兵

至龍溪首當供億而民未至官君隨宜區畫芻
糧屏屨兵甲什器無闕將士指曰是能神也尋
被檄選補民兵君分里定名數吏胥不能爲奸
民莫不感悅今夫世之仕者類以無忌爲能善
飾爲廉簿書期會徵歛剝爲勤其於民之利
病猶秦人之視越人焉一遇事變則聲嗷氣聾
舉措易常者比比也君能持寬猛之宜權張弛
之變其所蘊蓋有過人者青雲知己馳剡交薦
行將脫州縣之勞與廟堂之政以燄燄於北方

矣故喜而爲書此

代唐大年贈王伯疇序

人能以一藝自名於世者百不二三名其藝而能以布衣之微草野之遠一旦聞姓名於九重之上者又千萬之什一也是豈特今人之所難亦昔人之所罕聞者也齊郡王君伯疇自其大父僑漳以儒明醫至君三世矣能以意知病因脈無異法藥無奇味每投劑輒效諸醫自以爲不及藩臣有知君者薦于朝中書特奏明仁殿以漳郡醫學教授授之命下遠近歆豔以爲一

士之藝必聞于上于以見聖世之明賢無野遺
而凡爲士者患在吾術之未精不患有司之不
明也時予忝聞省屬聞君之名未及試其術也
至正丙午奉省檄綜理龍溪邑事劇而力獨瘴
鄉攝生不易因得痞疾亟簡君至旣切脈曰病
以勞勩失寢食致治之費數劑耳母他憂翌日
藥效信乎前聞之不誣今試之益驗也他日詢
其治疾之要則曰醫之用藥猶官之施政或攻
或補猶威恩永濟也當攻而不攻則適足以養
疾欲求吾身之安何可得也亦猶強梗之不鋤
則惡將愈熾而善良不得業其業矣噫古所謂
上醫醫國意不外乎此予於伯疇之言非特知
治病之要而併以得理民之要也使伯疇得試
郡邑其所以利澤於人者將推而益廣矣故爲
書此以謝君之教且以志予忱云

贈黃伯仁吏滿陞府史序

余嘗謂吏之澤民也猶賢於官蓋親民莫先於郡縣而郡縣尤親於吏吏尤親於官也官於民事多總裁至於推研事情權度法意甲信而乙詘陽舒而陰慘使民稱平而不怨以病者皆吏之澤也若黃伯仁氏之吏可謂推澤以爲民利非徒集事而已當長泰有警黃伯仁以招徠功得吏茲邑克贊官政創墉壑以扞外侮新廨譙以肅下望均役以稅實稅以田懲舊偷而穿窬

息鋤宿奸而桀驚化復龍江贍士田若干畝平
董仲亨等戶婚積訟若干事至有拜浮屠祝其
年者凡五踰歲滿役升郡府民祖送出城數百
人羣造余曰願有言爲我賢吏贈夫邑吏亦微
矣是何得民之深也豈非余所謂澤賢於官者
哉民之心至神而公唯神也故莫不嚮善而背
惡唯公也故莫不好善而惡惡伯仁氏以一邑
吏之微知所以施於民而民知所以報之况於
大吏之澤衆民者乎伯仁尚率是無易余將繼
此而爲民不一書也

贈龍溪尹鄧君朝陽政成序

龍溪漳負郭邑地若民眎他邑大以衆故其事繁難理上偏郡府政之所施類多掣喙不得遂兵興分藩再置事益繁而理益難矣誅求之百出牒訴之羣造規置失則上譴至剖決滯則下讟興上官曰尹曷忘事乃事耶民曰尹曷不憂我憂耶尹周旋綏撫思所以獲乎上下者惴惴焉惴惴焉惟恐過之不抹澤之不流也故邑難其尹而尹者亦難於是邑也至正庚子乘輿駐

上都選內外清望才諳之士若干人爲京官守
令清江鄧君朝陽與焉以南臺司倉改尹是邑
至則詢民習與前政之所宜興革者去繁以爲
簡反難以爲易民持牒至庭日數百人睚眦之
爭尺寸之較輒成訟吏胥利爲賄謀至以牒多
寡占賄羸縮君進民前曰訟爾利乎曰匪利曰
然則奚爲不忍小忿而以微事煩尹耶若鄉里
有耆民秀士能曲直汝矣無庸肥吏胥也民感
服相告非不可平者不復來造訟庭闐然值郡

有警練民爲兵先是令民數不出粟贍壯夫一
以應非常丁粟多寡鄉各不同民病焉君覈而
均之率以十丁養一人規置饋饗輒躬督以給
軍屢歷山海險弗憚也上官嘉獎事平君曰未
可遽安是惟士習可移民習民不知親上死長
之義而驅之戰謂之棄民於是擇學行之士使
爲鄉師教以孝悌忠信之道而潛消於犷悍忮
薄之習繇是士知本而民知方焉旣而流移者
復呻吟者起遊惰者知所務地無遺力而桑稻

木登州集 卷十二
菽野里有厚俗而弦歌比屋列邑慕而思之蓋
君以問學之素措之於政本以推末原以達流
故其游刃宥綦恢恢乎有餘地焉三年政成代
歸民造君拜曰鄧父官命於朝吾民賤且遠不
能告於上以畱父願爲民告新尹幸無易舊政
以久爲我利則猶父之在邑也余聞而喜曰令
而得民若此是豈特善政有以得於民哉蓋善
教有以愛於民也古之所謂賢令者凡以愛民
爲心故慈惠惻怛爲之就利避害惟欲民得所
安而已君率是而施之宜其得民之心也孰謂
龍溪果難理耶邑之士相與爲詩歌以華君歸
因撫其政之槩以爲序

汪彥通辟掾序

江東汪君彥通業儒而飾吏其史江東也以憲
使周公伯溫薦史闡海也以僉憲鄭公彥昭辟
旣孫而退僉憲都公真公交舉之憲副張公師
尹僉憲易公原道皆儒者素知君又舉之僉憲
速公黑公舉其能御史于公黃公舉其廉憲府
及考副帥黃公薦于江西閩史僅數月右轄羅
公薦于閩南省掾夫年勞之積未遠而薦剡之
揚相望汪君何以得此於賢藩憲之臣哉豈不

以君之文墨議論爲有裨於帷幄之謀模政理
之布宣乎承平選才莫嚴於風紀兵興薦士莫
要於藩垣方庶務之孔殷變故之橫作掾持法
以守經度時以達權平立廟堂以與相臣相可
否期在處置得宜中合事會掾之責亦重矣稱
其責亦難矣彥通君文墨之富足以潤飾乎書
檄議論之確足以輔成乎事功吾知其無負於
掾無忝於藩憲諸名公之薦拔也然掾承佐官
政者也事雖得與而不得專於已君循茲以往
法當授七品官使其政出於已得行其志吾知
君之設施者固不止是而薦舉之以任顯要者
又非特數公而已也君得薦上閩省漳大夫士
咸有言以贈故余序此于卷端

黃君德明攝教序

異時稱閩中士風之美曰一閩二漳漳爲郡小
邊極南乃得與閩齒豈不以大賢之所過化鄉
先生陳杜溪王東湖之所講明以身心之學爲
禮義之化故能使士習爲之丕變易浮華爲沈
實革陋薄爲醇厚歷數百年流風存而未泯吾
於泰邑之士猶有徵焉在他邑則皆莫之及也
蓋能以學世其家矜重名檢不苟言行而無所
謂浮華陋薄之習若黃君德明寔以是自勵人

亦以是而與之者也君嘗爲監當官引去曰錢幣易汚人邑有警君倡民結堡里遂完邑學燬於兵久未建君言於令相其役而新之學田沒黠民承邑檄而復焉賄不能奪也君子謂德明蓋志有所不爲而材足以有所爲者適學官缺選士攝席僉曰無踰德明君辭不獲則曰學之未完某當效力錢穀出納幸無相干也肅奉祀事嚴程諸生使民於禮義知所嚮士論翕然余聞而喜曰士風美惡民風淳漓繫焉士者民之秀民之望倣焉者也今天下多故文教日隳士不知有身心之學民不知有禮義之化宜其風之不古若也君能於士風之素美者振而興之民風之淳余於今焉卜之矣邑諸生請余序爲君贈余爲書此不敢辭

贈長泰令鄧侯新政序

尚論感人之艱易惟在人推心之誠否耳夫苟誠以推心也則強者必抑弱者必植姦黠者必知所惕游惰囂訟者必知思所以自飭而顛連困窮之賤獲被其澤疾痛瘡痍之苦均得以蘇息矣其不誠者反是易曰孚于豚魚言誠之感物也矧人之同此心者乎長泰在漳邑爲小其民則眎他民爲譁元政旣衰令非其人民不堪其虐輒且挺而起比寇平則民以殘矣旣內附

鄧侯廉首來作縣較其戶則死而徙者十二三
視其民則刀痕箭瘢膚體弗完不能業其業者
又一二也慨而歎曰邑小而民殘吾將何以足
供賦之常塞牧人之責以無負上命之重乎乃
綏撫招徠勸勉勞來移者以復什者以起均徭
而民力紓簡訟而吏弊祛鞭朴不施而稅以時
足事以期集邑中翕然值春旱秧不得蒔侯躬
禱良岡山雨大作三日而後止諸里皆告足邑
之士羣造余曰吾令賢令也願有述新政之美

夫當昏濁之極獲覩天日之新而首政之令能
惓惓焉以子民爲心使之脫水火而居堂奧辭
鑕斧而就衽席令之賜亦厚矣昔卓茂爲密令
於東漢之初勞心淳至視民如子民不忍欺豈
非誠感而誠應我侯推誠於民而感之之易故
山川之神有禱而不違誠之所孚幽顯無間也
余居鄰邑間嘗與侯遊從而得以得其政於見
聞也故因邑人士之請爲序其槩

龍巖簿劉君新政序

營丘劉君彥璋來主龍巖簿未及三閱月士樂其有禮民信其能惠吏服其通練明決桀驁知畏而改行弊蠹廢墜以次而革舉邑中翕然余旣聞之而異其感人之速矣漳衛兵無居屋雜處民屬郡府檄君營之至則鳩工委材分令諸里胥督其成先期而事集他郡蒞役者嘖嘖嘆其神速暇日訪余梅雪齋中容修而不矯論正而不勦向之所聞於是益信因記曩遊齊中周

覽形勝羣山抗其西大海拒其東其人皆沈厚
峭直敦禮好義太公之遺風蓋有存者君生於
是而鍾其秀學於是而成其材亦嘗仕於是而
善其政矣宜其設於一邑恢恢而無滯也昔者
太公治齊三月而報政君特有其要者故於
新政之施有以感於士若吏民之心如此然則
及民之淺深固不可在官之久近而槩言也
余聞彥璋所與游者多偉人碩士青雲知己將
必有棲其羽於上林之枝者枳棘固不能爲鸞

鳳留也故於其竣事歸邑書此以爲贈

贈林子方序

國子助教高君達善謂弼曰林君子方其醫之良者歟察病必知其源用藥必知其要不屑屑於古人之陳言而惟以意求之或攻病而取速效或磨病以圖後功惟求其愈而已遲速則隨其宜而不爽焉故能上被聖眷下慰人望子方亦可謂不負其業者矣去年春予被命使安南五月至其國瘴鄉暑道感觸既深去蒼梧秋氣稍涼伏暑內發體熱可炙手靖江王遣醫診視

連進數劑熱雖稍退而泄痢作矣至京痢轉劇有旨命子方賜問既切脈曰君脈與症無大可畏然不可卽治必漸消之則病根可除而他疾不生矣於是日服其藥閱兩月而後愈余念其恩而難於自言也願借子言之重用爲子方贈嗚呼二氣交盪容有乖離而人之疾疢生焉醫以濟之使夫乖者順離者合而疾疢以安其功用亦不細矣然能察陰陽之變審三因九候之微者幾何人哉此達善之德子方不能不爲之

嘖嘖稱道也弼曩以使事兩至安南稔其山谿之險惡竹樹之蔽翳一遇災暑則毒蛇猛獸之氣蒸而出林莽流而出澗谷雖水泉蔬茹皆不可食及再至之日卽不能食及道左江復染嵐暑轉爲傷寒旣泄且痢或曰傷寒自痢醫家所忌前後進醫數十皆罔效至韶已三月矣有醫曰尚有積也飲予藥二劑痢稍緩羅某廬陵人固有得於醫之意者然未若林君神且明也昔人以與相並言蓋燮理陰陽之在是也

林君真其人哉予與高君皆使安南而林君寔
宗人也故爲書此不辭君居姑蘓今爲太醫院
御醫云

贈陳執中序

青齊負海在昔擅魚鹽之利入國以來田賦旣
增而漕運遼東道必繇之於是事始劇矣晉安
陳執中用薦爲吏部考功主事朝廷以萊之昌
邑素號事劇輟其職出知縣事噫有地數百里
民數千室邑宰視古子男亦足以行其志矣治
劇有道寬簡以立志勤敏以蒞事則裕而不擾
執中優學以達政猶扁之斲輪慶之削鑿固不
待勉而能也萊自禹貢已作牧矣今其地稱殷

富吾知邑事為易集也君行矣他日名著循吏
齊名太丘將於君焉卜之毋以古人為不可幾
及

江漢于室曰幸賦古子與衣以谷其志矣
邑漢魏車以顯其輝出賦謝事以賦幾有
則時中以為為吏備法也主事時政以兼
百衣負其子者別由聖之保人因以來出加
觀則許中氣



林登州遺集卷之十三

閩漳林唐臣元凱著

同郡王志道而弘定

裔孫興楨侯重梓

後學張紹科煙叔纂

集序

陽山蒼檜圖詩序

宋氏子子宣髻鬣有遠志弱冠客遊四方嘗以
武功為監當官尋引去則盡去游俠之習每與
文人墨客相往來予友錢塘馬性之淮南顧孟



仁皆情分寡合聞子宣在門則倒屣迎之觴詠
歡洽移日其爲人可知矣子宣之言曰昔余未
有知也孟浪江海間學之未力况於仕以行之
平陽山之麓有先廬焉環廬有檜數百株先人
手植也吾雖欲騁桑蓬之志而不能不與松檟
之思每登高望遠則陽山之蒼林茂樹瞭焉若
在心目今將歸葺故廬以奉先祀愛護植檜以
無斬先人之手澤庶幾失於前者或可得於後
也予曰子宣其知本哉詩曰維桑與梓必恭必

止子宣於先檜瞻而思之愛而護之豈不曰先
人遠矣見其手澤猶見先人也其純孝之念油
然而生推是心也則忠君仁民無適不可子宣
勉乎哉子宣方年富異日聳壑昂霄以備棟梁
榱桷之用則於是檜爲無忝將不徒愛而護之
之足尚也性之孟仁作而曰子言可規請書于
檜隱圖後用以爲子宣贈

柳江送別圖詩序

柳江送別圖者漳士贈趙居貞之別也別而圖之何日時也時而柳江何曰地也時則情寓地則景存情與景會圖不容已矣况別之時與地乎江文通賦曰春草碧色春水綠波送君南浦傷如之何此時此地也此景此情也感而發於一時孰與異日之無已乎予觀是圖遠而風帆沙鳥近而汀雲浦樹凡柳江谿山之勝莫不毫分縷析蓋目一時之景而心無已之情者也居

貞居清涼山中必日展而玩之曰柳色依依吾友別我之時也江水瀾瀾吾友別我之地也友之所以贈我者何勗我者何吾不忌乎所以自勉也若然則是圖也庶幾仁者之意非啻贈鞭贈劍之云者矣居貞溫陵舊閩善學工文辭故漳士愛之於其行旣哀詩於圖左遂屬某爲之序

梁山樵唱集序

梁山樵唱者古定倪君孟明樂府集也君蚤歲自大江以南游揚州歷覽燕趙齊魯之墟高岱河洛之雄僑京師十數年鉅公聞人定文字交貴游豪士氣誼相許其偉邁奮發醞藉風致一寓樂府故或追事吊古以抒情泄憤或嘲花誚柳以賞心行樂其意雄其詞婉其聲渾和壯厲有中州作者氣大爲酸齋貫公玉霄滕公稱賞洎來漳愛梁山泉石之勝卜築其下酒酣耳熱

浩歌一曲樵夫牧子皆狎聞之而知其譜因名曰梁山樵唱云一日出示余余雖不審其聲而粗識其語意知其足以鳴國家治平之盛與陽春白雪集並行於世也然余聞長短句者詩之餘也雖南北之聲不同其爲詩之餘也則一君能詩得李杜家法具在別集是編特其緒耳知孟明者當不專於是也

華川王先生詩序

古人之詩本乎情而以理勝故惟溫厚平易而自有餘味後世之詩局於法而以辭勝故雖艱險竒詭而意則淺矣夫三百篇者詩人情性之正而形於溫厚平易之言也後世能言之士有極力追倣不能及者則固非無法也非無辭也其法非後世之所謂法其辭非後世之所謂辭也蓋情之所發者正理之所存者順則形於言也自有其法自有其辭有不待於強爲者也惟

能有得於古人之法之辭則後之作者皆可以與之方駕竝驅而無愧矣華川王先生子充甫以文名海內而詩聲復出間出其集示余長篇短章徃徃有古法上遡風雅下擬漢魏與李杜韋柳輩頡頏後先情真而法嚴理臻而辭工余固知其非苟作也近世以詩名家若范江西虞蜀郡楊浦城諸公皆有以鳴乎治平之盛而黃文獻公獨以平實流麗爲本華川蓋得其心授之微者也夫平實則理勝而有溫厚平易之氣矣流麗則辭亦勝而無艱險竒詭之病矣詩之爲詩殆不出乎此也先生文集若干卷宋太史景濂胡先生仲申旣序之矣而囑唐臣後更名彌序其詩之集余於詩所造者淺不足以知先生而辭不獲命故書此以求質焉

秋山高隱圖序

景之可樂者在秋居之可樂者在山得其景與
居之樂而歸隱焉亦可謂高士也已古楊謝元
初氏學老氏之學者也遊方之外名山大川旣
足厭而目旣則曰吾隱者也游非有求於世亦
適吾志焉耳玄髮以出今種種矣盍亦歸故山
以脩吾初服耶林君梅隱聞其言而高之爲作
圖命以今名請余序首簡余曰夫隱心隱而已
矣心隱則雖遊亦隱也市廛亦山林也何必歸

隱秋山而後爲高哉原初日秋於時爲清山於物爲靜吾教以清靜爲宗梅隱善名吾隱者吾將歸隱以清靜吾身心焉庶幾有得於秋山之意也余曰是可敘已博陵林唐臣旣敘重繫以詩

喜雨詩序

天下之喜大而公者其惟喜雨乎喜或在於一身或在於一家或繫乎一國而雨則澤乎天下者也其爲喜不旣大乎有以祿位而喜以壽康而喜喜於燕享喜於際遇空谷而喜足音破敵而喜折屐足或一人之私一時一事之偶然孰與無一地之不被其澤無一人之不快於心者乎故曰雨之喜天下之公也傳曰若時雨降民大悅所謂喜之大而公者歟至正癸卯春三月

不雨農作方時而田不可耕秧不可蒔溪澗且涸原隰若焚札瘥已兆南靖尹朱侯元賓蹙然曰旱莫苦於春春莫甚於三月吾受百里生人之寄農事無所施則民命無以存吏職將何以稱乎乃闔門蔬素誠以致禱檄龍於湫零祀山川百神翌日雲興雷奮雨大作三日而後止於是涸者濡枯者起民之望者如渴而飲饑而食咸曰是我尹之雨也相與欣忭鼓舞不能自已來請於余曰雲漢憂旱形於詩六月喜雨書於

春秋凡以繫乎天與民也吾儕小人將志斯喜于亭焉則吾尹重勞我力也詩之書之則吾民之賤無以信於簡冊也子幸爲我志是喜庶幾有以白侯之德慰我之心焉嗟夫古諸侯祭封內山川誠以能出雲致雨以澤民也縣尹爲古子男爵而封域之廣蓋過之境之旱乾水溢實於山川有繫焉者也朱侯不雨而誠禱宜其應之不爽歟朱侯可謂知所職矣邑之士子哀詩謠若干首以爲侯美余嘉侯能誠於懼災民能

餘欠然一漚之溢亦所不辭也塊反於土漚反於水雖不足爲高深而謂無資於高深焉不可也向使古人之詩極其高深後人舉不足以得其一二則雖皆無作可也然則一篇之佳亦古人之一塊一句之善亦古人之一漚也吾觀彥芳之詩長篇得古意短律合近體始有造於高深者而集以塊漚名蓋卑以志崇淺以圖濬而心不自畫焉者也誰謂華高企其齊而誰謂河廣一葦杭之積卑以爲高瀟淺以爲深吾於塊漚焉卜之矣彥芳謝曰非所及也然可勗吾怠請書集首以爲序

梅隱詩序

昔者吾宗和靖先生隱西湖之孤山環屋植梅
吟嘯其中蓋託梅以隱者也宗人林文奎氏雅
性好梅時執筆爲梅寫真心景前哲因以梅隱
號間謂余曰此吾一家言也子能爲我序所
以廣余以未達之旨乎哉復之曰和靖託梅以
隱夫人能知也抑孰知梅爲花隱者君子寔取
之以自况也菊芳老圃蘭秀溪林謂之隱者可
也然而未爲隱之至也梅其隱之至者歟菊蘭

隱於秋而梅乃隱於冬當霜饕雪饕之餘羣卉
搖落萬植委槁梅也秉其貞白孤芳獨潔卓然
自見退不隱乎泉石荒寒之濱進不慕乎桃李
紛華之場易曰天地閉賢人隱此梅得隱之時
而於幽人貞士嘉遯之義爲有契其所取之也
固宐然則託梅以隱未爲知梅之淡者也知梅
之善隱而與之俱隱則人與梅一矣雖然和靖
之得於梅也以詩子之得於梅也以畫雖所得
不同而所以得者則未始有間也香影一聯模

寫入神膾炙人口子之慘澹經營模寫形似其
得趣之淡亦不減前人矣古人謂詩有聲畫畫
爲無聲詩梅之隱也殆於詩畫而顯矣梅隱之
號朱先生原道林先生清原常序而歌之而張
公師夔又圖之矣兵餘悉化去復徵予言予重
違其請故旣述其託隱於梅之意併以梅之善
隱者廣其義焉

夏指揮遊赤松觀詩序

赤松觀者金華洞天之絕勝也昔上駐蹕是州
以其地爲淞東要郡命夏侯毅鎮臨其所侯
靜中而寬外又以無事遂得放情山水間每遇
佳時勝日良賓清友必遊赤松遊必有作人能
傳誦之洪武庚戌春與淞省鎮撫李君同游爲
詩二首清婉流麗大夫士倚而歌之旣成軸矣
余被旨以來得而讀之則作而曰皇上神武克
綏四方以治道不專在是誕敷文德熙而洽之

以武臣而詩書禮樂焉是務蓋有得乎德意之
微矣思昔戎事方殷遠近警急雖山水之勝一
登一眺有不遑及矧詠而紀之者乎古人謂政
治得失詩可以觀讀侯之詩金華之治於是乎
見矣故因其卷之成書此以爲序

夏指揮春日倡和詩序

輕裘緩帶羊叔子之在鎮也雅歌投壺祭征虜
之在軍也孔子曰有武備必有文事予於指揮
夏公而有徵於古矣公作鎮金華幕府多暇日
與諸生游從講求忠國仁民之術旣則觴詠以
娛於獻酬交錯之頃而成賡倡迭和之篇太原
邊君彥敬哀而爲卷徵予引其端予嘗觀古人
之詩在盛際者其辭樂在衰世者其辭苦今朝
廷清明海宇寧一如日之旦如時之春明良賡

歌於內而治音遠播於外讀是詩者當於麟趾
騶虞求之叔子征虜未足爲公期也

白雲孤飛圖序

孝子思親之心惟於登高望遠之時爲最切蓋
所履既高則所見益遠雖雲山千里如在目前
其思念之切有非常時之可比者矣古人陟岵
陟屺而瞻望父母良以此也唐狄梁公登太行
山見白雲孤飛曰吾親舍其下悵望久之夫雲
之漠然若非人心之所存也其孤飛也未必下
直於親舍也特以登高望遠而思親之切故仿
彿想像而若有見親舍之所在耳後世孝子行

役在外違定省溫清之節不得展承顏養志之敬而無以少慰其孝思之心於是卽望雲爲故實或爲圖或爲詩以寓其意于以見孝思者人心之所同初不以古今彼此而有間也噫雲雖無心而孝子則有心也雲之孤飛亦違顏之有似也狄公望雲於一時圖而詩之則非一日之可言矣豐城鄔烈翁氏純孝士也游宦汝蔡間母以老故弗獲迎養而思慕不置因命善畫者作白雲孤飛圖諸大夫士從而詠歌之來徵序

余嘗令其邑知鄔君之孝稱於人人故序而不辭

熊太古詩集序

豫章熊先生太古以其詩之集二授弼一日燹
餘一日熙真燹餘蓋兵後集失而僅記其舊作
彙爲編熙真則先生嘗避兵龍虎山得道家丹
經玉訣之學因寓興於冲虛高逸之表者也弼
讀終卷則嘆曰古音邈矣猶幸於先生之詩見
之集中詩多五言燹餘卷端數十首真有漢魏
作者家法熙真若干首綽乎晉人之風於景純
之游仙子昂之感遇相頡頏後先者也夫四言

肇於唐虞而盛於周五言昉於周之行露等篇而盛於漢魏晉宋七言權輿於張衡之四愁魏文之燕歌而大盛於李唐之世然漢魏以來五言七言皆古體也至唐則流於聲律而爲近體矣然則五言本三百篇而漢去古未遠作者固當以是爲準的也余嘗謂詩爲文之一而與文並立雖體製不同而同歸乎古文無古人之氣骨則不臻於雄渾奧雅之妙詩無古人之音節則徒爲穠纖靡麗而無溫厚平易之懿矣詩體與世變相乘必先徹氣完然後可以復古周漢之世氣之完也氣完則音完然後可爲治世之音燹餘之詩作於元之盛時熙真之作雖當變故而寔我皇明開一統之初也氣完音完宜其詩之渾和雅厚無愧古之作者詩不可必世之傳而世不能不傳余於先生之詩有以必其傳而世之傳之有不容遂已者矣故因先生自號合名其集曰巢雲而書此於卷端

琴隱軒序

古之隱者不暇擇其地惟卽所處而樂其常焉
若尹之於畊傳之於築呂之於屠釣百里奚甯
戚之於飯牛君平隱於卜子陵隱於山孺子隱
於市伯倫隱於酒君復隱於梅夫暇擇所隱哉
身之所處樂之所在也後世若伯牙之儔蓋善
琴者也其志在高山流水子期知之子期死而
伯牙遂破其琴噫琴趣得於已知不知在人何
至於破琴乎吾惟自知吾趣不求人之知而與

琴俱隱可也胡君朝輔雅志好琴嘗蓄琴一張於書軒之內閒居獨處或鼓一再行以自適趣初不求人之知也因自書琴隱於軒之前楹請予說之夫君子之道惟自修於內而不計於外故視內者重則視外者輕而凡用舍窮達無所往而不自得伊呂之徒固皆以此自樂其樂也下數子者亦豈能外是以爲心哉琴有道之器也朝輔而知好之固足以見其情性之正矣自知其趣其厚已者歟不求人知其薄人者歟君曰昔陶潛琴無絃豈有望於知音者哉吾將以陶爲師故以琴爲隱也朝輔文定公喬孫常用薦爲較官今以親老授徒爲養無復仕進意人多其行云

望雲軒詩序

昔者狄梁公仁傑登太行見白雲孤飛曰吾親舍其下悵望久之雲移乃去後世孳子行役宦遊於外思慕其親率以望雲爲故實而名其僑居之舍夫亦寓其思親之切有不能自己者爾然余嘗謂望雲而指親舍則所望猶不甚遠若親在數千里外而亦以望雲爲言則其情尤可悲矣予聞狄公懷人也於太行爲近故雲在望而親舍亦在望蓋目則雲而心則親也心之所

思深則目之所望遠而况於近乎秦川張君與
賢謂彌曰某來京師將及十寒暑而親老在堂
弗獲一歸省每登鍾山望孤雲則吾親舍瞭然
心目間信乎古人先得我心之同然也因名吾
僑軒曰望雲庶幾目焉少慰吾心焉耳朝之大
夫士有知予心者咸爲詩而歌之先生幸序其
端嗟夫秦川去京師僅數百里予之望秦川之
雲亦猶狄公望懷州之雲也雖未得奉晨昏候
溫清而音問之易達其旨之可致視親舍之遠
者其於望雲之頃心思之切又當何如也其心
旌之搖搖者蓋將與雲俱往矣與賢之望雲豈
非同是心哉與賢盛名方起異日躋膺仕食厚
祿輕輿迎養日在親側以怡以愉至是則雲不
必望軒不必名詩不必作可也

此等神不測之功不可言也

神與聖者日在臨以中以制至長則雲不

動而天以始與實益而天與日觀照其

神之神與天與地與日月與星辰與

草木禽獸之類皆以神而為之其

林登州遺集卷之十四

閩漳林唐臣元凱著

同郡王志道而弘定

後學張紹科煙叔纂

集序

壺山圖詩序

壺山圖者進士賈君克勤圖其居邑之勝也大

河之東其山最多而太行為大太行雄絕跨數

州縣而壺關據其要其中一峰若壺然千巖萬

壑傍環角立有若擁矢待投之狀此壺山攬結一邑之秀而圖之所以作也他日克勤持以示弼曰吾聞游子懷故鄉身在異國雖山水信美曾不足以慤其心焉某也宦遊四方萍蹤梗迹昔彼而今此每一興懷則家山數千里釣游之水丘桑梓之井落松楸之墟壠瞭焉在目也因命善畫者寫是圖庶幾展玩之頃如見壺山勝槩之舊而暫忘鄉井之思也詩而歌者凡若干篇矣子先世晉人而游歷所至太行之雄壺山

之勝子之所悉也序是圖者非子其誰哉嗟夫
人皆有君之思而君先得人心之所同然則玩
是圖者孰不爲之感歎詠歌而不能自己乎昔
狄懷英登太行望白雲而思親舍壺山之圖蓋
同是思非徒愛其勝而已吾將與子繇孟津泝
大河歷九折之坂訪三老之故墟徜徉於李愿
之盤谷以遂子榮歸之願以尋我舊游之跡將
有在於後日至是雖以圖爲芻狗可也克勤笑
曰請書此言以俟

報德菴詩序

報德菴者括蒼管增所作以報其親之德也增兄弟四人長定次禧次某增其季也好老氏學遂脫俗爲道士蚤喪父事母孝養備至他日以父墓遠弗便祭掃乃謀諸兄別卜地於所居道觀之東鳳凰山龜潭之原而遷柩葬焉虛左爲母壽壙復於墓傍築舍若干楹設主其中晨夕香燈以爲展敬之所卽所謂報德菴者也定方爲欽天監掾朝之大夫士聞之莫不善定之兄

弟而尤嘉增雖在方外而於事親之道能惓惓以致其謹也咸爲詩歌以述其事請予序之嗟夫老子人中之龍非真遺世絕俗者柱史不足以行其道故卷而懷之終於隱處而不見後世學其道者脫畧世故過爲詭異殆將絕倫紀棄綱常以遊於方之外立於物之表嗚呼是果老子之所謂道者哉增也學老氏之學而不爲世之習事親之道葬祭之禮不敢纖毫之或怠民彝物則之天人皆有之夫豈不信矣乎雖然親之德未易報也詩曰欲報之德昊天罔極天之生物萬有不齊形而色之羽而儀之華而實之或洪或纖或高或下或變或化凡爲物者孰能效報於天之萬一哉父母之恩如天罔極人子思報之心雖切而其恩廣大不知所以爲報也然則如之何亦盡吾所得爲者而已管氏兄弟其殆庶於此乎故喜而爲之書以告爲子者

浣花漁者詩序

吏部主事張君積中其先蜀人大父雙蕉公宦
遊松江因占籍焉積中思蜀之不得遂歸也築
草堂江上讀書賦詩其中稍休則乘小舟釣游
五湖三澤間因以浣花漁者自號其言曰地不
必同景則無異人不必同志則有似吾仁先里
之思前哲之慕則松江亦浣溪之水而吾草堂
則子美之居也昔者君子隱居以求志不以漁
釣爲可賤夫亦卽其所處而樂其所有事云爾

磻溪之釣非失時也嚴瀨之釣非忘勢也一出而溥其澤於天下使夫溺者拯屯者亨出之有其道也一處而高其節於千載使夫頑者廉懦者立處之有其道也吾才不逮古人而竊有志焉大夫士聞其言偉其志而訶詠之積成軸矣來命弼序弼惟浣花之名不忘水木本源之義漁釣肥遯雖樂其樂而束帛之賁卽爲時出積中忠孝之學於是乎在矣君年方富將大設施於時岸花水竹之懷蓴羹鱸膾之興固未得以直遂也他日功業旣成角巾歸第當携漁童樵青求所謂玄真子江湖散人者而與游焉余倘未及耄尚能買魚酤酒以登草堂歌少陵之詩以助君之一莞也

以相替之一表也

夫其言尚指買魚酒所以登車宜烟火刻之
青末酒歸玄真子我賦遊人亦謂我謂余
而遊世豈日也

圖大夢彩堂詩序

昔老萊子年七十父母猶存常著五彩斑斕衣
爲嬰兒戲於親側後世孝子莫不歆羨而慕效
之或取以名堂或爲圖或爲詩以寓其孺慕之
意然使人子常在親側得以戲彩於庭闈之間
以爲父母之歡斯固天下之至樂也其或游宦
行役遠在他方思欲效老萊之爲而不可得朝
焉夕焉念念不寘遂至形於夢寐則其心有不能
自巳者此武夷丁仲純氏夢彩堂之所爲作

也仲純之言曰某也年及壯矣在父母具慶下定省溫清之不違其旨滫瀡之足養晨夕左右不知樂之爲樂也一旦隨計吏入京師縻升斗之祿不得承顏今歷六寒暑矣寒思煖吾親之席也暑思扇吾親之枕也遙望武夷之雲恨臂不羽飛墜親側夢寐之頃一見吾親焉儼若戲彩之歡也遽然而覺則身在他鄉心怳怳然作惡者數日某以夢語友汪季清因爲作夢彩堂圖大夫士從而詩之子幸序其端庶幾少慰予心也弼聞周官太卜之屬占六夢其一曰思夢仲純戲綵之夢蓋出於思者也人之精神與天地陰陽流通故晝之所爲夜之所夢各以類應矧人子之精神與父母相爲流通者耶雖然仲純年未及萊子而二親之年未及於萊子之父母也八表而望九九表而望百他日三釜之榮輕輿就養吾知仲純戲綵之樂未渠央也夢綵云乎哉

玉雪齋序

隴西李彥清雅性介潔雖居紛華不易其素也
嘗曰物生天地間各有形色求其介潔之至不
以窮冬寒沍而易其形色者惟竹梅爲然因命
黃仲章氏寫竹與梅爲圖又以謂竹之貞於玉
爲有似也梅之白於雪有似也故比德於竹
梅而取譬於玉雪以名其軒居焉夫比德於竹
而取譬於玉則持節之貞介者於是而有得矣
比德於梅而取譬於雪則處心之潔白者於是

而有得矣雖然竹固有似於玉也然昔人嘗以
蒼雪目之則雖謂竹爲雪可也梅固有類於雪
也然昔人嘗以寒玉喻之則雖謂梅爲玉可也
彥溫蓋兼取之矣晉王子猷好竹曰不可一日
無此君宋林君復好梅香影之句膾炙人口彥
溫兼二子之所好將欲效子猷之風致歟則聖
朝貴責實而不清虛之尚也將欲效君復之隱
遁歟彥溫方揚聲振節於時未得以直遂也其
亦切磋琢磨以成如圭如璧之德甘苦辛酸以
成調和鼎鼐之功而以傳說衛武自期待度乎
無愧玉雪之名竹梅之實矣

會川樓詩序

會川樓者廬陵蕭漢飛所作以會文友而進士
李昶書以名之也他日元戶部瑄記之而爲之
詩者又若干篇漢飛復徵余言爲序余嘗沂江
西之源蓋發自柳經橫浦與章貢合流東下數
州之水千派萬委悉入於江廬陵蓋其總會也
名樓之意雖卽其地之勝抑亦有旨也哉余聞
漢飛少游湖海間貴遊豪士多以氣誼交洎歸
桑梓則日與文人墨客相講學觴咏歡洽殆庶

幾以文會友之義此樓之所以作而李先生之
所以名也易不云乎麗澤兌君子以朋友講習
友之相資有類麗澤文士之合并豈不有類會
川哉然川之會不干江而止必至於海而後已
也至於海則江亦一川也君子之取友近而一
鄉遠而一國又遠而天下譬則小川之會大川
大川之會于海則其大也至矣禹之行水也決
九川以距四海濬畎澮以距川言繇小而之大
也漢飛知講學會友之益不以友一鄉之善士
爲足而必廣及天下則所友益遠所講益明夫
子川上之旨孟子放於四海之意將思過半矣
彌也不敏他日登斯樓握手道舊故獲廁文會
之列余雖老尚能泚筆川上以寫斯樓山水之
勝姑書此爲序以效規勉之萬一

南雲詩序

國子樓叔魚氏以在館久而思親之切因題其
寓室曰南雲或者疑之曰雲東西南北之物也
其變也無定體其行也無定在南之言不亦膠
乎余曰否否夫望雲而思親事出狄梁公仁傑
公居懷在太行之南故登太行見白雲孤飛曰
吾親舍其下雲而曰南固本於是乎且子東而
親西則望雲於西子西而親東則望雲於東南
北亦然斯固無足疑者叔魚家會稽而身在京

師則所望宜在於南雲矣學文之餘休沐之暇
登杜山而望南雲雲在目則心在親恨身不得
與雲俱飛而墜親側其中之所感蓋有油然而
不可遏者矣南之言非膠於名也迺其實也雖
然國子給事省部者多不次擢用叔魚方將躋
仕中外游歷四方以施其所蘊之素以廓其所
見之大吾知是雲之望不徒在於南也昔者孝
子之詩以凱風自南爲比蓋以南風之化養萬
物猶子之鞠育於親也南雲之覆燾於下亦猶
親之拊畜於子也叔魚之意或有得於此乎曰
非所及也然先生之言則善矣請書爲諸詩之
序

雲山惜別圖序

古人於離別最鍾情焉蓋相聚之殷一旦分袂以去爲親友者眷戀踟躕不忍相舍其爲情良苦矣故臨岐之際必有所贈以將其意若繞朝之鞭王祥之刃江淹之賦或折柳或賦詩皆以寓其惜別之懷云爾後世或圖別時之景與地以爲贈則其情益淒且切矣余友鄭君景山居南昌兵亂流離僑居蒲坂凡廿年始得還鄉井省墳墓未幾復歸于蒲親友姜叔範輩以歡會

木石少集 卷十四 十五
不久而復去也。因以雲山惜別爲圖而賦詩其上。徵余序。余觀是圖，其景與地蓋彷彿西山南浦之勝，非特留者有雲山萬里之情，將使去者一展而玩之，必有甚不能堪者。淵明停雲之詩，子美雲樹之句，何莫非是圖之情也。予於雲山之別情所同也。故序此圖，不辭。其意甚微，而

雲山惜別圖序
題胡敏中哀唁詩序

至正十年庚寅，唐臣將試藝，有司行至蒲楓亭驛，聞先母陳疾且殆，倉皇狼狽兼程，走歸二日，母竟見背，呼天號慟，萬死莫贖。胡君敏中來吊，與余相持哭盡哀。聞者莫不感悼。旣克襄事，敏中復唁，予以詩曰：露冷慈幃二十秋，蘆花風起幾番愁。夕陽溪上雙鳧宿，得似當時傍母不。又詩曰：棘闌催赴君恩重，中路歸來念母深。萱草堂前五更露，西風吹作淚沾襟。情愴語哀，讀者

莫不悲咽流涕嗚呼孰無父母俱存者知樂之
爲樂未必知哀之爲哀必罹荼毒痛苦者然後
知之真而感之深也知之真者情之不容僞
也感之深者言之不能已也非知無感非情無
言敏中蚤喪母知哀之爲哀矣其所感者宜何
如耶故發乎情而情愴形於言而言哀二詩之
作蓋庶幾蓼莪之遺音也時斬焉哀經方寸亂
裂久未及和今祥禫旣踰因記其舊作而用韻
以答之諸公文從而列和焉人心之同然者於
是乎不誣也余旣錄詩若干首而引其端復成
長哀賦附於篇後併以寓終天憂感之意

竹山黃氏族譜序

譜牒非古乎曰古也書契以來世次之有考者
皆是也黃帝二十五子得姓十四其所以別生
分類者必有其道矣司馬公作史記其紀傳敘
載之詳非有考而然乎然則在國爲史在家爲
譜紀於國者固皆序於家者爲之也晉人衿門
第始重譜牒李唐又甚焉郡縣族姓至分甲乙
五季紛亂士大夫家譜牒亡者十九宋興稽遺
綴缺其失真者亦已多矣豫章黃氏始祖繇秀

徙婺至贖徙豐城沈江瞻又居分寧雙井五世
而生太史山谷先生庭堅有諱昇者居豐城竹
山則太史之從昆弟也擢科躋仕世有其人十
世孫曰瓊字尚英能自力學以濟世美每懼有
愧前人因序族之世次釐爲譜圖蓋深念乎水
木本源之義而又以示夫後之子孫俾知前人
之所以顯大者寔繇於世德之積有不可誣者
其立心亦仁矣夫苟仁以立心則雖服窮親盡
猶一日也支分派別猶一人也豈以遠近疎戚
貴富賤貧而異其情哉他日作紀傳者或有取
於是則太史之澤愈續而不斬矣尚英勗諸

航溪朱氏族譜序

余令豐城嘗以事過航橋里愛其山水迴環融結詢之傍曰此朱氏所居其族大以繁今九世矣他日進士自省君來見余恂恂儒者其諸孫公路每以公事至邑余見其雅飭有禮則歎曰詩書之澤厥有自哉今年冬公路持其所譜族系示余蓋自念一府君五傳至明道始貴盛爲豐城望族公路爲明道曾孫能與諸祖父樹門戶以不墜先業寔朱氏賢子侄也於乎宗法之

廢久矣君子猶幸於族譜而得其遺意焉夫親
盡服窮則寢疎矣有譜以序之則雖支分派別
而一本共原之義猶敦同姓之親也其於古人
別生分類之意殆庶幾乎此余於朱氏不能不
與慕羨之心也繼自今若子若孫繩繩於方來
者能以公路之心爲心則登是譜爲無愧人將
歷指曰是能揚祖之風紹先之業朱之門其不
愈大矣乎余嘉公路用心之仁故爲書此於譜
左用以勗其後人焉

方氏族譜序

方氏古諸侯方雷之後周方叔爲南征大將軍
始獨姓方而雷遂爲別姓蔓衍源分繼繼繩繩
族大以繁則自古田令廷範始有子六人五子
仁載官至禮部郎中上柱國再世爲隋泉州長
史達自泉徙莆于後分爲三族唐季以來子孫
擢科躋仕襲芳趾美代不乏人宋著作郎儀屯
田員外郎慎言廣東經畧大琮皆達之裔也文
章政行具載傳志元初水軍萬戶副使其戍清

江鎮遂占籍焉長子榮卿徙居九江次正卿襲
父職生安道仍襲職戍舊鎮與弟道謙皆居清
江榮卿生漢祥繇九江徙武昌材識爲時輩推
重晚以武功授巡簡生彥彰少孤克樹立隱約
無進取意生子四曰鼎礪喬寧皆知學而礪猶
秀發善文辭繇郡庠選入胄監擢給事中轉通
政司知事以勤敏稱他日以其宗譜示礪曰礪
系寔出閩今四遷矣兵餘舊譜俱失今所書者
四世爾副使之上不能詳也深懼失水木本源

之義而不足爲人之子孫也先生居閩而宦游
大江之西於吾族之所從來必有攷者幸爲我
序之予嘗讀亡友進土方君德至家譜而往來
清江與父老言論猶能有道副使公之事者今
於礪之言而有感焉嗚呼因生賜姓胙土命氏
聖人爲天下思子孫無窮之訓故建譜而立大
宗小宗之法諸侯分命其卿或取王父之字世
功之官世食之邑以爲序族所以別親疎辨貴
賤順少長可謂明且備矣後世封建法壞宗法

不明士大夫能邇流窮源爲之譜牒以不忘其
本始者蓋亦鮮矣時異世殊一旦遺失則子孫
無考有能譜其所知而缺其所未知不屑屑於
妄宗顯達之族而必求其本源之實若厲者可
不謂之賢子孫哉余嘉其心之仁而惜其上世
之未詳也故爲述莆族之一二以書于譜後庶
他日有攷焉

張氏墓祭卷序

古者諸侯有國大夫有家士有職故宗法有定
制諸侯有籍田卿以下有圭田士有祿故廟祭
有常禮記曰別子爲祖繼祖爲宗繼禰爲小宗
又曰士有田則祭無田則薦其禮制蓋可稽矣
封建廢而班爵無制則宗法隨以壞井田廢而
班祿無制則廟祭繇以缺故有爵位視公侯一
日秩滿無尺寸之士升斗之祿者宗法之行廟
祭之舉尚無望於此况其下者乎是故宗法雖

壞有能篤親親之恩而序族有譜廟祭雖缺有能致奉先之孝而墓祭有田君子有取焉以其得古人遺意也若長泰張氏七世有墓墓各有田歲有二祭祭則昭穆序列燕則尊卑旅酬懽然而有恩燦然而有文其庶幾古人之遺意者與張氏世系厥有自來代有聞人著在史牒而自徙長泰山前七世而下得合譜序族歲時會祭則自諱公義府君始東軒先生又能昭前之光明而不衍之故世譜有序墓域有圖祭田有載其心之所存蓋將使後之人知尊尊親親之義則雖千條萬葉猶一本也千派萬委猶一源也夫本植則末愈茂源濬則流愈長吾知張氏之澤未艾也東軒以儒起家貳幕漳郡其數世之澤至是而始振云

以窮至是而故亦云

之與未其也東博以論或深復暮或深其故也

以與本詩則本亦實然微則然愈其可味題及

其與則于於其其本也于派萬委辭一也

雖其出之而亦其深也其入味其其味其也

序

古雪軒詩序其詩也古雪固自有其也昔人

雪何始乎曰古也自有天地即有此雪變化成

象非一日矣曰古此雪也今亦此雪也雖謂之

今可也奚古之泥曰今必有古也言古則今可

兼舉矣李白氏常以古月今月言之矣非古無

以徵今也然則日月星辰雨露風雷皆古也奚

獨於雪而疑之吁豈惟物哉事亦宜然汗尊环

飲禮之古也邊豆罍爵之飾於今者實本是也

簣桴土鼓樂之古也五音六律之節於今者實
本是也古人今人之師也古道今人所履也古
雪獨不足尚哉夫子於川上而知逝者如斯往
過來續往則古之謂也來則今之謂也古往已
盡而今來無窮則前日之今卽今日之古也今
日之今又後日之古也以差殊而觀今古夫豈
可哉西北地高而多寒岷山之雪旋融旋結其
爲春與夏漸者皆其餘也古雪固自若也昔人
嘗有太古雪千秋雪之咏以其雪之積也吳郡

曾君行斯爲綿州同府綿距岷近雪山嘗入眼
因顏其軒曰古雪士大夫文而詩之彬彬如也
予來守登行斯爲司李公餘之暇常以諸作見
示予謂行斯名軒雖因其地而意實淡且遠也
使徒因地則今日居登將復易其名耶夫天地
之氣清而白者莫雪若也而又謂之古則其至
清而至白者也行斯居官廉慎介然無所移其
有得於至清者與皜然無所汙其有得於至白
者歟名軒之意吾知有在於古雪之外也吾與

行斯相聚久相得懽又讀諸君詩若文陽春白雪加以古調聊與談今古之際若此他日歸來倘未及耄携古琴一張古書數卷與吾子操古音論古道於古雪軒中安知吾與子不古人若也

林登州遺集卷之十五

閩漳林唐臣元凱著

同郡王志道而弘定裔孫興楨侯重梓

後學張絳科煙叔纂

記

隆壽法濟新寺記

佛氏以無住爲宗惟無住故能無所不住而爲常住成有懷空視同一相無所住之體也法界無邊佛身遍滿無所不住之用也至於千賢萬

劫不墜不滅則一體一用常住而不窮矣是故
乘方便力遊戲如幻不滯彼此不膠今昔而所
以成妙莊嚴者綽然無勞吾於臨漳法濟禪寺
有徵矣漳大禪寺五法濟其一按郡志寺創於
南唐保大十一年興法祖師卿公寔以高行大
德開山建幢刺史林佺爲建刹宇曰普和隆壽
院宋乾德三年鐫從願移建于保福山之左改
院爲寺更名法濟元初委爲瓦礫迨貞元間主
席月湖得清始卽故址建寺規制復舊仍二名

而兼稱焉至正丁未陳友定併閩八郡改築漳
城小舊規十二三截寺于城外寺隨廢僧徒栖
栖不知所歸住山佛心普照玄悟大師聞極覺
聰亟白于郡府省臣曰象教國所崇信棄寺而
廢之恐非初意也乃擇在官之屋與地復於寺
得前右丞羅氏故宅焉漳旣內附指揮副使劉
公僉事尹公知府潘公通判王公寔來開衛與
府咸加意佛法維持其成於是卽堂爲殿三門
法堂香積集皆因舊構而位置之若天造地設

佛祖陰相有非人力所及者旣而像三世佛及諸天執法金剛神種種華勝旣成規緒爰集海衆禮舍利塔資報恩凡爲三晝夜觀者如堵相與言曰羅氏辛勤十年以成此室一旦化爲大覺之宮豈非佛力之弘有以轉而移之耶然非維新之朝衛府一二大臣克蹈靈山之言則聰公之志亦不得直遂矣今茲八風不動金剛山蓋自有不偶者而非適然也聰公間謂予曰法濟寺自五代及宋以至於元考其遷置凡三矣庸詎知元季之徙新朝之成得易於其難獲全於其闕是不可無紀予目其事可辭筆乎余聞善觀法者以世間法觀世間法不以有爲無爲而生欣厭夫亦視其所遇者何如耳聰公以無所住之心達無所不住之用而終成常住之業卿公爲法於前聰公繼興於後寺在是則法在是矣宜有述以詒來者庶幾茲寺興復之顛末而前績之未紀者得白也於是乎書

漳州新建府治記

洪武戊申春漳州始入職方其年八月潘公某
 奉旨錫印來知府事既至視故府治構蠹陲剝
 歲久弗葺垂就頽壓慨然曰惟國家奄有海內
 邊隅既靖不以某為匪才使首政茲郡所以嚴
 尊威聳觀聽者寔於是焉繫撤舊為新我其敢
 不力然役大費鉅吾不忍勞我民也方與僚幕
 議所以便而諸禪僧羣來言曰兵餘民困公幸
 垂念邊人之福也吾教以慈悲閱世為事而吾

前錄之未詳者詳白也其年平書
 公為憲依前部
 祖卦之心數無則不卦之狀而新與常卦之義
 新於無嫌夫亦顯其微數者何成其解公以喻
 善隨志者以對問起應對問去不以意為無為
 然其淵長不可無跡也日其事有制舉平余問
 淵結狀示季之勢深博之氣吾是然其義與全

徒荷國之休食土之入時有升斗之贏敢不心
公之心思所以佐官之費而代民之勞府治幸
責以成無煩公慮也公義之允其請於是緇徒
雲集鳩材聚石舟運陸輦咸爭勤趨百工旣衆
羣能畢效前建廳事後爲燕堂翼以推廳幕司
中門外表四周堦垣並作具舉凡爲屋以間計
者三十有五以楹計者若干廳事高若干尺廣
若干尺燕堂高如廳事而廣加三之一焉門之
高視堂殺若干尺宏厥嚴邃不侈不踰諸侯之

制斯備矣始事於是年十二月明年三月告成
帑不知費民不知勞公私胥慶焉公以某受塵
屬邑知構興之顛末也命記歲月竊惟府治政
化之所自出新之凡以爲民也爲民而勞乎民
宜夫仁者之不忍乎此也古之所謂賢守令者
亦日能於民事處置得宜而已公於蒞政之始
惓惓以卹民爲心故是役之興不勞其所勞而
勞其所佚其勤渠黽勉出於中心之不容已者
豈非公之處事有宜而其愛民之誠足以感孚

於民哉傳曰上好仁下必好義予觀於此尤信
公字師道維揚人繇南昌守來爲是郡其問學
政事中外推先云贊是役者通判王侯禕經歷
魏君建中知事孫君希賢任役僧曰玉梅月庭
皆集勞可思

豐城縣改建東嶽廟記

岱爲五嶽之宗在昔天子巡守祭告必先焉凡
聖哲封禪祝釐揚烈亦惟有事泰山於他嶽則
未之有聞後世祀禮寢繁山川之神臣庶通祀
無禁以岱嶽於方爲東在德爲仁赫乎有神導
和弭沴生物福民咸有賴焉於是有大生仁聖
之號而行祀遍天下矣豐城縣舊有東嶽行祠
距東關半里而近元至正庚寅邑人熊世宏以
已資施建也舊爲田每歲春夏之交水潦泛溢

殿寢輒浸數尺卑庳溽淫神不安棲復經兵革
壞而不葺上雨旁風門背通衢過者忽焉罔或
加意洪武辛亥春彌黍承上命以吏部主事來
知縣事首謁祠下顧瞻棟宇撓腐傾仄懍將壓
矣方議撤而改建已而寢堂先頽亟命木工掇
其遺材益以新材度地祠西高亢明爽先建寢
堂四楹屬予以誣至京既得直歸始遷正殿易
其撓腐正其傾仄門廡闌楯相次完美正門之
傍東爲佐神祠四楹西爲靈槎三王祠四楹則

其舊址也繪飾肖像煥然一新邑人喜曰神棲
之寧也民福之成也雖移其舊實新之更也盍
亦紀其歲月俾後之人有徵也肆惟皇上敬禮
明神誕降德音嶽瀆祝號皆復其舊若稽古昔
澗合典禮不正之祀悉禁而郡縣嶽祠巋然獨
存澗意蓋有在也政之所先在于成民而後致
力於神彌於是廟所以遷建之汲汲者亦曰上
體敬禮之意下祈順成之福而已春秋常祀不
書是廟之遷固無足紀然以熊氏建廟無紀懼

其終泯泯也故不辭邑人之請而併書之

好古樓記

好在七情得其三喜愛慾之謂也凡人之好必以正不得其正則性鑿而慾勝矣好音者易以淫好飲者易以沈好劍易以暴其氣好鏹易以移其心玄德之傑而好髦叔夜之曠而好鍛阮孚之通而好蠟屐是其情未免有累於物與許繇之於水謝安之於山王猷之於竹淵明之於菊其好在是豈其累在是與抑亦因物以寓其樂也人之好不同故有舍金玉而索之久弊以

爲古者薄墳典而求之隱僻以爲古者厭宮室
之麗而好巢窟矯邊豆之文而好汙坏果得其
所好之正乎善好古者不泥於古之跡而在於
古之道則雖今猶古也雖寓於物而未嘗滯於
物也吾友戴君安國學古心古行古爲詩文又
古卽所居西偏作小樓題曰好古中置古琴一
張古書若干卷每風晨月夕撫琴數曲怡怡乎
遊心於黃虞之上旣執卷窻几間琅琅誦讀雖
祁寒暑雨不廢蓋好古之道而得其正萬無向
所謂數者之失矣雖然道未易言也君能於琴
之音而攷於古之所以淳漓則於世變之汗隆
而知王道之盛衰矣能於書之言而攷夫聖賢
之所以授受則於心傳之絕續而知聖道之明
晦矣信而好古好古敏求吾夫子之教也君於
此而加勉焉庶幾於道可以深造矣安國勗諸

此而味飲... 天計而致... 而賦王... 之音而... 汎詣效... 其... 宿雲房記

宿雲房記

予來溫陵獲與明極上人爲方外游明極假予榻小小室中視其壁則奇畫古墨也睹其几則羣經百子也仰而瞻其前楹則宿雲其名也予曰異哉子之名室也今夫雲山蒸則騰膚寸而合滄焉淳焉以覆八極者一瞬也倏而生忽而歛若未嘗有焉亦孰得狎而窺之哉今子欲以尋丈之室而爲雲之居語其大則無方之可極也語其小則無體之可卽也若然子雖欲強雲

之宿亦不可得矣明極日子之言理則然矣非
有得於予心者也當其山雨初霽石林猶潤殘
經已收微吟未穩予於是援不借之屐倚柳標
之杖徜徉笑傲於甕牖之下觀是雲也觸石而
生凌岫而出悠悠盈盈相對俱忘雲無心我亦
無心也予不知予之宿於雲抑雲之宿於予也
下視浮世白衣蒼狗之態漠然無有於中則室
雖不雲而予心亦雲也子幸賁我以跡我之跡
其尚心我之心哉予因詰之曰大而無方者其

萬法之有與小而無體者其一歸之無與倏興
而生忽歛而滅其一切有爲之幻與子之心殆
在此而不在彼與明極笑曰得之矣作宿雲房

記

似無軒記

溫陵吳君希貴名其所居之軒曰似無或問其所以名君曰以吾觀之凡世之所有皆似無耳富貴有時而窮勢力有時而盡生死之同原憂喜之聚門福禍之相根曠情大觀皆謂之無焉可也遠者不具論姑以近事觀之琰珠犀象之積金玉朱紫之華炙手可熱而拔山可移者吾亦屢閱其人矣曾未旋踵化爲虛空是可謂之有乎抑無乎博陵林某聞其言走告之日子之

言固達矣然懲於事而不勉於道不幾爲二氏
之歸乎吾聞聖賢之緒論矣君子惟知夫在已
者重在外者輕故已雖有而不自有外雖有而
嘗若無有焉多而若寡實而若虛乾乾焉孜孜
焉道之所造恒若有所未至才之所施恒若有
所未周夫如是則在已者益修而在外者益可
薄故富而不靡貴而不侈則不自知其華顯矣
勢而不恃力而不恃則不自知其盛強矣而凡
生死憂喜福禍隨寓而安皆若無有此君子以
無自居故能以無視物也舜之飯糗茹草若將
終身焉衫衣鼓琴若固有焉窮而下視窮猶無
也達而上視達亦猶無也已之所有猶曰無之
外之所有我遑有之乎哉然則以無觀有固爲
所見之高而視有似無尤爲所造之實也君以
是而自勉焉則用舍行藏安於所遇而內外交
盡者可馴進矣希貴謝曰吾之寓意也淺而辱
子之教深矣幸書以爲記

清暉軒記
 已酉秋余來京師天台錢君允一亦被旨持其
 先武肅王鐵券以來與余同寓所獲朝夕往還
 焉見其神觀散朗言論雅確不矯不比信乎世
 美之克濟也間為余言其居之前隙有軒曰清
 暉瞰池為屋池袤餘四百步屋十數楹面十子
 峰雙塔並起倒影下照山寺樓觀歷歷在竹寺
 空翠間而小固大固二山後擁傍列與江水相
 為環迤郡城山水之勝於是焉萃吾日盤旋其

清暉軒記

已酉秋余來京師天台錢君允一亦被旨持其
 先武肅王鐵券以來與余同寓所獲朝夕往還
 焉見其神觀散朗言論雅確不矯不比信乎世
 美之克濟也間為余言其居之前隙有軒曰清
 暉瞰池為屋池袤餘四百步屋十數楹面十子
 峰雙塔並起倒影下照山寺樓觀歷歷在竹寺
 空翠間而小固大固二山後擁傍列與江水相
 為環迤郡城山水之勝於是焉萃吾日盤旋其

中獻竒競爽應接不暇殆忘寢食雖車馬喧囂
邈若無聞也因取謝康樂詩語顏以今名子不
吾棄幸有言以記之余以其交之新而情之殷
也弗敢辭夫天下之佳山水亦多矣而大江以
南惟天台稱最若華頂之峰赤城之瀑其秀蔚
奇絕不可具狀枚述山水之清暉在人心目者
亦云著矣然而風巖雲壑深窈幽迴之濱世傳
爲至人異士鍊形導氣者之所居其說茫昧荒
誕君子所不道也古之隱君子者在市屨不爲

狎在山林不爲絕惟其適而已矧於闐闐之中
而得泉林之勝若此則夫樂之有恒視彼深窈
幽迴可覓而不可常者抑相萬矣孔子曰樂山
樂水唯仁智者能之君以世家之胄鉅公聞人
咸樂交游之少折節可得榮遇而乃隱約自甘
思以清白世其文獻達焉而無滯安焉而不遷
其於仁智蓋有得矣宜其有得於山水之樂也
夫仁智有其實則英華發於外猶山水有其實
而清暉見於外也昔者武肅有國吳越錢塘湖

山皆覆以錦山水之暉可謂盛矣君能以清白
世之吾知清暉之發允一固有得於山水而山
水將亦有藉於允一矣武肅諸孫惟天台之裔
爲宗亦唯其族爲盛五王之後顯者非一人是
軒實相府之積慶堂遺址云

歸樂軒記

曩余令豐城嘗識邑士范孟偉氏知其樂隱約
薄榮利而不欲奪其志故弗薦也今年春有旨
凡郡縣官率舉一人登於銓曹孟舉遂被薦來
京師銓曹簡閱將授以官孟偉以弗任辭允之
彌叨職儀曹孟偉來言曰某幸乞歸得以自適
於肥遯之樂將以歸樂名吾讀書心室先生幸
爲我記之昔陶靖節澹泊世味不競仕進然猶
不能不爲彭澤一起到官四十餘日卽賦辭以

備述其歸田之樂蓋知其不可爲之時而心有
不欲爲爾今子際聖明之世風雲玄感可以出
而有爲矣何爲一出而遽歸乃遂以爲樂耶孟
偉曰僕野人也鍾鼎之味至美也而吾安於藜
糗軒冕之章至榮也而吾安於韋布廟廊之巍
峩車馬之紛華非不可慕可羨也而不若葦門
圭竇桃杖葛屨之爲安惟安於是故樂於是歸
而遂吾所安庸詎知他樂之足移吾樂耶予曰
噫子固知歸之足樂而未知未歸者之不樂也

必涉於不樂而後知樂之真足樂耳夫仕則百
責叢焉簿書之積也牒訴之繁也徵需造作之
急也緩則譴呵至亟則謗讟興思患林過雖寢
食不寧其於樂何有哉孟偉歸矣僮僕之歡迎
親朋之情話南窓容膝之易安東園日涉之成
趣壺觴遣興琴奕消憂寧有減於陶之樂哉顧
余髮已種種而歸未有期聞孟偉之歸樂不覺
怦怦心動矣

詩不云乎王事靡盬不遑將母予浚有感於是也子能爲我記之否嗟夫予與必明蓋異地而同情者其曷敢辭昔予奉母於白華朱萼之堂有怡萱之意焉今別母數年矣菽水之歡賴吾弟朝夕之養方知毛義之檄不及老萊之衣也子之賴於必安豈不同予情哉但萱微類也非朝夕灌溉不足徵人力之勤親一體也非承顏色養不足盡人子之道子之以萱名堂而以怡石萱也意在斯乎記曰孝子之有浚愛者必有和氣必有愉色必有婉容怡萱堂之名殆庶幾也夫今聖天子以孝治天下行當與子乞身歸養以遂怡萱之樂樂則生生則惡可已也書此爲記子其然之否必明作曰是可記已

為時于其然之否必明并日其何時乎以類也非
養以教帥萱之樂樂順主主順惡何日也書也
也夫今望天子以孝敬天下行當與于之良識
味深必育鮮可必育致容帥萱堂之各故無幾

林登州文集卷之十六

閩漳林唐臣元凱著

同郡王志道而弘定

裔孫興楨侯重梓

後學張紹科煙叔纂

南圃記

距漳南五十里有水曰南溪溪之傍地曠肥沃
皆稻田也稍依山則為圃種菜麥蔬蔬茹瓜菓
之所植圃之利居農之十二三焉友人蔡君宗
禮居於是而不能圃日與圃者游有荷鋤而斲

者君亦效而斲之有抱甕而灌者君亦效而灌
之久覺圃之可樂也因自號曰南圃旣而用薦
來京師授筠連尹簿書期會之煩徵需牒訴之
勞其心固未嘗一日清且燕也而南圃之思往
來于懷數數焉不能忘因請予言記之昔聖人
以不如老圃答樊須之問蓋恐其局小人之陋
而不知大人之事也然隱約之士若漢陰丈人
陶靖節之儔皆托於力圃以寓其棲遲偃息之
樂其心之所存蓋有在於抱甕荷鋤之外者焉

賢者之隱處也其時不可爲故潔其身而去之
方今主聖臣良旁求俊彥以熙治功雖巖栖野
處之士莫不奮勵踴躍爲明時出思有設施自
見於世奚隱士足云哉予聞筠連民雜居夷僚
吏胥時侵漁之君招揀安集教之以禮夷皆感
服趨役邑田多荒君詢其繇曰舊有堰滴水以
灌田今堰廢故田荒君以義倡之率先邑民築
石爲堰數日而成連歲大稔凡所營辦進民計
之正數之外不餘科一錢民皆信服夫禮以化

之義以服之信以孚之三者皆大人之事而君能行之較石隱之徒自別他日年及休致退居田里南圃之間蘆菴生兒而芥有孫余來溪上尚能效何曾同子一飽也

介菴記

廣信徐君彥明隱處田野恬淡自樂於紛華寵利無所嗜好交游不雜取予不苟因自號介菴以見志其壻胡彥榮入爲中書請予記之予謂介之義有二曰貞介則有堅確之意曰廉介則有分辨之意然必守於己者致其堅確然後接於物者知所分辨蓋合內外之道也在豫之六二曰介于石當上下豫樂之時能以中正自守其介如石則所守之堅確者也孟氏論柳下惠

不以三公易其介蓋言其和而不流故遺佚不
怨阨窮不憫則所取之分辨者也徐君隱居自
樂不慕華寵其貞介者與不雜交游不苟取予
其廉介者與予聞彥榮之始來京師也徐君送
之郊戒之曰凡爲仕者必廉以律已敬以慎事
恪恭乃職而無慕乎外庶不辱身不辱里邑聞
其言者莫不感嘆以爲有得於貞介廉介之旨
故以是而訓其壻昔樂廣人稱其冰清其壻衛
玠人稱其玉潤彥榮能以徐君之言而實踐之
則冰翁玉婿將再睹于今日矣書此言以爲記
或得介菴之實乎

嬾雲居記

金華柴義方言於彌日某性緩而懶嘗築居永康白雲山中朝焉夕焉獨坐一室靜觀白雲無心出岫悠悠揚揚相娛而相忘因自謂雲之懶亦猶予之懶也遂以懶雲生自號人因于室者也人以是名室能外此乎遂名吾室曰懶雲居室有古琴一張時出而撫之悠揚之音猶雲之態也室以是名物又能自外乎併名吾琴曰懶雲琴子能爲記之否予曰否否彌聞知者不凝

滯於物子何以子之懶而名雲以懶并以名爾
室與琴耶豈柳子以愚自命而遂以愚其溪愚
其谷者耶夫雲之未出固懶矣及其既出則未
嘗懶也琴之未動固懶矣及其既動亦非懶也
且子昔之居是室也固可以懶爲習今出而仕
矣雲蒸龍變會際其時苟故態未除不幾於怠
以廢事乎緩以失機乎弛而不知所以張乎義
方日不然夫雲卷舒有時而出處無心吾雖以
懶累雲而不敢終累於雲也雲旣不累豈吾居
吾琴之遂累乎弼曰有旨哉義方殆不競於世
而亦不怠於世者也子其從雲爲雨以成澤物
之功然後退居而室以自安撫而琴以自樂雖
終於懶可也義方笑曰吾志也請書子言以爲

記

筠軒記

竹可比德故君子多愛之自詩人托淇澳之竹以美衛武公後世脩德之士慕而效之其亦景行前哲之盛心乎卽竹而論之其心虛類君子之謙不自滿者焉其節直類君子之守不自失者焉其色蒼而不改類君子之有常不爲流俗所移者焉宜夫修德之士有取於此也姑蘇顧氏清修士也爲中書掾卽寓舍闢小軒種竹數十竿退則閉戶清坐與竹相對怡然無塵慮之

內縈也因以筠名其軒間請予記之夫古人之
所愛者亦多矣蘭愛於屈蓋自况其清也菊愛
於陶蓋自况其逸也蓮愛於周蓋自况其潔也
晉世好竹者多有竹林之賢焉有竹溪之逸焉
宋蘓長公嘗作綠筠軒歌予聞筠者竹之堅者
也顧氏清修自持業比德於竹其尚堅乃操以
無愧於竹之筠窮而益工老而益壯卽衛武公
何多讓焉遂書此以爲記

嘉慶堂記

顧氏爲崑山望族植善樹德凡數世矣本蕃條
茂流慶後人今戶部尚書元禮君起家爲名法
從二親年未及六袞兩以推恩錫封朝之公卿
榮之因名其堂曰嘉慶君請余言爲之記夫高
堂具慶固人子之所深願致身津要晉錫絲綸
亦人之所同欲而有不可必得者蓋皆係于天
而非人之所能爲也今顧氏兩俱無憾則其爲
嘉慶也孰有過於此哉夫慶有本善與德之所

致也顧氏自其曾大父以來周人之惡人有所
欲必委曲成之大父及父皆隱約田里間至君
而益昌以大蓋食祖父之報如持券取償天之
福善人者果不可必歟浚畊穡種則豐穰可卜
一樹而一獲者也植善樹德則昌大可期一樹
而百獲者也予聞君嘗以出使發同事之姦上
結主知遂蒙寵擢益其心正其氣充有確乎不
可拔者故雖斲以故去而簡在帝心起貳地官
而陞今官嘉慶之來夫豈無自而然哉嗟乎慶
非一端也父母俱存則日具慶積善全昌則日
餘慶君年方富已踐華要具慶榮于今而餘慶
衍于後他日大用於朝疏封祖曾其爲嘉慶又
當何如也

蒼碧軒記

漢徐高士後人永愚甫居東湖之北偏嘗卽隙地闢軒數椽引水爲池植竹爲林清意適然若出塵外因顏之曰蒼碧蓋取水竹之在目者子漢奇孫景南讀書軒中又再世矣他日景南語予曰吾祖生值盛際所與游者皆海內賢士大夫固未嘗屑屑於考槃也而軒以是名其必有以也夫敢質諸子予曰水有源竹有本祖之義也予固知若祖之所慕尚者也東京多節義之

士而炳幾識勢脫然於利害得喪之外則亦有
高士焉其清而不污堅而不屈非水與竹不足
以喻之也吾意永愚之居其軒也覩夫竹之蒼
也則生芻一束徵辟不赴其節之堅者於是而
可想矣覩夫水之碧也則獨寐寤歌處脂不潤
其操之清者於是而可想矣夫必有所慕而後
有所尚所慕者人所尚者物是軒之名而豈苟
哉抑予聞景南以才譖薦于朝竟以親老辭歸
軒之水竹睠然不忘可謂能繼前人之志而無
忝高士之稱矣濬家澤之遠揚祖風之長安知
是軒不與孺子之亭媲美乎軒中多古書及近
代詩老雄文名墨不悉錄云

九疊山房記

九疊山房者松江高君明德養親讀書之所也
松江水國得山則勝槩集焉九疊距郡十里許
峰巒秀拔溪谷深窈泉甘而土肥明德築居其
下中爲堂以奉二親旁闢地爲軒山色葱蘢攬
奇挹爽常在几席君與弟衍養親之暇則游心
典籍羣經諸子積架盈箱客至則相與論難商
確浚理奧義必求其至而後已或日昃未食夜
分不寐蓋其志篤其力勤故其學以成也吏部

知其賢擢爲曹掾明德以溫清之久曠也山房
之思往來于懷而時寓意於詩文間考功主事
張君談修因爲篆書四大字復徵予言記之噫
世之人孰不知事親也而竭其力以致養者鮮
矣孰不知讀書也而肆其力以窮理者鮮矣致
養之未至未足爲能孝者也窮理之未至未足
爲知道者也明德致孝于親而勉學於己蓋得
聖人餘力學文之意而知本末之分矣君盛名
方起以所蘊之學而達於設施其光明俊偉之
業必有可卜于後者語曰顯親揚名孝之大也
九疊之山將藉子生色毋徒爲山房惓惓之思
矣

燕壘齋記

上古多巢居故有以擗巢爲氏者人而巢居與物奚相遠哉鳥之巢於木者衆矣惟燕雀則於人之屋雀則瓦隙取枯草墜羽藉以爲巢燕則銜泥爲壘於楣椳之間拮据卒屠累日而成猶之人也旣勤垣墉而塗墍茨無論其大小廣狹唯求其安焉然則人之居猶燕之壘也四明莊君九疇善學工文辭而以清介自持不累於物名其所居之齋曰燕壘請予記之蓋君嘗謫居

濠上築小室爲墅而以燕壘名之旣而起爲咸陽令居官舍中堂高而室奧簾崇而廡遠則又日容膝易安亦奚異於向之燕壘哉夫人唯苦於豐約之過計也苟爲不計則雖華門圭竇不爲卑也華堂廣廈不爲高也繩樞甕牖不以爲樸雕梁畫棟不以爲侈何者其志不以是而移也燕處於華屋而泥壘不易焉豈以富貴而移貧賤之心哉世固有王公之貴晉楚之富穹然其居煥然其廬偃然自以爲安也一旦富貴之窮人已去而燕獨歸則曾燕之不若也豈不重可感耶莊君之居以燕壘名不以彼此而易其心亦可謂達矣夫燕春來而秋去有類於知時者焉雖近於人而不褻於人有類於知敬者焉君豈有取於是耶知時而敬則斯壘之安將無適而不可也

壽萱堂記

雲間周氏伯謙與弟伯讓事母夫人王氏孝左
右承顏必得其歡歲戊戌夏母感疾五日不食
醫巫罔功伯謙憂懼不知所出乃夜禱於天割
臂肉置粥中以食母疾尋愈旣而伯謙出任京
師伯讓獨侍養于家癸丑之夏母感暑不食者
七日疾轉劇伯讓顛天懸燈于身燃之頃之母
疾亦瘥今母年八十餘旣壽且康因名所居之
堂曰壽萱堂他日君謂彌日子幸記之余惟孝

子之事親猶忠臣之事君也君有難則臣致其身以赴之義固應耳親疾旣殆子徬徨無措苟可以療其疾雖髮膚豈愛焉蓋子之身卽親之身也以吾親之身而事吾親其孝念之發惻怛懇至宜其感格天心而親壽以延也邇伯謙之禱今二十有二年伯讓之禱亦七年矣以二子之身而益母二紀之壽過此以往將及期頤而未艾也天之福善人豈不彰彰哉余聞萱佩之宜男有母之義焉食之忘憂有樂之義焉故樹

萱於北堂而朝夕致培植之力猶事親于高堂而晨昏謹定省之節也周氏伯仲競爽孝養如一母也亦可以樂而忘憂矣余雖未獲升堂拜母竊慕君之孝感聞于遠近故爲述其事而記之以勵天下之爲子者伯謙名某今爲吏部郎中朝著有稱云



林登州遺集卷之十七



閩漳林唐臣元凱著

其同郡王志道而弘定齋孫興楨侯重梓

後學張紹科煙叔纂



其記

燕坑朱氏濤峰祠記

濤峰字子方備萬其子也仕至大學士叔服備萬子也仕至興化教官今縉雲

縣丞敬業叔服子也

家必有廟而鄉先生歿得祀于鄉所以崇孝而

廣敬也祀於家親親也祀于鄉尊賢也親親尊
賢父師之道立矣豐城朱氏自洞雲先生家學
已有原委瀟峰先生又從會而濬之至備萬君
涵淳衍迤益渙以宏君思世傳有自建堂以祀
其祖洞雲翁父瀟峰翁又推而及於從祖雪澗
碧泉月澗翁鄉之人士以數君子之德之學淑
其祖若父以及其子孫義難專祠於家因命其
祠曰精舍時而致敬藏祀視舍音式萌禮有加焉
備萬旣自記之而摺紳韋衣之士又序而述之

矣彌竊謂備萬之建祠蓋祀於家之義鄉人士
共祠焉則固祀於鄉之意也備萬不敢忘親親
之孝鄉人士不敢忘尊賢之敬使夫後之人目
擊而道存孝敬之念愈傳而愈遠是舉也有三
善焉故爲書此于諸作之左或苦其浸淫也然

善熹姑爲青此于前非之式而及於從祖雪則
攀而童育萃端之念愈轉而愈發最舉世百三
之萃祿人士不類也學賢之端始夫發之入目
共爾熹眼固彌欬欬之意也論萬不類也熹熹
矣淵濼階論萬之數流葢彌欬欬矣之善祿人士

聽雪篷記

天變化而成象日以暄之風以散之雨以潤之
凡有殼色之可接者皆人之所共聞見也然所
遇之時不同則耳目之所接者容有異焉日或
畏其炎也風或畏其寒也雨或苦其浸淫也然
於冬則爲愛日於夏則爲凱風於及時則爲甘
雨莫不喜見而樂聞者亦人情之常然也乃若
雪之爲物玄冬之寒沍六陰之凝結其容栗如
其氣冽如固衆人之所同畏也而君子則喜聽

之聽之於竹樹聽之於窓戶無不可者而必聽之於舟之篷也何哉蓋景之至清者莫雪若而雪蔽之至清者莫篷若君子之所取其在於斯乎予友豐城劉君伯序謂弼曰吾嘗隆冬歷彭蠡過匡廬泊舟五老峰下遇雪大作湖山綿亘萬頃同縞夜臥舟中雪紛披撩亂撲篷之聲淅淅焉灑灑焉若春蟲之食葉石泉之落澗欹枕之頃寃夢俱清因思王子猷命舟訪戴安道蓋不異於此時而景與心會清興之發自有不容

已者宜乎後世尙其風致而以爲美談也繇是心不能忘因名吾齋居曰聽雪篷予幸爲我記之予謂伯序嘗歷館閣出守外郡沂長河浮滄海其聽雪於篷下非一矣于斯時也必曰天其以是爲豐年之瑞乎吾民或有不免於饑寒者乎其心固惓惓以國以民爲憂也今乃隱約弗見而以聽雪爲意豈遂忘向者之言耶抑予所謂所遇不同而所接有異者耶君曰用舍出處各有其道用而出也則爲嚙氊之蘇武坎墉之

李愬舍而處也則爲袁安之高臥孫康之映讀
是雪之聽在此猶在彼也隨遇而安君子奚擇
焉予曰是可記矣請爲子書之

竹軒記

物之異於常物君子恒有取焉者以其有比德
之益也蘭異於草者也而屈有取焉梅異於木
者也而逋有取焉菊有取於陶蓮有取於周亦
異於水陸之華也蘭於君子之修潔者有似焉
梅於君子之清逸者有同焉菊之與蓮於君子
之特立不汙者有况焉其取之也固宜今夫竹
之爲物也以言乎樹則非梅之倫以言乎草則
非蘭之儔以言乎華又非菊與蓮之朋也君子

抑何取於是哉豈非以其心之虛類君子之體道乎其節之直類君子之秉操乎其色蒼然而不可干類君子之嚴威儼恪乎在易震之象爲蒼筤於方爲東於德爲仁君子之比德舍是孰先焉詩人美衛武之德必托喻於淇澳之竹而惓惓言之然則物之異於常物非人之異於常人者不能與也廬陵彭君雲從作軒竹間萬玉森繞晴碧彌望客至輒清坐疊疊忘去因爲題曰竹軒間請予言記之予惟彭氏世以儒業顯

君揚嚴臬司克振祖風虛以體道直以秉操儼焉恪焉有君子之容蓋於竹比德而與之相友益焉者也雖宦遊江海而於竹軒每不能忘夫苟有得於竹則竹我爲一目之所接雖無竹焉而竹固寓於吾心則身之所履何適而非是軒也哉夫是之謂不滯於物不膠於迹而德益以克矣

也若夫是之謂不帶然亦不烈然亦而益益以
而計國寓效吾心則其之而氣何處而非是神
昔有特效計則計非爲一日之視對觀無計焉
益焉昔也觀宜幾工感而然計神矣不指念夫
無計無計其千之容蓋然計此而與之味大
其對觀果同其對風盡以觀其直以素然觀

雲溪堂記

雲間佳山水而三泖爲尤勝世家望族亦惟泖
中爲多曹氏其一也其族有曰子章者給事中
書禮曹嘗謂弼曰某世居泖湖吾父嘗卽湖曲
作堂五楹以爲宴息之所某兄弟讀書其中每
佳賓清友亦於是燕集焉堂前臨于泖雲影溪
光氤氳鬱勃上下交映於是援琴作水雲之曲
溪聲泊瀟相和於几席間塵心俗慮爲之一洒
故名之曰雲溪兵餘堂廢吾懼無以繼先人之

志也重作堂於舊址今苟完矣先生能爲予記
之否噫子章可謂能子矣書曰厥父基厥子乃
弗肯堂矧肯構子章其肯堂肯構者歟夫苟堂
之不構則雲溪之景無所攬結固將望雲而有
陟岵之思臨溪而有逝川之嘆昔之樂緒皆將
轉爲悲端矣子章思其親而新其堂則雲溪之
景存而親若存者非徒爲觀眺之勝而已余老
矣倘得乞身以歸遊於七澤三江之間尙能登
是堂以賦雲溪之佳勝以繼玄真子江湖散人
之遺躅君其許之否乎

清安堂記

吏部尚書李君與文名其所居之堂曰清安間
謂弼曰吾以是名堂雖得於偶然亦有取焉者
也子幸繹其義以記之庶有契於予衷也弼曰
君之名堂其幽且遐者固非弼所能知然以弼
之所至言之則不能無說而不知於君之旨有
合乎否也夫清則必安不清則不安也是故心
清則體安氣清則神安思慮清則夢寐安此一
身清而安者也父子兄弟夫婦舉盡其道則家

政清而一家安矣卿大夫士各盡其職則國政清而一國安矣推而遠之莫不皆然君性樂易善容物而介然以慎廉自將所至而人安之敷歷中外且十餘年寵辱不驚也喜怒不形也物我不較也其中之所存者湛然若水之止也皎然若鑑之明也蓋本源澄徹則湍瀾無自生體質瑩淨則塵垢無自入故隨所處窮達休戚吉凶禍福皆所不計也然則清也者其安之本與君子居是堂也卽其高明正大之域則所存者

清矣於是而伴魚優游焉則所居者安矣存之清其近於主一之敬者乎居之安其近於安宅之仁者乎敬以守之仁以行之道不外是矣君其有取於此乎君曰吾之所取者堂之清而身之安云爾而子推言之詳其義爲益廣矣幸書子言以爲記

退思齋記

四明張君起鳴言於博陵林弼曰昔予讀書山海間嘗名齋居曰退思或者病予學之弗力而行之弗勇也敢求于言記之庶得枯羽鏃礪之益焉予曰心者思之官也學必思而後得行必思而後善力於學矣不知退而思之則無得於心勇於行矣不能退而思之則或害於事今子優學出仕而慎思之功亦云熟矣奚庸予言之贅哉姑以仕之當思予之同病者爲吾子諗焉

夫一心之存甚微而事變之來無有紀極一或不思則自失之悔不可復追吾思有益於上則怨已斂而謗讟興矣吾思有益於下則事不集而譴訶至矣予每病於是公退之頃未嘗不默坐以思而忘寢食也吾子亦嘗以是爲思否乎位卑則思稱其卑位高則思稱其高是身之所處無適而不思也思而不出其位則吾之分內者得矣自外至者我遑思之乎哉子幸退而思之以爲進而有所爲之地無徒學老氏之思退而置其身於無所非刺之域也起鳴作而曰請書此以爲規

此以爲歎

置其長杖無復非陳之姓也

龍岡書舍記

距姑蘇城西一舍許有山曰天平其陰爲龍池
塢山水之佳秀至是而萃其勝焉周君長聞葬
二親於塢中不忍舍其松楸以去而又愛其山
水之勝也卽墓傍隙地作室若干楹兄弟讀書
其所因名曰龍岡精舍君用薦躋仕中外兄允
中畱居舍中他日長聞謂予曰某也二親之葬
宰木拱矣兄弟廬墓傍讀父書朝夕之頃展省
墓下若親猶在也今焉游宦四方萍踪梗跡每

興霜露之思則龍岡精舍若在吾日子幸爲我
記之噫讀父書於家固難矣讀父書於墓尤人
所難也記曰父沒而不能讀父之書手澤存焉
耳夫先世積書固有望於後人之能讀也朝焉
夕焉目在書而心在親蓋有悠然之思矣若曰
吾讀是書立身行道當以古人自期待庶於吾
親無忝而顯揚之可遂也矧夫墓以藏親之體
鬼孝子之心每慕戀而不能忘焉先儒嘗論墓
祭非古蓋恐後世重於墓而輕於廟也然終不
能奪人子之情而墓祭不廢焉周氏兄弟卽墓
而廬卽廬而讀書以不墜於先業可謂能子矣
鸞詒推恩賁于泉壤龍岡之山川草木亦當爲
之增輝改色霜露之感毋徒多思爲也君名備
繇和順令歷兵部主事今爲通政司經歷以廉
慎稱其政本於學云

野航亭記

南靖邑大夫朱君元賓作亭雙溪之上縱橫僅丈餘板爲周堵邃代上茨流水在門青山在牖退食與二三客嘯咏其中曰是非舟耶因題曰野航或曰取杜詩語也或曰朱君有山水癖曩爲游洋今更南靖皆山水邑得山水之勝惟舟爲然此亭所繇名歟君曰客見吾之容矣未見吾之意夫人之生也若浮焉則此身亦一舟也矧游宦海之中泛焉東西南北之不膠譬猶虛

舟之四觸未知所底吾思有以濟人之涉顧以
野航之小所受不大則所濟幾何吾惟盡吾力
之攸遇者耳非敢過負重以取危也彼有萬斛
之舟貯積既重篙師不謹悠然自放於無涯之
淵而曰吾舟則大其卒覆溺於風濤者比比也
吾實有創于此故名吾亭以寓戒焉予曰嗟夫
凝焉而下至大而厚者地也而天與水實負之
地亦一大舟也山嶽崎焉而不重河海融焉而
不洩萬物之無不載庶類之無不育也惟所受

者大故所濟者衆也君子法地之道誠以爲舟
仁以爲楫義以爲帆檣則將以大舟大受而大
濟矣豈有向者覆溺之患哉書曰若濟巨川汝
作舟楫航乎航乎其克爾之大者乎君聞予言
走告予曰請書以記遂不辭而筆之

持敬齋記

姑蘇翟君大年爲吏部員外郎予忝在禮曹獲
定交焉旣而相交益久而相敬益至間謂弼曰
某曩以兵亂僑居松江以不能久敬於人故貽
累於已幸而免於譴戾因自誓於天務以廉正
自處敬以持之不敢或忽故以持敬名吾齋居
庶幾事警乎心以自勉於直內之道先生幸有
言以記之夫敬之一字惟聖人能安之而無所
勉其次必有持之之功然後能知所用力而不

失其正也堯舜禹精一之傳湯之日躋文王之
緝熙皆是道也顏之四勿曾之三省思之慎獨
孟之操存皆持敬之功也先儒嘗論存養之功
莫先於敬持敬之方莫先於畏惟畏故敬惟敬
則直內而心有所主心有所主則義立而方外
事無不宜矣修己而百姓安篤恭而天下平自
近以及遠則體信達順聰明睿智繇是而出事
天饗帝皆自此而推之然則持敬之道不旣大
乎卽大年之言蓋爲接物而發然處友必慎之

於始苟爲不然其敬蓋不能終之者矣大年有
懲於前而有警於後宜其持之之功爲益密也
雖然持敬之道非特處友爲然也凡其一政一
令之施一言一行之發非敬孰爲之基本乎大
年能以主一無適慎之於內整齊嚴肅謹之於
外使其心常惺惺收斂方寸不容一物則持敬
之功至而聖學之至可馴致矣彌所言者先儒
之緒論也故不敢不詳及云

今之誠一言一符之幾非若博爲之基本乎大
雖然其婚之能非若誠文爲然也其一則一
懸於前而首警於後宜其其之也爲益密也
效敬者爲不然其婚蓋不須絲之者矣大半亦

質軒記

棠谿之金其在鑛也頑鈍黝黜不異砂礫然其
質則美矣及乎鎔鍊之精爲鼎爲鐘爲尊爲敦
爲鉦爲鐸飾於罍飾於瓚飾於冠冕飾於簪珥
其爲文也非一焉崑崗之玉其在璞也粗糲淪
渾不異土石及乎琢磨之精爲圭爲璋爲琥爲
璜爲帶爲珮飾於輅飾於鞞飾於瑚璉飾於几
杖其爲文也亦非一焉詩人之言曰追琢其章
金玉其相蓋謂文非質不施質非文不形必有

其質之美而後有其文之美也是故善自治者
恒於物而有得焉內而以忠信爲先則質立矣
外而以禮文爲後則文著矣聖人知穴居野處
之不可以常也故爲之宮室而有棖題節稅之
飾焉知汗尊杯飲之不可以久也故爲之燕饗
而有邊豆罍爵之飾焉君子知其然也故質而
不過於文文而不勝其質禮樂必先進之從奢
易寧儉素之守則質而不俚文而不華斯可爲
彬彬之君子矣於乎錦繡之麗終不可奪布衣
之文膏粱之美終不能外菽粟之味何者常者
可恒而異者不可久故也吾友蔡君以彥文爲
字而別號質軒請予記之予惟彥文以醇雅之
質篤實之學謹行檢而善文詞文固未嘗勝質
也而惓惓自省惟恐過焉蓋知文質之兼舉而
以君子自期待者也彥文年四十餘始用薦出
仕方將發揮其文以黼黻治平之盛毋徒以質
自諉而遂蘊其素也

守圉安民勤修國事朕甚嘉之但汝與安南分疆劃界自昔而然爾其恪遵朕言息兵保寧勿事紛爭天道惡盈不可自溢恐有他譴今賜卿金龍衣三襲旗蓋金鼓等物備爾藩國之儀昭我天朝之貺毋恃寵榮自生釁端特茲詔示想宜知悉

誥

贈梅遵祖誥

我國家考禮定制凡子貴者必推恩錫爵逮其父母所以崇孝治也榮祿大夫祔馬都尉梅殷父遵祖曩在元季避地姑蘇朕定金陵爾兄思祖灼知天命首舉淮安全城來附爾以嫌疑殞命於吳天下既定論功行賞爾兄分封汝南錫以侯爵朕念勲舊之臣用結姻親之好以第二女寧國公主下嫁爾子殷今特加爾榮祿大夫

僉大都督府事於戲死而爲國卹典宜崇魂其
有知服茲寵命

封梅殷母丘氏誥

我國家考禮定制凡子貴者必推恩錫爵逮其
父母所以崇孝治也榮祿大夫祔馬都尉梅殷
母丘氏賦德貞淑克生令子尚我第二女寧國
公主疏封錫號在禮爲宜可封夫人

表

梅思祖謝恩表

具官臣梅思祖誠惶誠恐稽首頓首
上言伏于洪武十一年八月內欽奉

聖旨以寧國公主下嫁臣姪殷敬擇本年十月
日親迎謹奉表奏期者伏以
惟聖作法因天地而盡父母之道

惟皇建極體陰陽而立夫婦之倫所以敦敘民
彝而化成天下也臣思祖誠惶誠恐稽首頓首

欽惟

皇帝陛下誕膺天命聿定區宇中外臣民莫不
歡忻感戴臣夙興戎伍叨沐

寵命闔家百指共食天祿慙無涓埃之補報祇
懷日夜之戰兢乃荷

聖恩不以臣姪愚庸特

命公主下爲伉儷自天之錫何地以承吉辰在
邇謹用奏請至期令姪殷俯伏

闕門之外恭聽

恩命下情無任瞻

天仰

聖激切屏營之至謹奉表以

聞

箋

梅思祖謝恩箋

恭惟

皇后殿下

貞靜之德端居宮闈

肅雝之徽協成皇業一人有慶萬國咸寧誠母儀於天下也臣某猥以匪才夙從

宸御東征西討僅立寸功地厚天高濫竽峻秩日夜乾惕報稱無從乃今特荷

聖恩錫命公主與臣姪殷下成伉儷榮出望外吉辰伊邇謹令姪殷屆期詣

闕門俯伏以俟

恩命尚祈 中聽庶達下情臣無任感激惶恐之至謹奉箋以聞

頌

大祀禮成頌

有引

皇帝臨御大寶立南北郊以祀天地齋明肅恭度越今古而

聖衷猶有所未安若曰朕爲天子則天地實大父母也父母異堂豈人子孝養之意在昔漢世合祀天地光武重興亦仍舊典自後或合或分議論紛紜然禮緣情制教可義起不若合祀爲宜於是建大祀殿於國之東南以洪武十二年

正月十一日行合祀禮刪繁文而就簡憑明德
以薦馨先期五日

上齋於武英殿天時方雨及祭之夕陰雨開霽
風霧不興牲醴潔芬樂舞合節神人交暢

聖心悅懌以爲祭祀必盡其誠者凡以爲民而
已故古者有孟春祈穀之禮今大祀旣行和氣
斯應

皇天后土實鑒臨之其所以福我黔黎者於是
而有其兆矣過此以往年豐穀登休嘉洊至是

皆天地監

一人之誠而錫萬民之福也大禮慶成羣僚班
賀臣某忝職儀曹謹敘實錄復拜手稽首而獻
頌曰

聖皇躡籙中立作君乾父坤母事之惟均南北
有郊起自周禮圓方之丘陰陽是擬古不必泥
今不必拘惟情之當惟理之須於惟

聖皇天德天位議禮制度睿斷拔萃曰子事親
豈異其堂合而祀之禮意始彰惟茲孟春育物

之始矧

朕之生實天之子載燔載烈惟德爲馨上下賒
格有神有誠天晦而明氣鬱而豁盼蠻之通無
遠弗達靈貺大來十雨五風體信達順物阜民
豐微臣作頌用紀盛美垂而不刊國有信史

漳州新城頌

帝式九圍文恬武嬉曷生昏狂虐流毒滋維漳
南鄙孰非王土修我墉壑將固我圉藩臣用憂
以屬能賢曰汝稔改宜知所先相彼故城墉低
壑堙高而浚之盍圖其新侯曰民來根本斯在
暫勞久逸力爾無怠載經載營子來孔殷鞭石
山積畚土雲屯懲彼寬瑕務小而堅崇堞言言
壕流淵淵土功旣成邊人載寧外侮不驚侯實
我生高爲侯德浚爲侯澤保障之功德載無斁

悴而神不枯者與

達泉贊

泉之始達猶性之端達而不息則一派之微必放乎四海端而能充則萬化之大實本乎一原是故盈科漸進而君子觀其瀾睟面盎背而君子探其根蓋有本者如是爰取辟於斯言勗哉三近泝流窮源殆將涵泳乎聖涯澡淪乎心天以至浩浩而淵淵者與

了野贊

人生兩間天地而小中立作配惟了當了翳人之生有哲有愚愚非或損哲豈有餘塞也吾體帥也吾性體歸其全性復其正是謂之了不忤於人不了其了實愧於天了之云者奚取於野千里一目了蔑加也謀野則獲同野則亨了指其實野寓其名彼昧面墻情焉株守知擴而充八荒戶牖老了其虛釋了其空我了者誠大本不窮卓哉爾翁克全所有敢誦贅詞書之座右

蓑笠翁小像贊

有引

石君履道爲南臺諫史涖郡湖湘值撫州兵
亂得野人箕笠自蔽間行免好事者圖之博
八陵林某爲之贊曰

章甫縫掖爾之常被豸冠繡衣爾之素志胡爲
青笠綠簑與樵漁而爲類蓋其中之確也雖笱
簪襖襖其於處變如處常其中之澹也雖衮冕
繡裳不知孰賤而孰貴矧矛戟之匪職實簿書
之攸寄結纓死難仲由有傷勇之名微服過宋
孔聖得時中之義此其自決去就潔而無累豈
若擁數萬夫之衆制數千里之地臨難則苟免
見害則必避耶

易道初小像贊

野服角巾翛然出塵孰可擬倫伊昔之人志道
之志味道之味天爵是崇孰識其貴

涂府史王山卷贊

維昔君子於玉比德曰仁與義溫潤而栗玉蘊
於山傍達乎尹德蘊於身輝光日新矯矯涂君
溫其如玉璆琳瑤琨細大並蓄如山之產取之

不窮崑崗藍田仰止崇崇人命是名我求其實
琢磨所資他山之石勗哉玉山企高可齊我庸
作詩以繼白圭

牛典簿像贊

以所蘊之敷而爲清溫之容以所存之正而有
凝遠之風睟然其神澄儼焉其貌恭玉堂之署
方寵承於天藻匡廬之山未寒盟於雲松吾求
于古人之中其將無同也耶

坦然贊

爲袁兼善作

君子之心惟循乎理理根於心施於四體中無
愧怍外自安舒平平蕩蕩曷有崎嶇嗟彼小夫
心爲形役內省有疚戚戚朝夕城府深密險以
自防孰若坦然物我兩忘對面九疑荆棘是履
孰若坦然康莊千里我車旣堅我馬旣閑羊腸
詰曲曾不改顏勗爾袁君守坦勿失允蹈聖謨
永保貞吉

傅夢賢小像贊

有粹其容燠乎陽春有澄其神澹乎秋旻身焉

紛華之場心焉幽寂之濱扇可以清四海之歎
琴可以返千古之淳惟思修潔之在我寧知富
貴之迫人行審像之是求罔俾專美乎先臣

塵隱贊

有引

金陵李思問居京城之南而自號曰塵隱蓋
居於塵而不役於塵者也博陵林某爲之贊

曰

謂塵非隱有隱者存心在塵外遂忘囂喧衮衣
繡裳我樂韋布豹胎麟脯我樂蔬素豈其棲遲

必於衡門豈其寤歌必於考槃屑屑錐刀噐噐
但儻我目所接非心所會塵非遠地隱豈深藏
不磷不緇無迎無將北山移文終南捷徑身在
林藪市朝心競君子出處依乎中庸無往不返
聖訓之從

必明日月經天氣翳廓清駟驢小夫鑿知自任
具曰予聖其愚孰甚知愚非愚百倍其功不自
滿盈無遠弗充勗哉士進真知篤信希顏之愚
庶幾令聞

中庸

思前章寓齋意

銘

澆省齋銘

君子之學自省為貴省之之澆常存敬畏反已
自飭豈暇尤人有過必改易怠以勤匪一之省
翳百與千是謂澆省無適不然匪暫之省慎終
於始是謂澆省無時不爾惟省之功理欲之幾
顏躬四勿孔教九思孳孳夙興乾乾夕惕憂不
如舜恐蹈於蹠省之於身實省於心內省不疚
居安資澆先民有言要在慎獨敢誦明訓敬告

司僕

知止齋銘

維皇降衷明命有赫民受以生均此明德虛而直內靈以應外水止鏡淨瑩瑩不昧衆牯於形聖明則不推而新之厥初遂復事理之極日至善域明已新人此其標的相彼黃鳥猶知丘隅矧伊人矣而鳥不如聖有明訓惟理之窮既知於始斯得於終唯知正鵠一矢貫革惟識郊關跬步適國涓涓流泉汨汨趨池未至不止既止

不移君子察物日新不息可遠在茲銘言無斁

思貽齋銘

爲吳允思作

人心之官所職者思爲善不善思則得之矧爲孝子奉親遺體舉足不忘必慎厥履孳孳趨善思以顯揚必果於爲實親之光不善之萌恐致親辱爲必不果免淪顛覆翳爾之思斯親之貽戰戰兢兢庶以全歸惟允思君克蹈於善舜蹠之間毫釐必辨作堂銘名目擊道存豈伊自警將裕後昆蒙也作銘述於古訓孰爲我師繇參

入舜

拙菴銘

爲中書徐德敬題

大巧若拙不恠不竒惟爾之拙匪愚匪癡蓋其中之存也不求異於人其外之施也不求矯於時人方役役我則泊焉而無爲人方喋喋我則昧焉而不知過於文吾寧守其質過於盈吾寧守其虧蓋將全太樸於未散敦淳風於未漓其亦陶柴桑周濂溪之等夷者歟

適安齋銘

維人之生貴在適志苟志之適斯安之遂桓圭袞裳駟馬高車富貴累人貧賤不如繩樞甕牖羹藜飯糗旣適旣安此心曷疚潛也歸來容膝易安起居無時愿亦歸盤苟得吾樂千金弗易心之所適有介于石卓哉東魯不佞不求樂天知命我心不憂有翼齋居允乎自足述此銘書敢告司僕

正心齋銘

爲李思問作

心爲思官必得其正正以内存外者斯定凝冰

焦火淵淪天飛心爲形役司失其機其機不失
主一無適修已治人胥此焉出天君肅穆居于
靈臺事之有道念哉敬哉

習靜軒銘

爲泰和鄧崇雅題

萬動擾擾人心遍移孰司其機靜以自持卽物
觀理必於其止靈臺湛然秋月寒水習之之方
不迎不將直內以敬無隱弗彰爾氣旣完爾志
斯定成艮出震仁義中正昏默宵冥所習則非
靜養動察聖賢同歸

湯氏舊笏銘

有引

吳湯氏槐木笏一宋度宗朝賜進士暉老公
故物也公登第未久而宋亾元世宋士多出
仕公隱約以終曾孫完寶藏其笏兵亂不敢
失昔魏暮有祖風而鄭公故笏以存完蓋庶

幾焉爲作銘曰

有笏惟槐槐有赤心我笏則木我之寶也如黃
金賜言之存手澤之芳用雖未究而世美則長
笏不忽祖德述翳人之求尚徵夫故物

三友軒銘

有引

禮部主事甘君友諒清介不忌交植松竹梅
於軒前曰松之心也正竹之節也直梅秉詣
孤芳而獨潔舉不以歲寒而變其素守是卽
吾三益之友也因以三友名其軒博陵林弼
爲作銘曰

益友有三直諒多聞君子取友責善輔仁旣資
諸人復接夫物所友則殊所益惟一爾松之貞
爾梅之清爾竹之直三益作朋曰予未知於焉

比德時發其英不改其色詩歌有斐語記後凋
騷雖不錄曷掩昭昭旣錫爾名將求爾實勗哉
歲寒永保貞吉

崇志齋銘

有序

吏部尚書陳君彥名儒術飾吏事起家爲法
立從歷兵吏二部以才名稱嘗以崇志名其齋
居朝之公卿各爲詩若文以廣其義某謂君
之志崇矣志於顏孟以進其道德志於伊周
以勉其功業則凡富貴利祿桓圭而袞裳茵

坐而鼎食明珠兼金寶璐大貝舉不足以動其心何者其志不在是也既論序之復爲之

銘曰
公嶽谷谷精粹文以觀其美
立志必崇勿爲卑下卑下之趨乃無志者所趨
既高所培既厚泰華崇崇眼空培塿一簣弗止
百仞可齊有志竟成跬步以躋孟明焚舟司馬
題柱志在功名道德奚取伊周顏孟我志聖賢
下視衆人天壤相懸君其崇之企彼前哲德業
顯融百世昭晰

林登州遺集卷之十九

閩漳林唐臣元凱著

同郡王志道而弘定裔孫興楨侯重梓

後學張紹科煙叔纂

誌銘

東宮妃常氏壙誌

上以義兵剗羣雄定天下開平忠武王常遇春
實爲開國元勳女曰某與儲皇同年爰自襁褓
卽結姻好之約年若干爲東宮元妃勤儉孝敬

不以貴富驕盈婦德之懿誠天下之表儀也洪
武戊午十有一月某日以疾薨上輟朝哀悼命
東宮以禮服期乙十有三月生皇孫二人長曰
某次日某皇孫女二人皆幼高祖四三府君贈
榮祿大夫柱國中書平章政事追封開平王謚
章簡妣張氏追封開平王夫人曾祖重五府君
贈儀同三司上柱國少保中書平章政事追封
開平王謚安穆妣陳氏追封開平王夫人祖六
六府君贈開府儀同三司上柱國太保中書右

丞相

追封

開平王謚靖懿妣高氏追封開平王夫

人父贈翊運推誠宣德靖遠功臣開府儀同三
司上柱國太保中書右丞相由鄭國公進封開
平王母藍氏封開平王夫人妃生於某年某月
某日薨年若干卜以是年十二月四日葬于鍾
山草堂忠武王墓右臣某忝職禮曹謹叙其世
次名行以誌諸隧石

夫人公生於元天曆庚午十一月 日幼端

重不類羣兒及長有膽畧元季天下大亂上起

兵討羣雄公首從征伐歲乙未克滁和從渡大

江攻采石取太平定建業下京口有前鋒之功丁

酉取寧國宣城遂爲總兵元帥轉天策衛指揮

副使丁未從大將軍徐魏公征浙西僞吳旣平

陞鎮國上將軍僉大都督府事洪武戊申將兵

廓清中原河洛燕晉諸郡俱下天下旣定論行功

賞公爲初起之舊十有七年之間戰勲居多授

開國輔運推誠宣力武臣榮祿大夫柱國同知

大都督府事封臨江侯食祿一千五百石賜以

鉄券子孫世世襲祿洪武戊午十一月二十有

三日薨于鳳陽縣太平鄉之私第得年四十有

九訃聞詔追封特進榮祿大夫右柱國杞國公

謚定襄仍敕有司具葬事配洪氏封潁川郡夫

人子二人長曰庸夫人洪氏出也今爲散騎舍

人次曰伴哥李氏出也女三人長爲洪出次爲

李出又次爲李出孫女一人將以是年十二月

日葬某里某山之原惟公以忠勇之資際風雲之會佐成大業爲國勲臣雖年僅中壽然生榮死哀鳴昭史冊可無憾矣其詳當載神道碑姑叙其畧以納諸壙云

鎮國大將軍大都督府僉事林公壙誌

公姓林諱濟峯世居滁之全椒少剛勇善騎射元季天下大亂上起兵淮右越國公胡大海時在麾下知公可用養爲己子歲乙未從渡大江取太平丙申入建康下鎮江丁酉克常州宣州徽州戊戌破阿魯灰院判營復攻杭州諸縣進取嚴州金華己亥取諸暨圍紹興克處州庚子授金華左翼副元帥復從胡參政取信州就守其城有旨命爲總兵辛丑回金華五月仍守信

州分兵討陳友諒獲賊將李明道等壬寅越國公調回金華首寇叛越國公遇害公守完其城陞昭勇大將軍同僉江南行樞密院張士誠兵攻諸暨公擊敗之甲辰陞浙東行省參政丙午領兵駐杭州吳元年授浙行省左丞六月征蘓州丞相徐達命攻胥門九月克之復攻無錫降之進資善大夫職如故洪武元年征福建二年收山東移兵守汴復攻陝西丞相徐公調往平涼三年征定西歸至鞏昌安定以慢攻失陷軍

士降爲馬軍四月克興元上念其功多復授大都督府僉事四年加鎮國將軍仍令世襲復姓林賜以令名從總兵官中山侯湯和征蜀僞夏主降八年授陝西都指揮使十一年冬遘疾勅令回京命尚醫治之弗瘳十二年正月 日卒于私第得年四十有三上爲之憫悼命有司給其喪具祖三府君贈昭勇將軍親軍指揮使祖妣許氏追封德人考小六府君贈鎮國將軍僉大都督府事妣胡氏追封夫人三子曰懋曰

吉祥奴許出也曰兒次室陳氏出也女三人俱
在室惟公弱冠從軍東征西討無役不預亦古
名將之倫也功在簡冊垂于無窮姑叙其槩以
納諸壙詳則具於神道碑云

故龍虎將軍浙江都指揮使司指揮使胡

公墓誌

公諱汝字某姓胡氏世居鳳陽之某縣少英邁
有志畧元末所在兵起公拔行伍爲青軍元帥
大朝兵徇揚州公率衆內附從御史大夫鄧衛
公元帥胡公成守徽州已而攻取婺源及淳安
遂昌於潛昌化諸縣戍戍從征處婺源克之已亥
攻克諸暨授管軍總管癸卯謝院判叛公不爲
所污棄其妻子領兵出蘭溪被旨徵還十月大

軍攻湖廣公在行旣克武昌復從攻廬州授鷹揚衛管軍千戶領兵從丞相魏國公攻取中興峽州及潭衡辰沅諸城乙巳守常德改授常德衛指揮副使洪武元年統所部兵從平章楊公攻廣西克永全道三州六月克靜江府三年以功陞明威將軍本衛同知六月滎陽侯統大軍征蜀復被旨從征瞿塘關駐兵歸州蜀兵猝至出城奮擊蜀兵潰去遂入巴東滎陽侯命公統各衛兵破瞿塘月城夜攻羊角寨拔之冬陞懷

遠將軍職如故四年僞蜀鄒平章水陸結柵扼大軍總戎德慶侯命公領兵攻之破其柵鄒中流矢死乘勝入梁山州直抵重慶府屯兵戍守七月從江夏侯攻取順慶保寧等城左都督曹國公遣公戍貴州蠻民未附者悉討平之酋賊的黑覃光印作亂公領兵三路出破其寨數十的黑來降覃光印猶據險拒守兵連破之所謂硬寨者賊大潰遂勦殺覃光印及把具等獲其牛馬兵器若干蠻酋的義以牌送款民皆安

堵八年制授昭勇將軍湖廣都指揮使司指揮
使十二月進龍虎將軍浙江都指揮使司指揮
使十一年三月十日卒于官得年五十一曾祖
曰肆府君妣趙氏祖曰五一府君妣霍氏父曰
六二府君妣王氏繼娶嚴氏孫氏韓氏男一人
曰混川奴嚴氏出也女三人一適武昌衛百戶
楊仁二在室嗚呼公自弱冠知武事能識真主
委質事之數其戰守之功浙淮之間固爲先登
而征蜀之役效勞居多然旌勲之命屢降迭錫
秩視二品善始而榮令終而哀其亦人傑矣夫
卜以年月日葬于 之山先期來請誌故爲
述其功績履歷官秩世次而刻諸石庶以光諸
幽云

故鎮國將軍燕府左傅丘公壙誌

洪武十一年五月十五日鎮國將軍燕府左傅
丘公疾篤車駕臨問越二日卒宸衷哀悼勅有
司治其喪事擇地於聚寶山之陽以葬之仍命
刻石誌其壙謹按公諱廣號毅齋世居鳳陽府
之定遠縣曾祖某以公貴贈昭勇將軍親軍指
揮妣艾氏淑人考子誠贈將軍僉大都督府事
妣劉氏夫人公幼失怙恃統軍元帥嚴公鞠爲
己子值元季大亂天兵起臨濠之時公年十六

隨父從軍以驍勇知名歲乙未從渡江取采石
入太平丙申定金陵克鎮江公皆與焉八月兵
壓常州元帥公營於游塘淹城賊兵奄至公力
戰卻之擒僞吳張將軍十二月大戰橫林橋中
流矢拔鏃轉鬪勇氣逾厲賊見而畏之丁酉正
月攻常州戰于南門矢傷右膝三月克之從大
軍攻宣州又克之五月元帥公卒于軍有旨命
襲父職授後翼統軍元帥六月領兵取江陰七
月從丞相徐公攻無錫常熟大敗賊將張九六

等戊戌從平章常公攻泰興九月下溧陽克宜
興畱鎮焉己亥僞吳張士誠侵宜興公出戰敵
大敗矢傷左腕甲辰從丞相徐公拔安豐七月
克廬州改授神武衛指揮司同知未幾領兵守
潭州乙巳改授潭州衛同知討平諸寨吳元年
從楊平章征廣西洪武元年克永州戰傷左股
手擒賊帥鄧思誠等五月攻靖江公率前鋒先
破其月城遂降之賊據柳州公領兵復其城得
濟縣印至是復丘姓授懷遠大將軍職如故四

年征道州常寧武崗及諸寨洞公無役不從所向必克陞鎮國將軍僉大都督府事九年復除燕府左傅公生於至元戊寅歿年四十一葬之日爲六月二日配殷氏封夫人子六人長禮李氏出也次智戴氏出也和尚張氏出也文殊奴胡氏出也真保張氏出也五臺奴劉氏出也女四人惟公英銳夙成勇於赴敵舉旗斬將戰必居先功在信史垂於永久姑叙其勲績世次之梗槩以納諸壙云

蘭軒潘君墓誌銘

君諱惠進字仲禮蘭軒其自號也大父某而上皆居龍溪爲氓父瑞治善陶倚理生法奮于編伍累豐積贏遂大其家母林氏莊氏生子四人君莊出也慎已好義恬養不表襍克念動趾前美故家力不墮而益厚盛方盜起兵興富家子率以賄媒武功君獨優游田里朝晡暮讀泊焉無營識者高之雅性愛厚於人交際各得其欲閨門族姓雖睦以愉鄉鄰急必賑患必卹人仁

其行焉生於至元壬辰四月
歿於至正丁酉七月癸巳葬以是歲十月乙酉其原在鶴石山之麓君先娶朱氏繼蔡氏俱蚤世復繼室蔡氏娣朱氏二子勝才王寶一女勝姐適陳叅軍之曾孫大蔡氏一子順小蔡氏一女丁娘勝才先君四年卒有孫男曰洪泰寬泰女曰觀姐順知學好禮先葬期泣拜請於唐臣曰藐諸孤將以先君之柩合窆二母之塋有日矣敢求先生銘辭不獲銘曰

家之豐兮心之冲德之崇兮禮之恭施不窮兮
死不終

貢元周先生墓誌銘

自延祐甲寅舉進士先後爲科十有二閩士之
魁浙闈者凡四人若晉安林仲節景和邵武黃
清老子肅建安雷杭彥舟皆登甲科躋仕中外
延平周祐于一以至正庚寅在江浙二十八人
之上於是兩與計偕而不售於春官者再士類
屈之先生自亂年卽知讀書動止端重異羣兒
父小溪先生恐汨其純也延師家塾教之甫長
則盡能通四書五經傳註及冠治舉子業會科

目輟遂刻志古文先秦西漢諸子百氏韓柳
歐蘇之所述作咀嚼饜飫久益博洽發而爲文
深雅閱健今南臺侍御左公世臣曩以閩海僉
憲督師漳南先生撮討賊顛末做治鑑爲野史
上之題曰邊臣近鑒左公曰真史才也薦爲同
安文學進其書於朝以備國史編錄由是諸閣
老咸知名焉靖州推官詹達納有愛女擇對特
妻之初先生領丁亥鄉薦恩授廬峯山長再以
舉首走京師翰林羣公將薦之史館以親老辭

歸至延平奔小溪府君計配詹氏道卒府君服
方除而母復亡嗚呼孰謂母服未練而先生又
不祿耶先生質醇學正平居恂恂言若不出口
而中之所蘊則渾渾莫窺其際事有疑難質之
一言而斷委曲周盡其爲校官也從游之徒千
里來集善誘不倦皆成其材名讀書之室曰宗
濂見其學之正也壯年有志功業使得展其長
庶幾經邦澤民必有大設施者而拂鬱不揚賈
志以歿悲夫世族可知者上世祖護由建遷延

平護生公權權生延宋武翼大夫廣西路鈴轄
閣門宣贊舍人延生大明大明生禮禮生昭先
屬時宋季皆跼隱弗耀昭先生小溪諱蓋才以
吏漳因家焉生先生於皇慶壬子七月癸丑卒
于至正甲午十二月乙卯得年四十有三明年
七月壬辰合窆于靈應山詹氏塋無子側室女
詹家奴尚幼第祘寔主喪事唐臣舊學於先生
謹叙而銘之不敢以微陋辭銘曰
靈奇天恡而先生取之貪穀名天靳而先生播

之覃此予彼奪孰司其機緘乃年之不永而爵
之未擔然文傳而壽德尚而貴則於彼者又將
何憾而何慚

故直翁孫君墓誌銘

至正十四年正月三日臨漳直翁孫君卒里人
林唐臣走哭之曰於虜天其不使斯民爲三代
乎胡寧奪我直人之遽也君心直言直行已又
直人以直稱之君亦以直自居而不辭嗚呼直
哉吾不能不爲流俗惜也按郡志孫氏漳顯宗
昭先仕宋爲金紫光祿大夫江東提刑金紫生
叙諧中奉大夫工部提舉工部生志學脩職郎
福州監鎮監鎮生克莊娶同郡許氏生君於元

貞乙未諱禎字祥卿弱歲失怙有弟四人皆幼
稚君與兄貞榮卹之如子教育姻娶則曰厚我
可也田廬鎡幣則曰薄我可也性剛介重然諾
鄉鄰有爭不訟於官惟求直於其門君是非白
黑灼無遁情信申誦屈抑揚絕無顧避人曰此
直翁也因以自號頗嗜酒歲時伏臘必合兄弟
子姪以燕良辰勝日則命賓爲山水游歡洽移
日屋前有水曰南溪酒酣則倚樓歌曰溪水可
酒溪魚可羨直翁直翁了此平生兄弟析壤君

獨奉母同居歲辛卯秋奸囚夜亂配陳氏死焉
君負母匿空室中火至輒反燄若有撲滅者人
以爲孝念所致未幾母亦歿始以哀毀成羸疾
病革子文葦進藥輒揮去曰正月三日吾且在
鬼錄藥雖神其如命何其日蚤作呼文葦囑後
事治喪不用浮屠葬從先人之兆旣而曰吾母
未歸土死有餘戾一慟而絕凡得年六十丈夫
子二人皆業儒長郎文葦娶王氏次男文質未
婚女子三人長適盧德原次適鄭原真先卒季

亦死奸囚之難葬之日爲三月甲申先期文華
泣拜請曰子知吾父者敢求子銘辭不獲銘曰
不詐以飾惟正是則是謂古之直匪華以炫惟
寔是踐是謂微之顯薛包友愛許邵公評遺慶
後胤永徵斯銘

林母楊氏墓誌銘

楊氏諱真世居同安縣之負山祖博濟父一輩
皆隱德爲鄉善人龍溪於同安爲隣壤愚逸林
先生以篤學力行睦其家淑其鄉所至而人則
之一輩聞其賢故許妻焉旣歸姑稱其孝夫以
其無違妯娌以無間凡奩飾裝具一無私蓄闔
門數百皆同爨會食堂寢以新家廟有血賓祭
禮洽人謂先生家法之所以齊者實楊氏克相
之也歲癸未先生得疾且殆楊籲天以禱竟不

起則斷髮誓無它時年三十有八矣子皆幼家
事日窘夙夜事麻臬助衣食會兵難連年海瀕
多故而母子相保無恙殆有陰相之者至正丙
午十月二十日囑三子曰爲未亡人二十有四
年常懼汝曹弗追成立今皆畢婚吾願塞矣茲
爲吾生之年月日亦死期也目皆瞑矣言竟而
逝又明年十一月庚申葬普賢山之原三子曰
乾蒙睽皆從子游蒙來泣拜曰先母以兵故後
葬期今寔有日敢以銘請義難於辭銘曰

禮始夫婦敬始閨門惟內之助實外之敦懿乎
林母克淑以溫婦義母儀久焉彌尊曷弗逮榮
于子于孫不亡者存尚徵後昆

文且賤銘不足重公銘非敢當而辭不獲遂銘
按公先世趙人居漳爲大族四世至公始以武
功登仕版筮邵武泰寧尉閩帥忽公聞其賢辟
爲職官令史滿秩遷連江寧善鄉巡檢階將仕
郎用八品格也閩重漳分府幕官屈公階職不
倫便宜授以都事屬紅巾盜起所在熒惑從逆
公贊謀有術汀寇不敢犯境泉盜侵長泰公提
兵討其逆撫其携貳悉歸正爲王民公爲人中
敏而外寬多慧而少文百藝衆技咸精其能而

退然若無識者臨事決議樹大節燭幾微一斷
於理蓋有得於問學之素始公受業釣磯丘先
生知有身心之學故其見於施爲動守古則歲
時祀先品儀豐備爲漳人法好賢禮士久敬不
衰雖臧獲輿隸咸得其欲蓋好禮而愛仁者也
然顯盛之餘羣小利其貲而害其權故禍其家
所謂盜自憎主人耳公果何負於盜哉公生於
至大庚戌享年四十有七夫人許氏亦死是難
子德生以鞠於外家得全嗚呼此天猶未絕於

蘇氏也耶女二人一許出也適興化通守陳某
一蔡勝出也適葉樟公字一之號建溪祖龍燄
父天與母顏氏銘曰公有學有言有政有行寧
謂善始不終令命垂絕猶續孰匪天定徵我銘
辭尚流後慶

清菴居士墓誌銘

元至正十有七年龍溪清菴居士卒其年十有
二月戊子卜葬于青山之原孤文信衰經走郡
城泣血拜請於唐臣曰文信罪逆莫贖先母楊
氏歿惑時俗不克禮葬貽終天悔今先君復棄
人世死不敢重前罪將以先君之柩與先母瓦
棺合窆亡妻蔣氏祔先生幸誌而銘之庶幾冥
冥昭昭均有賁於遠也辭不獲則序之曰居士
鄭姓諱靜自號清菴所居里曰士林父曰自先

母嚴氏生居士於至元壬申襁褓失恃繼母高氏頗嚴悍居士事之謹而高亦慈畜之不知爲非已出娶教授揚公女諱觀令德克相爲婦道爲母儀爲鄉人稱先居士二十二年卒得年五十有七丈夫子三人長仁慈事農次文信業儒又次彌碧學佛女子三人長適林同次適周應南又次適陳元玉孫男三人進發進達仁慈子也宗虞文信子也孫女四人曾孫男玄軫居士讀書知大義敦樸謙厚善容物而於人之是非

必嚴抑揚無貸喜靜樂晦不逐時好則其性然也每語其子曰人必有業不勤業而成者蔑有也仁慈能力爾穡文信能殖爾學吾志也聞三山余大車何體仁明經學遣文信不遠千里往從之游族中弟姪知學者數人居士每勗以遠大或時舉爲怠學者勸先是盜起鄰鄉居士戒里中子弟拒逆効順母污不道里賴以全中歲屏葷酒日焚香清坐誦佛書與二三老依東林法結淨土社年雖耆耄聰明清彊如壯盛時褒

衣大幘鬢眉如雪望而知爲善人也卒之年爲
至正丁酉凡享年八十有六惟居士隱以其正
未嘗往而不返壽康令終好德樂善之報乎送
死盡禮教子知學之力乎銘無愧銘曰
實儒而名墨也隱身而顯德也淑爾後人此之
則也

林登州遺集卷之二十

閩漳林唐臣元凱著

同郡王志道而弘定 裔孫興楨侯重梓

後學張紹科煙叔慕

誌銘

故象洞廵檢墓誌銘

昔晦庵朱文公以道學鳴漳士及門而得其傳
者二人曰北溪先生陳淳安卿東湖先生王遇
子合皆爲高第弟子北溪篤道恬仕不逮華顯

東湖繇胄監躋甲科歷國子博士常州守終大
宗政戶部郎中有論孟講義兩漢博議行于世
戶部生羅源令仲訥仲訥生京學諭自明自明
生天德韜跡葆和不急榮利與母陳氏以儉勤
樹門第君爲天德冢子諱永字子長夙承大母
若父之教敏慧知讀書通經史大義不屑屑事
浮藻生子曰璘治舉子業弱冠中堂選人謂王
氏書種有自云當至元戊寅秋畬民作亂寇郡
邑君義起民兵從大將進討以功授武平縣象

洞巖巡檢至官未數月則蹙然曰吾家自戶部
公世以儒業顯未嘗有以武功授官者巡檢職
卑而責重所治事皆盜賊刑名輕重疑似於是
焉兆一或失詳獲戾斯大吾幸得祖父之田與
書而耕讀之歸養吾親教吾子亦足樂也烏用
微名爲哉卽其居之西偏築室數椽環植竹木
日哦其間客至輒置酒歡洽盡情或有無不計
也夜聞子璘讀史傳有葬不必厚之言謂曰我
死汝宜法此又數日無疾而卒將絕泣顧其母

楊曰兒負兒負君生在至大戊申十二月十五日卒在至正戊戌八月十八日葬在是年十二月十八日合窆先配陳氏祔戶部公塋子璘與女瑛之壻陳元宗皆從子游同來請銘辭不獲銘曰學之積而卑官爲爾職德之厚而中歲爲爾壽不豐其施克全其歸其亦曷悲

益齋王先生墓誌銘

先生諱吉才字伯謙號益齋其先爲光州人唐季從刺史王緒入閩宋建炎中五世祖始遷于漳祖德元而上皆居龍溪之施浦父國子教授諱東之再徙郡城是生先生醇謹方質篤志古道尤明典禮甫冠由諸生試直郡庠太守張公知其有身心之學延爲弟子員師日端坐黌舍衿佩傍侍側側屏息不敢游目眴帶履執經質疑則俯就樂誨和氣見容色尋以省注教寧德

安溪二邑邑陋學廢至輒廣宮宇嚴奠祀揖讓

跽

音妓兩膝着地跪也

起士悅民嚮漳學門廡圯郡府委

董役事先生考制審禮列戟肖像翼然有嚴循
資陞廬峰山長丁內艱去官以教授公老無復
祿仕意叅司移狀大府乞優注隣郡便侍親庭
再任泉州學正未幾教授公亦卒家居閉閣讀
書罕接塵事月吉必造郡庠陪舍菜禮丁祀黻
泥脯菹果非涉先生手陳主者不敢以祭天性
孝敬親終皆及期耄已且老哀慕痛毀有如早

喪雖在家庭亦冠衣歛容人未見其遽言怒色
蓋古所謂典刑君子者安人李氏淑慎有儀內
相家法以成嚴整生子男三人文興文昌皆恬
雅好禮克荷世業文亨先卒女二人長適尚書
顏公會孫順卿次適李彌光亦爲名族孫男三
曰仁濟曰仁慈仁惠女五先生生甲申歿癸巳
安人生辛巳歿後先生三月至正戊戌十二月
十八日合葬龍山之原文亨瓦棺祔焉先葬期
來乞銘唐臣夙聞先生言論且辱世契銘曷辭

銘曰敬於身不忤於人孝於親不愧於天嗚呼是爲先生孝敬之學垂于後而不泯者歟

梓堂隱君墓誌銘
隱君鄭姓諱文材自號曰梓堂大父而上失譜紀無考父曰富母邵氏生隱君於前至元乙酉長爲張氏壻生子男四人曰觀曰延曰興曰新女三人觀生孫男四曰德明義明智明信明女四延生孫男一曰崇女四興生孫男一曰祥女五新生孫男二曰順泰女二德明生曾孫女三義明生曾孫男一曰城智明生曾孫男一曰瑤至正丁酉卒于清丘里居十以巳亥正月壬寅

木
卷二十一
五

葬孤觀泣遣義明來致言於博陵林唐臣曰藐
諸孤將葬先君有日矣光諸幽者非得先生銘
不可幸銘無讓惟隱君生逢令期死終令命本
蕃條茂逮見孫曾好德樂善之報實於是焉驗
傳曰德言足聞予於銘曷辭隱君性質諒不矯
弱年孤苦疊疊克樹立勤耕力學以爲家訓子
孫遵承唯謹凡服■授徒之人悉爲公蓄吉凶
有備衣食有給一門四世雖愉無間鄉閭信而
化之當畬寇陸梁所在被脅從逆隱君戒鄉人

日所貴於爲人者知善惡逆順之判也來爾子
弟能從吾擊賊吾當爲爾結堡聚糧以待賊至
不然吾寧死不能事賊以求活也子弟咸奮曰
唯翁命旣結堡而堅糧聚而實賊悉銳攻堡隱
君故開堡門以示整暇分民兵乘堡固守別簡
揀精勇出擊賊矢石雨發賊知堡不可破遂解
去事平郡府上其功版授以官輒辭曰某所以
拒賊者初意不在是謂觀等曰清丘密邇諸畬
吾幸義率里人獲保雞犬若由此而徼官賞脫

復有警賊將仇我而構禍未已爾曹惟勤爾耕
力爾學圖所以起吾家者不徒武功之足尚也
九月戊子出唁親友徒還坐中堂集子孫於前
曰吾覺吾力已盡殆畢命今日旗山之麓吾所
生也精爽是戀其爲吾葬所毋惑流俗用浮屠
治喪語畢正襟歛容而逝嗚呼生而潔其身死
而正其禮弛張有道俯仰無愧古所謂隱君子
者殆不是過已宐爲銘銘曰 翼翼梓堂昭昭
隱德子孫克訓鄉間是式人規商利我教勤耕
人媒武功我教明經草帶生庭禾箱蒲谷彼慕
其榮我被其辱孺子食力德公遺安千載清風
頌廉鄙寬旗山之原鑑塘之澗過者下車隱君
之墓

故逸士林君墓誌銘

吾林自西晉之季黃門侍郎頴公南遷爲閩中
族姓第一石晉天福甲辰湟公再徙同安嘉禾
里鴈塔山蔚爲望族垂五百年譜牒兵燬不能
詳矣然代生賢裔不墜厥世以克衍于後猶有
可徵者存也當宋季江南被兵文獻凋落殆盡
國子教授許友國公獨能自樹立於屯蹇之餘
娶司理陳公女是生逸士諱天祥字時若常司
同安常平倉不屑升斗樂自韜晦與漁樵伍會

鄰賊掠其里公避地來漳余得叙宗誼知其中
寬夷而無迫隘之度外和易而無燥矯之容上
焉則交孚其誠下焉則各得其欲每惜其德之
豐而位之嗇也時之亨而身之否也邑再有警
公率里人築堡捍外侮耄稚賴之至正甲辰六
月五日以疾卒得年六十有八里人哀悼如其
所親公先娶安撫謝公女孫生子震敦武校尉
涪州鹽場司令繼娶尚書顏公女孫生女妙安
適敦武校尉江西行省理問官羅章內外榮養

晚福方隆竟止中壽是又足深惜也謝氏女二
人長適胡次適葉皆士族孫男六人女五人公
卒之明年十一月壬辰葬於里之龍湫山先期
來請銘厥事先大父北山處士及聞高祖評事
府君實自鴈塔遷惠文山距唐臣僅六世猶在
袒免下列雖微且鄙然於銘也何敢辭乃爲銘
曰長林鬱盤三子遺孱忠孝所傳世久愈蕃
博陵象賢建公○田忠揚若蘊孝感若攢不忝
厥前後澤是綿禾島之遷昌五百年博士自奮

公成其先積深發茂理不爽天子賢者貴牙緋
相鮮死不亡矣隱猶顯然龍山之原吉其叶旃
過者肅焉逸士之阡

竹泉胡君墓誌銘

至正乙巳五月二日胡君竹泉卒于家其友林
唐臣走哭之曰天乎學焉弗見施才焉弗見試
吾猶幸吾友之壽庶其行之可以望法于一鄉
也今復奪之天果可責報而取必哉惟君昆季
之賢人士咸樂交游之而於鄙父子彼此忘年
相與特厚故予知之惟深將卜葬孤元陽以銘
請嗚呼予其忍銘吾友耶予其忍於不銘吾友
之賢耶遂叙之曰胡氏爲漳望族君爲胡氏佳

子弟諱觀智字愚中父德齋公諱南孫家法峻
整母顧氏旣早喪父以其三子之相及也爲不
繼娶君承顏侍饌朝夕不離側曲順親心父卒
事兄如父每對客立侍終日雖小事必咨而後
行族中弟姪歲時候問雜選滿前年及五袞猶
不敢以父兄自居雅性沉重淑慎容止雖歡飲
至醉亦反反顧禮物雖見忤愠色不見延師接
賓意在優厚不計有無讀書講道務益身心不
尚辭藻營小軒於屋南日歛膝靜坐清泉翠竹
相對忘言因以自號云配盧氏先卒生男二人
元陽其長也元益其次也女三人君生丙辰卒
年五十二月七日與先配合葬原日纏紫銘
曰 守不失身施不失人嗟若胡君君子之倫
嗚呼百世之下欲知其行者尚徵此文

岐山陳君墓誌銘

君諱元善字長卿先世居龍溪縣之蓬洲再徙
馬岐山復遷白石而岐山仍稱焉五世祖諱世
英與北溪先生淳爲從昆弟以儒業名家生子
曰剛宋贈承事郎承事生沆登宋端平六年第
歷官朝奉郎臨安府通判軍州事朝奉生森登
宋咸淳六年第授潮州法曹叅軍未官而宋亡
法曹生南軒處士諱桂娶楊氏生三子君其長
也君生簪纓仕族無統緒浮薄之習能以詩書

濟其世禮訓肅其家誠厚信其鄉脩容山立而
身若不勝衣內美玉蘊而口若不能言生子光
遠邦達光廸邦道皆知學好義邦達嘗中閩省
堂選君子謂陳氏所以能不墜厥緒者以有長
卿承之也至正丁未海壖軟平逃兵作亂岐山
距逆境近賊以君信於鄉欲先脅之以爲人望
卽君至曰能從我卽汝生否則刀必割頸矣君
罵曰吾所畏者義不知畏者死汝賊豈能久生
耶與其配郭氏及三子皆遇害邦道在郡城得

免於難嗟夫世之言不撓其節類非柔者能之
君退然一儒生而罵賊以死奮無所避有若萬
夫之雄何哉理明於心辭正於義故也而郭氏
死夫三子死父其倫理之懿舉無愧矣垂絕猶
續孰匪天耶君生庚戌死年五十有八郭氏生
丁未死年六十有一女一人適郭復生孫男女
皆三明年戊申十一月合窆岐山之麓邦道來
請銘銘曰 維學之正必勵於行行之所難處
變而定順生旣孝義死亦命一門全節古孰與

競勒銘幽堂垂示無竟

良翁楊先生墓誌銘

歲戊申閏七月八日儒學教授良翁楊先生卒於清漳官所其孤奉訓大夫廣州治中董度奉柩歸葬溫陵既有日來泣拜言曰先君與屯田經歷公交友好篤某復辱與子游實世契也敢以先銘請辭不獲命則誌之曰先生本董姓諱相孫字敬在上世餘杭人曾大父世興宋朝議郎同安監稅大父君選元從事郎潮陽縣尹幼孤從母鞠於楊旣而以楊入官遂不果復董姓

父伯淵泉州蒙古字學正母吳氏楊氏先爲華
陰人徙泉而益顯一門登第十有六人有諱汲
者官至戶部侍郎四世曰宣教府君諱進德實
翰潮陽者其世次之可知者若此先生始以諸
生爲泉庠直學再補石井書院能公出納斥貪
鄙以嚴正自持陞仙游教諭復學田之侵於豪
右者凡若干畝攝縣事明邑民因爭殺女之誣
部使感其言嘉嘆不已察甲弟毆嫂墮胎之妄
甲兄受其教友愛如初轉教長泰爲子董度行

冠禮升降跪起肅乎恭遜之容而民知所尚朔
望講義諄乎身心之學而士知所趨焉爲莆學
正陳叅政陳文龍死事請旌于朝銜尚書劉後
村文集俾傳於世及考行省便宜授建寧路教
未上德化縣缺官韓盧公適在省幕舉先生攝
其乏時邑在盜先生躬造其巢諭降之卻其裝
饋國子祭酒張公翥仲舉薦爲儒學提舉而吏部
奏授漳州教授張公爲翰林承旨復申前薦命
未下先生在漳學三年郡再被兵學廟莽爲儲

胥禮樂之器掠賣于市至爲泣下屢以老移退
不允則請于大將移兵於宅所亟補弊苴缺稍
復舊規而廩入在額外者亦實其數于籍其官
政之所施者類此先生自童子時學名才譽已
聞於人及登釣磯丘先生之門則盡去凡近篤
志理學體之於心而誠以立驗之於身而仁以
行學者宗之戶屢常滿每告諸生日聖賢之學
高明正大稍涉於卑污偏駁則終於小人之歸
爲文章平實古雅務以理勝不事藻績嘗以舉

子業一試有司不售卽棄去此先生爲學之正
也天性孝謹質諒父疾顛天減年割股投粥及
卒哀毀逾禮負土營墓廬於塚上三年然後歸
母喪如父與人交不以久近異情窮通易心初
潮陽公歿遺命復董姓先生念其祖之幼孤成
立於楊恩不可忘而楊氏無後願加董姓於楊
氏之上庶俾二祀不絕移文莆學上郡府以事
干憲部不行每於時祭禮必均焉此先生行已
之懿也先是嘗得肺疾久而愈劇董度問後事

曰吾老逢喪亂獲保首領而有汝在目下復何
囑乎言竟而逝先生生己亥卒年七十有文集
若干卷藏于家夫人顏氏生子一人董度也女
二人長適將仕郎延平路知事林天祿次適王
廷錫亦仕族孫男一謙光女一惟先生之學有
得於聖賢之要故行己已有出於士君子之表
而所歷弗克究其所蘊惜哉雖然生順而無愧
死全而無虧其不亡者固存矣銘之曰
學有要德旣邵政有兆仕弗耀先克紹後克肖

人是傲天不吊遺言鱗來者詔

漢置五經博士李唐以還士用明經薦由是學
者尚專門之業有能博求其師而兼通數經者
未始數數見也若玉融逸士蔡君明善蓋有志
於是而不膠於一端之陋者君諱復初明善其
字幼穎敏從鄉先生林梅所余大車受書治泉

二人長適將仕郎延平路知事林天祿次適王
廷錫亦仕族孫男一謙光女一惟先生之學有
得於聖賢之要故行己已有出於士君子之表
而所歷弗克究其所蘊惜哉雖然生順而無憾
死全而無虧其不亡者固存矣銘之曰
人其憇天不吊豈言歸來昔時先克紹後克宜

逸士蔡君墓誌銘

漢置五經博士李唐以還士用明經薦由是學
者尚專門之業有能博求其師而兼通數經者
未始數數見也若玉融逸士蔡君明善蓋有志
乎是而不膠於一端之陋者君諱復初明善其
字幼穎敏從鄉先生林梅所余大車受書治舉
子業既又從進士盧先生諱希受詩晚歲復學
易其於三經研究奧旨折衷訓傳能得聖賢微
旨士類推先之嘗一試有司不售則慨然曰學

貴有得於身心科目進取利以誅人不足爲也
閉門讀誦風雨寒暑不休羣經百氏以至虞初
稗官稗論曲說靡不窮討太守申公延致州庠
誘成後進至正甲申閩饑君率里人轉粟廣東
憲聞方遏糴君進言曰春秋之義爲鄰分災閩
廣唇齒寧忍其饑而不卹耶廣爲弛其禁粟得
達數千艘閩人以活屬所在盜起強有力者率
武斷鄉曲福寧陳甲與玉融陳一挾私怨以兵
相嚮禍延齊民君陳其罪於行省得命解之里

賴以安性方介寡合然每自信不疑有知之者
則相與至篤無異情盧先生卒心喪三年欲爲
立祠未克如願恒心切焉歲戊申某月某日以
疾卒年纔五十有二多士惜之祖曰應昂父曰
君祿俱潛隱弗曜配曰郭氏生五子長寬早世
次曰密實容實皆知學能文密仕方逮顯女一
適陳克敬孫男四術衍術衛卜以某月某日葬
某里之原實以某夙好於君也來請銘旣哭而
言曰君子之施視其力所至不以布衣袞裳而

自廣狹其心也昔者魯仲連排難解紛而無取
趙悅道通商米以濟越饑君之所施小大雖殊
實實庶幾焉嗚呼明善之學僅見於此耶是可
悲已銘曰 學之豐今德之克世弗用今士則
宗猗若人兮曷有終

林生壙銘

生諱旺字彥興今從仕郎潮州路總管府經歷
林君廸卿之仲子幼敏而知學長通而習事以
諸生補龍江書院吏以能稱母戴氏旣喪事父
篤謹以孝聞方望其有立也至正丙午正月十
九日得病暴卒年纔二十有七卜葬崎山之原
距母塋一里許先是嘗泣謂父曰母早喪兒仕
未通幸大人得七品服法得䟽恩於母稍紓兒
哀於庠生孝念至此而使不逮見卹典之榮是

可悼已銘曰 吾林以忠孝傳家何生有異行
而不終於世美耶

大日野林暴卒年餘二十有計十幾山山
上平間故聖其
前主爵歸武書洲吏以節林其
林亦與之由子以娘而賦學身
主爵和字意典今於山祖
林主爵銘

馬婦王氏壙銘

王女馬婦性淑慧夫為新恩龐樸士永新其名
長小字生子天信女信妹詩書克勤麻泉治有
孫光澤疑且異光國光家又其次年享六袞餘
有四丁酉初秋棄人世赤土之原兆佳氣後九
月窆下弦值作銘千載幽室賁長林貢士唐臣
氏



林登州遺集卷之廿一



閩漳林唐臣元凱著

同郡王志道而弘定裔孫興楨侯重梓

後學張紹科煙叔慕



墓表

暉堂劉先生墓表

自古有學藝德行之士蘊之於身而不獲見于時其昌而大者恒在其子孫焉蓋其積之既厚則發之必茂今日所以淑諸人者即異日所以

起其家者也矧數世家學之澤涵淳演迤經前
裕後其本深其條蕃固理之所必然者予於豐
城劉先生暉堂而有徵焉先生諱 字克暉先
世蔡人五世祖曰克字實之宋名儒五舉不第
授衡州監獄西山真先生爲淮東提刑聞其賢
薦授從仕郎提刑司幹官後宦遊豐城因徙居
焉司幹三世而生元鈞皆領鄉薦爲儒官元鈞
生遇之建昌府監稅監稅子五人先生其長也
幼而秀慧髻鬣親去聲知讀書稍長治舉子業爲

文富贍藻麗雅爲時輩推讓再試有司不售卽
棄去授徒邑里間及其門者皆卓卓有立諸大
姓爭禮致之瑞州守秦侯遣史致書幣延爲弟
子員師廩食僅數月以母老辭監察御史瘳理
不花分按江右特薦之先生曰吾知命者富貴
非敢求也以他故辭弗就益聚徒講道誘誨不
倦凡明經之士每以所業質焉其所可者必得
雋場屋否則黜因號爲鐵眼先生言其識鑒之
精明也進士張異徐邦憲未第時有所撰擬携

示考訂先生爲評純類優劣莫不心醉而去自
監稅公歷職于外家務悉付先生弟妹多幼先
生訓教有方婚聘以時諸弟出爲郡縣吏假貸
以資給之雖在外館必延明師以訓諸子嘗曰
吾不求聞於時兒輩能勤于學以底于成天意
或在茲乎性質諒無矯飾不苟言笑與人交重
然諾鄉鄰事有疑難必請決焉先生熟思審處
籌其成敗有若著蔡諸弟暨族黨事無大小必
咨而後行對客終日危坐豐頤廣額衣冠儼肅

望而知爲純篤君子也至正壬辰兵起往來避
地以禍亂未平憂憤成疾竟以弗起先生生祭
已卒年六十是年九月二十三日葬于折桂鄉
突塘之原祔先塋也配李氏生子三人長曰積
以武功授昭信校尉義兵千戶次日秩字伯由

國子典籤累遷奉訓大夫知崇明州事

州有海
堧田鹽

場皆爲海水所漂積年納米及鹽課
伯序奏免海民感其惠立生祠祀焉

優學達政

所至有嚴稱又次日柘蚤世女一人適南昌萬

大用孫男四人長曰靜

字仲安今
居遼東

崇明子也崇

明爲同僚構誣以罪靜年十二直其父寃於朝

誣者皆伏誅人稱之次日謚字仲寧工詩仕至前五軍都督府都

事曰太尉保孫女四弼在史館日適崇明事白

嘗定交焉泊來豐城又其鄉邑也因以前進士

朱自省行述請曰先人宰木拱矣秩以游宦江

海墓隧之石未刻幸爲文以表先行庶幾發幽

光於九京而不重不孝之罪也嗚呼仁者必有

後劉氏自司幹至于今八世矣雖官不大顯而

書澤綿綿不斬其昌而大也已兆於崇明之尼

第繼自今若子若孫能世其學濬其澤以無墜

厥祖之積則先生淑人之德天之報施將未艾

也是爲表

神道碑

故開國輔運推誠宣力武臣榮祿大夫柱

石國東平侯加封鄆國公謚義安韓公神道

自昔帝王之興豪傑之士能識真主雲從景附

勇者効力智者効謀以戰則克以守則安用能

懋著殊勳弼成大業蓋天生賢才以爲真主之

輔非偶然之故也洪惟皇上當元政不綱四海

鼎沸之秋起自布衣提三尺劔削平羣雄戡定

區宇有若鄆國韓公知天命之有在首謁軍門

率衆來附効忠宣力以成大功以受上賞其亦
豪傑之士哉公諱政字敏道始祖筠居兗之寧
陽筠之四世孫驛宋進士及第仕至中書舍人
九世孫諱青自寧陽徙居睢州是爲公之曾祖
以公貴贈中奉大夫山東等處行中書省參知
政事護軍追封儀封縣子曾祖妣閻氏追封縣
子夫人祖諱榮贈資善大夫山東等處行中書
省右丞護軍追封高陽伯祖妣李氏追封高陽
伯夫人父諱旺贈榮祿大夫山東等處行中書

省平章政事柱國追封東平侯妣楊氏追封東
平侯夫人公少負才畧尙氣節值元季之亂卽
集民爲兵以保安豐甲辰內附有旨授江淮等
處行中書省平章政事鎮廬州未幾進兵克臨
清又從大將軍信國徐公復安豐移鎮下邳繕
城隍脩戰守之具招集流散民以靖安時王信
駐兵沂州猶爲元守下邳距敵境僅十里許公
示敵以威撫其携貳以恩信敵不敢犯境丁未
冬大將軍北征公領麾下爲前鋒下滕克濟寧

東昌臨清廣平順德等郡縣十餘城洪武元年
轉山東等處行中書省平章政事鎮濟寧公一
以行於下邳者施之民大悅服旣而領兵從信
國公攻榆竹守將酈毅出城迎降師次梁成元
右丞趙蠻子遁走其部將劉同知程僉院等皆
降公奉命入城撫安其民悉安堵如故吳左丞
等據蟻尖砦拒守大軍公領兵援之歸附之民
多外郡人公聞諸朝彰德之民悉令入籍餘竝
聽還鄉里山東山西悉平召赴京師慰勞甚至

三年從征虜副將軍北征上都招降興松全寧
靖豐等州凱還上念將帥百戰之勞定行功賞
上則公爵次則侯封各賜鐵券金書傳示子孫
俾世其祿於是授公開國輔運推誠宣力武臣
榮祿大夫柱國東平侯食祿一千五百石十一
年二月十九日以疾薨于京城賜第上聞之憫
悼詔追封鄆國公謚曰義安公生於元延祐丙
辰享年六十有三先娶張氏癸巳冬遇兵亂守
義不辱投淮水而終追封東平侯夫人繼娶楚

氏封東平侯夫人子男五人長英次進皆庶出
次五兒次永安崇安夫人楚氏出也女三人長
適謝原禮次適益其三尚幼是年四月初七日
歸葬于睢縣北崗保杏岡之祖塋詔有司給
喪葬之具及葬上親製宸翰爲祭文躬臨奠焉
復勅臣弼製爲碑銘立諸神道臣不敢辭臣聞
爲將之道智信仁勇必備其德惟公素稱長厚
遭逢聖明年甫強仕見明識定足以有爲其戰
勝攻取未嘗敗衄皆其智而勇者爲之也其推

恩撫民所至乂安皆其仁而信者爲之也昔光
武稱寇恂有牧民御衆之材公蓋庶幾焉故能
享尊榮壽命考終官躋極品爵封上公皇上崇
德報功之意可謂至矣天之報施善人亦可謂
厚矣臣旣歷叙公之勲勞次第如右復稽首再
拜而獻銘曰天命真主混一區宇必有賢輔雲
龍風虎賢輔伊何炳於先機仗劔以從識所依
歸肅肅鄆公有猷有守元綱解紐兵保于壽皇
上龍興疆土日開率衆以來帝曰俞哉授以節

鉞作鎮淝水據淮上流濠壽風靡移鎮下邳墉
壑旣成我圉不驚我民載寧北征之役前驅無
敵魯衛之墟破竹而克濟民旣安送款源源爾
民無畏將臣克寬撫其瘡痍歸其流徙仆者以
起憂者以喜凱旋自北戎勞居多剖券錫爵帶
礪山河謂享太平保爾寵祿天胡不愆長逝弗
復宸衷悼惜命返先塋生榮死哀五福竝膺微
臣作銘刻于貞石何千萬年永樂臣則

傳

元亞中大夫漳州府路達魯花赤迭侯傳
侯諱迭理迷失字子初西域合魯溫氏世宿衛
故占籍爲燕人元制諸士分四部部有長官權
眎將相衛士有年勞力幹者其長薦聞卽不次
擢官或舉給事臺省未數年已踐華要侯自弱
冠入侍禁闈信慎勤畏爲衆推許君相所周知
長官屢欲薦用輒遜曰某士齒長勞久宜先
擢之某不敢越也他日復薦則又曰某固列中

然吾母老重違晨昏寧後于仕不敢暫去膝下也中書叅知政事達理麻識禮與侯交誼最篤強侯共事侯曰君知我者亦見強耶服除年及強矣猶杜門無進取意東宮素器侯一日笑謂曰黑頭者多爲公矣君年四十猶未仕將老宿衛耶命中書奏官之侯曰某初仕未練事幸卑散職遂授承直郎江浙行省宣政院崇教至正辛丑涉海進方物轉奉訓大夫杭州路治中九月改福州二十二年壬寅再以事至京拜福建

行省理閩官階陞奉議與平章政事燕赤不花同赴任時盜劇省治不得入侯贊燕公集外縣民爲兵環城劇盜出戰輒敗城民饑侯恐民死非辜自公飛書許民間出出輒賑之盜勢益孤感因爲闕東城圍使得奔卽勒兵盡殲之閩人趨侯拜曰全我耄稚皆侯力也再陞朝列大夫長前職大兵逼閩二關侯以行省命與諸將議戰禦之策往返者數十二關賴以不破二十六

年轉是官以陳友諒專制閩省郡縣自設總制

綜理之職而正官政不及不欲上省臣勉以行
既至民喜曰是能父母我者屬兵餘民困朘剝
愈急侯曰吾受千里生民之寄不忍坐視其死
於是釐庶務之利病而興除之敏于吏事羣下
不敢欺而務存忠厚不察察事苛細民甚安之
大兵南畧陸下邵武水道取閩城省臣有遁至
漳者吏請郊迓侯嘆曰吾無顏面見此輩既而
驛報招諭使至侯朝服焚香望天西北拜曰某
年四十始仕不數年而致身二千石國恩厚矣

今力不能禦義不肯降惟有死以報國耳退就
室屏僕從斫印去篆書所執笏曰大元臣子大
元臣子置案上取佩刀刺喉外割絕咽遂死手
執刀按膝上毅然如生民走哭聲振地共斂葬
城東門外使者爲泣下躬吊祭焉侯生至治壬
戌死年四十有六祖曰滿速兒天都治中父曰
默理馬合麻安慶路治中夫人回回氏先卒子
男二人長曰六十宿衛爲速右兒赤次日普顏
帖木兒江西省通事孫男一人普刺嗚呼死社

稷常法也然夷考古人其所以處死或不能盡
同者夫亦隨所寓而裁之耳故或戰而死或執
辱而死蓋戰而不終則終被執辱也必矣侯戰
則無兵而義不受辱也故自決以死而無二夫
死等耳與其犯辱而死于他人之刃孰與未辱
而自引決之爲潔乎吁若侯之死可謂能處死
也已故敘其死事而併及其世次踐歷庶幾當
世能言君子或有采而表之者焉

方簡夫義節傳

方有臨字簡夫連江縣布衣士也以篤學勵行
淑其鄉嘗慕馬新息之爲人曰窮必堅老必壯
至正壬辰盜掠其鄉方年七十餘被執盜以其
信鄉人也欲先脅之以污其餘方罵曰吾讀書
明義有一死耳不能從女爲逆盜直之未忍卽
殺方罵愈急子桂茂走盜所乞代父死盜方怒
斫桂茂腦隨仆方復罵曰曷不殺我而移怨吾
子盜遂斷其臂旣而桂茂蘇而方已不抹矣鄉

人哀之共歛以葬桂茂與兄安世皆嘗薦于鄉
孫麟亦知學云林唐臣曰士之死也就義焉爾
矣位不足道也使死必以位則捨生取義專于
貴者而凡布衣之士舉不得廁其列然乎否也
簡夫大義炳中不以賤而移不以老而挫故陷
難而能決死無二彼位所當死而未必死者視
簡夫之爲其賢不肖果何如耶

漫客傳

漫客不知其姓名或云潁川出也恒往來荆楊
閩粵間至則輒留留輒久凡風雲泉壑之勝故
墟陳迹之遺不憚險遠必徧遊焉覽竒吊古發
爲詩文紆鬱備宏人咸賞異願內交焉漫客不
拒也性不喜飲微酣善劇談上下古今出入子
傳移日亶亶忘倦理亂直回必爲欣戚獎抑或
問所志曰雲月吾家也鷗鷺吾徒也圭組吾身
外物也子何疑於漫客哉人知其蘊才以玩世

也故愈親而愈不敢狎之林先生曰予遊吳嘗
識漫客于江湖之濱軀幹不踰中人而氣局英
發精悍文藻議論徃徃超卓出流俗昔太史公
周歷四方君子謂其文閎淡雅健有得於遊覽
之助吁漫客其亦志於若人者哉

朱隱老傳

朱隱老字子方南昌豐城人幼穎敏嗜學晝夜
誦讀不輟母楊氏恐其成疾也少與膏燭至對
月拾薪以繼父應岳奇之嘗語客曰是兒他日
有身心之學甫長克自淬礪宋遺老姚江村洪
泳齋趙冽泉皆以經學稱隱老迭從之游學益
進廣州倅涂應雷嘉其清苦妻以女孫兄鎮孫
以其不事作業也白母析財異居旣不能禁卽
以田廬之良治者讓兄已日就貧窘弗恤也弱

冠試藝有司弗售卽屏去杜門絕世事潛心道
德性命之蘊思有以羽翼道學嘗曰元興周程
張朱之學表章於世固以大明邵子先天之學
出於心傳未能闡其微旨吾于橫圖而有得于
姤復焉於圓圖而有得于乾姤坤復之間焉於
方圖而有得於震巽恒益之間焉皆從中起斯
其心傳之所存乎又以經世書備物理性命之
說而人莫之講於是著經世書說太極圖通書
西銘朱子皆有注惟正蒙未備於是著正蒙書

說易道無窮隨索隨有於是易說儀禮經傳
朱子以命勉齋黃榦榦以屬信齋楊復記錄雖
詳而去取未當於是禮說別著道德經註與
曆書二卷及門之士凡若干人其始見也畏其
端嚴簡默比至執經授業則俯就樂誨於理義
密微毫分縷析莫不心醉焉蓋其教人以忠信
爲主明體以適用本內以達外一以聖賢爲師
故人於身心知所用力非徒口耳而已先是淮
兵渡江所在盜起焚掠鄉落隱老猶左右圖書

著述不廢盜初至則曰財物任自取之書非所用也屢至則曰吾財已盡無以給汝矣盜素聞其名皆謝去里賴以全山砦方相雄長詭隨者衆則戒子弟曰吾家世清白汝輩寧寒餓死毋汙不道也至正丁酉十二月邁疾八日呼子善謂曰吾疾無甚苦但覺氣漸微以至於盡吾以數推之明年江西有大變汝善防以免難所著書多未脫稿編緝芟補皆汝責矣語竟而逝年七十有四學者號曰瀟峰先生善字備萬邃於

經學能文章嘗構堂以祀隱老推其祖應岳伯祖應名之曰瀟峰精舍蓋世其儒業爲鄉先生云外史氏曰義文周孔之心法易書具矣後世學易之士論數者昧理泥象者遺辭邵雍氏出卽圖爲書得理數之源象辭兼舉不遺矣橫圖與圓方二圖皆自易繫而推演其奧經世一書亦以四象而起者也張子正蒙雖本諸易然其明正道以正人心用意浚而措詞嚴所謂無子厚筆力者隱老乃能會而通之可謂忠於諸

子而有功於易也元世道學之士北有魯齋許
衡靜修劉因南有仁山金履祥草廬吳徵白雲
許謙退齋熊禾若隱老者夫豈可少也哉

蕭昶傳

蕭昶字洪飛廬陵人幼穎邁異羣兒十歲失恃
父某繼娶劉氏不慈數虐之身無完衣隆冬跣
行雪中每以不能事母自咎畧無恚意伯母憐
之撫育于家劉誣訐伯父母俾無所容昶恐貽
怒於父乃去游荆湘間遇異藝術輒學之而尤
潛心於醫僑江陸逾年父思之遣价迎以歸昶
以業未成不欲遽還已而思親命不可違遂歸
父母大悅居亾何再遊湖南時翰林學士承旨

歐陽公玄聞其能延見之因爲書翼雲二大字
又作文以遺之薦爲瀏陽醫學官以親老弟幼
辭鄉族舊故歸美於伯父母繼母自悔遂成慈
母汝顯兵亂延禍江右草竊乘間攘效昶義倡
鄉兵以禦之間關十戰昶素習武事賊畏之不
敢侵掠里賴以全父喪哭踊幾絕喪事盡禮旣
葬母乃分財產昶獨不受悉歸遺母及其弟慨
然曰男兒當自樹立寧能屑屑先業耶母聞兵
亂挈財物依其姊家夜失路墜井歿昶倉皇募

人緦井挽屍以出禮葬如父父嘗構樓爲藏修
之地昶承先志益崇飾之進士李昶扁曰會昌
蓄琴書延師以誨其子凡名儒碩學皆館於其
家焉以他累謫耕濠梁暇則以醫濟人貧者投
以劑不求償富者酌以金帛亦必審於義而後
受之謫耕者多貧不能具牛種督者將寘之歿
昶賑以錢輒焚其券得不歿者幾千人林先生
曰予行江淮間言孝義者必稱昶嗚呼患難相
恤已不之暇而厚義薄利周人之急有若昶者

誠未易能也

稼軒高士傳
稼軒高士姓高氏隱華川郭南善治稼以稼名
其軒人因目曰稼軒高士云或問稼之說高士
曰善稼者力吾力時其時焉耳矣不力則人虧
不時則天違力虧時違而望其稼之成譬猶解
裘以求溫繫馬而使馳其能有得乎哉自吾祖
父厥旣敷蓄以遺我後人蓋有望乎不棄其基
也播而穫之我其敢怠于茲思昔成周盛世人
知力本主伯亞旅罔或弗勤固見於載芟之詩

知力本主伯亞旅罔或弗勤固見於載芟之詩

而吾有弟三人皆能以稼爲務吾不敢鹵莽而
耕滅裂而耨也則力焉者必有以報吾力也吾
不敢越春而種過夏而耘也則時焉者乃所以
穫之時也是故闔門百指不憂饑寒兄弟具爾
怡怡以嬉其視車塵馬足擾擾奔走廩食僅三
餐而紅朽且萬斛者未嘗不淡爲之悲也聞其
言者尚其操而

其名寔稱其情

焉林先生曰稼軒之言非徒稼焉而已力之云
其盡已者歟時之云其審勢者歟力於所傳而
友其所同產

矣昔徐稚非其力不

食世以高士稱之稼軒真其流也耶

烈婦翁氏傳

翁氏諱壽安奉訓大夫福寧貳守觀達之女幼
慧知學好讀女誡女則等篇笄而擇配建安朱
填齊國文公六世孫也填令長泰上甫三日以
公事入郡寇卒起圍郡城填不歸長泰遂陷翁
方盛年而二女俱及笄有令姿度不能免禍則
誠女曰女以貞潔爲節寧死不可辱長先赴井
季繼之賊惡舉以出則長股以折翁氏知入井
不得遂死卽引刀自刎尋絕賊相與駭嘆因全

其子鎬贊曰淮汝盜起所在陷沒固有縮符仗
節屈膝臣賊者其於所天爲負多矣翁氏以一
女子的然知不更二夫之爲義決一死於俄頃
嗚呼其齊國流風之存歟抑知學明理之助也
與噫烈矣

餘九節婦妻奉陪大夫醜寧瀆守贈教文文心
際轍餘月軒

誄

櫟山張先生誄

士之生兮孰尚以貴德彌中兮外負材器禮以
爲閑兮幹以義理之周兮責斯備人親二兮我
有四均吾心兮孝畢至天造之屯兮余心之好
貧恐余之志行兮不若古人彼獬之狂兮角且
羽我祛其害兮不怯以武詐垂堂之昧我兮陋
忠信之無取人之窮兮我實悲苟有所濟兮何
必於大施國之表兮翳家之規氣則正兮神則

為豐野匪裔些蓉峰頽矣哲人厄些懷仰人人
曷其有極些墓門有栢文貞石些載搜哀詞永
無泐些

祭文

祭前元嗣君文

百年運兮告終嗟朔漠兮遠土中隆替兮有時
孰致語兮蒼穹赫大明兮中天知燭火兮自息
命一去兮不復留君胡為兮能國皇仁聖兮垂
慈爾祖有祀兮繼宗者誰正首丘兮先陵是依
心所安兮其亦曷悲

祭公使人陳明

身有庸役在官年方富不憚難我使南汝所歡
勤左右不欲殫瘁瘡癘起爲爾患竟爾天良可嘆
天萬里路漫漫歸汝骨魂其安

祭周先生文

維年月日門人貢生林某謹用清酌庶羞之奠
致告于故貢元宗濂先生周公之靈曰於虜道
之明者文必華文之華者名必鉅世固有是言
矣然而道雖明而不得行以經綸於聖治文雖
華而不得試以黼黻於皇猷名雖鉅而不得實
以縉紳於朝著愚於先生重有戚焉髻亂知學
弱冠明經極淡研幾探幽索玄居家稱孝友接
物過謙厚教人先忠信先生之於道可謂明矣

上窮丘索下搜子史含英咀華出奇入恠有春
秋會通以明褒貶有邊臣近鑒以訓忠義有知
非橐以述志業先生之於文可謂華矣兩舉鄉
薦一魁文闡聲名之起風馳雷奮閣老稱其史
才諸生仰其德望先生之於名亦可謂鉅矣柰
何道明於中而未遂政理之施文華於外而僅
膺科舉之選名聞於遠而獨區區於文較之官
則所行所試與其所實者何若是其寥寥耶愚
於造物者益有憾矣嗚呼哀哉時耶命耶父計

方奔而妻亾母制未終而身歿年嗇中壽喪無
主嗣箕帚有艾妾襁褓有幼女煢煢何恃子子
相吊天其忍此也耶天其忍此也耶某自弱冠
之年及門承教秋闈較藝忝聯榜末每念左右
道途扶持疾病耳提面命情親心契涕泗交集
不知所云先生已矣不可作矣唯當收先生之
文以傳於世推先生之訓以淑諸人庶幾先生
道之明文之華名之鉅者猶存其萬一也心喪
無期禮奠弗腆先生有靈尚鑒茲悃嗚呼哀哉

林登州遺集卷之二十二

閩漳林唐臣元凱著

同郡王志道而弘定裔孫興楨侯重梓

後學張紹科煙叔纂

說

宗澤字德潛字說

陳生名宗澤既冠賓友字以德潛求予說其義
予告之曰子不見夫水乎潛則淡淡則有本有
本則達而無窮所澤者遠矣然水之澤其潛之

也。以力宗之澤，其濬之也。以德德愈濬，則澤愈長而不斬矣。今夫祖宗生民之始，本一人也。猶水之源也。子孫支分派衍，有大宗焉，有小宗焉。則水之流也。祖宗以德而導之，子孫不以德而濬之，則爾宗之澤不幾於泯乎？賓友之命子者，良有以也。抑吾聞子朱子得濂洛淵源之學，我北溪先生實涵泳之，而接其派焉。陳氏詩書之澤，有自來矣。雖君子五世而斬，生能以德濬之，期不斬者，將不啻於五世也。勉旃哉。

士伯字說

監察御史孔君士伯謂弼曰：某忝聖裔於世，爲五十六名之行爲，希故以希普名字之行爲。士因字曰伯，或病伯之義於普無所當，而余不欲易也。子幸繹而廣之，庶有復於或者之言也。予曰：古人之於字，代其名焉耳，非必有求於濶義也。求濶義而務美稱者，後世之惑也。生人無窮美稱，容有旣也，而可以一一得哉。故伯仲叔季，古人通字焉。今夫伯之言長也，苟究而言之，則

在天之德曰元在時之行曰春在人之性曰仁
在昆弟之次則居仲叔季之先者也元長於天
而實統乎四德春長於時而實貫乎四序仁長
於性而實兼乎四端譬則伯氏之長而首以若
仲若叔若季也夫一元運於無朕而流行乎四
時物之生生不窮皆其善之長者爲之也天之
施可謂普矣猶之人也以不忍人之心恒存乎
中則內而親親外而仁民遠而及物皆是道也
其所施者不旣普乎易曰見龍在田德施普也
然則欲普於施非天德之長不能與也於伯之
義果無所當乎子之字也取之近則爲古人之
通稱推之遠則合天德之奧義字無過此也士
伯作曰字祝於友禮也子之言其庶矣請書以
爲說

然限於善也哉夫天爵之貴不與世俱成而之
美果無世貴乎予之字世取之蓋以爲古人之
盛德難之遠限合天爵之與美字無世也而士
君子曰字取以文斷也予之言其無矣前書以

積中字說之一世云耳

蜀郡張君積中謂弼曰某不敏幼而父名以著
而賓友命以今字敢求子言以廣其義庶知所
以勉也弼曰有旨哉天下之理未有不積而能
著者也未有著於外而不繇於中者也天之積
氣極其高也故日月星辰著其明地之積氣極
其厚也故山川草木著其文君子之德和順之
積於中者有克實之美則英華發於外者有光
輝之大夫學之積也則表裏如一矣南山之松

其長千仞其始也尋尺而已耳幹而枝條而葉
陰被數十畝繇其根之盤於地者淡矣仁義禮
智根於心則克於外者睥面盎背而施四體易
曰黃中通理詩曰維其有之是以似之蓋君子
之自修固不期於外見而自不能不見譬之衣
錦尚綱雖闇然而日章焉君學優於躋仕其所
積者固已發於事業矣光明俊偉以無負於賓
友之祝奚庸予言之贅哉姑述儒先緒論以爲
說或杯水溟渤之一助云耳

友聞字說

吾友蜀郡趙君友聞謂弼曰直不敏幼而父命
之名曰直冠而賓友字之曰友聞今旣壯矣行
已之道未得友直之要取友之道未盡友聞之
益恒恐有愧若名與字而有負吾親與賓友之
所以期我者先生幸有言以廣其義庶亦多聞
之一助也弼竊惟吾夫子言益者三友友直爲
首友諒次之友多聞又次之則直與多聞皆在
取友今趙君之言則以直在已多聞在人不幾

於戾聖人之旨乎噫吾固知君之有見矣夫朋
友以信爲本苟爲不信則已不直吾恐多聞之
士將不與之友矣是故夫子言毋友不如己者
必先之以主忠信蓋在己者直然後取友必端
而多聞之士樂告以善道此所以日進於明也
然則直內以敬所以謹於己也友于多聞所以
資於人也已既直矣繇是友於直而聞其過友
於諒而進於誠友於多聞而進於明皆繇己有
以致之也昔者子濯孺子庾公之斯其事無足
稱者孟子取其端人取友必端之言親友之所
以期友聞者蓋必先於是不待予言之贅也予
姑効一得之愚云爾友聞善學能文辭不妄交
游以才操舉湖廣憲使其祖若父皆歷官外郡
世澤有自云

水道提綱

卷一至卷三

常平道人說

丹陽童先生以常平道人自號序而贊之者非一辭矣復質其說於彌彌曰噫平不易能也常平又豈易能哉夫無險無陂之謂平不低不昂之謂平無險無陂其體也不低不昂其用也是故其靜以宅心也湛然虛明如水之止險陂無自而生焉其動以制事也酌然如權衡之稱物移前却後隨其輕重以爲低昂莫不適其平焉彼衆人者非不知平之足貴也溺於一己之私

雖能暫平而不能久故行險徼幸無不至君子
則不然內有常也故心無時而不平外有常也
故事無處而不平暫不足言矣蓋平而常平則
內無城府外無町畦無適而非斯道之正譬之
康莊九達如砥如矢車安馬閑一驟而千里其
視羊腸詰屈輪摧軸折跬步之間足踣而脅息
其勞逸難易百相邁也嗟夫洪範平康正直爲
三德之首而三德實五福之本先生學以達政
嘗仕郡幕其立心■制事持平以畫諾所積者
厚矣宜夫順坤葆和年及耆艾壽考康寧以享
榮養其食好德之報蓋未有涯也公名元善今
以子亨貴推恩爲吏部郎中云

天淵說

浮屠溥師自號曰天淵求予說其義予曰子以是號必知其說矣奚庸予之贅哉予之所知儒論耳子之教不能知也子不窮其所當知而求其所不必知能知而不自衍其說反求其說於不能知者焉何子之厭常而喜新也師請益力曰語教則有異語理無不同子姑以子所知者爲我言之未必無啟於余也則告之曰嗟夫高莫高乎天深莫深乎淵天淵之間邈乎相懸其

勢則然然道大無外雖天外之天淵外之淵亦無往而不在焉聖賢有見於道之流行上下昭著而不可以名言故仰而觀乎鳶之飛俯而觀乎魚之躍而直指以示人于以見斯道妙用雖極天之高極淵之深初無間於兩間也至若聖人之德溥博淵泉蓋其周徧而廣濶靜淡而有本真如天而如淵此吾儒所以論天淵者若此師之所論雖余不甚解然亦有聞其一二試爲子言之夫世界無邊法亦無邊天之可見者寧

然蒼然淵之可見者沈然黝然夫孰度其高之極測其深之玄但見高虛洞徹無倪無端窈而言之均爲一空色相不足以擬議言語不能以布宜人知天之爲天而不知淵亦天也人知淵之爲淵而不知天亦淵也故謂天淵爲二故也謂天淵爲一亦然也萬象羣生均囿此天百川衆流悉納此淵譬則萬法歸一一歸自然師其然此言乎抑否乎溥曰是可廣吾意大吾觀矣請書以爲說

言之世爲一空會時不以辨辯言請不請以
繼繼其幾之支卧具高畫同嶺無與無辭或而
然蒼然然之可具皆然然然夫稊斐其高之

一齋說

盈天地間林林莽莽萬有不齊物之至衆也而
一理足以混而同之接於吾身千端萬變大而
父子君臣小而視聽食息事之至繁者也而一
心足以妙而宰之蓋萬物各具一理而萬理皆
具一心若能窮一理之極則足以盡一心之量
矣雖然是特於人而觀其一耳蓋亦求是理之
出於一原者乎原者何天而已一陰而一陽繼
善而成性然必有不倚乎陰陽而爲動靜闢翕

之本是卽其原之一而爲體統一太極也故兩而爲儀四而爲象八而爲卦推而至於變化之無窮莫非一之所爲惟一故神惟兩固化邵子曰造化向一中分善觀天者固存乎一善論人者又孰外於一哉聖人全其天之一故能盡萬物之一理渾然於中而泛應曲當於外所謂一本而萬殊也未至於聖則理有未全其所以操存省察於動靜之頃當無時無處而不致其力於一也能持其主一之心則敬足以養之於始

能守其惟一之心則誠足以實之於終夫如是則天之一與夫聖人之一舉不出乎吾心之一所入之途雖異所至之域則一而已南靖綜理別公以一名齋或質其說於予予以聞於先儒者爲廣其義君聞而遜曰吾之所謂一齋不過古人一丘一壑之云姑以寓意吏隱而子推一理之當然與其所以然者以爲說真足以發甕鷄之蒙廓管豹之見矣幸爲我書之將以爲座隅之警遂不敢辭

解

寓軒解

黃君子維以寓名軒人咸異之或曰天地逆旅也萬物過客也人亦囿於物者寓之說其有取於蒙莊氏乎或曰天地堪輿也人囿於中者也必有以盡並立之理寓之義其有則於聖賢者乎又有爲之中說者曰知吾身之爲寓當盡是理之所寓君之意或在於此乎博陵林某解之曰君優學躋仕所以自見者皆其積實之所發

謂其有尚於清虛之言陋也謂其有勉於聖賢之言固正矣然謂知身之寓故欲盡理之寓則亦未免於有爲而爲之焉宜爲君言哉其於軒之名均無所當也夫必有居而後有寓求寓於外孰與求寓於內之爲切乎軒者吾身之所寓也而身又心之所寓心又理之所寓者也理寓於心而爲心之主心寓於身而爲身之主譬則身寓於軒而爲軒之主也古之君子孳孳而夙興乾乾而夕惕非不知安其所安也夫亦動察

靜養以存是理於一心存是心於一身焉耳反之於心而理之所存者明反之於身而心之所存者正則內修矣內修則外無顧慮矣夫如是故身之所寓用舍窮達夷狄患難無所擇而安焉猶之軒也遠而山林近而朝市一隱一顯軒固自若也繩樞甕牖丹楹刻桷或約或豐軒無擇於是也是故善觀寓者必明軒之所在則內焉有以安其心外焉有以安其身矣君結屋讀書古盱山中不以得於身心者爲已之樂而思

推其蘊於人遊宦江海壯而強矣是軒之寓與其身之寓其地亦非一矣華顯之所歷躑阻之所蹈而其所守之素曾不以之而或踰焉蓋其中確然者存其視世之轆轤雜揉一無芥蒂猶游氣紛擾而太虛湛然也存是理之寓與是心之寓而不卹吾身之寓廓焉大觀無適不可則雖軒亦外物也寓乎寓乎豈徒寓目之云乎軒乎軒乎豈徒軒庭之間乎君名譽方起將隨所寓而澤於民以副朝野之屬望幸毋以軒之寄傲爲可安而厭於游寓之久也作寓軒解

文

東岡洲定光堂上梁文

伏以紫霞丹嶼仙洲東去有三碧玉千峰佛國
南來第一珠林改色錦里增輝恭惟碧玉堂頭
玉海大和尚法窟藩垣祖堂柱石玉塵尾劃成
江海鉗斧聲飛動風雷一擔挑來清淨地便張
鋪席竿木隨去戲劇場儘作詼諧乃睠蘭若之
精廬實在粉榆之近地手中神水孰云鄉關一
滴之私眼底孤雲獨憶水丘數曲之舊信作事

須憑大願力況出世曾結好因緣是用廣其隘
而拔其卑庶可光於前而振於後幻出南巖之
勝槩永植東岡之福基寶殿暈飛對釋迦老子
如在其上華堂鳳翥看定光古佛踵以之中爰
舉修梁敢將古語東海門初日曛曛雲近補
陀巖路地如初

疏

法濟寺報恩塔疏

聖明地拓萬兵衛重鎮南荒隆壽峰高千佛臨
遙瞻西土惟大臣不負靈山之付囑顧小衲敢
忘厦屋之庇庥戴禮真身盛揚清德恭惟指揮
副使相公詩書賢將簪笏舊臣佐興運於淮淝
播威名於閩越封侯萬里班較尉之筆勇投起
家五年魏將軍之戟森列旣申軍律之嚴整每
念梵教之陵夷解語鶴歸無復人民城郭聽經

鹿去多少烟雨樓臺坐令烏鵲之安棲喜看龍
象之起舞兜率陀移來天上前長者幸爾側地
布金窰堵波現在人間衆沙彌自能獻花酌水
慈恩莫報善頌具陳伏願城壑金湯河山帶礪
成八萬四千功德明長壽於金剛領三百六十
職員致隆位於冢宰謹疏

林登止元天官疏意

天官有命歛百福以錫庶民邑牧非才精一心
以事上帝厥躬累職敷祗陳詞伏念臣某等質
本樗蒲學多茅塞繆綴名於黼座叨出宰於劍
江製錦以來尺寸莫循於卓魯垂衣而治涓埃
曷補於唐虞茲當賜福之辰敢控保安之悃伏
願民生蘇息歲事豐穰李競春陽藹一堂之
和氣桑麻澍雨露均百里之恩波普與蒸黎同
綏繁祉謹疏

本縣載學多裝塞懸懸各伏麟坐四出宰飲險
以事上帝颯浪累鄰連珠刺隨於念且其華質
天官有命燭百詠以驗無且邑非木赫一以
上云天官施意

林登州遺集卷之二十三

閩漳林唐臣元凱著

同郡王志道而弘定裔孫興楨侯重梓

後學張紹科煙叔纂

題跋

書驪塘危先生墓銘後

驪塘危先生守吾漳多惠政其尤著者雖遠猶
有徵也作龍江書堂今有祠存營義塚三則有
石記存奏蠲無名錢又有郡志存然是特一郡

之惠耳其論奏凡四十條皆所以惠天下者則
施之未究也惜哉今太樸公以文章振家嚴叅
國政太樸仕至中書遼陽甘肅三省左丞其將有以究先生之未
究者必矣昔之惜也又豈不足幸於今耶敢書
此于舊銘之左

書虎溪待渡圖後

友生蘇用賓分教漳庠將歸虎溪之上石隱上
人因徵林君梅隱作圖以贈之命曰虎溪待渡
持以示余俾余傳所以畫之意余謂士君子之

處斯世其所當自勉者脩身行己之要而已至
於時之遇不遇亦惟靜以待之固不能汲汲躁
競以自貽顛踣也在易水在天上象爲需陽剛
欲進而坎險在前爲不遽進而有待之象故其
辭曰有孚光亨又曰貞吉利涉大川蓋必有孚
于中然後光亨若又得正則吉而利涉大川矣
斯爲善處需者也向使遇險不能有待而必勇
往徑涉則覆溺之禍至矣虎谿雖小渡者必待
舟以濟苟或馮焉其爲溺均也用賓年富學力

方將自見於世必有以濟於人者然而不能必
進而有需於時之流行而坎止也石隱亦可謂
知用賓者矣用賓其尚佩服有孚之言以至於
光而亨則將如初之無咎二之終吉五之貞吉
上之敬之終吉矣孔子曰君子待時而動需於
前而濟於後猶待渡而終渡也以是廣名圖之
義不亦可乎石隱作曰可以用賓矣請書于
圖之左方

書徐永愚所得趙虞二公翰墨後

趙文敏虞文靖文翰近代稱絕真徐氏家寶也
書西臺慟哭記後

宋相文信日不能國矣公起兵閩中尚多應者
黽勉赴難踣而復奮所謂親疾雖不療子不容
不進之劑也時江東謝先生枋得亦起勤王兵
久之無功三山謝先生翽以布衣叅信公軍公
甚禮之洎公北上以死翽於燕臺越臺巖臺九
年凡三哭之蓋深悲南風之不競而思自附於
節義之士也後謝江東被徵不食死翽亦悲憤

亾聊以終德亦偉矣公不負國翺其忍負知已哉向使徵而激之則亦將如江東之爲矣予聞江東好論申包胥魯仲連事言輒奮歎欲身履之翺之三哭得非有感於昔人成敗之故哉九京不作誦其慟哭記冬青樹引等篇令人毛髮欲豎張君孟蕪又從而訓釋其實翺之義白矣他日二謝伯仲以稱者徵於君言矣

書狄梁公進諫圖

武氏暴忍權數穢竊宸極親若二子猶不見容唐祀不絕如帶矣幸梁公特被信重而公周旋其間所以不忍引去者欲爲李氏地也他日折三思復廬陵卒於移周爲唐徵公反覆進諫之力將何賴哉嗚呼忠矣

書丘孝子傳後

余讀宋太史作孝子丘鐸傳謂鐸廬母墓地多虎每哭而虎輒避之不忍傷嗚呼純孝之感其神乃若是耶昔者白虎晝馴夜則豹環其廬而臥虎雖暴亦有母子也寧謂不知孝子之心哉

吁鐸亦可躋於古人矣

書張起鳴松楸圖後

右松楸圖張君起鳴所以寓其永思之情也起鳴幼失怙祖父母與母鞠教之旣而祖父母相繼卽世兵饑相仍二喪十年始克葬不數歲復喪母松楸霜露相望數里許而起鳴之兄弟子侄皆蚤世子子焉游宦于他境爲予言未嘗不涕泗交頤也吁起鳴仁孝人也仁孝之報如持券取償吾知起鳴必有以昌于後也故爲書此

於圖左

書王氏所錄遺文後

士大夫世族履行以文章之傳而信蓋前代紀載皆直筆無一毫阿私也予觀益國周文忠公誌王率齋先生墓歐陽著作誌王遠叔先生墓知其系出琅琊至宋沂公益太繇青徒儀真而新喻而廬陵擢科躋仕代有其人率齋遠叔雖隱約未施而其學其德卓卓可稱宜夫二公詳述之弗置也聞孫與齡又能孥念厥祖而錄銘

文於兵革之餘其世族履行之懿益可徵于後
矣繼自今若子若孫思以繩繩祖武者尚永寶
於是集哉

書棣鄂軒記後

常棣之詩作于周公其述處兄弟之道最詳且
切首取棣以爲興鄂則其華外見之貌後世兄
弟之相友相親者取之以名其同居之堂故有
取於其詩也夫詩人之托物興詞蓋淡有味矣
松陵徐愿幼失怙與兄本奉母甚謹兄夢之篤

每以遠大期之愿繇邑弟子員入胄監選給事
中書他日持棣鄂軒記示余余曰學莫先於孝
弟子之學可謂知所本矣本碩則枝蕃枝蕃則
華盛猶云棠棣之華鄂不韡韡繇其本之培也
吾知徐氏兄弟必顯於後矣書記左而歸之

書敬齋卷

昔尚父以鷹揚之姿翼亮周武成克商功而丹
書進戒拳拳於敬之一言指揮夏公以親臣提
重兵佐上取天下而能悅禮敦詩以敬名其齋

居可謂篤學古之志矣使得處尚父之任則豈讓美前人哉

書倪仲遠山水卷

右倪隱君仲遠所藏雪山圖竹樹水石點染甚精迥然有幽遠意餘杭佳山水隱君放情遊覽得其真趣故於畫亦能鑒賞其精他日或倦于躋歷高深時出此圖一披玩焉則窻几之間雲山佳致固在目也抑吾聞善隱者雖在市廬猶林野焉蓋濠乎隱而心乎山水者噫吾於是而知隱君之心矣

書平林煙雨圖

武夷神仙窟宅其景萬狀晦翁棹歌已盡其奇烟雨平林五曲景也方壺外史寫而爲圖殆得趣於登覽之餘者金華高士楊君南峰得而愛之夫景在天地間隨寓而形無彼此也矧金華洞天勝有同於武夷者乎高士歸八詠樓日對谿山其有得於平林烟雨之趣亦云飫矣而猶玩是圖不置焉蓋樂之深非惟愛其真雖其

似者猶愛之也抑所寓古心無失者耶

書陳一欽小景圖

近世稱善畫不乏人然工於長幅者或拙於小景得意於蒼古者或失趣于清潤過婉麗則氣韻索然矣過枯率則精神蔑如矣餘杭張公師夔翰墨之餘能于前代諸名畫集其所長自成一家大幅小景布置各有法於蒼古之中而有清潤者存故雖著色而不流于婉麗雖不著色而不傷於枯率其精神氣韻與人迥異而未嘗

失古法公宦游閩中已久得其指授者徃徃知名陳君一欽未及張門而能默契其法下筆咄咄逼真是其敏慧所造也張公不可作矣一欽年方富藝當日進他年踵張公之躅人稱其青于藍者必一欽也夫一欽爲朱君文貞作小景因爲書此于圖上

書黃誠甫言志賦後

詩爲離騷之宗而離騷又爲賦辭之宗詩言志也騷若賦亦各言爾志也古之君子道與時違

志不獲逞率托於言以舒其憂而泄其憤自屈氏以來作者非一矣然惟知道者爲能不怨不尤以不失其志之正今觀黃先生誠甫言志賦其志皆古人之志其言皆古人之言其所以自勉自擇者莫非古道則其所趨之正非止於舒憂泄憤而已先生年將及頤而其詩若文愈雅徒守古法予知是賦與詩文竝傳於世也必矣故贅書此于諸作後

書趙子昂馬圖

趙公松雪文翰名天下而畫亦並稱焉蓋書畫筆法最近而書之妙者其畫必精然善馬者未必善于人此卷馬旣神駿而奚官蒼髯側目極臻其妙蓋唐廐多以回齧習馬者爲圉人也於乎士生於治世不得以勲業自見所可見而傳者文章與翰墨耳公以文翰名家畫特其緒而與二事並稱者蓋無所不詣其極也史稱鄭虔三絕公何讓焉因書此于徐君天祥所藏馬圖

書馬拜說後

汴省理問官趙君元彬奉丞相河南王命訪求忠義之湮沒者于閩道泉驛馬見之而拜衆皆驚異莆陽吳性傳溫陵謝雲從氏旣錄而論之矣或訂其說於予予謂天之賦人物雖有偏全之殊然毛蟲之中惟畜爲近馬在畜物中又其最靈者宜其於訪求忠義之使而有以動其心也在易乾象爲馬於方爲西北馬之稟固忠義也天下多故馬努力戎事於主恩每戀戀焉馬

之性固忠義也此以忠義感彼以忠義應故其低俛屈伏卑俯鞠躅蓋出於中心之誠服雖不可以詢而知猶可以揣而識也昔者孝感而白兔狎政感而文雉馴恩感而蛇啣珠化感而虎馘罪至頑至暴尚可感學矧其近人而靈者乎惟聖天子中興相王以忠義倡天下其感人者至矣趙君周爰咨度猶能充其感人者而感物焉將以和感和而鳳儀於庭以仁感仁而麟瑞于郊豈特孚一馬而已故余贅書此于二說後

跋

題蔡端明手蹟後

晉帖傳於世者多書牘而又多作草書前輩宗之蓋作草猶作真也端明蔡公書法入妙此本於二王咄咄逼真吁書心畫也古人謂心正則筆正端明立朝審愕心一于正叅政公所以寶藏乎此者余知非徒在於墨妙而已故因出示而敬識之

跋童中州和陶詩後

五言肇於漢蘓李相贈別一時之倡和也晉魏以來有擬古或曰擬某作則固追和前人也矣陶詩作于晉宋間不雜時態夙然絕出如殷盤周誥質素古雅益羞澁不可前陳後世若韋若柳多用其題模放步驟猶未和其韻也宋蘇子瞻氏始因韻爲和篇若干首金華童君中州善爲詩而獨于陶愛其蕭散冲澹有類于古人所謂溫柔敦厚之教者又因蘓詩篇數之舊而重和焉蓋其尚友古人百世上下猶神交焉非特

于陶于蘓爲然也嗟夫陶蘓二公之詩曠情達
視而能委順以樂其天者也黃魯直謂其出處
不同氣味相似君子以爲知言中州蘊深發茂
方將爲世笙鏞以鳴治世之盛顧乃以山林枯
槁自居夫苟得二公之所以樂則無入不自得
于出處奚擇焉衡門考槃之詠尚毋爲太早計
也

跋豐城曲江孫長仁族譜後

昔杜工部爲曹霸作歌喜魏武之文彩風流尚
存今觀豐城曲江孫氏族譜自吳大帝以來詩
書之澤綿綿不斬代有偉人其賢於曹氏之後
遠甚嗚呼豈長沙討逆忠義之長有非當塗之
可擬者歟

書張師夔枯木圖

我如枯木久無春故寫枯槎寄上人濩落不爲
天外夢光明與佛鏡中塵 餘杭張師夔詩書
董寄封崇堂頭時至正癸巳三月也右輒醉翁
作枯木圖寄泉封崇上人而識其上也翁以三

絕名世晚歲作畫多自題此幅蓋兵餘非封崇
所能有故雪其題字似恐非主者所物色方君
師凱偶購得之出示余余眎其字蹟故存也噫
自古名書妙畫考其所傳或遠在千百載之上
豈必專寶一家而以他人爲嫌

作感鄙人之無見幸是圖之不終於不遇知也
誦其詩而書此于左

書靖上人隨住吟藁後

古人之詩作者不少而僧詩率多工緻清逸竊

意方外之士其居其游雲巖風壑之間煙簑雨
棹之外景之所接者多情之所發者正其匠意
幽深鍊辭精切有非泛然留連光景者所易及
也若齊已貫休靈一輩皆在唐諸作者列近代
詩僧所在輩出而溫陵自趙呂傅阮諸公詩派
之傳厥有自來故業是者徃徃知古法今觀閑
極靖師之詩律嚴而不刻語實而不陳殆有得
前數公三昧者豈余所謂匠意鍊辭幽深精切
者耶吾知異日集詩者必有取而傳之也因爲

書此于其橐後

書陳所翁畫龍

陳長樂畫龍得名宋季近時士大夫咸寶之然率多大幅鱗鬣跡尾少全其筆者蓋晚年倦於摹染而快於揮灑故也此卷幅小而身全神揚而氣逸豈其年壯力勤而意之專者爲之歟蒙泉徐先生得於外舅鹺使方公故家舊物而印識特異它幅其爲真跡無疑兵餘物化先生子天祥君藏之獨存嗟夫物不易得而尤難於守

天祥思外祖之家珍感先人之手澤尚永寶之哉

書周君玉安患軒記後

古之所謂君子者以其能於憂患安樂一視之而已安樂地順處之易憂患境逆處之難處其易常人或能與處其難非君子不能及是故君子不以憂患視憂患而以安樂視憂患蓋惟盡在我之所當爲而外至者皆所不計則雖患猶安也易陳九卦以明處憂患之道亦曰盡其在

已者而已錢塘周君君玉善學篤義時譽特推
先被命使西洋萬里涉海以投異域人皆難之
而君不卹也因名其寓軒曰安患而自記之嗟
夫世之懦夫曲士溺於所安足跡不忍離堂簷
一遇憂患失身喪氣無復人色然則周君之安
以處患其可謂君子也已

書莊少師示兒語後

凡人克自樹立未有不儉而致然者蓋儉則謹
謹則不縱縱則志專志專則勤勤則不逸不逸

則慮周志專於內而理察矣慮周乎外而事立
矣故曰勤儉者樹立之本也少師藻思齋莊公
自弱冠遊鄉庠選太學清苦自將而性學是力
雖逮富貴猶如布衣時見其示兒語諄諄焉詳
及乎是嗚呼此少師之所以爲少師而莊氏宦
澤書種之所以濬且茂也後之子孫思所以襲
芳趾美於百世亦勉於是而已矣公之五世孫
師古錄以見示謹爲書此而歸之師古善學能
文辭其諸父南堂菊堂二先生皆以儒世其家

無忝祖訓云

書張師夔所藏康里子山書捕蛇者說卷

後

康里文獻公真草書入妙品此卷又得健筆佳
紙之助故馳騁精神畧無蹇滯又妙中之尤妙
者也師夔張公以翰墨爲命憲趙公宗吉所重
故特以此歸之嗟夫康里公之所以書趙公之
所以重張公之所以寶而盡泐者得無意歟誠以
是篇足以爲爲政者規非徒以寓意翰墨而已左

原不作惜不多得數十本以規於人人也

書馬翰林易之楓亭女篇後

風人之詩譎諫以示戒猶足以感乎上矧使者
之所采而陳者乎予讀楓亭女篇其辭苦如石
壕吏其心仁如春陵行讀之令人掩涕昔白居易
易作樂府以規諷時事流聞禁中得爲翰林學
士今君職翰林持使節行復聖天子之命又豈
特流聞而已予旣爲南民幸又嘉君之善於使
也故爲書此于篇後

書王無息小傳後

王無息髫鬣從師事不避勞劬而知義固異常兒矣既長而仕宐其於義益明不以遺金可利而汚其行也彼貪墨之儔猶將攫人之金而甘心焉無息義不苟取若此學之力不可誣也

書高仲暉進齋卷後

進之名有二義焉勇往直前循序有漸之謂也君子之學固當力於進然不容於驟進也勇往而不知循序則銳而易退循序而不能勇往則

將半途而廢矣易曰天行健君子以自強不息曰自強所謂勇往直前歟曰不息所謂循序有漸者歟天之行四時也非不能使之卽寒暑也而必以暄涼爲之漸焉其生草木非不能使之卽成長也而必孚而甲甲而拆漸而枝枝而條焉學之道猶是耳聖人之學自志學以至從心由善信以至聖神必孜孜致力以勇於進必循序有序以漸而進譬猶用兵雖鼓勇作氣而坐作擊刺之有節不愆于六步七步乃止而齊固

不敢輕敵深入以取敗退也國子助教高君仲
暉齋以進名蓋其先府君所作以訓君於志學
之日也薦紳先生爲繹其義無餘蘊矣予不敏
輒以先儒緒論足其說焉

書何執中所藏趙松雪帖

余曩聞諸老言松雪翁神度散朗有晉人風故

書翰於鍾王

元常逸少

咄咄逼真豈非心畫有千載

神契者耶此帖於平易中間出奇妙又其精絕
者寶之也宜

書栢齡字說後

五福必首壽人之福莫大乎此也指物而質焉
則壽齡之長莫松栢若也夫惟福之大人情之
所同欲故物所愛必有以期之又必有以况之
亦其情之不容已者也千夫長西弼氏生而父
名之曰長壽冠而友字之曰栢齡名以是固見
愛子之篤字以是尤見愛友之深詩人稱願之
詞曰如南山之壽其是名之意歟曰如松栢之
茂其是字之謂歟予與栢齡雅相愛同一期而

况之之情也故書此于易之先生字說後
周書豐城周伯聞所藏周石鼓秦琅邪二碑
字原於古不考乎古非知字者也鳥跡科斗邈
不可詰矣周之石鼓古法猶存也秦嶧山碑已
非故物詛楚文又最後出所可考而信者惟琅
邪石刻耳然則自周而降惟秦爲古也豐城周
伯聞氏雅志好古於書法必考其原取石鼓琅
邪二刻合爲一袞蓋深幸夫未盡於磨滅而古
意猶可識也因其出示書此而歸之

跋歐陽公與蔡君謨手帖後

歐蔡二公爲慶曆名臣道同心協相善之厚其
書問宐多往來此帖稱端明侍郎蓋在嘉祐之
前觀其筆力道勁馳騁臻妙實自成一家法老
蘇論其文曰歐陽子之文也予於是書法亦云

題豐城劉孝子仲安卷

漢緹縈以未笄之年贖其父淳于公之刑天下
稱爲孝女劉氏子孫孫年十二能詣闕直其父

秩之寃真孝子也哉視唐杜審言子并刺父讎以死抑有間矣林弼書

題豐城徐以觀卷後

昔徐孺子躬耕東湖非其力不食漢世高之以觀以耕爲樂蓋其餘齋聞其風而有立者歟

跋豐城航溪朱光孚詩集後

詩本人情情真則語真故雖不假雕琢而自得溫柔敦厚之意豐城朱光孚所爲詩多平易無艱險語豈非情之真而然歟使天假之年則進

於老成當未已也惜哉子公路出示舊集故爲書此而歸之

跋周伯溫書圭齋所作揭曼碩貞文書院

記後

近代以書名家者固多然善篆者唯二人焉若趙吳興子昂周翻陽伯溫是已此卷番陽所篆筆力遒勁深得嶧山石鼓之法劉本泉氏偶購得之因其出示故爲識此

題八鴈圖

右畫鴈八各有態飛者一宿者二仰而鳴者一
回顧而鳴者一俛而喙者二鴈奴警而鳴者又
一畫史寫生固求形似然以余觀之又有形外
之意存焉夫春而北秋而南隨陽而往來有君
臣之義焉或飛或止大小以次有兄弟之序焉
羣處竝食呼儔而命侶有朋友之好焉奴也晝
夜食息非常苾馨不敢或怠有主僕之情焉畫
史固不能無意於是矣戶部郎中張君嗣宗出
此畱示予予知君於是數者必有得焉非徒形
似而已不然畫之事愛者多矣君奚獨有取於
此哉畫史其亦知所尚者歟張君之好其亦知
所重者歟

題趙文敏公與袁禮部詩簡

趙文敏公詩畫皆妙絕而世稱其書爲盛噫豈
惟書哉雖稱三絕可也予嘗於詹伯玉推理家
得其蘭雪琴帖公所與袁子方禮部者也今觀
其子朝遂所藏詩簡數篇筆力遒健有龍騰鳳
翥之態蓋公與禮部以詩琴相與最深朝遂追

念先輩尚永寶而傳諸

題東坡畫

東坡先生文翰名百世畫特其緒然其傳一也此本得善筆佳紙墨之助故尤精妙升賓其永寶哉

書姜德之墓銘後

予讀胡先生仲申銘姜君德之之墓知君以儒爲行非但所謂循良吏者先生之文足以傳信後世今子焞之賢有以顯揚前德之不亡者在是矣

題羅稚川畫

右稚川羅氏畫一幅坡陀樹石綽有荆關風致而山巒人物間類馬遠蓋兼用諸家法也舟中褰衣幅巾坐者二人筆牀茶竈歷歷可指豈玄真子之徒歟噫稚川亦有得隱處之趣者矣

題王文壽族譜後

予嘗感後世之序世譜者必遠求同姓之顯達者而宗之吁是豈可厚誣乎哉王文壽氏譜其

系自四世祖始以上無考者未嘗妄有所本也
斯可以傳信後人矣子孫繼承克大其家吾知
是譜之序未艾也

書黃閣中詩集後

弼與閣中生同年少同游而性坦易同嗜酒雅
相愛故恒相規益比以微宦故相別且十寒暑
今年夏獲會于京師示予近詩若干首率五言
蓋其陶情漢魏馳騫樂府出入乎陶柳陳韋諸
家其語溫厚而雅曠若端人正士不事逸幅而

動容自暇裕若殷壘周鹵不假琢刻而形製自
奇古於乎風雅寥邈猶於閣中之詩識其遺音
三復之餘喜閣中之進而重愧予之日退也故
書此于藁後

道伏龍虎圖

中書從事屠君仲英持畫軸一示弼弼展而觀
之一道人立撫馴虎龍伯拱埃若聽命者蓋神
仙者流其功行既高則能役使鬼物龍神虎君
呵護左右撫而畜之若犬羊然壺公以龍爲杖

董仙使虎賣杏凡此類也矧其養丹神鼎坎子
離午鉛兒而汞女其屬亦龍虎也是故畫師而
得於形外之言雖然龍虎異於常物者也惟
心正者爲能服之不必皆神仙也負舟視之而
逝傷人視之而服是豈有假於道術乎君生際
盛朝觀雲龍風虎之會大將起泥沙沛澤乎人
著虎東渡江之異政非徒區區道術之是尚也
故書圖左以竢

附錄

林登州傳

龍溪張燮

林公唐臣初名彌字元凱系出晉黃門侍郎穎
穎生晉安太守祿卒官因家焉十餘世至評事
大章徙居吾龍之文山遂爲文山人評事者公
之六世祖也公父廣發爲世大儒任帥府叅軍
有聲公母陳夢北斗傍一星入懷中光耀襲人
娠而生公公少秉異姿治毛萇氏詩弱冠舉進
士高等釋褐爲郡幕然非其好也戊申內附高

皇帝新定天下廣延儒術鵷鷺充庭公嘆曰此
吾竭思康道時也已酉秋徵請春官脩禮樂書
拜吏部考功主事庚戌安南使者杜舜卿以其
王日燧卒來告上遣編脩王廉祭之仍遣唐臣
持詔封日燧爲國王旣陞辭上以馬援昔討交
趾鎮服蠻夷厥績良偉命二使臣就彼祀之公
旣詣伏波祠下如詔致祭徘徊銅柱追憶鳶飛
墜水馬革裹尸之言結托爲異代交祠久頽命
工脩葺而去比抵安南奉揚明天子威德王拜

稽首願世世子孫爲帝外臣望海波而明三澤
也封事旣竣王命中使夜携五百金密投公榻
詰朝使從官復餉五百金他物稱是公悉卻不
受曰唐臣手龍節走萬里外帝慎擇而遣之豈
自意陸大夫裝哉且境外義無私交王勿復言
安南王度公不可強乃俾入賀使者武漢礮裝
其金請於朝上曰王禮中國使宜贐中國使不
貪爲寶使遙嶼知漢官威儀宜卻贐可謂兩全
函合還國蓋自是上心重公矣居無何奉詔賑

木登州集 附錄 三
饑越中所全活至巨萬計出註豐城令以經術
飾政如烹小鮮至醜奸釐弊聽微決疑廼特立
行一意吏有漁獵爲奸者度公將置之法遂誣
公受傭黃金一鎰緩傭死事下司寇逮公繫詔
獄司寇以安南却金事白上遂直其冤初公舟
次湖口夢一木人口眼皆動覺謂所親曰吾其
危矣後刑官入奏上見君名援筆草書休問二
字蓋休於字爲木人草書問字上下口眼皆動
象也非忠誠素孚孰能預測河魁之柄使神先

爲授者乎已補饒州別駕佐刺逾見稱術尋改
垣曲令丙辰安南告變上遣使往視而難其人
廷議交章荐公公復銜命之國鎮撫其社稷以
歸擢禮部主事已未拜登州守訟理政平而祀
典學政尤多所振飭焉俄以疾卒於官所部惜
之公雅精臨池嘗與王太史談書法謂用筆湏
偏正法兼脩乃臻妙境近世趙孟頫書非不工
但側峰太多不能逃筆牀月旦識者言林公用
筆皆正峰有力非若他人只寫畫而已公所著

梅雪齋稿及使安南集宋學士濂序之王侍詔
禕清漳詩有云風流今孰繼林子亦其徒蓋指
公也弟虞臣國子助教世稱雙壁云張燮曰元
凱當胡元末造枳棘棲鵠陸沈永嘆者哉迨夫
遭逢龍起委質清朝出壯皇華入稱循吏雖宏
轡未展蓋亦光闡國章焉旁叅文苑成其儁流
而大要歸於質行草昧多賢勝奉春稷嗣遠矣

中順大夫知登州府事梅雪林公墓誌銘

括蒼王廉

余爲翰林編脩時與公同使安南以洪武三年
夏四月發京師明年春二月還復命與公交際
以程計儉萬里遠以時計凡十閱月公學問之
該博官政之敷歷聞之習矣故知公者莫余若
也今公卒矣其仲國子監助教原功氏以余與
公爲知己乃自中都价公之狀來乞銘余不遑
遂公妣陳夢北斗旁星墮懷中娠而生公因名

彌又名唐臣字元凱時禁國號名字仍舊名五
歲能默書千字文長而岐嶷英發從鄉貢進士
周祐游專門毛詩丁亥領江淞鄉薦戊子登進
士第庚寅丁母憂服除仕爲郡幕官丁未值外
艱戊申內附爲洪武元年己酉秋八月以儒士
登春官脩禮樂書爲時推引拜吏部考功主事
稱能官奉使安南封其世子日賢爲王仍王其
地使還王命中使密以五百金夜投公榻去翌
日安南從官復進金五百他物稱是公曰我等

爲中國使顧受外夷贖去國萬里卽不受何以
自白迺俾其進賀使武漢禪裝以白于朝至日
入奏上曰外夷敬中國使禮宜贖中國使去萬
里外不撓國法兩盡其道亟返其國上器重之
時會試天下士命公爲受卷官遷豐城令鋤疆
梗革積弊吏闕漁獵迺誣公受賣菜傭黃金一
鎰緩傭死下逮刑官論報直其冤仍授江西饒
州府通判佐政多所裨益士民稱之不寘事覺
改山西垣曲令尋徙謫濠安南亂朝廷難其使

會薦公專對能起使安南靖其國還擢禮部主
事已未拜登州知府階中順大夫百廢具興六
事咸備而於祭祀學校尤致意焉登民方服公
化俄以疾不起寔辛酉冬十月戊寅也享年五
十有七公善草楷法嘗與子言用筆須偏正法
兼備乃妙近世趙孟頫書非不精但側峯太多
不能逃書家清議林泉生嘗言林公用筆皆正
峰有力非若他人止寫畫也公所爲詩文皆雄
偉迭宕語或清峻復出塵表有梅雪文藁若干

卷使南集若干卷先是公使安南吏部以皂隸
吳從吳抵安南暘死公出已幣歛焚其壘附行
李禿萬里歸其所親人多義之豐城視篆甫浹
旬朔例以欽錄赴京舟次湖口旦假寐夢一木
人口眼皆動寤語人曰吾不祿矣及繫詔獄公
具以却安南贖金事告刑官入奏上援筆草書
休問二字於名下休字木人也草書問字上下
口眼皆動象也非公見知於上其吉徵能預垂
於精神恍惚之時耶公系出長林因以爲氏逮

晉黃門侍郎穎徙下邳從中宗南遷入閩生晉
安大守祿卒于官下子孫因家焉又十八世至
評事府君脩遷漳之龍溪惠文山高祖桂曾大
父勲大父舉皆潛德弗耀父廣發仕汀漳屯田
萬戶府經歷公娶張氏生子文璵助教命璵發
公喪以月日歸葬于先塋之側友人括蒼王廉
謹爲銘曰 中順華裔翹長林黃門徙邳從入
閩十又八世官沉沉屯田遺愛孚惠心臨漳大
族衆所欽九牧十德同徽音惟公學業名駸駸

考功使南却驢金天子嘉之示官箴居官齟齬
屢見禽日星晃明翳莫侵再使南國萬里情五
馬出牧青海濤總幃奄忽天難諱青天白日生
頑陰仲氏匍匐力不任踰年奉柩返故岑余銘
尔墓昭后今

五管而交趾亦隸焉其地本入殊方稱臣奉貢
代駁非其術微其重貨責其躬朝

心益離使者至

許事於... 遷淳之龍溪惠文山高祖桂曾大
父烈大父舉皆潛德弗耀父廣務任江津屯田
亦墓... 公娶張氏生子文璋助教命與
既創中丸備區代不升佩羊奉琳... 姑岑余
出外青... 縣... 天... 青... 天... 白日...
翼貝禽日呈... 天... 釋... 莫... 對... 再... 對... 南... 國... 萬... 里... 計... 正
... 對... 南... 法... 黈... 金... 天... 午... 嘉... 之... 示... 官... 瀛... 母... 官... 麟... 麟

序

使安南集序

宋濂

金華人翰
林學士

吏部考功主事林君元凱奉使安南還以使南
橐一編授予序序曰安南古交趾也漢置九郡
交趾居其一唐分嶺南爲東西二道置節度立
五管而交趾亦隸焉其地本入殊方稱臣奉貢
比內諸侯近代馭非其術徼其重貨責其躬朝
蠻夷乃敢爲弗恭出不遜辭廷議憤之復有鑄
金爲人夜光爲目之徵而蠻夷心益離使者至

其國多貪夫悅其金貝輒昧昧攫之遂致其褻
侮燕于廡下君子每爲之短氣方今聖天子御
極之初遣使往告卽位其國王陳日燿稽首上
表遂乃封爲安南國王未至日燿卒嗣王日賢
有請于朝復詔襲爵如初東庭臣頒封使者僉
謂元凱前進士學古明經尤長於辭令其出使
爲宐上從之召至奉天殿親加勞問而遣焉元
凱卽日上道越五月至其國布宣威德與反覆
詰難援古證今口若懸河其君臣悅服虜北面

拜跪聽詔如藩臣禮將還日賢遣陪臣夜半持
黃金爲元凱壽元凱峻言卻之陪臣嘆息而去
肆惟皇上奄有四海宅居土中遠夷承化靡不
內嚮上以其限山絕海使各安其境土而無所
利之淡合古帝王懷柔之道固當著之史牒垂
憲萬世有若元凱之使安南慷慨特達受詔卽
行瘴雨蠻烟曾無懼懾已能顏正辭嚴足以聳
動羣聽凡其國以利相啗者而卒無所售舉手
加額稱爲賢使者亦可謂不辱君命者矣然余

聞序事之體志其大而舍其小故特取蠻夷叛
服之由聖世明良之盛書之于首簡至於行役
之勞倡酬之適山川土俗之詳已見詩中者可
得而畧也元凱名唐臣臨漳人今以時制所禁
更爲弼文辭爾雅吾友王內翰品評人物謂元
凱在閩南如毛之有鱗甲之有龜云土而無

黃金爲元禮壽元禮劍言俗之剖田與息而夫
其與龍吟收蓄引甄錄數日與獸剖田齊半甚